

მისა ჟინჟარაული

შ ა ტ ი ლ ი
და
შ ა ტ ი ლ ი ვ ნ ე ბ ი



გამომცემლობა არტანუჯი
თბილისი 2008

ნიგნის ავტორი დაიბადა და გაიზარდა შატილში. ამჟამად იქ ცხოვრობს და ეწევა პედაგოგიურ მოღვაწეობას. წინამდებარე ნაშრომში მან მიმზიდველად და ცოცხლად დახატა შატილიონთა ყოფა-ცხოვრება და მომხდურებთან ბრძოლა წარსულ საუკუნეებში, გადმოსცა საკუთარი თვალით ნანახი და განცდილიც.

ნიგნი დაიწერა ძირითადად მომავალი თაობისთვის, რომელიც ვერ მოესწრო ტრადიციულ ხევისურულ საზოგადოებას, ადამ-ნებს, ეთნოგრაფიულ ყოფას, ამიტომ მას განსაკუთრებული მნიშვნელობა აქვს ჩვენი წარსულის შესწავლისთვის.

წინამდებარე ნიგნი დიდ სამსახურს გაუწევს მოგზაურებს და სხვადასხვა დარგის სპეციალისტებს.

რედაქტორი ტრისტან მახაური

გამომცემელი ბუბა კუდავა

შულღაუგებო შატლო,

ბეგენგორივით საქებო!

გიორგი ჭოლიკაური

წიგნი ეძღვნება წასული რჩეული შატლიენების: საღირათ
გიგიას, თოთიათ ნანაისძის, გიგიათ ხთისოს, ნიათ ლეკოს,
სადარათ ხახუას, ბერათ ქურსიკას, ლევანთ ნისლაურის,
ლუხუმათ ნათელისძის, მამულათ ბაძიას, გორგით ლადოს,
ჩუათ ბაჭყიას, ხთისოთ აბულეთის ხსოვნას; აგრეთვე
ჩემი წინა თაობის ცოცხალ წარმომადგენლებს, კარგ
შატლიენებს, რომელთა ხელში გავიზარდე და დავბერდი:
საღირათ ხთისოს, ლეკოთ წიქას, სამუკათ ბათაკას, ხახუათ
ბათაკას და ბასილთ კობას.

შინაარსი

შატილი და მისი შემათიანე (ტრისტან მახაური).....	7
წინათქმა	11
შატილი და შატილივნები.....	14
ტყვის მოყვანა შატილში	71
შატილივნები და ახვერდი მაჰმადი	83
ჯალაბაურები და ფშავლები	101
ჩუმელაურთ დაღევა	108
შატილივნები და ზელიძხანი.....	110
ახალი წელი შატილში.....	113
ძორნილი	124
„ახალზღის“ სამსჯავრო	139
ტუჩათ ნიკო და ნიათ ლეკო.....	143
სიტყვა-თქმათა განმარტება.....	152
საძიებელი	160
გამოყენებული ლიტერატურა	165

შატილი და მისი მემკვიდრე

ცნობილ ხალხურ მელექსეს ივანე ნიკლაურს („რამ დამაბერას“ ავტორს) აქვს შატილისადმი მიძღვნილი ლექსი:

„ციხე-სიმაგრე, შატილო,
აკევანო გმირებისაო,
მთიელთა რკინის კარი ხარ,
თავზარდამცემი მტრისაო“.

გადაჭარბებული არ იქნება, თუ ვიტყვით, რომ შატილის ციხე-სიმაგრე არა მარტო მთიელთა, არამედ საქართველოს ერთ-ერთი რკინის კარია. იგი უაღრესად სტრატეგიულ ადგილზე მდებარეობს. შატილის ციხე-სიმაგრე ჩრდილო-აღმოსავლეთის მხრიდან „კეტავს ვიწრო არღუნის ხეობას, აკონტროლებს ჩეჩნეთ-ინგუშეთიდან (ნაწილობრივ თუშეთიდანაც) საქართველოში შემოსალწევ ბილიკებს და გადმოსასვლელებს“ (მიხეილ ჭინჭარაული).

ციხე-სიმაგრის დამცველებს ბევრჯერ დაუმარცხებიათ საქართველოში შემოსვლის მოსურნე მტერი. განსაკუთრებით აღსანიშნავია ერთ-ერთი ბრძოლა: 1843 წლის 15 ივნისს შატილს მოადგა შამილის სახელგანთქმული ნაიბის – ახვერდი ხანის ხუთიათასკაციანი ლაშქარი, შატილივნიც ციხე-სიმაგრეში შეიკეტნენ. ამ დროს შატილში სამოცდაათამდე მამაკაცი თუ იქნებოდა. ეს ერთი მუჭა ხალხი სამი დღის განმავლობაში იგერიებდა დიდძალი მტრის შემოტევას. მესამე დღეს შატილის ერთ-ერთი კოშკიდან ნასროლმა ტყვიამ სასიკვდილოდ დაჭრა ახვერდი ხანი, სარდლის სიკვდილმა არეულობა შეიტანა მტრის ჯარში. გარდა

ამისა, ხევსურების მოსაზღვრე ჩეჩენი მეზობლებიც გაემიჯნენ ძირითად ჯარს და მტერი იძულებული გახდა, უკან დაბრუნებულიყო. XIX საუკუნის ქართული და რუსული პრესა ფართოდ ეხმიანება შატილიონთა გამარჯვებას.

წერილობით წყაროებს წინაპართა ზეპირსიტყვიერებით ავსებს და აღნიშნული ბრძოლის შესახებ საინტერესოდ მოგვითხრობს წინამდებარე წიგნის ავტორი მიხეილ ჭინჭარაული. მისი ნაამბობი ძალიან გვაგონებს ივანე ბუქურაულის მოთხრობებს, რომლებიც თუშეთის ცოცხალ მემკვიდრეთა მონაცემებზე დაყრდნობით იქმნებოდა.

მიხეილი ნამდვილი შატილიონია. „თორმეტ წლამდე შატილში ვიზრდებოდი. ეს ის პერიოდია, როცა მაშინდელი ყველაფერი გახსოვს“, – წერს იგი. მიხეილმა ბარში დიდხანს ვერ გაძლო და შუახანში შესული კვლავ მშობლიურ სოფელს დაუბრუნდა. იგი ახლაც შატილში ცხოვრობს და პედაგოგიურ საქმიანობას ეწევა.

მიხეილ ჭინჭარაულის ბავშვობა XX საუკუნის 30-იან წლებს დაემთხვა. ეს ის დრო იყო, როცა ხევსურეთი ჯერ კიდევ ტრადიციული ადათებით ცხოვრობდა. დღეს კი ამ ტრადიციის შემნახველი ადამიანები თითებზე ჩამოსათვლელნილა არიან. მომავალმა თაობებმა ზედმიწევნით უნდა იცოდნენ ჩვენი წარსული ისტორია. ეს წიგნიც სწორედ ამ კეთილშობილური მიზნით დაიწერა: „დიდი ხანია, მანვალებს ის ცოდნა, რაც დამიგროვდა ამ ხნის მანძილზე. მინდა, სხვამაც იცოდეს, იმათ მაინც იცოდნენ, ვინც უშუალოდ გააგრძელებენ ხსოვნას შატილსა და შატილივნებზე“.

უთუოდ ყურადსასმენი და ანგარიშგასაწევია იმ კაცის სიტყვა, ვინც შატილის ჟანგისფერ კოშკებში გაიზარდა, ვისაც სიყრმიდანვე ჰქონდა შესისხლხორცებული მტერ-მოყვრისადმი ღირსეულად დახვერდის გრძნობა, ვისაც ყოველდღე ესმოდა შეძახილები: „მახვედ მშვიდობით!“ და „ჯელ მაგიმართას!“.

ავტორი აღწერს, თუ როგორ ზრდიდნენ მომავალ თაობებს, როგორი იყო საფიხვნო, რომლის ნაშთები ახლაც შემონახულა შატილის ძველ დასახლებაში. გვიამბობს, როგორ ხვდებოდნენ

სიხარულს და მწუხარებას, როგორი წესით იმართებოდა ქორწილები, ხატობები და სხვა.

აქ აღწერილი ზოგიერთი ამბავი ალექსი ჭინჭარაულის წიგნშიც გვხვდება (იხ. მისი „მთას ვიყავ“, თბ., 1980). ალექსი და მიხეილი ძმები არიან. ცნობილი გამოთქმაა: „ძმათა ერთია სახელი“, მაგრამ შეუძლებელია ორმა პიროვნებამ ერთი და იგივე ამბავი აბსოლუტური სიზუსტით გადმოგვცეს. ჯერ კიდევ აკაკი შანიძე შენიშნავდა „ხევსურული პოეზიის“ კომენტარებში: მქონია შემთხვევა, როცა მთქმელს ერთი ლექსი სხვადასხვა დროს სხვადასხვანაირად ჩაუნერინებიაო. ალექსი და მიხეილიც ზოგჯერ განსხვავებული ვერსიებით ყვებიან რაიმე ამბავს. მათი მონათხრობი კი ერთმანეთს ავსებს, ამიტომაც დაინტერესებულ მკითხველს შეუძლია სრული ინფორმაცია მიიღოს ამა თუ იმ მოვლენის შესახებ. თანაც აღსანიშნავია ის ფაქტი, რომ ალექსის წიგნი მეოთხედი საუკუნის წინ დაისტამბა და დღეს უკვე ბიბლიოგრაფიულ იშვიათობას წარმოადგენს.

რაიმე ამბის გადმოცემისას მიხეილ ჭინჭარაული ხევსურულ დიალექტზე, მის შატილურ კილოზე ამეტყველებს თანამემამულეებს, რაც უფრო მიმზიდველსა და საინტერესოს ხდის მათ საუბარს.

მიხეილ ჭინჭარაული გარკვეულ ადგილს უთმობს მეზობელ ქართველებთან (ფშავლები, თუშები) და უცხო ტომელებთან (ჩეჩნები, ინგუშები) ურთიერთობის საკითხს. მკითხველი კიდევ ერთხელ დარწმუნდება, თუ როგორ აზარალებდა შინაური შუღლი ქვეყანას, როგორ ლაშქრავდნენ მთიელები ერთმანეთს და იტაცებდნენ ნადავლს. აუღელვებლად ვერ წაიკითხავთ შატილივნებისა და გიორნმადელების შუღლის ამბავს, რომელიც უბრალო მიზეზით მოხდა და დიდი სისხლი დაიღვარა.

თანამედროვე მკითხველისთვის, ვინც XX საუკუნის 90-იანი წლები გამოიარა, უცხო არ არის მეკობრეობისა და ტყვეობის თემა. ამ თვალსაზრისით საგულისხმო მასალას შეხვდებით ხსენებულ წიგნში (გასული საუკუნის 20-იან წლებში შატილში რო-

გორ მოიყვანეს ტყვე მიხეილის მამამ და ბიძებმა ინგუშეთის შორეული სოფლიდან – ქეიმეხკიდან). ტყვისადმი კეთილსინდისიერად მოპყრობის უჩვეულო მაგალითია შატილიენების დამოკიდებულება ჰასანის მიმართ. დღევანდელ ადამიანს, რომელიც ირგვლივ ათას უკეთურობას ხედავს, შეიძლება ნაკლებსარწმუნოდ მოეჩვენოს ეს ამბავი.

ავტორი მარტო მთხრობელი არ არის, ის მეცნიერულადაც იკვლევს საკუთარი სოფლის ისტორიას, ზეპირსიტყვიერებას, ადათ-წესებს, მეურნეობას, ციხე-კოშკთა მშენებლობის თავისებურებებს და ა.შ. შატილში მოსული მოგზაური მრავალ კითხვაზე პასუხს იპოვის ამ წიგნში.

მიხეილ ჭინჭარაულის ზემოხსენებული წიგნის გამოცემა საჭიროდ და აუცილებლად მიმაჩნია, იგი ფასდაუდებელ სამსახურს გაუწევს აგრეთვე ჰუმანიტარული მეცნიერების სხვადასხვა დარგებს.

ტრისტან მახაური

წინათქმა

ჩემი თაობის ცხოვრება რთულ პერიოდს დაემთხვა. გვახსოვს მეორე მსოფლიო ომი და მისგან გამონეული სიძნელეები. ძნელი იყო მაშინ მთაში, კერძოდ კი ხევსურეთში, ცხოვრება. მაშინდელ ხევსურებს ბარიდან მხოლოდ მარილი მიჰქონდათ. ჩასაცმელ-დასახური და სასმელ-საჭმელი ადგილზე უნდა ეწარმოებინათ. უბრალო ჩამოთვლაც კი მიგვითითებს, თუ რა შრომა უნდა გაეწიათ ურთულეს პირობებში, რომ პურეული საკვები მიეღოთ: მოხვნა (ხარებით), დათესვა, დაფარცხვა, გამარგვლა, მომკა (ხელით მოგლეჯა), დროებით ადგილზე აგება, კალოზე მიტანა, ხარებით გალენვა, გარჩევა-განიავება, გაცხრილვა, მზეზე გახმობა, დაფქვა (წყლის წისქვილზე) და გამოცხობა. მას თან ერთვოდა გაუსაძლისი საყოფაცხოვრებო პირობები: უგზოობა, უსინათლობა, ზამთარში სიცივე, უქეიმობა, გაუნათლებლობა, კულტურული ბარისგან მოწყვეტილობა და ა. შ.

განსაკუთრებით მძიმე ცხოვრება ჰქონდათ ხევსურ ქალებს. ისინი დღედაღამ შრომობდნენ და ფაქტიურად რამდენიმე საათს თუ ეძინათ. მიუხედავად ამისა, ფიზიკურად და სულიერად ჯანმრთელ თაობას უზრდიდნენ სამშობლოს. ამასთან ერთად, თავისი ხელსაქმით უნიკალურ ნიმუშებს ქმნიდნენ. მათ მიერ ნაქსოვ-ნაკერი ჩასაცმელ-დასახური ტანსაცმელი ამჟამადაც აოცებს მნახველს.

გასაკვირი იყო ხევსურების სიცოცხლისუნარიანობა. მიუხედავად წარმოდგენლად დაძაბული ყოფა-ცხოვრებისა, მაინც არ დააკლდებოდნენ პირიქით-პირაქეთში რაიმე უმნიშვნელო თუ

მნიშვნელოვან ამბავს, ჭირ-ლხინს. თავის შნოსა და ლაზათს მიიტანდნენ ყველგან, იუმორით და ლექსით ბრძნულად გამოხატავდნენ სათქმელ სიტყვას.

მძიმე შრომით გადაღლილ-გადაქანცული არხოტიონი მელექსე ომა ნიკლაური ამბობს:

„საქონის საჭმელ გათავდა, თივა ნათიბი მთისაო,
თივათ ვთრი კალოთანითა, სულთქმას ვაყოლებ გმინსაო,
დავაოროლენ თივანი, დასვენებაიც მინდაო.“

შატილიონი ნიათ სამუკაც (ჭინჭარაული) თითქოს ბაძავს არხოტიონს და ისიც შრომაში, წვერის ძირიდან თივის თრაში ქმნის მსგავს უნიკალურ ლექსს:

„დავკონენ თორმეტ თივანი ნაბაკურაის პირსაო,
ჩამაუყენენ ჩაღმასა, ყინულიანსა ჩდილსაო,
ზედ ფიცხი, ძირჩი ყინული, სათრელი ეშმაკისაო,
ვაჟ უნდა გულზე მასული, არ გამაიგან ძირსაო.“

ვაჟი „გულზე მასული“ უნდა ყოფილიყო შრომაშიც, შუღლშიც, მდევარშიც და საერთოდ მთელ სიცოცხლეში, რომ ვაჟკაცურად გაეძლო იმ სირთულეებისთვის, რაც მთაში, მათ შორის ყველაზე „გასაგალ“, ძნელად საცხოვრებელ სოფელ შატილში არსებობდა.

წინა საუკუნის ორმოცდაათიან წლებში ხევსურეთი დაიცალა და ოთხმოციან წლებში ნაწილობრივ დაბრუნდა უკან ოჯახები, მაგრამ ტრადიციები, წეს-ჩვეულებები, მაღალი სულიერი კულტურა ვეღარ აღდგა.

რაც დამამახსოვრდა, ან უფროსებისგან გამეგონა, ან სადმე რამე წავიკითხე, იმის ასახვა-გადმოცემა ვცადე. წიგნში შეგნებულად გადმოვეცი დიალოგები შატილურ კილოზე. მეწადა, ის ცოცხლად დარჩენილიყო მომავალი თაობისთვის. ეს უხერხულობას ქმნიდა ფართო მკითხველისთვის. განსაკუთრებით დასავლეთ და სამხრეთ საქართველოს კუთხეების მცხოვრებთათვის

იქნება ძნელი გასაგები, ამიტომ ბოლოში დავურთე სიტყვა-თქ-
მათა განმარტება, თუმცა ახლად გამოცემულ ალ. ჭინჭარაულის
„ხევსურულ ლექსიკონში“ დაინტერესებულ მკითხველს შეუძლია
ნებისმიერი სიტყვის ახსნა-განმარტება მოძებნოს. მკითხველის
ყველა საქმიან შენიშვნას მადლიერებით მივიღებ.

გულწრფელ მადლობას მოვახსენებ ყველას, ვინც მეხმარე-
ბოდა გამოცემის საქმეში: ბატონ თემურ ხუციშვილს, ქალბატონ
ნინო ფილფანს, ჩემს ძმასა და ძმიშვილს ალექსი და ნათელა
ჭინჭარაულებს.

ქალიშვილ შუქიას და შვილიშვილ ჯ მიხეილ ლოლაძეს.

დაბეჭვდამდე ხელნაწერი ნაიკითხეს და რჩევა-შენიშვნები
მომცეს ნაცნობ-მეგობრებმა. მათ შორის პოეტმა ჯარჯი ფხო-
ველმა, მეცნიერმა და მწერალმა გიორგი ცოცანიძემ. ამ უკანასკ-
ნელის ყველა შენიშვნა ვერ გავითვალისწინე, რადგანაც შოთას
შეგონება თვითონვე შემახსენა: „ჰკითხე ასთა, ჰქმენ გულისა,
რაგინდა ვინ გივაზიროს“. დიდი ხნის მანძილზე ნაფიქრ ამოჩე-
მებულ ნაწერს ადვილად ველარ ელევა თურმე ავტორი.

მ. ჭინჭარაული

შატილი და შატილივნები

წერა-კითხვის სწავლამდე შატილზე ნათქვამი ლექსები ვისწავლე. მოგვიანებით კი არა მარტო ხალხური პოეზია, არამედ ყველაფერი, რაც შატილს შეეხებოდა. ამჟამად, 70 წლის ასაკში, დამიგროვდა ასეულობით ლექსი, ათეულობით ნაშრომი, რომელთაგან უმეტესობა ზეპირად მახსოვს. ჩვენს მიერ შედგენილ ნაშრომში რომელი სად გამომადგება, როგორ გამოვიყენებ, ღმერთმა უწყის.

სასურველი იქნება ისე გამოვიყენო, რომ მკითხველს მოეწონოს. უპირველესად შატილზე თვით შატილივნების ნათქვამებს მოვიშველიებ:

„შატილის მარტის ერთი დღე, სულ სჯობს თბილისის მაისებს!..“ – ამბობდა 18 წლის ბიჭი ბათირა ჭინჭარაული 50-იან წლებში.

„ჩაგხედავ, ჩემო შატილო, ადგილო ნაპირისაო,
მირგვალთ ნახვევნო მთა-წვერნო, სალო ფიცარო კლდისაო,
წინიდგე ნამუქარებო, ნაბრძოლო შამილისაო!“ –

თქვა სამუკა ჭინჭარაულმა (ნიათ სამუკამ), ცნობილმა მელექსემ, 1920-იან წლებში, როცა სოფელში 50-ზე მეტი ოჯახი ცხოვრობდა 214 სულით.

„შატილო, შატილიონი ყველგან შიშველი ხმალია!“ – წერდა ნისლაურ ჭინჭარაული (ჯალაბაური) 30-იან წლებში არხოტში დედულებთან, ნიკლაურებთან (ბერდიშვილებთან) შატილიდან გახიზნული.

„ძალიან მომნატრებია ნახვა შატილის მთებისა,
ყინულიანი გორების, კიბირჭიანი გზებისა,
შავების ქავ-ციხეების, ზარის დამცემი მტრებისა,
ღრეობა შატილივნების, ლეგ-ლუგაების მგლებისა!“ –

აღნიშნავდა ბაჭყია (შოთა) ჭინჭარაული (ბულოური) 40-იანი წლების ბოლოს. ერთი წლის შემდეგ, 25 წლის ასაკში, სრულიად უდანაშაულო მოკლეს ქისტებმა, მაშინდელმა უდანაშაულოდ ტყეში გასულმა „ყაჩაღებმა“.

მეორე მსოფლიო ომმა სამასი ათასამდე ქართველი, მათ შორის ბევრი კარგი ხევისური ვაჟკაციც შეინირა, ამათგან პატილიონიც. მართალია, მაშინ ხევისურეთიდან საყოველთაო განწევა არ ყოფილა, კავკასიის დასაცავად ადგილზე დატოვეს მთიელები, მაგრამ თავისი სურვილით მოხალისეები მაინც მიდიოდნენ საომრად ფრონტზე. ასეთი იყო მიხეილ ჭინჭარაული (სალირათ მიხიელი), ბარისახოს საშუალო სკოლის ხუთოსანი მოსწავლე. რაიონულ გაზეთებში ბეჭდავდა ლექსებს:

„მივდივარ და აქა მრჩება ჩემი ტურფა მზევინარი,
სამშობლოზე უკეთესი მზე რა არის, მზე ვინ არი!“

წავიდა და ეს პირშიშველი მოყმე სხვა შინმოუსვლელებს მიემატა.

1944 წლის 23 თებერვალს ერთ ღამეში გაასახლეს მთელი ჩეჩნეთ-ინგუშეთი. გასახლების მოტივი მათი გერმანიისათვის მხარდაჭერა იყო. ორჯონიკიძისა თუ გროზნოს ფრონტისკენ მიმავალ საბჭოთა ჯარისკაცებს ხოცავდნენ არღუნის ვიწროებში ჩასაფრებული ჩეჩენ-ინგუშები.

გასახლებას გადარჩენილი იმიერკავკასიის მთიელები მთებში და ტყეებში იმალებოდნენ. მაშინდელ ძალოვან სტრუქტურებს თვითონ უჭირდათ მათთან ბრძოლა და ადგილობრივი მთიელები გამოიყენეს მათ წინააღმდეგ. დაიწყო შეტაკებები. ამუშავდა სისხლის ალების წესები. ტყეში გასულმა ბანდიტებმა 9 პატილელი მოკლეს: აქედან ორი მანდილოსანი და ერთი მცირეწლოვანი.

ჩეჩენ-ინგუშების გასახლების შემდეგ პირიქითი ხევისურეთის მოსახლეობის მრავალი ოჯახი გადასახლდა ქისტების დაცარიელებულ ნასოფლარებში. პატილის თემიდან ძირითადად მითხოს („მელხი“) ხეობის სოფლებში, ხოლო არხოტიდან ღილღოში (ხამხა-

ში). იქ ახალი რაიონებიც კი შექმნეს. მაგალითად „ითონწალეს“ მაგიერ „ახალხევი“, რომელიც ადმინისტრაციულად შეუერთდა საქართველოს.

გაჭირვებული ბანდიტები (ქისტები) იძულებული იყვნენ თავის მამა-პაპის ადგილებში ჩასახლებულებისათვის წაერთმიათ სარჩო და საქონელი. ეს უნდოდათ კომუნისტებსაც; ახლად ჩასახლებულებს (ხევსურებს) ხელისუფლების წარმომადგენლები მკაცრად აფრთხილებდნენ, არ დაეთმოთ „ყაჩაღებისათვის“. ერთხანობას ხევსურები ჩუმად ეხმარებოდნენ ქისტებს, მაგრამ ეს დიდხანს ვერ გაგრძელდა.

1948 წლის შემოდგომაზე სოფელ ჯარეგოში, ერთი შატილელის ოჯახში, ოპერჯგუფელებმა ყაჩაღები დაიგულეს და მათი ცოცხლად შეპყრობა განიზრახეს. ამ ოპერაციაში ახალჩასახლებულებიც მიიხმარეს. ქისტები არ ჩაბარდნენ, სადაც რამე საქონელი ნახეს, განყვიტეს, ორი შატილიონი: ნია და ნიქა მოკლეს და ღამე გაიქცნენ. სისხლი დაიღვარა. შატილივნებს სისხლი უნდა აეღოთ, სამაგიერო მიეზლოთ. მაგრამ ველად გასულ თავზეხელალებულ ქისტებთან ბრძოლა ურთულეს პირობებთან იყო დაკავშირებული. მოგვიანებით ცნობილი მელექსე ივანე წიკლაური (მამუკათ ივანე), როშკიონი, იხსენებდა ძმის სიკვდილით გამწვარებულ შატილიონს ყარიმან ჭინჭარაულს:

„გახსონსა, ყარიმანაო, შარშან ზაფხულის პირსაო,
მე რო გუდელას გიამზე ამბავი ხამხის წყლისაო,
შენ მითხარ: მიამც მამეკლა დამხოცი ჩვენებისაო,
თვალებს მაგადგა ცრემლები, სახე მაგგონდა ძმისაო.“

1949 წლის 21 იანვარს ახმეტიდან შატილში რადიოგრამით შეატყობინეს, რომ თუშეთიდან არდოტის მიმართულებით ხუთ-კაციანი ბანდა მოდიოდა.

ოპერჯგუფის მუშაკებმა და ადგილობრივმა მოსახლეობამ, სადაც უმეტესობა შატილივნები იყვნენ, ამ ბანდის ძებნა დაიწყეს. დიდ გულმოდგინებას იჩენდნენ შატილივნები – წინა წელს ჯარეგოში და სხვაგან დახოცილების ახლობლები. მეორე დღესვე აღმოაჩინეს ეს ბანდა ანდაქში და ოთხი კაცი მოკლეს. მათ შორის

ბანდის ხელმძღვანელი – ცნობილი იბი ალხასტოვიც. აღნიშნულ ოპერაციას ხელმძღვანელობდა, ხევესურებთან დაფასებული, გამოცდილი პიროვნება – სერგო ხორგვანი, რომელიც შემდგომში ბარის რაიონებში მილიციის უფროსადაც მუშაობდა.

აღნიშნულ ამბავს რამდენიმე ერთიმეორეზე უკეთესი ლექსი მიეძღვნა. ერთ-ერთი იყო მაშინდელი შატილის საბჭოს თავმჯდომარის ლეკოთ ნიქას (ალექსის) ნათქვამი ლექსი. ამ ლექსში ყველაფერი ისე ზუსტად, მკაფიოდ და სიმართლით არის ასახული ამ შეტაკების შესახებ, რომ კომენტარებს არ საჭიროებს. მთლიანად მოგვყავს ეს გრძელი ლექსი:

„რა ქარიან დღე გათენდა ოცდაორ იანვარია,
ნინიაშვილისეულსა ახალ გაუზი ღარია,
დავუკარ, ისე იძახა, როგორც სიონის ზარია.
უნდა დავიწყო, ვაჟებო, ლექსების საუბარია,
წინავე ვიყვენით ჩუმადა, როცა ლექსობდეს სხვანია,
სირცხვილით ვერას ვამბობდით, მტერს მიგვიდედა ვალია,
ეხლადა, შატილივინებო, ჩვენის ლექსობის ხანია,
ანდაქით მაცნე მავიდა: „ვნახეთ ყაჩაღის კვალია,
არიქათ, შატილივინებო, თქვენაც გვიჭირეთ მწარია,
მთასაქათ არავინ არის თქვენსავით მეომარია“.
აბეჩავ, შატილივინებო, გულ გიძესთ, როგორც რვალია,
მგლისმუჭლიანებს ვაჟებსა უზის არნივის თვალია,
ჩქარად ჩაიდევს საგძალი, ფეჯზე ჩაიცვეს ჯლანია,
სამიღმაწეო დალაწეს, მუჯლად ჩაყარნეს გზანია,
ორშაბათ დაღამებადა ნისლებს იხვევენ მთანია,
ანდაქში ტყვრება თოფები, რო ომში ზარბაზანია,
მოულოდნელად შააგდეს ქისტების ბინას თვალია,
ახლოს ჩაუდგეს საყური, კლდე დახვდა მოსაფარია,
სიშირგვლივ შამაეხვივნეს მეფე ერეკლეს ყმანია,
მარჯვნივ და მარცხნივ შაიკრა ვეფხვების გაღაჟანია“.

ლექსის ავტორი თავად მონაწილეობდა ამ შეტაკებაში და ერთ-ერთი ხელმძღვანელიც იყო, ამიტომ ყველა მონაწილეს ზუსტად ახასიათებს და თითოეულის ნამოქმედარს სათანადოდ აფასებს.

„პირველად ყარიმანამა თოფით ჩაყარნა წმანია:
 „გამოდით ესლა გარეთა, ჩალხიათ ყარიმანია“!
 არ გამადიან ქისტები, არცაით შასავალია.
 მამა-პაპურად ბენინამ სიპერდას დასცნა ქვანია,
 ეგონა ქისტის შვილებსა: თავზე გვეცემა ბანია,
 „გავიდათ, როგორ გავიდათ, არა და რა მეტ ჯანია“.
 პირველად იბიმ გაბედა, იმან გაალო კარია,
 ავტომატმომარჯვებული გავარდა, როგორც ქარია!
 „ვერ ნახვალ, ალხასტაშვილო“, პირზე დაგხვიეს ალია,
 შატილივლების ნასრევმა დაგინაჭოჭა ძვალაია,
 კლდის გვერდზე გულალმ დაეცა, გაქანდა სისხლის ღვარია.
 შულამე გადაიყარა, მთვარე ამადის მცხრალია,
 ისევე გრიალებს თოფები, ბანს აძლევს მთა და ბარია,
 იძახდა ჩალხიას შვილი: „მეც ყარიმანა ვარია“,
 კვიშტანის დანახვაზედა აბრუნდა, როგორც ტარია:
 „ეეხლა აისრ ნუ გინდა, წინავ რო გაიპარია,
 ეეხლა აღარ გაგიშობ, თუნდ შამაბრუნდან ზღვანია,
 ჩემ თოფიმც გულზე მომხვდება, დღეს თუ ვერ მავიწმარია,
 ჯელ შენ მაგერიე ყველასა, შატილს შენ დაგვეც ძალია,
 მაგვიკალ სამ-სამ ვაჟკაცი, ძმაიც შენ მამიკალია,
 შენ დამიობლენ ძმისწულნი, ჩემს იმედს დარჩა ზალია.
 გიგიათ ნიქა შენ მახკალ, კოკოთ შენ დასცენ ცანია,
 ერთ სახლ უკაცოდ გასწირე, გამაუჯარე კარია,
 მტირალნ დედა-ქალნ მასწირენ, ცეცხლზე დაუსხი წყალია.
 ხთისოთ აბულეთ მაგვიკალ ვეფხვების შესადარია,
 სამზეოს მაანირვიენ ბებერნი დედ-მამანია,
 მაუკალ საიმედოი, ოროლნ ატირენ დანია,
 შატილ ატირე ქალ-ზალი, ცას მისწვდა ცოდო-ბრაღია,
 ეხლა შენც გინდა სიკვდილი, ცხელ ტყვია შენაც ქამია,
 იმათ უმცროსიმც იქნები, სულეთ უზიღნე წყალია.
 „დახკარით, შატილივნებო“, იძახდა ხორგოვანია,
 არ მგონავ კიდეე გაზარდას დედამ ეგეთი სვანია.
 მიხათა ბენინიკაი მთის შავარდენი ჩქარია,
 არას დაგიდევსთ სიკვდილსა, ბრძოლაში უშიშარია,
 აბაის შვილი საყურა ამალებული წმალაია,
 წინ ვერ გადასდგამს ნაბიჯსა ამაგის ნათოფარია.
 საყურათაი გორგალა არის მანძილა ჭარია,

ჩუმად შულლ იცის ვაშკაცმა, ცოტაის მაუბარია,
აბერავ, ზვიადაურო, არ შაარცხვინა გვარია,
ფაშქოშის შვილის ნასრევმა ადამს დაუძრა ტანია,
მერე ადამსაც აესხა ტყვია, ვით წვიმის ცვარია,
ნაიქცა თავჩალმისკედა, ვით მუხა ნამეხარია.
თოფ დახკრეს იზის ძმისწულსა, ძვალზეთ იქნეს ჭკვანია,
მაუზერს ბიძასეულსა დაუნაგაბრეს ტარია.
ანდაქში იმ დროს ავედით, იყო თენების ხანია,
ვაჟებს ენგრივა ქოხები: ყინვარს რომ ნაგუბარია,
ღვანდა დიდუბის ბოინსა ვეფხვების ნაომარია,
თოვლ შაელემა წითლადა, მკვდარზე ეყარა მკვდარია:
სიგირგლის ქალიშვილი ვარ ამაგის მალექსარია,
ზოგმ რაიმ იცის, ვაჟებო, სალექსოდ წარი, ცხვარია,
მე მაგას არას დაგიდევთ, არაყ მირჩევის ცხარია,
სრუ თუ არა ვსვი არაყი, სრუ თუ არ ვიქენ მთვრალია,
საიქიოში მისულსა რას მეტყვის სიგირგალია"!?

ყაჩაღების დახოცვას სხვა ამბებიც მოჰყვა. ვისაც მათი შე-
ნახვა და მასპინძლობა დაუმტკიცდა, ზოგი დააპატიმრეს (ბა-
თირა მურღუევი), შაბურა ზვიადაურმა თოფით თავი მოიკლა.
ამ ბანდისგან ერთი (მუსა ხუნარიკოვი) გადარჩა. მაშინ სოფელ
ხონეში ქისტები ცხოვრობდნენ, ძირითადად ბორჩაშვილები. მათ
შეიფარეს და ჩუმად გააპარეს იგი. შემდეგ ეს მუსა სხვა ბანდას
შეუერთდა და სამაგიერო გადაუხადა შატილივნებს.

ამ განადგურებული ბანდის იარაღის ნაწილი ადგილობრივ
მოსახლეობას დაურიგეს. იზი ალხასტოვის ნაქონი თერთმეტსას-
როლიანი ავტომატი „სევეტე“ ხახონა ჭინჭარაულს მისცეს. ეს
შეიტყვეს მუსამ და მისმა ჯგუფმა და მისი (ავტომატის) ხელში
ჩაგდება გადაწყვიტეს.

ხახონა ოჯახით შატილიდან 4 კმ-ის დაშორებით, კელისწყალ-
ზე ცხოვრობდა. ჰყავდა მეორედ შერთული ცოლი ნათია და წინა
ცოლისაგან 4 ვაჟი: უფროსი 15 წლის ჩუა, 13 წლის კობა და 10
წლის ტყუპები: ნიქა და ბათირა. აქვე ცხოვრობდა ხახონას ბი-
ძაშვილი, ახალდაქორწინებული ბაჭყია ჭინჭარაული.

1950 წლის ზაფხულის დამდეგს მუსა ხუნარიკოვის ბანდა კელისნყლის მიდამოებში, ტყეში ჩასაფრდა და ხელსაყრელ მომენტს დაელოდა.

ერთ ავადასხსენებელ დილას ხახონა, ბაჭყია და ჩუა სახლიდან გავიდნენ და სრულიად უიარალოებმა იქვე, ხევზე, ნისქვილის გამართვა დაიწყეს. მოულოდნელად თავს დაადგნენ ჩეჩნები. გარეთ გამოსვლა, ხევის ვინროებისაკენ ზევით, ტყისკენ ნასვლა უბრძანეს. ასიოდე მეტრის გავლის შემდეგ ხახონას პირდაპირ კეფაში ესროლეს და იგი მოწყვეტილად დაეცა. ბაჭყიამ ჩუას უთხრა: გაიქცეო და თვითონ ცარიელი ხელებით ახლოს მდგომ თავდა-მსხმელს ეცა. ჩუა იქვე დაცხრილეს. ბაჭყიას შორიდან ველარ ესროლეს. არადა, თოფს ართმევდა მომხვედურს. იგი ყვიროდა: „მომეხმარეთო!“ ახლოს მივიდნენ და ჯიბის იარაღით დაუწყეს დაცხრილვა ბაჭყიას. იგი ისევ იბრძოდა და თოფის წართმევას ლამობდა. ერთმა ჩეჩენმა ზურგიდან მოუარა და ყელში ჩასცა დანა, საძილე არტერია გადაუჭრა. ლიმილმორეული შემობრუნდა მეტრისკენ ბაჭყია ჭინჭარაული და ნელ-ნელა დაეშვა მიწაზე. შემდეგ ქისტები აღიარებდნენ: „მის მოკვლას არ ვაპირებდით, მაგრამ გვაიძულა, აშკარად რამდენიმეს მაინც მოგვკლავდა, რომ არ დაგვესწროო“.

ბაჭყია ერთ-ერთი ულამაზესი, უმამაცესი, უნიჭიერესი, ძლიერი აღნაგობის შატილიონი იყო. 25 წლის ბაჭყიამ რამდენიმე უნიკალური ლექსი დაგვიტოვა. ერთ-ერთი წინა წელს ანდაქში მომხდარ ამბავსაც მიუძღვნა, სადაც შატილიონებს აქებს, თავის თავს იმცირებს და ხელმძღვანელ სერგო ხორგვანს ხოტბას ასხამს:

„შენაც გაქებენ, ვაშკაცო, ჩვენებრ გაზრდილო მთებისავე,
უკან არ იხევს, ამბობენ, ჯარებს წინ გაუძღვებისა,
მწართ ხეიდავ კარაბინაი, მალი-მალ გაჯურდებისა,
კამანდრობს შატილიონებსა, თავად არ აჩქარდებისა,
თოფისად შატილიონიც სნაიპერს შეედრებისა.

ამაგის მალექსებელი სრუ მირგვალთ დაითრებისა,
სახელად ჰქვიან შოთაი, თქვენთან ვერ გამადგებისა,
სალექსოდ ობოლ კვირია კიდევ სად დაითრებისა".

დაეუბრუნდეთ კელისწყლის ტრაგედიას. ნისქვილთან მყოფი ეს უცხო ხალხი სახლიდან შეამჩნიეს და ამბის გასაგებად მათკენ უკვე გაემართა ხახონას მეუღლე ნათია. ამ დროს ოთხი ყაჩალი სახლს თავს დაესხა. პატარა კობამ, როგორც კი უცხოები დალანდა, იქვე დაკიდებულ მამის სევეტეს სტაცა ხელი და შიდა საკმიდან ბოსელში ჩახტა. ქისტები სახლში შეიჭრნენ, ქალებს ხელ-ფეხი შეუკრეს და სახლის ძარცვა დაიწყეს. იბი ალხასტოვის ნაქონ შამხანა-ავტომატს ეძებდნენ. ის კი პატარა კობას ჰქონდა ჩაბლუჯული. ბაგაში ჩამჯდარი აყურადებდა და ამონმებდა თავდამსხმელების ყოველგვარ მოძრაობას. რამდენიმე წუთის შემდეგ მზის მხრიდან სარკმელში ჩრდილმა ჩამოიარა, თოფმომარჯვებული ქისტი გომურის წინა ფარეხში შევიდა და კობასთან შესასვლელ კარებთან დაიხარა. კობამ ძლივს მოიმარჯვა მძიმე იარაღი, დაუმიზნა და ესროლა. უსიამოვნო ხმა აღმოხდა ყაჩაღს და კარებში პირქვე დაეცა. რამდენიმე წამს სამარისებური სიჩუმე ჩამოწვა ირგვლივ. ერთმა განწირული ხმით დაიწყო გომურის მიმართულებით ძახილი. ეს მოკლულის ძმა იყო. ხმა რომ არავინ გასცა, ავტომატის ჯერი შემოატარა გომურის შიგნითა მხარეს. ქალების ნივილ-კივილი და თოფების ხმა ერთიმეორეში აირია და ისევ სიწყნარე ჩამოწვა. აშკარა იყო, მომხდურებმა ქალები დახოცეს, სახლი მიატოვეს და გარედან დაუწყეს თვალთვალი. ნაწილი სხვებს შეუერთდა და მომხდარი აუწყა. ნაწილი კობას დაელოდა: როგორც გამოჩნდებოდა, უნდა მოეკლათ. მათ ვერ დაეჯერებინათ, რომ ამ პატარა ბავშვს თოფის ასეთი ხმარება შეეძლო.

დრო გადიოდა. თოფის ხმა შატილში ან გიორნმიდაში შეიძლება ვინმეს გაეგონა და მღევარი მოსულიყო. ქისტებს თავის უსაფრთხოებაზეც უნდა ეზრუნათ.

კელისწყალთან, ჭაუხის ხევზე, ფიჭვის დიდი ტყეებია, საიდანაც შატილ-გიორნმიდის გზის მონაკვეთი კარგად ჩანს. აქ განლაგდნენ ყაჩაღები.

კობა ბაგიდან ორიოდე საათის შემდეგ ადგა. მკედარს თოფი გამოართვა ხელიდან. გერმანული კარაბინი აღმოჩნდა. წელიდან ნაგანი მოხსნა. ჯვარედინად მხარილლივ გადაკიდებული პატრონტაშები (საეაზნეები) აართვა და ყველაფერი ბაგაში ჩაალაგა. შემდეგ ზევით საცხოვრებელ სახლში ავიდა. მეორე სართულზე დედინაცვალი ნათია და ბაჭყიას მეუღლე ნათელუა ნახა დახოცილები. გვამგავლილი ტყვიები იპოვა, ჯიბეში ჩაიწყო, დურბინდით სახლის სიახლოვეს არე-მარე მოათვალიერა და შატილში ნასვლა გადანყვიტა.

ამ დროს ასეთი სიმამაცის გამოჩენა უფროსი შატილელებისათვისაც წარმოუდგენელი იყო. მტრის მოზრდილ რაზმს შეკრული ჰქონდა ყველა გზა და ბილიკი. ოთხი კილომეტრი უნდა გაევილო კობას შატილამდე. ზოგი იმას ამბობდა, რომ მაშინ 13 წლის ბიჭი სრულ ჭკვაზე არ იყო და დაუფიქრებლად, მექანიკურად მოქმედებდა, მაგრამ მისი ქცევა ამას არ ამტკიცებდა. მოკლული ქალების გასინჯვის შემდეგ ყაჩაღის ნაგანი წელში გაირჭო. თოფი და პატრონტაშები ბაგაშივე დატოვა, (მძიმეები იყო) და შატილისკენ გამოემართა.

ბოსელში ჩახტომის დროს მისი სევეტე მიწას დაეხეთქა. ესეც გაახსენდა გზაზე. იფიქრა ნიშან-სამიზნე ხომ არ დაუზიანდაო და სათოფე მანძილზე ქვას ესროლა. იარაღი გასინჯა, რომ დამჭირდეს, არ მიმტყუნოსო. ნატყვიარი ქვას დიდხანს აჩნდა. კობამ მაშინვე აჩვენა მდევრად წამოსულ შატილივნებს ეს ქვა და საიდანაც ესროლა, ისიც უთხრა.

კობა იყო „უშიშარ, ვითარცა უხორცო“. მართალია, ტყეში დამალულმა ბანდამ იმ დღეს ორი ოჯახი ამოწყვიტა, მაგრამ თვითონაც დაუმარცხებლები ვერ წავიდნენ. კობამ ერთი მაინც დაატოვებინა ადგილზე. ამ ტრაგედიაზე დაწერილ იოსებ გოგოჭურის ლექსში ასეა დახასიათებული კობა:

„გაბედვა გასაკვირია პატარა ბალღისაო,
დაასრევია რჯულ-ძალღსა ნათოსი გულ-ღვიძლისაო“.

რამდენიმე წელს კობა თავისუფლად დაიარებოდა ხევსურეთ-ბით დასახლებულ ბარის რეგიონებში: წითელწყაროში, სამგორში, ერწო-თიანეთში, გომბორში... მაგრამ მისი ცხოვრება მაინც ტრაგიკულად დამთავრდა.

თიანეთში, ქორწილში, ერთი ახმახი მძლოლი აუშარდა, ცემა დაუწყო და წააქცია. კობამ უთხრა: „გამიშვი, ნუ მჩაგრავო“. რომ არ გაუშვა, ქვევიდან დანა გაუყარა და მოკლა მოძალადე. კობა დააპატიმრეს და რამდენიმე წელი მიუსაჯეს. ციხიდან აღარ გამოსულა მამაცი შატილიონი, ჭორი დადიოდა: იქ ქისტებმა მკვლელები დაიქირავეს და მოაკვლევინესო. მისი ოჯახიდან, ტყუპებიდან მხოლოდ ბათირას დარჩა ორი ქალიშვილი. ბათირაც ყაზახეთში დაიღუპა, საიდანაც ხვთისო გოგოჭურმა და დავით ზვიადაურმა დიდი ფათერაქებითა და თავგანწირვით ჩამოასვენეს რუსთავში.

1950-იანი წლების დასაწყისში მთიანი რეგიონებიდან ბარის მიწების ასათვისებლად და მთიანი რაიონების მოსახლეობის დასასაქმებლად ე.წ. „გეგმური“ გადასახლებები მოხდა. ამან გამოიწვია ძნელად მისადგომი კუთხეების (დასახლებების) მოშლა და გაუკაცრიელება. ეს პროცესი სამშობლოს ღალატად აღიქმება, რადგან მოიშალა უნიკალური კუთხური ხალხური სამეურნეო და საყოფაცხოვრებო ადათ-წესები და ჩვეულებები. ამ თემას მრავალი სინანულიანი სტრიქონი მიუძღვნა ბარში უნადინოდ ჩამოსახლებულმა მოხუცმა თუ ახალგაზრდა ხევსურმა:

„ჩემის გუნების ადგილი მთა იყო, განა ბარია“ – წერდა ცნობილი რომეიონი მელექსე ივანე ნიკლაური (მამუკათ ივანე). კარგად არის ეს საკითხები მოცემული კობა და ავთანდილ არაბულების წიგნში „მყივანა წისქვილები“.

„შენ გეხვეწები, შატილო, მამაგაბარებ თავსაო,
ცოცხალი ვერ დაგიცილებ (დაგივიწყებ), ნუ დამიცილებ
მკვდარსაო,
მავლნატრი ნისლის კოტრებსა, მანდისკე მამდინართაო,
მთვარესა ხუთმეტისასა, ანატორ ამამჭდარსაო“...

ენერდი 1964 წელს.

„სტუმარ-მასპინძლისა“ და „ალუდა ქეთელაურის“ ავტორიც ნამყოფი ჩანს შატილში. სხვანაირად, უნახავად ვერ იტყოდა:

„შატილს ჯერ არ ჩასწვდომია
შუქი შუადღის მზისაო.
არ ჩაუშვებენ ჩამსვლელსა,
ცა ახურია კლდისაო“.

დიდი ხანია მანვალებს ის ცოდნა, რაც დამიგროვდა ამ ხნის მანძილზე. მინდა, სხვამაც იცოდეს. იმათ მაინც იცოდნენ, უშუალოდ ვინც გააგრძელებენ ხსოვნას შატილსა და შატილივლებზე.

„რაც დამრჩა, ვერ ვსთქვი, მენადა,
მეთქვა გრძლად, თავი მეცადა,

ვერა ვსთქვი, მოცლას ვუცდიდი,
ნეტამცა არა მეცადა“.

(დ. გურამიშვილი)

მართალია დამაგვიანდა დროზე მეთქვა, რაც ვიცოდი, თუმცა „სჯობს გვიან, ვიდრე არასდროს“. არც ის მინდა, ამქვეყნიდან ისე წავიდე, მცირე სახსოვარი არ დავტოვო, წუთისოფელმა უკვალოდ გამთელოს.

„რას მამთაბარებ, ცხოვრებაე,
რაად მანვალეხ ეეგრა,
ერთ რომ ჩემგანაც არ გჭირდას,
ისრ კი ვერ დამამკლევბა“ –

ამბობდა გაბრიელ ჯაბუშანური. გატანჯულ, გაძაღლებულ ცხოვრებას ექადნება გაბრიელი: ისე ვერ დამჩაგრავ, საპყარს, ხეიბარს ვერ გამხდი, ერთი ჭრილობა მაინც რომ არ მოგაყენოო.

ნათქვამია: „ჩიტი სადაც დაიბადება, მისი ბაღდადიც იქ არისო“. დაბადების ადგილი, სადაც ბავშვობა გაგიტარებია, დედის ალერსივით მუდმივად თან დაგაქვს გულით.

ეტყობა, ამ ქვეყნად არიან ერები და ადამიანები, რომლებისთვისაც ის ადგილია ბაღდადი, სადაც მატერიალურად უზრუნველყოფილნი არიან. ქართველისთვის თავისი მინა-წყალი შეუცვლელი რამ არის, თუნდაც მისი სამშობლო სალი კლდეების მეტი არა იყოს რა. სალი კლდეების ხსენებაზე სულკურთხეული

რაფიელ ერისთავის „სამშობლო ხევსურისა“ დაგივლის ჟრუანტელად. ნეტა მართლა თუ გაიცვლება დედის ძუძუ და სამშობლო რამეზე?! ქართველისთვის ასეთი რამ საერთოდ წარმოუდგენელია! სამშობლოს გარეთ გადახვენილი (ძირითადად იძულებით) ქართველები საუკუნეების მანძილზე სულ იმაზე მოსთქვამდნენ, როდის ელირსებოდათ თავის მინა-წყალზე დაბრუნება ცოცხლებს თუ არა მკედრებს მაინც.

„დედაშვილობამ, ბევრს არ გთხოვ,
შენს მინას მიმაბარეო“.

(აკაკი)

ეს ანდერძი მამა-პაპიდან შვილთაშვილებზე მარადისობასა-სავით გადადიოდა. ამ საკითხზე მაგალითები რომ შეიკრიბოს, ერთი სულმოუთქმელად საკითხავი დიდი წიგნი გამოვა. ნოსტალგია ჩვენთვის ავადსახსენებელი სიტყვაა. თითქოს ეს ცნება უბედური ქართველებისათვის სანვალეულად არის მოგონილი. რუსთველისეული შორით ტრფობით, სიყვარულით კვდომას ჰგავს იგი. ცხადია, სამშობლოს სიყვარულიც მისი დაშორებით მძაფრდება, მეტად შეიგრძნობა, ვიდრე ერთ ადგილზე ყოფნისას. თვით შენს დიდ სამშობლოს, საქართველოს შიგნით რომ იცვალო საცხოვრისი, ის პირველი სამყოფი: ქალაქი, სოფელი თუ ქუჩა, სადაც გარემო, სამყარო შეიცანი, შეუცვლელი რამ არის. ეს ჩემი ცხოვრებითა და სიცოცხლითაც გამოვცადე.

ჩემი სოფელი შატილი სხვისთვის, უცხო მნახველისთვის, შეიძლება მხოლოდ კლდეები და ქვის კედლებია. ჩემთვის ერთი დიდი სამყარო და ცხოვრებაა, თავისი წარსულით, აწმყოთი და მომავლით. სწორედ ეს სამყარო მინდა სხვასაც გავაცნო. ვცდი და თუ გამოდგა, პატარა ღვანლად მაინც ჩამეთვლება და ბედნიერი მივუწვები ვაკის გორ ჩემს შატილივებს გვერდით.

„ჰოი ნაპირნო, არაგვის პირნო, მობიბინენო, შვებით მომზირნო“. ეს არაგვის ნაპირებს უმღერა ნ. ბარათაშვილმა. ფშავე-ხევსურეთის არაგვთა შესართავთან, ორწყალთან, ხევსურეთი იწყება. ორწყლიდან პირაქეთი ხევსურეთის ახლანდელ ცენტრამდე, ბარისახომდე, 7 კილომეტრია. ბარისახოდან ძველ ცენტრამდე,

გუდანამდე, კი - 9 კილომეტრი. აქედან თუ პირაქეთი ხევსურეთის ბოლო სოფლის, ხახმატის გავლით გავაგრძელებთ გზას, - დაფენილს ხალიჩასავით, ყვავილიან ფერდობს, ველკეთილს უნდა ავუყვეთ. ზამთრობით, ამ ლამაზი სახელწოდების ფერდობზე მოწყვეტილ ზვავს ბევრი კაი ყმა ჩაუმარხავს.

ველკეთილით დათვისჯვრის გადასასვლელზე ავდივართ. დათვისჯვარი ძირითადი, მთავარი გადასასვლელია პირაქეთი ხევსურეთიდან პირიქითში (არლუნის ხეობაში). იგი 2675 მეტრია ზღვის დონიდან. დათვისჯვრიდან ხელისგულივით მოჩანს პირაქეთი და პირიქითი ხევსურეთი. ქვევით, ჩრდილო-აღმოსავლეთისკენ, გველივით მიიკლანება პატარა მდინარე. ეს არლუნის სათავეა, კისტნის ქალა. შორს ამ ვიწრო ხეობას ციცაბო მთა ბატეხი ეკტავს. სწორედ მის ძირშია აშენებული, კლდეს შეზრდილი შატილი.

დათვისჯვრიდან ხუთ კილომეტრში გვხვდება ლებაისკარის ულამაზესი ციხე. იქვე კი გულს დაგწყვეტთ დაცლილი, ნანგრევებად ქცეული ლებაისკარის ნასოფლარი. ორ კილომეტრში მიტოვებული სოფ. კისტნის ქავ-ციხენი ჩამოგვცქერია. აქედან მანქანით ნახევარ და ფეხით 4 საათში შატილში ჩახვალთ.

შატილი მნახველს ჯერ უეცარი, მოულოდნელი გამოჩენით აოცებს. შემდეგ კი მოლუშული ფერებითა და სიმკაცრით. ეს ახლანდელ შატილზე ითქმის, თორემ 50 წლის წინათ შატილი არ იყო ჩუმი და უსიცოცხლო. თითოეულ ქვითკირში (კოშკში) ორისამი ოჯახი ცხოვრობდა. ქვითკირები შიგნიდან და გარედან დახუნძლული იყო ნაირგვარი კიბეებითა და წინგარდებით, ბანიკებით, ღია აივნებითა და გადასასვლელ-გადმოსასვლელებით.

აქვე უნდა მივუთითოთ, რომ თითქმის დამკვიდრდა და გაბატონდა ხმარებაში ქვითკირის მაგიერ კოშკი. კოშკი სხვა რამაა. იგი მუდმივი საცხოვრებელი არ არის. ქვითკირი ძველთაძველი ქართული სახელია და მან ჩვეულებრივად უნდა დაიმკვიდროს თავისი კუთვნილი ადგილი. წინა საუკუნეებში ეს სწორად გამოიყენებოდა ქართულში და აქედან შემორჩა ხევსურეთშიც.

„ამან არდამ ერისთავმან აღაშენა ქალაქი ზღვისკარს და უწოდა სახელი დარუბანდი, რომელი ითარგმნების „დაჴმა კარი“. და მანვე მოზღუდა მცხეთა ქალაქი ქვითკირითა (ხაზგასმა ჩემია – მ. ჭ.) და აქამომდე არა იყო ქართლსა შინა საქმე ქვითკირისა. და ამის გამო დაისწავლეს ქვითკირი (ჩანს ხევსურებმაც სწორად დაისწავლეს – მ. ჭ.). ამანვე არდამ მოჰკიდა კირის-ზღუდე ცმ-ხეხა (ხაზგასმა ჩემია – მ. ჭ.) არმაზისასა და აქათ მტკურამდის და წარმოზღუდა ცხვირი არმაზისი ვიდრე მტკურამდის“ – წერს ლეონტი მროველი (იხ. „ქართლის ცხოვრება“, თბილისი, 1996წ. გვ. 45).

ასევე ყველასათვის გასაგებად ხმარობს რუსთველიც: „ჭირსა შიგან გამაგრება ასრე უნდა, ვით ქვითკირსა“.

ციხე უფრო თავდაცვითი მნიშვნელობის საომარი კოშკური ნაგებობაა. შიშიანობისა და ომის დროს ასეთ ციხეში შედიოდნენ და იცავდნენ თავს მთიელები. ნესტანიც ასეთ ციხეში ჰყავდათ ქაჯებს გამომწყვდეული. „ციხეს ვზი ეგზომ მაღალსა, თვალნი ვერ გადასწვდებიან ..“.

შატილი ერთ მთლიან საცხოვრებელ ქაეციხეს წარმოადგენდა.

არლუნის პირას პირველ ქვითკირში შესული ადამიანი ოჯახ-ოჯახ შატილის თავში ისე გავიდოდა, რომ გარედან თვალს ერთხელაც ვერავინ მოჰკრავდა. ქვითკირები მიჯრით მიშენებულია ერთმანეთს. ბევრგან წინა, ქვედა კედელი მეორისა, ზედას სა-ფუძველია.

სოფელი ერთბაშად, ერთ-ორ საუკუნეში არ არის აშენებული, რაზედაც თვით ქვითკირების აღნაგობა და მშენებლობის სხვადასხვა ხარისხი მიუთითებს. ბევრგან ძველად აშენებული კედელი ახლად აშენებულის ერთ-ერთი მხარეა.

შატილი შუა საუკუნეების ძეგლად არის მიჩნეული, თუმცა მის მიდამოებში ადამიანის ნამოსახლარები ჩვენს ერამდე ორი ათასი წლის იქითა ეპოქას ეკუთვნის. ამას ადასტურებს აქაური

არქეოლოგიური გათხრების მონაპოვრები, მიწაში თუ ზედაპირზე შემონახული ნივთები.

ძველი შატილიდან დასავლეთის მხარეს, სამასიოდე მეტრში, ე.წ. აჩხატის გორზე, შეიმჩნევა ძველთაძველი ნასოფლარი. ამ ნასოფლარის ტერიტორიაზე მდინარე არლუნიდან, ზევით სამძივანაის გორამდე (აქ ბავშვები მძივს პოულობდნენ), სამასი მეტრის სიმაღლესა და ასი მეტრის სიგანეზე ნაპოვნია ბაზალტის ქვისგან დამზადებული ასეულობით ხელის წისქვილი (უმეტესად ნატეხები). სპეციალისტები ასეთ წისქვილებს გვიანი ბრინჯაოს ხანას მიაკუთვნებენ. ასეთი წისქვილები მიკვლეულია კავკასიონის ზედა კალთებზეც და ბარის ხეობებსა და ზეგნებზეც.

აჩხატის გორის ძველი ნასოფლარი აშკარად მიუთითებს ადამიანთა აქ ცხოვრების სულ ცოტა ორი ეპოქის პერიოდზე. ხელის წისქვილების დამამზადებელი და გამოყენებული გვარი თუ ტომი განვითარდა ან შეიცვალა სხვა ხალხით. უფრო გვიან ეს წისქვილის ქვები ნასახლარებშია ჩატანებული. ან დამოუკიდებლად იატაკზე კერის ცეცხლის სიახლოვეს აწყვია. ეს ქვები ოვალური (კვერცხისებური) მოყვანილობისაა და ერთიმეორეზე ჯვარედინადაა დადებული. ორივე ხელით მაშინდელი აჩხატელი ზედა, მსუბუქ ქვას უსვამდა საქვეოს (შედარებით უფრო მკვიდრად დამაგრებულს) და დღეში რამდენიმე კილოგრამს თუ დაფქვავდა (იფქლს, ქერს და ჭვავს).

გვიანდელ ეპოქაში ეს წისქვილის ქვები სახლების კედლებში იმიტომ მოექცა, რომ თავისი მნიშვნელობა დაკარგა. წისქვილის გამოყენების ტექნიკა განვითარდა, გართულდა. ჯერ ერთსახე-ლურიანი ხელის მრგვალმა წისქვილებმა შეცვალეს ოვალური წისქვილები. შემდეგ კი წყლის წისქვილმა. წყლის წისქვილის გამოგონება უდიდეს ტექნიკურ რევოლუციად უნდა ჩაითვალოს, რაც საქართველოს ტერიტორიაზე ჩვენი წელთაღრიცხვის შუა საუკუნეებში გაბატონდა.

შატილთან ახლოს მიკვლეული ოვალური ხელის წისქვილების მსგავსი გაცვეთილი ნატეხები ვნახეთ შატილიდან 5 კილომე-

ტრის დაშორებით, დასავლეთით, ზღ. დონიდან 1700 მ-ზე უფრო მაღლა, სოფ. გიორნმიდის შესასვლელთან, ძველი ნასოფლარის – „ციხეთგორის“ მიდამოებში. სწორედ იმ სამარხების სიახლოვეს, რომლებიც პროფ. რ. რამიშვილის ხელმძღვანელობით მოწყობილმა ექსპედიციამ შეისწავლა. ეს სამარხები დიდი ბუნებრივი კლდეების, ეხების ქვეშ, მარტივი კედლებით ამოშენებული ნახეს, აქვე აღმოჩნდა გვიანი ბრინჯაოს ხანის საგნები. (იხ. ამ ექსპედიციის მასალები, რომლებიც ინახება სოფ. მილხვრიანთკარში, ექსპედიციის მუზეუმში).

შატილიდან ჩრდილო-აღმოსავლეთით ორ კილომეტრზე, ანატორელთა ნასოფლარშიც, ნანგრევებშიაც, მივაკვლიეთ ზემოხსენებული ოვალური წისქვილის ქვების ათეულობით ნატეხს. ნასოფლარის პირდაპირ, არლუნის მარჯვენა მხარეს, არის ე.წ. „რჯულიან-ურჯულოთ სალოცავი“ ანატორის ჯვარი – მთავარანგელოზი. ამ სალოცავში მე-19 საუკუნის ბოლომდე არაქრისტიანებიც ლოცულობდნენ, რომელთა მოტანილი იფქლის ერთი ხშიადი თურმე ქრისტიანთა მოყვანილ ერთ მოზვერს უტოლდებოდა. სალოცავის ირგვლივ არის საცხოვრებლებიც და სასაფლაოებიც. აქვეა ქართული ეკლესიის ნანგრევები. ამ ადგილს „მარიამწმიდის გორა“ ჰქვია. აქამდეა შემონახული კირქვისგან გამოჩორკნილი კვარცხლბეკი და ქვაბისნაირი, ასევე კირქვისგან დამზადებული მოსანათლი ჭურჭელი. ეტყობა, წარმართ ანატორლებსა და შატილებს აქ მოაქცევდნენ (ნათლავდნენ) ქრისტიანებად.

ანატორი ერთ-ერთი ყველაზე საინტერესო ადგილია ხევსურეთის წმინდა და სალოცავ ადგილებს შორის.

ჯერ ერთი, აქ უძველესი სამარხები და აკლდამებია. ერთად არის რჯულიან-ურჯულოთა სალოცავიც და ქრისტიანული ეკლესიაც. ზემოხსენებული არქეოლოგიური ექსპედიცია მას ჩვ.წ. ის მე-7 საუკუნეს მიაკუთვნებს. ამ პერიოდში გაჩენილი უნდა იყოს სოფ. შატილის პირველი ახალშენებიც.

ანატორი იმითაც არის საინტერესო, რომ გზაჯვარედინი აერთიანებს ჩეჩნეთ-ინგუშეთიდან, დაღესტნიდან, თუშეთიდან,

ფშავ-ხევსურეთიდან და ქართლ-კახეთიდან მიმოსვლის გზებსა და ბილიკებს.

მე-18 საუკუნეში ანატორის აკლდამებში ამოწყდა ერთი სოფელი ისე, რომ ერთი ადამიანიც არ გავიდა მეზობელ სოფლებში. დამმარხავი და აკლდამებამდე მიმყვანი (მიმტანი) .რაკი არავინ რჩებოდა, ავადმყოფი ანატორლები თვითონ მიდიოდნენ აკლდამაში, ადრე გარდაცვლილს სანოლი ქვებიდან ძირს გადმოაგდებდნენ და ახლა მშიერ-მწყურვალნი (ვინ იცის, რამდენ ხანს), თვითონ ელოდნენ სიკვდილს. ასეთი თვითდამარხვის გამორჩეული მაგალითი გაუგონარია, რაც ისტორიკოსების თუ ეთნოგრაფების სათანადო შეფასებას ელოდება.

ანატორლებიდან მხოლოდ ერთი თორმეტი წლის ბიჭი გადარჩენილა. ის თუშეთში ყოფილა მწყემსად. იქ მისულ შატილელს მოუყვა, რომ მის სოფელში, მზე დღეში ორჯერ მოდიოდა. ეს მინიშნება საკმარისი აღმოჩნდა, რომ ბავშვი ანატორელად მიეჩნიათ. ანატორს ჯერ მუცოს ხეობიდან მიანათებს დილის მზე, მერე, რამდენიმე წუთის შემდეგ, ანატორის კუჭს შემოუვლის და შატილის ხეობიდან მიანათებს. შატილელებმა მოიყვანეს ანატორელი და დაასახლეს შატილში. მათი ჩამომავლები ახლა მ ოჯახს წარმოადგენენ.

მეოცე საუკუნის დასაწყისში, როგორც ყველა შატილიონი, ანატორლებიც ჭინჭარაულებად იწერებოდნენ, ამჟამად კი სისაურებად ან ანატორელებად იწერებიან. სამწუხაროდ, ახლა თვით შატილში მათგან არც ერთი ოჯახი აღარ ცხოვრობს.

თუშეთიდან მოყვანილი ანატორელის შატილში დასახლებას შატილელების ერთი ნაწილი ეწინააღმდეგებოდა, რადგან ადრე (განყვეტამდე) ანატორელები ბევრნი ყოფილან და შატილელების წინაპრებს, რომლებიც მაშინ ჯერ კიდევ ქაჩუს ცხოვრობდნენ, ჩაგრავენენ.

ბოლოს, როცა ანატორელები ქაჩუში ვერ შესულან, მათთვის მინისქვეშ გაყვანილი წყალი დაუწყვეტიათ. ქაჩუელებს (შემდგომ კი შატილელებს) ღამე თოკზე მიბმული ნართის გორგალით მდი-

ნარიდან ჩუმად ამოჰქონდათ წყალი, წურავდნენ და აგროვებდნენ. ასე გაჰქონდათ თავი. აი, ეს საქციელი არ უნდოდათ ეპატიებინათ ანატორელთა შთამომავლისთვის. თუმცა უმრავლესობის გადაწყვეტილებით ანატორელები ბოლოს დასახლდნენ შატილში და ბევრი გმირობაც ჩაიდინეს შატილის სასარგებლოდ და სასახელოდ (იხ. „შატილიელები და ახვერდი მაჰმადი“).

ხევსურეთში უმეტესად გვაროვნული სოფლები იყო. ერთ სოფელში ერთი გვარის მოსახლეობა ცხოვრობდა. გვარის შიგნით (სოფელში) ქორწინება აკრძალული იყო. ასეთი სოფელი გახლდათ შატილიც. აქ ანატორელების გარდა ყველა ჭინჭარაული იყო, ამიტომ ქორწინება მხოლოდ ანატორელებსა და დანარჩენ შატილელებს შორის ხდებოდა. გვარის (სისხლის) აღრევა უმეტესწილად მოკვეთით მთავრდებოდა, რაც ყველაზე დიდ სასჯელად ითვლებოდა.

როგორც ცნობილია, მე-10 საუკუნეში იწყება ერთიანი საქართველოს ჩამოყალიბება, რაც მიღწეული იქნა ბაგრატ III-ის დროს. აქედან დაწყებული დავით აღმაშენებლის, დიმიტრი II-ის, გიორგი III-ის და თამარის მეფობის ეპოქებში საქართველოს საზღვრები ჩრდილოეთით იყო გადაწეული. დურძუკთა, დაღესტნელთა, ლალათა ტომები – ძმადნაფიცები თუ ყმადნაფიცები ქართველთა დიდ გავლენას განიცდიდნენ.

ცნობილი ქართული მონასტრები თხოზაერდი ზემო ინგუშეთში (ლილლოში) და დათუნას ეკლესია დაღესტანში ქართული წარწერებით და ბარელიეფებით ყოფილა დამშვენებული.

ლილლოს, ჯარიახის ხეობაში, მრავალ ლამაზად ნაგებ ციხეთა ჩარდახების ქვეშ ჯვარია გამოყვანილი. თვით ჯარიახიც და შატილის მეზობელი ჯარეგოც ჯვარიდან მოდის. ჯარიახში ამ ციხეების შენებისას აშკარად მძლავრობდა ქრისტიანული სარწმუნოება. სხვაგვარად ისლამის მიმდევრები ქრისტიანობის სიმბოლოს არ გამოიყენებდნენ. სხვათა შორის, აქ კოშკური მშენებლობის ხელოვნება და კულტურა უმაღლეს დონეზეა მიღწეული. ციხეების კედლები მოთეთრო-მონაცრისფრო ქვებითაა ნაგები.

მთებიდან, საჯიხვეებიდან ეს ციხეები კელაპტრებს მოგაგონებთ. აქ ჯერ კიდევ ბევრი რამ არის საკვლევი და გასარკვევი, რაც კელავ ელოდება სპეციალისტებს.

შატილი ისეთ სტრატეგიულ ადგილზეა დაფუძნებული, რომ ჩრდილო-აღმოსავლეთიდან კეტავს ვიწრო არლუნის ხეობას, აკონტროლებს ჩეჩნეთ-ინგუშეთიდან (ნაწილობრივ თუშეთიდანაც) საქართველოში შემოსაღწევ ბილიკებს და გადმოსასვლელებს.

ჩვენი აზრით, ზემოთნახსენებ საქართველოს ზეობის ეპოქაში – შატილში მესაზღვრეთა დიდი ჯგუფი უნდა მდგარიყო. ისინი ადგილზე დარჩნენ, დაოჯახდნენ და სამუდამოდ დასახლდნენ. თანდათანობით ხევსურეთის პირობებისათვის უჩვეულოდ დიდი სოფელი წარმოიქმნა.

გადმოცემებით შატილელი ჭინჭარაულები მოსულები არიან გუდანიდან. პირიქითში გადასული ჭინჭარაულები ჯერ კისტანში დასახლებულან, შემდეგში კი შატილთან ახლოს, არლუნის მარჯვენა მხარეს – ქაჩუს. მოგვიანებით ქაჩუდან უფრო ხელსაყრელ ადგილზე, შატილში გადასულან. ასეთი ვარაუდი მთავარი სალოცავებით აიხსნება. ჭინჭარაულთა ცენტრი და მთავარი სალოცავი გუდანია. კერძოდ, შატილელთათვის ჯერ გუდანის, შემდეგ კისტნის და ბოლოს თვით შატილის ხთიშობლისა და მთავარანგელოზის ჯვარი წარმოადგენდა „ყმათად მიმცემ ძალს“.

გაოცებას იწვევს შატილის გეგმაზომიერი, აზრიანი მშენებლობა. თავდაპირველად მშენებლობა დაწყებული ჩანს მიუვალ კლდეზე. ამ ნაწილს „ქავი“ ეწოდება, რაც ციხეს, მიუვალ, კარგად დაცულ სიმაგრეს, ციტადელს ნიშნავს. საინტერესოა, რომ ქავში აშენებულ ამ პირვანდელ ქვითკირებს სათოფურები არა აქვს, რაც ჭარბად შეინიშნება შედარებით გვიან, მე-17-18 საუკუნეებში აშენებულებში. ცხადია, შატილის ქავის ეს ნაწილი ცეცხლსასროლი იარაღის შემოსვლამდე არსებობდა. ქვითკირების ერთ ნაწილს, მეოთხე, ბოლო სართულზე გაკეთებული აქვს ჩარდახები. ჩარდახები პირველი სართულის შესასვლელი კარების ასწვრივია

მონყობილი. გარედან დაცულია, შიგნიდან კი დიდი ქვების ჩამოგდება და მომხდურ-მოძალადის დაზიანება შეიძლება.

შატილის მეზობელი ქვითკირების კარები და სარკმლები ერთიმეორეს უყურებს, იცავს და აკონტროლებს. ერთი ქვითკირის პატრონი თავის სამყოფელსაც იცავდა და მეზობლისასაც. ქვითკირები ერთიმეორეს ისეა მიჯრით მიბჯენილი, რომ ერთიდან ხმამალალი დაძახება მთელ სოფელში ისმის. ერთიმეორის გაფრთხილება შატილივნებს ნებისმიერ დროს შეეძლოთ.

შედარებით სუსტ მხარეს შიშიანობის დროს შატილისთვის წყლის, მდინარე შატილურას მოშორებით (200 მეტრამდე) ყოფნა წარმოადგენდა. თუ რომელიმე ოჯახში რაიმეს რეზერვი იყო, გაჭირვების დროს მთელ სოფელს სულადობრივად უნანილდებოდა. კლდეების მხარეს დაცულ ადგილზე სპილენძის დიდი ქვაბი იდგა, სადაც წვეთობით მონაჟური თოვლ-წვიმის წყალი გროვდებოდა. რამდენიმე ასეული ლიტრი წყალი სოფელს ორ-სამ დღეს ჰყოფნიდა.

შატილს ჰქონდა სარეზერვო იარაღის, ტყვია-წამლისა და ძვირფასეულობის (ოქრო-ვერცხლის) შესანახი (სამალავი) „დარანი“, რომლის არსებობა ბავშვებმა და ახალმოყვანილმა რძლებმა არ იცოდნენ, რათა უნებურად არ გაეთქვათ. „დარანი“ ხუთსართულიანი ქვითკირის პირველ სართულზე, კლდეში გამოჭრილი სარდაფი იყო. ჩასასვლელს დიდი ფიქალის მძიმე ქვა (სიპი) ედო – მას ერთი ადამიანი ვერ ასწევდა. მეორე სართულზე ჩვეულებრივი საცხვრე იყო და ცხვარი იდგა. უცხო ვერ წარმოიდგენდა, რომ ქვემო სართული არსებობდა და იქ სამალავი იყო.

შატილის მშენებლობა მე-19 საუკუნეში უკვე დასრულებული იყო. მე-20 საუკუნის დასაწყისში სოფლის თავში და ბოლოში თითო ორსართულიანი სახლი აიგო. ოციან წლებში ქვითკირებიდან, სადაც სივინროვე იგრძნობოდა, შატილურას ნაპირზე რამდენიმე ოჯახი ჩასახლდა და ორსართულიანი, ბარულს მის-გავსებული ჩუქურთმიანი, აივნისანი ბინები აიშენა. ასე შეიქმნა ახალი დასახლებული უბანი – „ჭალა“.

ძველი ციხე-ქალაქი შატილი ოთხი ძირითადი უბნისაგან შედგებოდა: ზენაუბანი, შუასოფელა, ქავი, ქვენაუბანი. ზოგჯერ მამიშვილობის დასახლებასაც გამოჰყოფდნენ: თიაყათ კარი, ანატორელთ კარი და სხვ. სოფელს შუაზე ორი-სამი მეტრის სიგანის ქუჩა ჩაუდიოდა. ამ ქუჩას „ინგური“ ერქვა და კვირაში ერთხელ მაინც სუფთავდებოდა პირუტყვის ნაკელის ნარჩენებისაგან.

შატილი ერთადერთი სოფელია მთელს ხევსურეთში, სადაც აქამდე შემორჩა სოფლის საერთო თავშეყრის ადგილი – საფეხვნო. ეს არის 20მ² გადახურული, წინა მხრიდან ღია შენობა, სადაც თავს იყრიდა სოფლის მამროანი (ქუდოსანი) და წყვეტდა ყველანაირ სასოფლო თუ სათემო-სამეზობლო სადავო საკითხებს. აქ უფროს-უმცროსობის განსაზღვრული წესით სხდებოდნენ შატილიელები. ალბათ ერთ-ერთ „ფეხვნობას“ შეესწრო ვაჟა:

„ალუდა ქეთელაური კაცია დავლათიანი,

საფეხვნოს თავში დაჯდების, სიტყვა მაუდის გზიანი“...

საფეხვნოში თავშეყრა ნებისმიერ დღეს შეიძლებოდა, ძირითადად კი შაბათ-კვირას ან სხვა უქმე დღეებში. აქ ხელსაქმობდნენ მამაკაცები: ამზადებდნენ ბანდულებს და ქალამნებს, ზელდნენ ტყავებს დაზგებზე, წნავდნენ თოკებს და ბანრებს. ადრე აქ თოფის წამალსაც ამზადებდნენ (ნაყავდნენ). ჩამოთვლილი სამუშაოები ძირითადად ჯგუფურად სრულდებოდა. მასში მთელი სოფელი მონაწილეობდა. თოფის წამლის დამზადება რთული და პრომატევადი იყო, ამიტომ ძვირადაც ფასობდა. რამდენიმე გასროლა (ერთი სტილი 200 გრამი) ერთი ცხვარი ღირდა:

„თოფმა თქვა: „ჩემთა წამალთა შვიდრიგად უნდა დუღილი,

მაისის თვეში განაყან, მემრ ნახან ჩემი ქუხილი,

მემრ ნახას ჩემმა პატრონმა ჩემის დაჭრილის ნუხილი“.

(ალ. ოჩიაური,

„ქართული ხალხური დღეობების კალენდარი“, გვ. 87).

წამლის სანაყი, მასიური ბაზალტისაგან დამზადებული ამორმავებული ქვა, ახლაც დევს საფეხვნოში. შატილზე თავდასასხმელად მიმავალ გარა თურმანაულს კისტნელი ბებერი აფრთხილებს:

„ვაიმე, მებრალეობდი, გზან ჩაგიდიან კლდიანნი,
ჩაივლი, ჩალმა ჩაგიდის, ამავლა გექნებ გვიანი.
თავად ძნელ მეთოფენია, ჯვარი ჰყავ დავლათიანი,
თავადა ნაყენ ნამალსა, ბაკნითა უდგან ტყვიანი“.

საფეხვნო ერთგვარი აღმზრდელობითი კერა იყო და მომავალი თაობის ტრადიციების სწავლების ინსტიტუტსაც წარმოადგენდა. პატარა ბიჭებს დიდებისათვის სასმელი წყალი უნდა მოეტანათ. ამ დავალებას ბავშვები დიდი სიხარულით ასრულებდნენ. მოტანილ წყლიან ჭურჭელს, ორძირა კინჭლეს, უფროსები ჩამოართმევდნენ და დალოცავდნენ: „შაუნდნას შენ მკედართ“! „ღმერთმ დაგიმადლას“! პასუხობდა პატარა და ამაყად გადახედავდა თავის ტოლებს, რომლებთან შედარებითაც პირველმა დაიმსახურა დალოცვა. ხშირად ბავშვებს სერიოზული საკითხების გადანყვეტამიაც მიაღებინებდნენ მონანილეობას. ამას იმისთვის აკეთებდნენ, რომ უმცროსების აზროვნება შეემონმებინათ, ვინ უფრო ჭკვიანურად მსჯელობდა. იყო შემთხვევები, როცა ბავშვების ნააზრევს უფროსები გაუოცებიათ.

ერთხელ მეზობელი თემიდან ქისტების თავკაცები მოსულან. იქ მომხდარი ამბავი თავად ვერ გაურჩევიათ და ხევსურების უფროსებისათვის რჩევის კითხვა გადაუწყვეტიათ. სოფლის უფროსები საველო საქმეზე (თიბვა-მკაზე) გასულები ყოფილან და მარტო 12-13 წლის ბავშვები დახვედრიან. პატარები სტუმარ „დელეგაციას“ პურ-მარილით გამასპინძლებიან და თან უკითხავთ: „რამ შეგანუხათო?“

ქისტები დამცინავი ღიმილით მოუყვენენ ბავშვებს: „ჩვენს სოფელში მაზლმა თავის რძალთან ახლო ურთიერთობა დაიჭირა და თავი რომ დაანებოს, როგორ მოვიქცეთო, ამის კითხვა გვინდოდა თქვენი უფროსებისთვისო“.

– „მაგას უფროსები რად უნდა, ჩვენც გეტყვითო“ – უთქვამთ ბავშვებს.

– „აბა რას გვეტყვითო“!

– „ის მაზლი რომ მზიან დღეს გარეთ გამოვა, მის აჩრდილს თოფი დახკარითო, ეს გაფრთხილება იქნება, თუ თავისი საქციე-

ლი არ მოიშალა, მომდევნო ტყვია მას მოხვდებაო", - უთხრეს ბავშვებმა.

ამაზე უკეთესს ამათი უფროსები რაღას გვეტყვიანო და უკან ნავიდნენ.

საფეხვნოში ნანურთნმა პატარებმა ერთადერთი სწორი გადაწყვეტილება მისცეს მეზობელი თემის უფროსებს.

„საინტერესოა, რომ ხევსურები შატილს თვლიან ძველი ყოფა-ცხოვრების დამცავ ბურჯად, ტრადიციების შემნახველად. ნამდვილად, ჩვენ სწორად აქ ჩავატარეთ ყველაზე უფრო მეტი დაკვირვებები“, - წერდა 1928 წელს გურკო-კრიაჟინი (Гурко, Кр. 14).

90-იან წლებში ბარისახოელი ხეთისო ჭინჭარაული („ჭინჭრა“) მეუბნებოდა: „ჩემ დედუამ (ბებია) თქვისავე: „წეს-რჯულივ შატილით მადიოდავ ხევსურეთავ“.

ეტყობა მოსახლეობის სიმრავლემ, სტუმრიანობის სიხშირემ, მოსაზღვრე ურჯულო ტომებთან თუ მეზობელ თემებთან გაუთავებელმა შეტაკებებმა, დავამ და სჯა-ბაასმა, ტრადიციულობის შენახვის სიმტკიცის აუცილებლობამ, უპირატესობა გუდანიდან თანდათანობით შატილისკენ გადახარა.

საფეხვნოში შესვლის დროს 9 წლის ბავშვს თუ 80 წლის მოხუცს ყველა იქ მყოფი ფეხზე უდგებოდა და მიმართავდა: „მაგვიხვედ მშვიდობით!“ „დასხვით, რას უდგებით, მტერსამც აუდგებით!“ - პასუხობდა ახალმოსული. უფროსს საუფროსო სკამისკენ მიიწვევდნენ, დანარჩენები წლოვანების მიხედვით ნაწილდებოდნენ. თუ ადგილი არ იყო საკმარისი და ახალგაზრდები (ბავშვები) ვერ ხვდებოდნენ ადგილის დათმობის აუცილებლობას, მოზრდილი მამაკაცი პატარას ადგილიდან დემონსტრაციულად ხელით ზეზე აიტაცებდა და დასძენდა: „ეეგრ იცოდის შენ მამამ ჩემდ ყმანვილობაჩი“.

ასე რომ, განვრთნა დაძალებითაც ხდებოდა. გამრჯელ ახალგაზრდას საჯაროდ შეაქებდნენ: „ბარაქალ კაის მამის შვილო, ეგი წესი, გასჯა არ მახკლავს ვაშკაცს“.

თავშეყრა საფეხვნოს გარდა ხდებოდა ლუდის სახარშ „საქვა-ბეშიც“, განსაკუთრებით დლეობებისათვის მზადების დღეებში. ეს საქვაბე იქვე, ოც მეტრში იყო საფეხვნოსთან, მასზე თითქმის 4-ჯერ დიდი და მაღალი შენობა, სადაც სპილენძისგან დამზადებული ტონიანი და ნახევარტონიანი ქვაბები დულდა. ჭირში თუ ლხინში, უმეტესად კი დლეობებში, ამ საქმესაც (ლუდის ხარშვას) მთელი სოფელი ასრულებდა. ხელმძღვანელებად კი ან ჯვარში მდგომი დასტურ-ხელოსნები, ან ჭირ-ლხინის მეპატრონეები ითვლებოდნენ. წინა დღეს საფეხვნოში გადანყდებოდა, თითოეულ ოჯახზე რამდენი თულუხი წყალი უნდა მოზიდულიყო შატილის ხევიდან. ყველა შრომისუნარიან ქალს (ოჯახში ერთს) ევალებოდა 5 ან 7 თულუხი (თულუხში ჩადიოდა 15 ლიტრი) წყალი მოეტანა საქვაბემდე. აქ ახალგაზრდები დახვდებოდნენ, თულუხებს ქვაბებში ჩაცლიდნენ. დაითვლიდნენ და „გეგმის“ შესრულების შემდეგ ათავისუფლებდნენ ახალგაზრდა მანდილოსნებს. წყლის მოტანა ორ საათში მთავრდებოდა და საქვაბეში (სალუდე სახლში) ტონობით წყალი გროვდებოდა. წყალს ფორს (ალაოს) დააყრიდნენ, მოხარშავდნენ, გასწურავდნენ. შემდეგ კიდევ გარკვეულ დრომდე ადულებდნენ სვეში (სვიაში), კვლავ გასწურავდნენ, გააგრილებდნენ, გადაიტანდნენ კასრებში, საფუარს მისცემდნენ და ერთ კვირაში ლუდი მზად იყო. ფიზიკური მუშაობა ახალგაზრდებს ევალებოდათ, ტექნოლოგიური მომზადება კი გამოცდილ, მცოდნე უფროსებს. ლუდის მოხმარებას და გამოყენებას ქვევით მოგახსენებთ შატილში დლეობების, ახალწლის რიტუალების ჩატარების აღწერისას.

შატილში სამოცამდე ქვითკირია. თითოეულ ქვითკირს, ამ ქვითკირში მცხოვრებ პიროვნებებს, საკუთარი საინტერესო ისტორია აქვთ. ჩვენ ყველას ვერ განვიხილავთ, მოგახსენებთ ზოგიერთზე.

XIX საუკუნის დასაწყისში რუსეთის მიერ საქართველოს დაპყრობას ბევრი ამბოხება და შეთქმულება მოჰყვა. თავისუფლების დაკარგვას განსაკუთრებით ვერ ეგუებოდნენ მთიელები. ისი-

ნი ყოველთვის მხარს უჭერდნენ ქართველ მეფეს და მათ ჩამო-
მავლებს. მეფის რუსეთი კი სწორედ მეფეს და ბატონიშვილებს
ერჩოდა, რათა საქართველოში სამეფოები აღარ აღმდგარიყო.
ამისთვის რუსები თვით ქართველებს, გადაგვარებულ თავადებს
იყენებდნენ. მეფე ერეკლე II-ის მრავალრიცხოვანი შვილები, შვი-
ლიშვილები და ნათესაობა სწორედ ციციანოვმა პირნმინდად გა-
დაასახლა რუსეთის სხვადასხვა გუბერნიებში.

1812 წელს კახეთი აჯანყდა, ერევნიდან გადმოსული ალექ-
სანდრეც მათ შეუერთდა. მათვე ჩამოეშველნენ ფშავ-ხევსურე-
ბი. დამარცხდნენ და ალექსანდრემ ხევსურეთს, შატილს შეაფარა
თავი.

კავკასიის მთავარმართებელმა რტიშჩევმა სიმონოვიჩის მე-
თაურობით რუსების ლაშქარი გაუშვა შატილისაკენ. 1813 წლის
13 მაისს სიმონოვიჩის, სტალისა და ორბელიანის მეთაურობით
ჯარი ხევსურეთისკენ დაიძრა. 30 მაისს რუსის ჯარი ლებაისკა-
რიდან არდოტის ხეობისკენ გადავიდა. ლებაისკარიდან სიმონო-
ვიჩმა წერილი მისწერა ალექსანდრეს შატილში, - „დამმორჩილ-
დიო“. ელჩი ხევსურებმა მოკლეს. ალექსანდრემ პასუხიც ვერ
გასცა.

გუროში დიდი შეტაკება მოხდა. ხევსურებს ქისტებიც მიეშ-
ველნენ (რამდენიმე ასეული კაცი). რუსების სიმრავლემ და მა-
ღალი დონის შეიარაღებამ სძლია მთიელების მამაც, მაგრამ გუ-
ლუბრყვილო რაზმებს. რუსის ლაშქარმა ჯერ გურო და შემდეგ
შატილი გადაწვა და ააოხრა. შატილის მაშინდელი ნახანძრალი
ქვითკირის კედლები ახლაც ყავისფრად გამოიყურება. ალექსან-
დრე ბატონიშვილი ჯერ ქისტეთში (ჩეჩნეთში) და შემდეგ და-
ღესტანში გაიქცა. შატილიდან გავიდა უცხოეთში საქართველოს
მეფის ტანჯული შთამომავალი.

რუსეთის არმიის ბრძოლებს ადგილობრივ „ველურებთან“
თვითონ რუსების წარმომადგენლებიც აღწერენ და ვერ მალავენ
ამ „ველურების“ უცნაურ ქცევებს. ამ შეტაკებების დროს ხევ-
სურები ფეხზე მდგომები გვესროდნენ და თანაც გაუმცდარადო.

დაჭრილებს მეორედ აღარ ურტყამდნენ, პირიქით ადგომაში ეხმარებოდნენო. „ველურების“ ასეთი ქცევა „განათლებული“ რუსებისათვის გაუგებარი იყო. მათ დავალებული ჰქონდათ, რაც შეიძლება მეტი მოეკლათ, რომ ეს ტომები საერთოდ მოესპოთ. ეს მოახერხეს კიდეც. „ხევსურების თავისივე ნაწრთობი კალდემები ისე თლიდნენ ჩვენს ხიშტებს, როგორც დანა ყველსო“, – ამასაც აღნიშნავდნენ რუსები. იმ შეტაკებაში იმდენი დახოცილი ხევსური იყო ნაჩვენები, რომ მაშინდელ საერთო სულადობას სჭარბობდა. ეს გაზვიადება შამილთან ბრძოლებიდან დაიწყო და ამჟამინდელ ჩეჩნებთან ომშიც გაგრძელდა. რუსების მიერ მოკლული ბოევიკების რაოდენობამ 2000-2002 წლებში ნახევარ მილიონს გადააჭარბა. მაშინ, როცა მთელი მოსახლეობა 800 ათასს აღწევდა. ჩეჩნეთში მებრძოლი რუსი გენერლები თავის მოსახლეობას „აშოშმინებდნენ“: ჩვენს მებრძოლებს რომ გვიხოცავენ, ჩვენ სამჯერ მეტს ვუხოცავთო.

ალექსანდრე ბატონიშვილი ერთ-ერთ დიდ, მაგარ ქვითკირში იყო თავშეფარებული. ეს ქვითკირი ეკუთვნოდა შატილში ძლიერ მამიშვილობას-გოგოთურათ.

ალექსანდრე ბატონიშვილი წყალობის სიგელებსაც არიგებდა შატილში. ვინც მას მაღალ დონეზე მოემსახურებოდა და უერთგულებდა:

„ქ. ჩვენ ს-დ საქართველოს მეფის ძემ ალექსანდრე ეს წყალობის წერილი გიბოძეთ შენ განას შვილს განას და შვილსა შენსა ბათაკას და აბულეთს, ასე რომ ჩვენა ხევსურეთს შადილს (შატილს) ყოფნაში დიდად ერთგულად გვემსახურნე. ამისათვის ჩვენც ეს წყალობის წერილი გიბოძეთ. ღთით ჩვენს ქვეყანაში რომ შესვლა გველირსება, მაშინ სამს ლიტრას გაკეთებულ სპილენძს ყოველ წელიწადს გიბოძებო და ხუთ ტანს ფართალს; და ჩვენს საბრძანებელში ყველგან გველებოდეს: ქართლში, კახეთში და ქალაქში, რჯულიანში და ურჯულოში, რომ ვერცავინ დაგიშალოს და ვერცავინ გისაყვედუროს და არც შენის ვაჭრობის ბაჟი გეთხოვებოდეს. გქონდეს და ღთნ ჩვენს ერთგულებაში მოგახ-

მაროს. თებერვალს კე (25) ქკს ფა 501≈18136. აზის ბეჭედი [ალექსანდრე]".

ასეთივე წერილი ალექსანდრე ბატონიშვილს უბოძებია შატილში ხირჩლა და ვაჟია ჭინჭარაულებისათვის, სადაც წერებულა: „გვიბოძებია სამი ლიტრა გაკეთებული სპილენძი, თავ-ფეხამდე ტალავარი, მარილი და ტყვია-წამალიო“ (ს. მაკალათია, „ხევსურეთი“, ტფილისი, 1935 წ., გვ. 51).

„... და ბოლოს, უკვე ძალიან გვიან, მივალწიეთ შატილს და ღამის სათევად გავეჩერდით სწორედ იმ ქვითკირში, რომელშიაც ჩვენს მიერ კახეთის აჯანყების ჩაქრობის შემდეგ, საქართველოს ტახტის დაბრუნებისათვის ბრძოლაში დამარცხებულმა და გამოქცეულმა საქართველოს მეფისწულმა ალექსანდრე ირაკლის ძემ გაატარა 1812 წლის მთელი ზამთარი“, – წერს ა. ზისერმანი (*Двадцать пять лет на Кавказе*, გვ. 162).

შატილში ორი მოდგმის ხალხი სახლობდა: ჭინჭარაული და ანატორელი. ჭინჭარაულები (ადრე ჯინჭარაულები) უფრო ძველი დასახლებულები იყვნენ, ანატორელები კი შედარებით გვიან, მე-18 საუკუნეში. ჭინჭარაულები ორ ძირითად შტოდ იყოფოდნენ: I გილაკაურებად და II უთურგაულებად. ეს ორი შტო კიდევ ქვე-შტოებად, ქვეგვარებად (მამიშვილობებად) ნაწილდებოდა.


ანატორელები მე-20 საუკუნის პირველ მეოთხედში ჭინჭარაულებად (ჯინჭარაულებად) ეწერებოდნენ (ამის დასტურია ა. შანიძის მიერ შედგენილი ხალხური პოეზია), მოგვიანებით კი ძირითადად სისაურებად.

აღმოსავლეთ საქართველოს რეგიონებში დასახლებული სისაურები (ქართლში, ხევში, მთიულეთში, კახეთში, თუშეთში და ა. შ.) შატილიდან უნდა იყვნენ წამოსულები. პირაქეთ ხევსურეთში, ლიქოკის ხეობაში მოსახლე ლიქოკელები თავს ანატორელების ჩამომავლებად თვლიან.

შატილის მოსახლეობის დაყოფა გვარებად, შტოებად და ქვე-გვარებად (მამიშვილობებად).

ჯინჭარაული (ჭინჭარაული)

+ ანატორელი



ზემოთნაჩვენები მამიშვილობებიდან ბარში ჩასახლებულების ჩათვლით (50-იან წლებამდე ჩასახლებულების ჩათვლელად) ამჟამად ასეთი მდგომარეობაა:

გილაკაურები	48 ოჯახი,	145 სულამდე
უთურგაულები	35 ოჯახი,	105 სულამდე

გილაკაურებიდან: 1) ბაგრატაულები 12 ოჯახია, 2) კოკონი – 23, 3) თიაყანი – 13, 4) გოგოთურანი – მე-19 საუკუნეშივე გათავდნენ, მამიშვილობის გამგრძელებელი ქუდოსანი აღარავინ დარჩა. წინა საუკუნეში ბევრნიც ყოფილან; თავისი (კერძო) საფეხვნო ჰქონდათ, ამბობდნენ უფროსები. თან დიდი აღნაგობისა და ღონისანი ყოფილან. აქამდეა მოღწეული მათ მიერ ჩადენილი უბადლო საქმეები. მაგალითად, ხარებით მოტანილი თავხე (კეზი) მამა-შვილს – ბაბლიას და ჩუას, მარტოებს დაუდვიათ ერთი ქვიტკირის ზედა სართულზე.

უთურგაულებიდან: 1) ბადურიკანი 10 ოჯახია; 2) ბულოურნი – 7; 3) მანგიანი – 9; 4) შაბურანი – 3; ჯალაბაურნი – 5.

საუკუნის მანძილზე შატილში, და მთელ ხევსურეთშიც, მოსახლეობა კატასტროფულად შემცირდა. 1873 წელს ხევსურთა რაოდენობა (ერწო-თიანეთის ჩათვლით) 5300-ს სჭარბობდა; შატილის საზოგადოებაში (5 სოფელში) 524 სულია. შატილში 38 კომლია.

1887 წელს შატილის საზოგადოებაში 121 კომლია, 500-ზე მეტი სულით. მთელს ხევსურეთში კი (7 საზოგადოებაში) 4867 სული; 1898წ. შატილში 50 კომლია („მოამბე“ 7. გვ.169); 1903 წელს მთელს ხევსურეთში 6560 სული ყოფილა; დასახლებული იყო 30 სოფელი: მათ შორის ე.წ. სადედოფლო სოფლებია: კისტანი, გურო, შატილი, ხახაბო, არდოტი, მუცო. („ცნობის ფურცელი“ 2328).

როგორც ზემოთაც აღვნიშნავდით, ბოლო დრომდე ხევსურეთში გვაროვნული სოფლები იყო. აქ რამდენიმე სოფელია, სადაც 3-4 გვარის ხალხი ცხოვრობს (ცხოვრობდა). არხოტის თემში ასეთი სოფლები იყო ახიელი და ჭიმლა. პირიქითში – ხახაბო. ამიტომაც ერთგვარიანი სოფლების მოსახლეობის დამოყვრება მეზობელ და სხვა სოფლის, თემის წარმომადგენლებთან ხდებოდა. შატილში უმეტესი რძლები გუროდან, გიორნმიდიდან (ასე ერქვა 50-იან წლებამდე გიორგინმინდას) მოჰყავდათ, ან მუცო-არდოტის თემებიდან. შატილიდან გათხოვებაც ამ თემ-სოფლებში ხდებოდა. გამორიცხული არ იყო არხოტში და პირაქეთ ხევსურეთში დამძახლებაც.

სიახლოვის გამო ყველაზე მეტი ურთიერთობა გიორნმიდასთან იყო. შატილიდან გიორნმიდამდე 6კმ-ია. გიორნმიდის თემში 7 სოფელი ითვლებოდა. შვიდივე სოფელი გუროდან მე-19 საუკუნის ბოლოს და მე-20 საუკუნის დასაწყისში გადმოსახლდა. ძველ, ბუდე გუროსაც ისევ იყო დარჩენილი ერთი ათეული ოჯახი. გურო-გიორნმიდას გოგოჭურები ცხოვრობდნენ, ხოლო შატილში ჭინჭარაულები და ანატორელები.

დროთა მანძილზე ამ ორ სოფელსა და გვარებს შორის ისეთი კავშირურთიერთობა დამყარდა, რომ თითქმის აღარ მოიძებნება ოჯახი, რაიმე ნათესაური ურთიერთობა არ ჰქონდეთ მეზობელი სოფლების წარმომადგენლებთან. მიუხედავად სოფლებს შორის კავშირისა და სიახლოვისა, ხასიათით შატილივნები და გუროელები ერთმანეთისაგან საკმაოდ განსხვავდებოდნენ. შატილივნები უფრო „სერიოზულები“ იყვნენ, გიორნმიდელებს კი დიდი

იუმორი და მხიარულება ახასიათებდათ. შატილიენები გუროელე-
ბის იუმორს დაცინვად აღიქვამდნენ და ერთად შეყრისას, დიდ
ქეიფებში, გარდუვალი იყო ჩხუბი. ჩხუბი ლაჯიებითა და ხანჯ-
ლებით ხდებოდა. სასიკვდილოდ იშვიათად ვინმე დაშავდებოდა.
ამას სისხლის ალების უნიკალური წესი ანესრიგებდა. „შენ თუ
სხვას მოჰკლავ, შენც მოგკვლენ, მკვლელს არ შეარჩენს გვარია“
(ვაჟა). უფროსებს, მერჯულეებს გაუთავებლად ჰქონდათ განსჯა
და ბაასი ნაშუღლართა შესარიგებლად. ამ ორ სოფელს 1901
წელს სერიოზული შეჯახებაც ჰქონდა თემთა შორის საზღვრის
დარღვევის გამო, რასაც ათეულობით კარგი ვაჟკაცის სიცოცხ-
ლე შეენირა.

ეს კონფლიქტი ასე მომხდარა: შატილის საზღვარი გიორნმი-
დის სოფლებს ებჯინებოდა, შატილიდან ნკმ-ით იყო დაშორებუ-
ლი. გიორნმიდელთა პირუტყვი ზოგჯერ გადადიოდა შატილელ-
თა საძოვარში. ყველაზე მეტად კი სოფელ ქვენბოსლიდან და
ნასისხლარიდან. ნასისხლარში ჩონქარა გოგოჭური ცხოვრობდა.
შატილიენები აფრთხილებდნენ გიორნმიდელებს: „ჩვენს ადგილ-
ზე ნუ უშვებთ პირუტყვს“. მიუხედავად ამისა, ჩონქარას ოჯა-
ხმა რამდენიმე ბატკანი მაინც გადმოიყვანა შატილელთა მხარეს,
ხიდს გადმოლმა. შატილელთა მწყემსმა ბავშვებმა ეს ბატკნები
შატილისკენ წამოიყვანეს. ასე ჰქონდათ უფროსებისგან დავალებ-
ული.

გუროს ხატში დღეობა ყოფილა იმ დღეს. ხალხი სასმლით იყო
შეზარხოშებული. ამ დროს ავმა ენამ დაუძახა: „თქვენ ქეიფო-
ბთ, შატილიენებმა ცხვარი გაგილალესთ“. „როგორ თუ გაგვი-
ლალესო“ და შეიარაღებული გუროელები სტიქიურად დაიძრნენ
შატილისაკენ. ახლა შატილში მოიტანეს ამბავი: „გუროელები
თავს გესხმიანთ“. გუროელებს 12 კილომეტრი გამოეცვლოთ.
შატილის ტერიტორიაზე შემოსულიყვნენ. შატილამდე 3 კილომე-
ტრილა დარჩენოდათ. აქ შეეგებნენ შეიარაღებული შატილიენები
მეზობელ სოფლელებს.

შატილის ტერიტორიაზე შემოსვლამდე გონიერი და მამაცი თანასოფლელები ევედრებოდნენ გუროელ თავისიანებს: „ნუ წავალთ საშულლარად, მშვიდობიანი მოლაპარაკებით გადავწყვიტოთ საქმე“. ზავს განსაკუთრებით იხევენოდა სუიკათ ბათირა. მთვრალეობა არ დაუჯერეს, ზოგმა ისიც კი „იხუმრა“: „მე დავიჯერებდი, მაგრამ ჩემი ხმალი არ იჯერებსო“. დემონსტრაციულად ამოსწია ხმალი ქარქაშიდან და უკანვე ჩააგო.

გუროელთა და შატილელთა შეხვედრა, შეჯახება მოხდა ხიდთან, რომელსაც შულლამდე „მაღალხიდი“ ერქვა, შულლის შემდეგ კი „ნაშულლარს“ (ამჟამადაც) ეძახიან.

გუროელებს თოფები ცოტას ჰქონდათ და ძირითადად ხმალ-ხანჯლით იყვნენ შეიარაღებულები, ხოლო შატილიელებს, რაკი მენაპირედ, მესაზღვრედ ცხოვრობდნენ, თოფები ბევრს ჰქონდათ.

ჯერ ერთიმეორეს შორიდან თოფები ესროლეს. რამდენიმე გუროელი სასიკვდილოდ დაიჭრა. ნელან ზავის მომხრე ბათირამ დაინახა, რომ ახლა უკან დახევა აღარ შეიძლებოდა. თანასოფლელებს ხმამაღლა მიმართა: „დედა შეერთოს ცოლად, ახლა ვინც არ მომყვებაო“ და პირველი შეიჭრა ხიდზე. ხიდზე რამდენიმე გამშველებელი ქისტი იდგა. აქედან და იქიდან გადაქელეს გამშველებლები და ერთიმეორეს დაერივნენ ხმალ-ხანჯლებით. ვინც ხიდზე ვერ გავიდა, წყალში გატოპა და იქ შეერკინა მოწინააღმდეგეს.

ორივე მხრიდან რამდენიმე მამაცი, მათ შორის ბათირაც, იქვე დაეცა, ხოლო ათეულობით, ზოგი მძიმედ, ზოგი სასიკვდილოდ დაიჭრა. დაშავებულებში გუროელები მეტი იყო, რადგან შატილელებს თოფები ბევრს ჰქონდა. აქა-იქ ნატყვიარი შატილელებიც ივნენ.

გამშველებლები და დაჭრილების მიმხედველები ნაშულლარში მწყემსი ჩეჩნები და ქალებილა აღმოჩნდნენ. მათ შორის იყო გიორნმიდელი 18 წლის ლელაც. ლელა ერთ კარგ შატილელ ვაჟუკაცზე ყოფილა დანიშნული, თუმცა კარგად არც კი იცნობდა მას.

ლელა მანდილით ეზიდებოდა წყალს და დაჭრილებს ასმევდა. ტყვიით დაჭრილებს შორის ლელამ თავისი დანიშნული იცნო. იმედა მძიმედ იყო დაჭრილი მკერდში. მან ნატყვიარზე მიუთითა და სთხოვა ლელას: „ზედ დამასხი წყალიო“. მეორედ მისულს იმედა სულამამდინარი დახვდა. ლელას თვალები აღარ მოაშორა და ღიმილი შეეყინა ბაგეებზე.

ბევრი კარგი ვაჟკაცი თხოულობდა შემდეგ წლებში ლელას, მაგრამ ის აღარავის გაჰყვა ცოლად, შინაბერად დაბერდა მამისახლში.

მეზობელმა სოფლელებმა ერთიმეორის ჩეხვით რომ გული იჯერეს (ბევრი დაეცა და თითქმის ყველა სისხლში ამოისვარა), ხელჩართული შუღლი შეჩერდა. ყველა მოკლულებს და მძიმედ დაჭრილებს მიუბრუნდა. გიორნმიდელებმა (გუროელებმა) ნაშუღლარიდან რამდენიმე მკვდარი და ათეულობით დაჭრილი წამოასვენეს. შატილელებიდან დახოცილები ცოტა იყო, მაგრამ ხმალ-ხანჯლით დაჩეხილი ძალიან ბევრი.

გუროელებმა თავისი დაჭრილ-დახოცილები თავის საზღვარზე, ალერდაში როცა გადაიყვანეს, ერთხელ კიდევ შეამონმეს: ვის რა სიმძიმის ჭრილობები ჰქონდა მიყენებული.

ტყვიით იყო დაჭრილი მაშინ ახალგაზრდა ბაბუაჩემიც (დედის მამა) უთურგა (სიგირგალი). უთურგა პაპა სტუმართმოყვარე, მხიარული, მოქეიფე (მსმელი) კაცი ყოფილა. მას შატილელების ნასროლი ტყვია მუცელზე „ქერქ-ქერქ“, კანის შიგნით ჰქონია გავლილი. ეს შეუნიშნავს ჭრილობების სპეციალისტ პაპის მეგობარს და ასე უთქვამს: „მამაძაღლისას, ტყვიას ცოტა კიდევ შიგნით რომ დაელირმა, ქვე რა ლუდ-არაყ გამაიღვრებოდაო (დაიქცეოდაო)“. დახოცილების გვერდით რომ ასეთ ხუმრობას დაიწყებს – აბა ლხინის დროს მის იუმორს ხომ საზღვარი არ ექნებოდა?!

ბევრი კარგი მოყმე შეეწირა ამ საქმეს. ათეულობით წლები დასჭირდა მორჯულებს სხვადასხვა თემის ჯგუფებს, როგორმე შეერიგებინა მტრები ერთიმეორესთან. ამას ართულებდა დახო-

ცილთა სიმრავლე. თანაც უმეტესობა ერთიმეორის ახლო ნათესავი იყო. გაუთავებელმა სისხლ-მესისხლეობამ 21-ე საუკუნემდე მოაღწია.

აღნიშნულ პერიოდში ჩვენი სასიქადულო მეცნიერი და საზოგადო მოღვაწე აკაკი შანიძე ხევესურული პოეზიის ნიმუშებს აგროვებდა. „ნაშულლარის“ ტრაგედია ბევრ ლექსშია გაჟღერებული. ამ შეტაკების შესახებ ვ. წერეთელი წერდა „ცნობის ფურცელში“ (2774 18. 3. 1905): „დიდი ხანი არ არის, რაც შატილელებსა და გუროელებს ჰქონდათ ერთმანეთთან საშინელი ხელჩართული ბრძოლა, რომელმაც იმსხვერპლა ბევრი დაჭრილი და მოკლული. რადგან გუროელებს მეტი მოუკლეს, ამათ შატილელები მტრებად აღიარეს, უნდათ სისხლი დაიბრუნონ მათგან. ამიტომ შატილელებს შიშით გუროს ახლო არ შეუძლიათ გაიარონ. შატილში კაცი ვერ ვიშოვე, ხახმატში გამყოლოდა, – ერიდებოდნენ გუროელებთან შეხვედრას. გულსაკლავი რამ არის მათი საქმე: ბიძა დისწულს დასდევს მოსაკლავად, პაპა შვილიშვილს, სიძე ცოლისძმას, რადგან ერთი სოფელი ემტერება მეორეს, ნათესაობის განურჩევლად და განუკითხავად“. (ა. შანიძე. ქართული ხალხური პოეზია, ტფილისი, 1931, გვ. 615).

გუროელ-შატილელთა ეს შუღლი შემდეგ ერთგვარი წელთაღრიცხვის შემოღებად იქცა. ახლაც მოხუცები ასე იტყვიან: „შუღლის (1901) წელს, ესა და ეს (ქალი, კაცი) ამდენი და ამდენი წლისა ყოფილაო; შუღლის წლის შემდეგ ამა და ამ წელს დავიბადეთ“.

როგორც საქართველოს უმეტეს სოფელს, შატილსაც საუკუნეების მანძილზე მრავალი უბედურება და გაჭირვება უნახავს. მაგრამ არ გატეხილა, იმედი არ დაუკარგავს და ჩვენამდე ამიტომაც მოაღწია წინაპართა ნაოფლარმა და ნასისხლარმა. 1960-იან წლებში შატილში რამდენიმე ოჯახილა სახლობდა. მათ შორის სამგორის ველებიდან (გადასახლებიდან) დაბრუნებული გიგიათ ბასილი. ბარიდან მოსულმა სტუმრებმა შატილის ქავე-ციხეებს დაუწყეს ქება. ბასილმა ცერად გახედა მამა-პაპათა ნასახლარებს

და დანანებით წარმოსთქვა: „ამ ტიალ ქვა-ყორეთა და ნასახლარებს შატილივნები იცავდნენ, თორემ ცალია (დაცლილი) შატილი რალა სანახავიო“.

ყველა ჩვენგანს გვეამაყება ჩვენი სამშობლო, ჩვენი ქალაქი თუ სოფელი. ჩვენი უნიკალური კუთხეები, ციხე-კოშკები, საქართველოს უბადლო ბუნება და მინა-წყალი „გვაქვს უთვალავი ფერითა“. მრავალჭირნახული ქართველები მაინც ლხინობდნენ, მაინც მღეროდნენ: „დღეს ღამე უთენებია, რაც მტრობას დაუქცევია, სიყვარულს უშენებიაო“. შატილშიც ასე ხდებოდა. გავიხსენებთ 1920-იან წლებში შატილში მომხდარ ერთ ავადმოსაგონარ, მაგრამ ხევსურეთისთვის მანამდე გაუგონარ ამბავს.

მეზობელ ქისტებთან მტერ-მოყვარეობა და მისვლა-მოსვლა ჩვეულებრივი ამბავი იყო შატილელებისათვის. შატილიდან 7 კილომეტრზე დაშორებულ სოფ. ჯარეგოში ყვავილის ეპიდემია მძვინვარებდა. იქ მყოფ ერთ შატილელს გადაედო ეს ავადმყოფობა (მას ბედნიერს ეძახდნენ ადგილობრივები) და შატილშიც გავრცელდა. არც ექიმი, არც აცრა და ხალხი ხვთის ანაბარა დარჩა. განსაკუთრებით ბავშვები იმსხვერპლა ბევრი. 1924-1925 წლის ზამთარში ყვავილმა შატილში 53 ადამიანი მოკლა. ეს იყო სოფლის მცხოვრებთა მეოთხედი. ამაზე მიუთითებს ეთნოგრაფი ვ.ა. გურკო-კრიაჟინი (Хевсурь, 1928 г.).

მძიმე ზამთარი იდგა, ნასასვლელი არსად იყო. როგორც ადრე ანატორელები, ერთპირად შეიკრა სოფელი შატილიც. არავინ არსად არ უნდა გასულიყო, რომ მეზობელ სოფლებში არ გავრცელებულიყო მსახვრალი სენი. დღე არ გავიდოდა, რამდენიმე არ გარდაცვლილიყო. მესაფლავენი ერთი ცხედრის დაკრძალვის შემდეგ კითხულობდნენ: მეორე საფლავის გათხრა დავიწყოთ, თუ წამოსასვენებლად ჩამოვიდეთო. შატილის სასაფლაო სოფლის თავში არის, „ვაკისგორი“ ჰქვია. წყევლა იცოდნენ გაბრაზებულმა დიაცებმა: „ნავილეს ვაკისგორო“.

რამდენიმე თვეს გაგრძელდა ავადმყოფობა. სოფელში ჭირი-სუფლები მომრავლდნენ. შეწყდა გართობა და ლხინი. შატილში და

მთელს ხევსურეთში გლოვა თითქმის ერთ წელიწადს გრძელდებოდა. ლხინი ჭირის პატრონს, გარდაცვლილის ოჯახის წევრს, უმთავრესად უფროს მამაკაცს, უნდა გაეტეხა (გაეხსნა). ის ან ფანდურს დაუკრავდა, ან სიმღერით მიმართავდა თანამესუფრეს. ეს სიმღერა-ლექსები უმეტესად სიკვდილთან ან საგმირო საქმეებთან იყო დაკავშირებული. ასეთივე შინაარსის სიმღერებით პასუხობდნენ თანამეინახენი „ჭირის პატრონს“: „მეწყალი, ჭირის პატრონო, ჭირის გონობა ძნელია, ჭირსა გონობა რად უნდა, თუ კაცი გონიერია, – ჭირი ადგება, სხვაგან წავ, სოფელი ღონიერია“.

უმეტეს ოჯახებში ჭირი ტრიალებდა და თითქმის მთელი სოფელი ჭირის პატრონად იქცა. ამიტომაც ლხინსაც ველარავინ ხსნიდა. უფროსები ტრადიციული სიდინჯითა და სიჯიუტით ადვილად იტანდნენ ასეთ მდგომარეობას. ახლაგაზრდობა უფროსების ხატრით ვერ ბედავდა რაიმე სასიხარულო ქმედებას. თუმცა უმცროსებს სიჩუმე გაუძნელდათ, სიკვდილი გაადვილდა და გაუფერულდა, ფასი დაკარგა.

ზამთარში თითქმის ყველა ოჯახი საბოსლოებში კვებავდა პირუტყვს. ეს საზამთრო ბინები: აცეხი, ფიჭვნი და მუცოსჭალა 3-6 კილომეტრზე იყო შატილიდან დაშორებული. ავადმყოფები ძირითადად, ცენტრალურ სოფელში იყვნენ თავმოყრილნი. გარდაცვლილებს თუ მომაკვდავებს მიხედვა უნდოდა, თავისასაც და სხვისასაც. სხვისა შატილში არც არსებობდა: ღამისთევა, მიცვალებულის გაპატიოსნება, დაკრძალვა, ხარჯები და სხვ. ყველას ვალდებულება იყო.

იმ დროს როცა იხსენებდა, მამა ამბობდა: „ვცდილობდი, სწორებს არაფერში ჩამოვრჩენოდი, არც წასასვლელ-წამოსასვლელში, არც გასაკეთებელში, მაგრამ უძილობა გამიჭირდა ყველაზე მეტადო. უმეტესად ცხენზე ნაჯდომი ვიხდიდი ძილსო“.

ადრინდელ ხევსურეთში თავზე (დაკრძალვაზე) ხორცი არ იცოდნენ. ძირითადად ხავინით (ერბოში მოხარშული ფქვილით) და პურ-სატნით (პურ-ყველით) აღინიშნებოდა. ხორცს არაჭირის-პატრონიც იშვიათად, ღამით თუ მიირთმევდა.

ზემოთნახსენებ საზამთრო სოფელ მუცოსჭალაში ახლობელი ახლაგაზრდა „სახლისკაცები“, ბიძაშვილები: თათარი, ლეკო და ნანაისძე (საკუთარი სახელებია) საქონელს უვლიდნენ. ამ დროს ქალებიც შატილში იყვნენ დასაქმებულები.

ზემოთნახსენები ვაჟკაცები შუალამეში ადგებოდნენ, პირუტყვს მოუვლიდნენ (თივას დაუდებდნენ, ხო-ბატკნებს მოაწოვებდნენ, მოსანველს მოწველავდნენ და ყაურმას მიირთმევდნენ) და ურთიერთმჯობნი ბედაურებით „გათენებისად“ შატილში მოვიდოდნენ. გადიოდა კვირეები, თვეები; ოდნავ მინელდა სიკვდილიანობა. ერთ დილას თათარი ეკითხება ბიძაშვილებს:

„კარგადა დამიაზრეთა (დამაკვირდით), ამდენი პოხილიანი (ცხიმიანი) ყაურმის ჭამით არ გავსუქდი?“

„გასუქდ, შენმა მზემ, კაცისა საქონივით ბალნის (ბენვის) გაყრა ქვე არ გამიგონავ“, – პასუხობს შინში (ბიძაშვილი) ნანაისძე.

სამივე ბიძაშვილი ერთ ვინრო უბანში – „თიაყათ კარ“ ცხოვრობდა. აქ სულ ხუთი ოჯახი იყო. სამი ოთხსართულიანი ქვითკირი ერთიმეორეს მიჯრით ებჯინებოდა. ხმამალლა საუბარი ერთი ოჯახიდან სხვა ოჯახებში ისმოდა. ერთ ოჯახში მოსული სტუმარი ყველა ოჯახის სტუმარი იყო.

ან გარდაცვლილი თიაყათ ქალის შვილი (მამიდაშვილი), არდოტელი ზვიადაური ხვთისო (ჯღერეთ ხთისო) ბავშვობაში გაწვალებული ჰყავდათ დედისძმებს და მათ შვილებს. სუფრიდან ადრე დგებოდნენ და აშიმშილებდნენ დისშვილს. „ღმერთო, მიე ბარაქა ე ოჯახს, კარგად უმყოფე სტუმარიც“, – იტყოდნენ, თავს ანებებდნენ ჭამას და აიძულებდნენ, მასაც დაეტოვებინა საჭმელი. წვრთნიდნენ, ემასხრებოდნენ, უყვარდათ პატარა ხვთისო. რა თქმა უნდა, რომ წამოიზარდა (კარგი ვაჟკაცი დადგა), ხვდებოდა ყველაფერს და სიყვარულითვე უბრუნებდა „ავეს“ თუ კარგს დედულებს.

„აიმათ (დედულების) ცოდო მქონდას (წასულების), თუ ტყუილ გითხრ, 14-15 წლამდე კიდევ ვერ ვიცოდი, ვის ოჯახში

ვათენ-ვაღამებდი, ისეთი ერთიანობა ჰქონდათ", – მეუბნებოდა ძია ხეთისო. მოხუცობაში გომბორში მეტყევედ მუშაობდა, ყველას უყვარდა სიამაყითა და სიპურადით ცნობილი ჯღერეს შვილი. თითქმის მთელი სიცოცხლე მშობლიური სოფლის, არდოტის გარეთ გაატარა. სოფლელების თავი ემართა და რამდენჯერმე გადაურჩა სულ ახლოდან ნასროლ ტყვიას.

საზამთროებიდან ჩამოსულებს კვლავ ახალი გარდაცვლილი ხვდებოდათ. ასე იყო იმ დილითაც. ლეკოს სიყმის პირველი შვილი, აბა ჰყავდა გარდაცვლილი წინა კვირას და მისი ხარჯი უნდა გადაეხადა. არაყი გამოხადა და მზადება დაიწყო ახალგაზრდა ოჯახმა. ნანაისძემ და ლეკომ ამ არყის ჭაშნიკი გასინჯეს. ხარისხი კარგი მოეჩვენა და სამ ყანწამდე დალოცეს ერთმანეთი. გაჭრა იფქლის ნაწურმა. ლეკო ეუბნება ნანაისძეს:

„ცოტა ხმადაბლა რომ წაგვემშაურა (წაგვემღერა), რა იქნებოდა?!“

ნანაისძე ღიღინით პასუხობს:

„მე და კუდურათ გაგამა დღე დავალამეთ მზიანი“

ლეკო: „ჩამაჯე, კუდურაშვილო, ჯვარის კარია გვიანი“.

შემოდის თვალებდატყვრეცილი (თვალებაბრიალებული) თათარი:

„რას სჩადით, ქვე დაიწელთენითა (დაგიჟდით)“?!

ფეხზე ადგომით ეგებებიან და მისივე პაპის სახელით მიმართავენ: „მაგვიხვედ მშვიდობით, ბათაკავ“! ჯერ ლეკო აცლევინებს ყანწს, შემდეგ ნანაისძე.

– „შაუნდნას შამამბრუნავთ“, – ამბობს ლეკო.

– „შაუნდნას ჩვენს დაკლებულთ“, – პასუხობს თათარი და მეორე ყანწის დაცლის შემდეგ ჯდება ტაბლასთან.

„კაცო, უფროსებიც ქვე გაიგონებდეს, ნეტა რას იტყვიან?“ – ამბობს თათარი.

– „აჰე (ადი) კიბეზე, იყურ, რას ამბობენ“, – ეუბნება ლეკო ნანაისძეს, თათარის კი მესამე ყანწს აწვდის: „განა, რო ვიმღერ, ლალი ვარ, გულის დარდება ვიმქავრი, ვინც ჩემზე იტყვის, ლალია, ჩემსავით ლალიმც ის არი“.

თენდება. მესამე სართულზე „ზეთასთვალ“ წვანან ნანაისძის მამა თოთია, ცნობილი მერჯულე, მთასიქით-მთასაქათ კაცშუ-აკაცში ხშირად ნაყარი, შატილის ყოფილი მამასახლისი. იმავე სართულზე, წნელის ლობით გადატიხრულ მეორე მხარეს წევს ნიათ მიხა, ლეკოს უფროსი ძმა, რჯულიან-ურჯულოში ცნობილი კაცთკითხული შატილიონი. თოთია უფროსია, მიხა ბევრად უმცროსი. ერთიმეორის დიდი ხათრი და პატივისცემა აქვთ. მიპარვით მისული მოყურადე ნანაისძე ისმენს:

თოთია: „არ გიკვირსა, მიხავ, ტანგვამჩია ველარ ვეტევ, სოფელჩი გამასავალსაც გვილევენ ე ძალლებ“.

მიხა: „არა უ, თოთიავ, ყმანვილები, ჩვენა გვაქვ ჭირ, სხვან რაად გაგვიცინებენა' გაგვიკვირებენ“.

ეს დიალოგი სიტყვა-სიტყვით მოუტანა ნანაისძემ მოქეიფეებს. მიხა მხარს უჭერს, დიდი დანაშაული არაა ჩადენილი.

ლეკო: „აჲ, თათარივ, ჯერ ჩემ ძმა ჩამააწდინ, მე თოთიას ჩამავაწდენ“.

მიხას ფეხის ხმა მოახლოვდა. სამივენი ფეხზე ამდგრები ესალმებიან „ტრადიციულად“ პაპის სახელის მიმართვით, ყანწებით ხელში: „მაგვიხვე მშვიდობით, ნიავ. გადმაჲე საუფროსოსკე“.

– „დამხვდით მშვიდობით! აჲ, ლეკო, თოთია ააყენ“. ლეკო სწრაფად ადის კიბეზე: „დილა მშვიდობისა, ბიძავ! მიხამ წამამლალ, თოთია ჩამაწდასავ“.

– „მავალ, მავალ, მამდიოდ, ძალლებო, ნათელისძეთ გიგიაისა მაინც არ გეხათრებათა, გუშინწინ დაღმარხ დიაცი“.

– „შენ გეეხათრებოდ ყველაზე მეტად, ჩუმგვარად წავილი-ლინათავ, იმაად ვიყვენითა, წაგვიხმამალლდ რაწლადამ (როგორ-ლაც)“.

– „ჰო, ამირანივ, გულჩი მღეროდავ, ყმანო ბან მამაყოლეთავ, გენადათა' იმღერეთ“. ამ საუბრით თოთია საკაცოს თავისკენ მიიწევს.

„მაგვიხვედ მშვიდობით, განავ!“ – მიმართავს მიხა მორიდებულიად და თავის ყანწს აწვდის.

„მშვიდობით დამხვდითა, კარგად, დამაცალეთა, უჟამო-ჟამთ მელხინენო, შასანდობარ მაი მათქმიეთ“.

„შამავჴე წყალათ გორზედა, შავხუვულე, როგორც მგელიო, ზოგებს ეგონა ვიმღერდი, ჩამამდიოდა ცრემლიო“, – უკვე ხმამალლა მღერის თოთიას წინ მუხლზე დაჩოქილი მიხა.

„ღმერთმა შაუნდნას არდოტელ ჯარიათ გიგიას, სუმელჯითას, ამაგის მათქვამს, – ამბობს თოთია, – შვილ ხყვანივ კა ვაშკაც. დაჯარებულ მამკვდარ. რო დაუშარხავ, წვიმა მასულ. გიგიას ნაბადნ ჩაუტანიან დანიუხეს (სასაფლაოს სახელია), შვილის საფლავისად გადაუფარებიან, წყალ არ ჩაუვიდასავ. ეს სიმღერეიც იმის ნათქვამი. შვილის სიკვდილიდგესავ, ერთის კვირაის მემრ მღერობდისავ, თქვიან არდოტელთ, სოფელსაც ამღერებდისავ, ანაბრი დარდს იკლავდის“.

„შაუნდნას გიგიას“, – ამბობს თოთია და ნახევრად დაცლილ ყანწს მასვე აწვდის. მიხა მეორედ ავსებს ყანწს, კვლავ უბრუნებს თოთიას.

„ჰოდა, ის თუ ერთი კვირაიდგე მღერობდ, ჩვენ ორი თვიდგე ვიმღერეთ, არა უნდ“, – წყნარად ჩაილაპარაკა თავისთვის ნანაისძემ.

„შენ დედაი გიგიაის დედა ერთფერად ნამზველნ არ არიან, ის დაბერებულ კაც იყვ, შენ უცოდინარ, ყმანვილ ხარ!“ – ტუქსავს შვილს თოთია.

„ანატორის ჯვარის წყალობამ (დაფიცვაა), მე კი ნანაისძის დედულთაზე, კინნათაზე ჯიშ-ჯილაგიან არავინ გამიგონავ“, – პასუხობს მიხა.

„მე კი შენ დედულთავით, ბაჩაყაურთავით ჯიშმადგმულობიან არავინ ვიც პირიქით-პირაქათ“, – ამბობს თოთია. „შაუნდნას ე შენ მანვდილ ყანწ, ლეკო, ბაჩაყაურთ აპარეკას, შენ მესახელეს, ძმათ ქერხოსანათ რო გაუყოლებავ ბოსოხ (სოფელია ჩეჩნეთში) შურის საძებრად.“

წყალს გაწვითი ქისტ რო მაუკლავ ძმათ, სხვებ ქისტებ ტიტვლებ გამაყრილანა, მირგვალთ მახვევიან. ერთ ძმა იღუა რო

სასიკვდილოდ დაჭრილ ძმას, ხოლიგას, საყურად (საფრად) დაუდ-
ვავ, აისრ უბრძოლავ.

„ანდრეზად არ მადიოდა, საყურად დება ძმისაო,
ხოლიგაისა ყელჭრელი სულნუხად გამადისაო,
„იდუასადამც იქნები“ ცოცხალი, ყურთ მიზდისაო“.

ბევრ ქისტ მოუკლავ მაშინ ძმათ. ხოლიგაიც მაუკლავ მემრ.
ქისტებს საქონივით აუკაფიან ი ძმანი, წყალჩი ჩაუყრიან.

სანამ ცოცხალ იყვ, ხოლიგას აპარეკა შინ წამაულალავ. შენ
მაი წეედივ, ჩვენის გულისად ნუ მახკვდებივ, ამბავ მიუტანიდივ
გუროსავ, რაწლად ვიომეთავ, უამბიდივ.

ააქ მასულს აპარეკას გასვლიან გზაჩი შატილივინებ: „რა ხქე-
ნითავ, ი ძმან სად არიანა?“

„მამანირვნიესავ (დამატოვებინესო), თქვეევ აპარეკამავ ერთ
სიტყვადავ, თხილივით ცრემლებ დააფრინდოლაო, შეეფარავ თავ-
შალმავ“. თოთიას თავადაც ცრემლები მოერიო და თქვა: „აიმ კა
ვაჟს შაუნდნას“. ყანწი ლეკოს მიაწოდა და მიხას შემღერნა:

„გაყინა მთვარის ახალი, ველარ გავიდა წარია,
ახლებმა გუროვლებმა ბოსოხ იძიეს ვალია“...

ლეკომ დაიწოქა ცალმუხლზე თოთიას წინ, ყანწი მიაწოდა და
შემღერნა:

„შინ წეედ, აპარეკაო, წასვლა წესია მთლისაო,
დედას უამბე ამბავი, ჩვენი-დ' ბოსოხელთ ცდისაო,
ბებერი ჩვენი დედაი შუშპარს გაღმართებს, ლხინსაო“.

„შაუნდნას ძმათ იდუა-ხოლიგათ, ბიძავ, ეეს ყანწ“.

„ღმერთმა შაუნდნას, კეებს ვაჟებს, ქოო ტყუილად დაჯოცილან
ი ძმან, წინავავ უძებნავ თავის მამა, მემრ ნელა (გვიან) შულლჩი
თავის სოფლელს, ავ კაცს ვისამ შაუყვედრებავ: „მამა ვერ გიძებ-
ნავთავ, თქვენავ კაცებ ხართავ?“ ძმან კიდევ მეორედ წასულა-
ნა, აპარეკაი გაუყოლებავის“.

ხევსურეთში, და რა თქმა უნდა გურო-შატილშიც, სახელის
ჩამდენი ვაჟკაცი არ იკარგებოდა, დიდხანს ახსოვდათ. მათთვის
მიძღვნილი ლექსები და წმით ნატირლებიც ხალხში რჩებოდა.
ეს ტრაგიკულად დახოცილი მამაცი ძმები კვლავ ცოცხლებივით

მოიხსენებთან. მათი და თუ ახლობელი მზექალაუა შატილიონ აბუ-
ლეთს დასტირის და გუროელი იდუა-ხოლიგათაც იხსენებს:

„თვალჭრელო, ჩვენი აბულეთო,
ნადირობ არ იყავიანო,
მაღალი ნვერი არიშკისიო
ალარცად მაიარიაო?
ჭანთეთ არ ჩინდა, ტერელოო,
თოფის ჯმა არ მადიოდაო?
იდუა არცად ომობდაო,
ხოლიგა არ იცინოდაო?
ყელჭრელი იდუაის თოფიო,
სულნუხად არ გადიოდაო?!“

„დაიცადეთა, დამაცალეთა, ახალგაზრდებო, ბებერ კაცს არ
უნდა მიუყარათ (დააშუროთ), უგონთ გავალ, ლეკო, გადაიარ, ნა-
თელისძეთ გიგია მამგვარ აქ!“ – ამბობს თოთია. ლეკო უხმოდ
დგება და გარეთ გადის. სიჩუმე ჩამოწეება.

„– დილა მშვიდობისა, ბიძაქ!“ – ამბობს ლეკო. „ყოფა ნებისა“,
პასუხობს გიგია. „თოთია ბიძამ: გიგიაძე ჩქარა გადმადიარასაქ“,
– ხმადაბლა ღირთნავს (მორიდებით ამბობს) ლეკო.

„ჰოო, მამდიოდ, ქვე მეჩქროებაევ, ქვე ვილაწებიაევ, ვთქვი,
მემრ თოთიას ჯმა ვიცან. ა ბეჩავ (ჰაი ბარაქალა), თიყაებო,
დედა ვაცხონ თქვენ, ჭირჩიაც გამასადეგები' საიმედოებ ხართა,
– ლხინჩიაც, რას არ გადმავივლი! ერთ საარაყე ღამითავ გამავ-
სნურ, ეემას, ე მეორეს ეეხლა შაუგზ ცეცხლი. შენ დამიდეგი,
კა კაცო, კაის მამის შვილო, ნუ გამამითხევიებ, დიდ ცეცხლს
ნუ დაუგზებ, სხვა არა უნდ“, – აკვალებს ლეკოს გიგია და თან
თიყათ კარისკენ მიდის.

„აბა აშენდით, ვაჟებს გაუმარჯვას!“ – ამბობს გიგია და
არაყიან ხელადას ტაბლაზე დგამს.

„ეეგრ უნდ, არა უნდა, თოთია, შენ ნუ იუწერწულებ, ჩემისაი'
თქვენის შინაის ჭირ ერთი, მთელ შატილის ჭირ ყველაისაი“.

„მაგვიხვედ მშვიდობით, გიგია, ჩატყდი მინაო, ჩამიტიევ, აის-
თა ვიყავ წინწინ კი, რაითალ გამავჩინდავ გარეთავ. მემრ მიხამ
რო არა იმოდნად გაიკვირ, მია ცოტად მავსტყდი. გადმაწედი,

სათავისკედა დაგვიჯედი“, თან ყანნს აწვდის, მე კი დამათერეს ე ახალგაზრდებმ, სიმღერის ხასიათზე დამაყენეს“.

„მეწყალი, ჭირის პატრონო, ჭირის გონობა ძნელია, – მღერის თოთია. „ჭირი ადგება, სხვაკან წავ, სოფელი ღონიერია – პასუხობს გიგია. „შაუნდნას შენ მამა ბათაკას“ და სვამს არაყს. თან ნანაისძეს მიმართავს: „აბა კაკაცო, ცოტა დიდგვარა ყანწი მამილი, დიდის ჭარისა, ე ჯელადათა დალოცვა უნდ“. ნანაისძე სააღუდან დიდ ყანწს იღებს, წყალს გამოავლებს და აწვდის გიგიას.

„ცალიაის მიწვდა ქვე ვის წესი, სავსე მიაწვად“, – შენიშნავს თოთია. ნანაისძე უხერხულად იშმუშნება და წითლდება.

გიგია ჯელადას იღებს, არაყს ასხამს და დასძენს:

„ჩემ არაყიცა გავსინჯათა, რა რაჭლის ფხისაი“.

„ღმერთმა შაუნდნას დადგმულ ე ტაბლა (წყალ დადგი ნანაისძე თუნგით), ე ჯელადაებ სასმლიანებ, განყობილ სუფრა, წყალ, ჩვენებსა, თქვენებს მკვდრებს, იმათ ჯელთა-ნებასამც ას, ძველთ, ახალთ, დიდს, ცოტას, ქუდიანს, მანდლიანს, ბერს, ახალს, მასულს-მანეულს, სიკვდილის დღეს დამწყვედეულს! შამამხედავს, შამამბრუნავს, რჯულიანს, ურჯულოს, ნებითამც დაინევენა, დაიტანებენ, ძალითამც ნუვინ გამეეკიდებ. წელზამთარ წასულ ახალგაზრდებმც მასპინძლობენ, შაუნდნასა, მააწმარას, თქვენს სახლებს ბარაქა მისცას!“

„შაუნდნასა! მააწმარას!“ ყველანი ფეხზე ადგომით ლოცავენ ერთიმეორეს. გიგია ნახევრად ცლის ყანწს და თოთიას უვსებს.

„ეეს წინწარაქრისაი, მაგრემ არა იმოდნად მარჯე ეტყობ“.

„სიკვდილო, სიცოცხლისადა თავს კი არ მაგცემ მუდამა, წავალ და ტყეჩი დავწვები, ფათვლებ მეყოფის სუდრადა, არწივებ ჩამამყივლებენ, ყორნებ ჩამავლენ მუდამა“.

მღერის ხმამაღლა გიგია, ისე რომ მთელი შატილი გაიგონებს. თან თოთიას ყანწს აწვდის: „დიდებს, ბებრებს დიდებ ყანწებ გვინდ, ბებრების ჭარებისა, ცოტაებს ცოტცოტაებ ყანწებიც ეყვ, თოთიაჲ“.

ახალგაზრდები გასუსულები შესცქერიან გიგია-თოთიათ. გიგიას ხმამაღლა ნამღერმა დაზაფრა ისინი. ახლა უფრო ნათლად

ნარმოუდგათ სოფლის ჭირი. ვინ იცის, გასულ ღამეს კიდევ ვინ მოკვდა. თიანეთ კარიდან სიმღერის გაგონება რა გუნებაზე დააყენებს პატრონს.

„აი, ღმერთმა გადღეგრძელას, კლოოდ კაის გულით გამღერას, გიგიაჲ. მადლიც იქნ, შატილიც აღარ იქნებ უჩქუმარ. ჩუმად ავლა-ჩავლამ ფეხონ სიარულიც შამაძულ. შაუნდნას ე ქორაის სავსე ყანნ შენ დიაცს, განძას. კა დიაცობა ქნა, კეებ შვილებ მაზარდ, ნათელჩიამც ას იმ საიქიოს“.

„შაი, გილაკაურნო, კოკო-თიანეთებო, შაიყარენითა ერთად მარტუაებ, ბაბოსავ თვალთ აღარ უჩინსავ, ვერ გადმაივლისავ ანაბრ იფიქრეთ. იმას კი აღარ ღგონობთ, ყურთ მიზდისავ (ესმისო) ჯალაბაურთ მენაკუდესავ (ნაბოლარას)“. ამ სიტყვებით შემოდის ვაჟიანთ ბაბო. გვერდით ლეკო მოჰყვება, ერთ ხელში ბაბოს მხარი უჭირავს, მეორეში ბაბოს შავი, არაყიანი ხელადა.

„მაგვიხვედ მშვიდობით, ბაბო! მშვიდობით შენ მასვლა!“ ყველანი ფეხზე ამდგრები ეგებებიან. „მშვიდობით დამხვდითა“ კარგად! გიგიაის ჯმა შამამწვდ, რომენ ხარივ, გამავსძახნ. საარაყის სულ შამამებნივ. „მე ვარივ!“ ლეკო ამჩქამდ. „გიგია სადაევ?“ ვუძახ. „ჩვენ კარ არისავ, წელანავ გადაიარავ“, – მითხრ. აბა მიაც აიქ მიმიყვანევ თოთია-გიგიათანავ, ორთავ გადმავიარეთ. მადლიც იქნ, ზამთარ გადის, გიგიაის ჯმა აღარ გამიგონავ, ღმერთმა ჭირ ცოტა მაგცასთ, მალე ლხინ-ქორწილებჩი გამღერნასთ“.

„ბერო, ბერობას ნუ შჩივი, მაკლებას თვალეებისასა, ეცადე ჭკვა-გონებასა, რიგებას თემ-სოფლისასა, ერთფერად გაუჯავრდიდი თავისასა და სხვისასა!“ –

შემღერის ბაბოს თოთია და თან არაყიან ყანნს აწვდის.

„ღმერთმა შაუნდნას ჩემ ყანნ საყურეკათ მოკლიას. სასიკვდილოდ ნატყვიარ რო მაუყვანავ შინ, თამარ მაუკითხავ ჩიათა. თამარ მოკლიაის სწორფერ, კა მატირალ ყოფილ. მოკლიას უთქმავ: „ვიცივ, მალე მავკვდებივ, ისიც ვიცივ, კარგად მიტირებავ. მე ველარ გავიგონებავ, ევხლადავ მიტირევ“.

„– რას ამბობავ, ცოცხლისად ტირილ ვის გაუგონავავ?“ – უთქმავ თამარს.

„– ჩემ ცოდო გქონდასავ, თუ ეეხლადავ არ მიტირავ, შენ ჳმა არ გამაგონავ“, – შახვენნი მოკლია. მოკლია დაბლის ტანისა ყოფილ, გულ მამაც სდებივ, აიმიოთ ხქეივებეივ მოკლია.

უტირავ თამარსაც, რალა მეტ გზა ხქონდა.

„საყურიკათოთ მადის გმინო,
ნუხად ხყავ კმარუაის შვილიო,
ურჩო უჭირსა ნატყვიარიო,
მოკლიას ამაუდის სულიო...
მდევართ ნინ რად მიღმეტდებოდიო!
„დედისერთა ვარ“, რადარ სოქეიდიო,
მიშველაობით ვინ იძახდაო,
ქალ-ზალიც არ მიუდიოდაო?!
ეეგ მე გიყავ, კუდიანმაო,
გამაგალვიძე მძინარაიო“.

„– საიქიოიმც დაგიმადლებსავ!“ – უთქმავ მოკლიას და გახყოლიაც.

თამარს გაუგებებავ მაშინ მოკლიაისად, „ჳმა გატყდავ“, იმად ჩივის ტირილჩი: „რაად გაგაგებეივ კუდიანმავ“.

შატილში ნესად იყო: თავისიანი მამა, ძმა, ქმარი თუ შვილი სხვებს რომ არ ჩამორჩენოდა, ქალები საველო საქმეზე მყოფ მამროანს ახალ დაჩალულ ჯღნებს (ბანდულებს) და თოფ-იარაღს გზაშივე მიაგებებდნენ. დედა შვილის სახელიანად სიკედილს არჩევდა, ვიდრე სირცხვილიანად, სწორთათვის ჩამორჩენას. ამიტომ ამაყობს ვეფხვთან ნაბრძოლი შვილის სიკედილს დედა: „ერთ შვილ ხომ მაინც გაგზარდე, ვეფხვებთან მეომარია“!

„ორნ შატილიონნ ახალგაზრდან ერცხვისად დაჯიბრებულნ ყოფილან. მოკლია ბადურიკათა ყოფილ, მეორე თათართ ჯავახაკოკოთა. ორნივ მქისენი (სწრაფნი) და მამაცნ ყოფილან. „მია-დ' მე გაჭარბებავ მდევარჩიავ“, – დასჯიბრებიან ერცხვას.

ჳმა გატეხილ, ქისტებს პირუტყვ ნაუსხმავ ზულაისკედ. ჯავახა ჳარათით გაქცეულ, საქმეზე ნამყოფ, მოკლია ააქით, შატილით.

ზულაეს, ღუბისთავ მისწევინ ქისტებს, ერთისად თოფ დაუკრავ, მეგრ ზედა მისულან, ჳმლითაც უცავ. წინავ ეეგრ სცოდნივ: თუ ჳმალ-ხანჯრითაც არ დაიჭრებოდ, ვერ ითვლებოდ ღირსეულად მაკლულად.

თათართ ჯავახამ თქვისავე: „მოკლიამავ ერთის მაქნევით დამას-ნვრავ. ჩემ ჩალმ ჩამავალიო იმის აღმ ამამავალ ჳმლებივ ერცხვას შახვდესავ. მიავ მაშიავ მავბრუნდივ, მოკლიამავ, სისხლიან ჳმალვივ ბალახთ წამაწმინდო' ამაშინ დახკრესავ ქისტებმავ თოფივ“.

ჯავახას ზურგთ მაუკიდებავ მოკლიაი, წამაუყვანავ. მეგრ სხვებ შატილივნებიც მისულანა' დაუყრევიებავ პირუტყვი.

თათართ ჯავახა ნელა (გვიან) მამკვდარ, თავის დლით. ისიც კარგად დაუტირებავ შატილიონთ დიაცს:

„აღე, შე თათართ ჯავახაო,
მე შენი უფრო მამდის გულსაო,
ჳმა რო გაგიტყდა ჳარათესაო,
ზულაის წვერ რო გადიარეო,
გადიზინკლე (გადაფრინდი) ღუბის თავაო,
ნასახელარი ამალბრუნდიო;
ვენაცვლე შენთა სათაგვეთაო,
ზედა ნაკრავთა სამკლავეთაო,
გამარიკაის ამკაფავთაო“.

თიყათ კარ გატეხილი ღხინი ერთბაშად მოედო შატილს. სიმღერის ხმა მოვიდა შუასოფელადან, ანატორელთ კარიდან, ქავიდან და ჭალაიდან. თითქოს სიკვდილმა დამარცხება იგრძ-ნო, ამ დლიდან მკვეთრად იკლო სიკვდილიანობამ. შატილივნები საგარეო საქმეებსაც მიუბრუნდნენ.

შატილში წესად არსებობდა პირველ რიგში ქვრივ-ობოლთა, მოხუცთა და გაჭირვებულთა მიხმარება.

უფროსები საფეხვნოში გადაწყვეტდნენ რიგითობას, ვის რაში უჭირდა. ახალგაზრდებს დაავალებდნენ ერთობლივად მიხმარე-ბას. ზამთარი გადიოდა, ზოგს შეშა შემოჳკლებოდა. შეშის და-სამზადებლად ჭინიჭალას (გიორწმინდის საზღვართან) წავიდნენ შეშისმჭრელთა გუნდები.

წყალგალმა გიორნმიდელები ძნას ლენავდნენ. უშუალო კონტაქტი აკრძალული იყო. თუმცა გიორნმიდელებმა ყოველ მეორე დღეს იცოდნენ, შატილში ვინ მოკვდა. ერთმანეთს მდინარის გაღმა-გამოღმიდან ესაუბრებოდნენ.

შატილელებმა შეშის დამზადება სიმღერით დაიწყეს. გიორნმიდელები გაოგნებულები გამოსცქეროდნენ, ხომ არ მოგვეჩქროვაო (მოგვეყურაო). მაგრამ მთიბლური გუროელთა კალოებს შემადრწუნებლად ეფინებოდა. „ალბათ შეიშალნენ, თორემ ამდენი მკვდრის პატრონების სიმღერა სად გაგონილა“-ო, ფიქრობდნენ ისინი.

გიორნმიდელი ბიძურა გოგოჭური მდინარეს გაღმა მხრიდან მოადგა. ხმაზე იცნო ძმობილი თიყათ თათარი და წყალგამოღმა გამოსცახა: „ეჰეი, ძმობილო! ქვე დაიწვლთენითა, რა გამლე-რებსთ!?“

„არ დაველთულვართ, გონთ ვართ, ანატორის ჯვარის წყალობამ, სიკვდილ დავაშინეთა, აიმიოთ ვმღერობთ. გიამბობ ყველას, ძმობილო!“ – გასცახა თათარიმ.

ბიძურა წყალს ეცა და წამში გამოტოპა მდინარე. „რას შჩა (სჩადი), ძმობილო, ახლოს არ მახვიდ, ავად ვარ, გადმაყრილ მაქვ ტანზე!“ – ეუბნება თათარი. „აბა, მანახვიე, სად გაქვ გადმაყრილ?“ – სთხოვს ძმობილი.

თათარი მკერდს იღელავს, სადაც ყვავილის მუნუკები მოუჩანს. ბიძურა კიდეც უფრო უშიშვლებს მკერდს და მოულოდნელად ყველა მუნუკს უკოცნის.

„ჩვენ ძმობილებ არ ორთა (ვართა), შენ სატიკივარ ჩემ სატიკივარიც იყვას“.

„გაია, მარი! გადაგედებ, შენებსაცა' მთელ სოფელსაც! მე და შენ საცოდომადლოდ დავედებით. შატილივნებ კინალ გაგვათავნ, ეეგივ თქვენ მაგლამსთ (მოგელით), ან ჩემებს უფროსებს რა ვუთხრ, რას მეტყვიან!“

„ე დუნიავი მონმე, რო მე ძალით გაკოც, უფროსებიც ხედვენა, უმცროსებიც. თქვენ, შატილივნებ თუ აშინებთ სიკვდილს, ჩვენ

გუროვლებ რაით ნაკლებები ორთ თქვენზე? აბა, მიაბზე ძმობი-
ლო, რაჭლად დააშინეთ სიკვდილ“.

„ხო მაგდის ვაჟების მღერა. ეგ ზდობნივ სიკვდილის დაშინე-
ბას. ტირილი, გვლევა ქვე უხარის ყოფილამ (თურმე). გაზაფხუ-
ლისად მაგივალ არაყით, ეხლა ჩემ ჯერი, შარშ ხო შენ მამიკითხ.
კარგად იყავ, გვეყვ ერთად ყუდილ, თორე ორთავ გაუშჯელობა-
ჩი ჩაგვეთვლებ. მშვიდობით!“

ამ დროს ზემოთაღწერილი ნაშულლარის ტრაგედია ამ ორ
სოფელს შორის, მართალია, დამთავრებული არ არის, ყველა
ანგარიში არ გასწორებულია, მაგრამ უმეტეს ნათესავებს შორის
მისვლა-მოსვლა, მოკითხვა დაწყებულია. ოღონდ ყველაფერი ფრ-
თხილად, ყველანაირი წესისა და რიგის მიხედვით მიმდინარეობს.
უბრალო შეცდომა და ისევე მტრობა ჩამოვარდება.

როგორც აღენიშნავდით, სისხლის აღება მკაცრ ყალიბში იყო
ჩასმული. პასუხს აგებდა მომკვლელი, მისი ახლო ბიძაშვილობა და
არა განურჩევლად გვარის ყველა წევრი, ან ყველა სოფლელი.

ერთ უქმე დღეს გიორნმდიდან შატილში მოსაკითხით (არაყით)
თათურთ გიგიასთან, ლაწოჩასთან (ცაციასთან) ჩამოვიდა მისი დის
ქმარი მიხა და მეორე დის შვილი ბენია. ღამე გაათენეს ქეიფში,
კარგადაც მოილხინეს. მეორე დღეს სტუმრებმა წასვლა გადაწყვი-
ტეს. გიგიამ თავისიანებთან ერთად სოფლიდან გააცილა ნათესავი
მომკითხავები. დამშვიდობებისას გუროვლებმა წყალგალმა მათი
ბიძაშვილის მომკლავის ახლობელი დაინახეს და „ოო, რაჯელ თო-
ფდასაკრავიავ“, ჩაილაპარაკეს. გიგიამ დაწყნარება დაუნყო სტუ-
მრებს. „კაცი თავის შინ არის, რას ერჩით, თან ჩემ გაგონებით შა-
ტილიონზე მაგას როგორ ამბობთო“.

გაუცდა სიტყვა სტუმარ-მასპინძლებს. ლაწოჩამ დაასწრო,
გაიკრა ხელი ხანჯალს და ორივე მომკითხავი სტუმარი დაჭრა.

აი, ასე იცავდნენ უსამართლოდ, უხეშად, თუნდაც სიტყვიე-
რად დაჩაგრულ თანასოფელს შატილივნი. ერთი მოუზომავი
სიტყვის გამო ნათესავები მოულოდნელად მტრად იქცეოდნენ.
ამ შემთხვევაში გიგია მართალი იყო. სოფელი და თანასოფლელი

ყველა შატილიონს წმიდათა-წმიდად და ხელშეუხებლად მიაჩნდა. ჭირი და ლხინი ერთიანი იყო და არავის არაფერს აპატიებდნენ. ამიტომაც იყო, მოგვიანებით ნისლაურ ჭინჭარაული შატილიონ ახალგაზრდებს ერთ ლექსში მოუწოდებდა:

„დახკარით, ახალგაზრდანო, ცეცხლი ადინეთ ალისა,
მტერს ერთიც არ შაარჩინათ, ზედმეტი სისხლის ცეარიცა,
რაც შატილ დაარსებულა, მტრისად არ დაუთმავისა!“

ერთ-ერთ შემოდგომას შატილში მოულოდნელად ხიფათი მოხდა. აივანზე გამოსულ 23 წლის ხოლიგათ გიგიას (ეს სახელი მაშინდელ შატილში ძალიან გავრცელებული იყო, 6 გიგია ცხოვრობდა.) ქვაფიქალი აუტრიალდა სანაპიროზე და ერთი სართულის ქვევით ჩავარდნილს ფეხი მოსტეხა. განგრენა დაემართა, უეჭიმობის გამო გიგია ერთ კვირაში დაიღუპა. გიგიას შატილში კარგი ჯმა-სახელი ჰქონდა და მთელი სოფელი დამგლოვიარდა.

სწორედ ამ დღეებში ზემოხსენებულ თათურთ გიგიას (ლაჯოჩას) საღმერთო (სახვთო) ჰქონდა მომზადებული. ხევსურეთში საღმერთო ერთ-ერთი დიდი ზეიმი იყო ოჯახისა, ბიძაშვილების თუ სოფლისათვის. იგი ლუდით ტარდებოდა, არაყიც იხდებოდა. თან მოწვეულ ნათესაობასაც, მომკითხავეებსაც მოჰქონდა სასმელი. მოიპატიებდნენ თითქმის ერთი კვირით ადრე ნათესავ-ახლობლებს პირიქით-პირაქათიდან. იმართებოდა ლხინი და ბევრნაირი გართობა: ცეკვა-თამაში, სიმღერა, შაირობა, თოფების მიზანში სროლა, სირბილი, სიგრძესა და სიმაღლეზე ხტომა, ქვის სროლა და ა. შ.

სახვთო გიგიას დაღუპვის დღეს – შაბათს უნდა დაწყებულიყო და ორ დღეს გრძელდებოდა. დაკრძალვა ხუთშაბათს, მეხუთე დღეს იყო გადაწყვეტილი. მძიმე მდგომარეობა შეიქმნა. საღმერთოში მოწვეული სტუმრები პირდაპირ თიაყათ კარ მიდიოდნენ გარდაცვლილის ოჯახის წევრებისათვის მისასამძიმრებლად.

საღმერთოს გადადებაც აღარ შეიძლებოდა. ამ უხერხულობის გამოსწორება გიგიას უფროსმა ძმამ თათარიმ და ბიძაშვილმა ლეკომ მოინადინეს. არაყიანი დოქით ხელში, ხელიხელგადა-

ხვეულებმა სიმღერით მიაკითხეს ლაწოჩას და მოსულ უამრავ სტუმარს:

„ძმაო, ძმითა ხარ მაგარი, თორე მტერ მაგერეოდა...“

ძმას აისეთა ძმა უნდა ბადრის რო უსუპ ჰყოლია,

ბადრი კლდეთ გადავარდნილა, უსუპ თან გადაჰყოლია!..“.

ტირილით გამოეგება ლაწოჩა მომღერლებს: „რაზე თავს მჭრით, სახლისკაცებო, ჩემ სახნა დასამარხავ გინევთ შინ, აქ ლხინს ვინ გაგაწსნევს!“

სალმერთო ჩატარდა, არ ჩაიშალა, მაგრამ სალხინო ელფერი ვერ მიიღო. ჭირის პატრონების ეს განუმეორებელი ქცევა მთელს ხევსურეთს მოედო.

ზევით აღვნიშნავდით, რომ ჩეჩნებს და ხევსურებს შორის იყო კარგიც და ცუდი ურთიერთობაც. ურთიერთობა განსაკუთრებით მწვავდებოდა, როცა ნებსით თუ უნებლიედ ადამიანის მკვლელობა ხდებოდა. ორივე მთის კუთხეებში მკაცრად იყო დაცული სისხლის აღება.

მეოცე საუკუნის ოციან წლებში თუშ-ფშავ-ხევსურების ერთი ნაწილი მოსაზღვრე ქისტებს, მითხოს სოფლებს დაესხა თავს პირუტყვის მოსატაცებლად. როგორც ხშირად ხდებოდა, თავდამსხმელები დაზარალდნენ და „ზიდვა მოუნდა მკვდრებისა“. თუშ-ფშაველები უფრო მეტი მოკლეს, რამდენიმე პირაქეთელი ხევსურიც. ადგილობრივები, პირიქითელები, ცოტანი მონაწილეობდნენ და ისინი „დაინდვეს“ მეზობლებმა, იცოდნენ, მკვლელებს იცნობდნენ და არ შეარჩენდნენ.

ხევსური მოკლულებიდან ერთი ბარისახოელი იყო, გვარად ჭინჭარაული – უჭკუათ მამიშვილობის კაცი. უჭკუათავე იყო სახელოვანი ვაჟკაცი, ბარისახოელი გოგოთურის შვილი სულხანაური (სახელია. იხ. ნათელა ბალიაურის „ხევსურული ქრონიკები“).

სულხანაურს უკვე რამდენიმე ურჯულო მოეკლა, აეღო ბიძაშვილის სისხლი, მაგრამ კიდევ უნდოდა სახელის მოხვეჭა. ამიტომ შატილამდე ჩადიოდა. იქ ძმობილიც ჰყავდა და მოგვარე მასპინძლებიც.

ერთ შემოდგომაზე სულხანაური შატილამდე ჩამოვიდა და იქვე ანატორში დაელოდა მტრების გამოჩენას. მას ახლდნენ ერთი ფშაველი და ბიძაშვილი ხთისიკა. ანატორი გზაჯვარედინზეა და ბევრი მგზავრი იყრის თავს. ეს ადგილი განსაკუთრებით კარგად აკონტროლებს ქისტეთიდან მომავალ ბილიკს.

სალამოსთვის ორი მგზავრი გამოჩნდა ამ ბილიკზე რამდენიმე სული ცხვრით. ერთი მათგანი იცნო სულხანაურმა. ეს მისი ძმობილის, აბას მამა, ნათელისძეთ გიგია იყო. მას თან ახლდა ქისტურად ფარჩის (ფართლის) ტანსაცმლით შემოსილი ულამაზესი ვაჟაკი აბა. სულხანაური დურბინდითაც უმზერდა ძმობილს, მაგრამ საუკლოოდ (საუბედუროდ) მაინც ვერ იცნო. აბას სახლში ტყუპი ქალ-ვაჟი ელოდებოდა და მათთვის ველური ხილის (ჯოლოს, ხურტკმელის, ორყუნწას და ალუდას) მოკრეფა გადანყვიტა. სწორედ ამ დროს ესროლეს ორასიოდე მეტრიდან საფარში მყოფებმა აბას.

მელექსე „საყვედურობს“ აბას იმის გამო, რომ მას ხევსურულად არ აცვია და ასე აღწერს ამ გულსაკლავ შემთხვევას (სულხანაურს ათქმევინებს):

„არ ვიც, დურბინის ბრალია, არ ვიც, მე რაიმ მჭირსაო,
ტალავარი სცავ ქისტისა, სერი აქვს ჴევსურისაო,
თოფის წმას გაჰყვა კივილი გიგიათ აბაისაო...
დაიჭერს გამოგორვილსა მამაი თავის შვილსაო:
„რაზედ ვინ მაგკლა, აბაო, არცრა გვემართა ვისაო“!

სხვა მელექსეც ამასვე აღნიშნავს:

„ნუ იცვამ, გიგიაშვილო, ბუსურბნის ტალავარსაო“...

სასიკვდილოდ დაჭრილი შვილი მამამ, კლდეებზე დაგორებული, ნატყვიარი დაიჭირა და წყლამდე არ მიუშვა. ხიდზე ზურგზე მოკიდებით გადმოიყვანა გადმოღმა და თვითონ დაუხუჭა თვალები.

ტრაგედიის ადგილზე მისულ შატილივნებს შვილის სისხლით ბეჭებდასვრილმა გიგიამ განუცხადა: ყველა შატილიონი დღესხვალ ჩემი მუშები იქნებით და ვინც მეწელე (მკვლელი) იქნება, თავს თავში გავსთვლიო. ე.ი. თავი არავის დაედებოდა, მტერი ჭირის პატრონის მოკლულად ჩაითვლებოდა.

სახლში მოსვენებულ აბას მისმა სამი წლის ქალიშვილმა მზე-ქალმა ჯიბეები მოუსინჯა და ორი-სამი მუჭა ჟოლოს, ორყუნწასა და ალუდას მომნიჭებული ნაყოფები ამოუღო. დედა იტყოდა ამ მომენტზე: „ამაზე მარჯე (ძნელი) სანახავი არაფერი მახსოვს ჩემი სიცოცხლის მანძილზე, როცა პატარამ მიაგნო მამის მოტანილ ხილსო. ეტყობა, დაჩვეული იყო სხვა დროსაცო. ქალი და კაცი ერთდროულად ქვითინებდაო“.

ერთხელ დედას ვკითხე: „მართლა ლამაზი იყო-მეთქი აბა?“ მაშინ დედა 80 წელს გადაცილებული იყო, თბილისში ვცხოვრობდით.

„ღიაც ეესრ დავბერდ, რან კაცნ აღარ მინახიან მთასა, ბარს, რჯულიან-ურჯულო, გიგიათ აბასავით სერნანრის ვაშკაცისად არავისად დამიციან თვალნ“.

მეზობელი მითხოვლთ ქისტის ქალები მის სანახავად და მასთან საცეკვაოდ ერთი სოფლიდან მეორეში მიდიოდნენ თურმე. მასპინძლები კი მის სტუმრობას ვერ ინანილებდნენ ერთიმეორეში. სხვათაშორის ხორიელისთვის, მეულლისთვის, აბა მამის მამკლავის შვილი იყო. გიგიას სისხლის ალების ანგარიშზე ხორიელის მამა, ივანე ჰყავდა მოკლული, მაგრამ ანგარიშსწორების შემდეგ ჩვეულებრივად მოხდა დანათესალება. ამაში აბას სილამაზემ გარკვეული როლი ითამაშა. „რაც მტრობას დაუქცევია, სიყვარულს უშენებია“. თუმცა სიჩქარემ და სახელის მოხვეჭის ჟინმა მოულოდნელი უბედურება დაატრიალა.

ამ ტრაგედიის პერიოდში შატილში თითქმის ყველას ჰქონდა ცეცხლსასროლი იარაღი და სოფელი ვის რას შეარჩენდა. ასეთი განთქმული ვაჟკაცის სიკვდილი ვერ აპატიეს თავის მოგვარეს, აბას ძმობილს, სულხანაურ ჭინჭარაულს.

იმავე საღამოს შეიკრა მუცო-არდოტის და გურო-კისტნის ხეობები, გზა-ხიდეები და ბილიკები. ქისტეთის მიმართულებითაც წავიდა მაცნე.

„შაგიკვრენ, სულხანაურო, მალლა მთას, დაბლა ბარსაო“...

ყველა გზა-ჯვარედინსა და გადასასვლელს სამი-ოთხი შატილიონი იცავდა. ბოლო მზირი გუდელასძირ იდგა ხიდზე. თუ მკვლელები სხვებს გამოეხვეწებოდნენ სოფელში, სახლში ხომ დაბრუნდებოდნენ ოდესმე? ალუდია და ლეკო იმავე ღამეს მივიდნენ და შეკრეს ხიდი.

ამბავი ასე წარიმართა: იმავე საღამოს ანატორთან ტყეში ჩასაფრებულ ბენიკიათ გიგიას გადაეყარნენ მკვლელები. მან ესროლა თოფი, მაგრამ ბნელოდა და ვერ გაიგო, მოხვდა ვინმეს თუ არა. მერე გაირკვა, რომ ტყვიას სულხანაურის ხანჯლის ტარი დაელენა. აქ მთავარი ის იყო, რომ მკვლელების მსვლელობის მიმართულება გამოაშკარავდა. მტერი ტყე-ტყე მიიპარებოდა. მეორე დღეს კისტან-ლებაისკარის ტერიტორიაზე უნდა გამოჩენილიყვნენ. კისტანთან, იჯისკარს, ოთხი კარგი მეთოფე შატილიონი ჩასაფრდა: ყარიმანი, გიგია, ბაბურაული და შარუმი. თითო მამიშვილობიდან თითო კაცი იყო: ერთი ბაგრატაულთა, ერთი მანგიათა, ერთი კოკოთი და ერთი ბულოურთა. ისე იყო გათვლილი, რომ მოკვლა მთელ სოფელს ჩაეთვლებოდა.

ერთ ღამეში შატილიონებმა მკვლელების ვინაობაც დაადგინეს. სულხანაურს ახლდა ბიძაშვილი ხთისიკა და ვინმე ფშაველი. ჯერ სამივეს მოკვლა იყო გადანყვებილი. მერე გადანყდა ხთისიკა არ მოეკლათ. ორი ბიძაშვილის თავი არ შეიძლებოდა გაცვლილიყო აბაში. ამას ხევსურული რჯული არ მოიწონებდა, თუმცა თოფის მსროლელი სამივე იყო.

მეორე დღეს კისტნის ქალას, იჯისკარის მიდამოებში გამოჩნდნენ მკვლელები. ეტყობა, საგძალი გაუთავდათ. თანაც აინტერესებდათ, რა ხდებოდა პირიქითში, აბას მოკვლასთან დაკავშირებით.

სულხანაურმა დაინინაურა, ორნი ტყის ახლოს გაჩერდნენ. შატილიონებს ახლოს მოშვება უნდოდათ სამივესი. სულხანაური ახლოს მოვიდა და სოფელს უახლოვდებოდა. ვინმეს სახლში რომ შეეღწია, მერე მასპინძელი მოკვლის უფლებას აღარ მისცემდა. ოთხივე თოფმა ერთად იჭექა. ოთხივე ტყვია მოხვდა სულხა-

ნაურს. კიდევ უნდოდათ სროლა, მაგრამ ჯოტა ჭინჭარაული გა-
მოვარდა სახლიდან და ხმამაღლა ყვირილით დატუქსა მეკვლეები:
„გეყოთ, საკმაოაო“!

დანარჩენ მეკვლეებს აღარ დაედევნენ, „თავ-თავჩი გაითვა-
ლა“.

მესამე დღეს ლეკო და ალუდია უსიამოვნო ამბის მოწმენი გა-
ხდნენ: გუდელადან სულხანაურის დამ ქვითინით მოირბინა და არა-
გვში გადახტა. არაგვმა წამებში დაჰკარგა ლამაზი ქალიშვილი.

ლეკო და ალუდია მიხვდნენ, რომ სულხანაური ცოცხალი
აღარ იყო. შემდეგ შერიგების დროს ბარისახოელი ჭინჭარაულე-
ბი რჯულში ჩიოდნენ, რომ მათი ქალიშვილი დამატებით დაიღუპა
და ისინი მეტად დაზარალდნენ. მაგრამ შატილივნები პასუხობ-
დნენ: სულხანაურმა თავისი უჭკუობით მოკლა ალალ-მართალი
ძმობილი აბა, თავის თავიც თვითონ დაღუპა და თავისი დაცო,
დის სიკვდილში შატილივნებს არავითარი ბრალი არ მიგვიძღვი-
სო. სულხანაურის შვილი იმედა რომ წამოიზარდა, შარობდა შა-
ტილივნებს. შატილივნები კი პასუხობდნენ: სამივე მეკვლეი რომ
მოგვეკლა, მაშინაც არაფერი გვექნებოდა სადაოო. საქმე დამთა-
ვრებულია და ნულარ გავაგრძელებთო.

მას შემდეგ დიდი დრო გავიდა. აბას ტყუპები დაიზარდნენ.
ბიჭი მიხიელი ახალგაზრდა დაიღუპა. ქალიშვილი მზექალი ლა-
მაზი გაიზარდა, გათხოვდა. მის გაზრდას შეაღია ახალგაზრდო-
ბა აბას ქვრივმა ხორიელმა. სოფელი დიდ პატივს სცემდა მას.
მზექალს სამი ვაჟი ჰყავდა: მიხიელი, აპარეკა და ირაკლი. მათ
დაზრდაში ისევ ეხმარებოდა მოხუცი დედა.

უფროსი შვილი მიხიელი ამჟამად შატილში ცნობილი ექიმი
(ქირურგი). ერთ ხანს, ოთხმოციან წლებში, მიხიელი ბარისახოში
მუშაობდა. იმ ხანებში თავისთან ჰყავდა ბებიაც (დედის დედა,
სწორედ ის ხორიელი, სულხანაურმა რომ მოუკლა ქმარი).

ბარისახოში (გუდელას) ცხოვრობდა სულხანაურის შვილი
იმედა. ხორიელს და იმედას ერთიმეორე არასოდეს ენახა. ხორიე-
ლი ქვრივად, ხოლო იმედა უმამოდ გაიზარდა და დაბერდა. ერთ

დღეს მიხეილმა იმედა სახლში მიიყვანა ბებიასთან. დაახლოებით სამოცდახუთი წელი გასულიყო იმ დაუვინყარი ტრაგედიიდან... მოხუცები: ქმრის მომკლავის შვილი და მამის მოკლულის ცოლი, ერთიმეორეს ინტერესით შეხვდნენ. დიდხანს იბაასეს და ორივე კმაყოფილი დარჩა. იმედა გააკვირვა 80 წელს გადაცილებული ხორიელის სიკეთემ და სიბრძნემ. ხორიელმა კი ასე დაახასიათა იმედა; „რა კა კაც ყოფილ ე შავით გასაველ, რაჟე სულ მამიქცივ, დედო“. მიხეილისგან ორივენი მადლობლები იყვნენ. ექიმი სულის მკურნალიც გამოდგა.

შატილი და ქისტების სოფელი ჯარეგო 7კმ-ით იყო ერთმანეთს დაშორებული. საზღვარი ამ ორ სოფელს შორის ალაქოს ხევზე გადიოდა. ეს ხევი კარგი სათიბ-საძოვრებით იყო ცნობილი. ორივე სოფლის მოსახლეობა მის ათვისებას ეშურებოდა, რაც ინვევდა დავას, განსაკუთრებით სათიბების გამო. ერთი ასეთი შეტაკება უფროსებს 30-იან წლებშიც ახსოვდათ.

სათიბად გასულ შატილივნებს ჯარეგივნებმა შარი მოსდეს, ჩვენს სათიბებს თიბავთო და თოფის სროლა აუტეხეს. შატილივნები არ აჰყვნენ, მათ იცოდნენ, რაც ოდითგანვე მათი იყო, იმ სათიბებს ცელავდნენ. მაგრამ როცა გაგათ სამუკას ფეხებშუა დარჭობილ გრდემლს ცელის წკეპის დროს მოხვდა ტყვია, აშკარად გაირკვა – მოსაკლავად ესროდნენ. თუმცა სამუკამ გააგრძელა საქმე და ფეხზეც კი არ წამოდგა. სხვა შატილივნებმა გასცეს პასუხი თოფებითვე და „ჩაანყნარეს“ მონინაალმდევე. კაცის მოკვლამდე არ მისულა საქმე. სამუკას სიმამაციტ გაოცებულმა ქისტებმა საპასუხო ტყვიების ხმა რომ ინვნიეს, შეაჩერეს სროლა. მელექსე შატილივნების სიმამაცეს აქებს და აღნიშნავს:

„თოფს ცეცხლავს ვაჟუნისვილი, ზატორს გაჰქონდა ჩქამია,
მე ვერ მამაშლევთ თიბვასა, გაგათ სამუკა ვარია!
ამაუჭამეს ხთისოსა კალტ-ერბოიან ჯამია,
ჩამაგეშველათ ტრიხოი, მაგრა გიჭირათ მწარიო...“

ალაქოს ხევეს ბევრი მსგავსი ორთაბრძოლები ახსოვს.

1934 წელს ამ ხევში ქისტეთიდან შინ მიმავალ 16 წლის ხახონტ ბენიკუას შატილიდან მიმავალი ცნობილი ქისტი ... შეხვდა.

მას ორი ხარი მიჰყავდა. ერთი იცნო ბენიკუამ – ანატორელთ გიგუჩის ხარი იყო. ბენიკუა დაეჭვდა, მოპარული არ იყოსო და ჰკითხა: “ვისია და საიდან მოგყავს ხარებიო”. ქისტმა გაბრაზებით მიუგო „ჭკვიანად იყავი, ბალო, თორემ შენც ამ ხარებს თან გაგაყოლებო“. ქისტი ვილაც შატილიონს გაებრაზებინა და გზაში შემხვედრი ხარები წამოეყვანა.

„როგორ თუ გამაყოლებო, ჩემი სოფლის ხარებია და ახლავე დატოვეო“, – უთხრა ბენიკუამ. ეცნენ ერთიმეორეს, ქისტმა დიდი და ძლიერი იყო, ბენიკუა კი პატარა, „ბენიკუა“. ბენიკუამ იმარჯვა და თავისი თეთრტარა პატარა ხანჯალი მკერდში გაუყარა. ხანჯლის წვერი ძვალში გაეჩხირა და ბენიკუამ უკან ველარ გამოსწვდა. ტკივილებისაგან ქისტმა ღრიალი დაიწყო. ბენიკუამ ხანჯალგაყრილი ქისტი მიატოვა და იქვე ახლოს, საზამთრო სოფელ ფიჭვში (ახლა რუსებმა წაგვართვეს ეს ადგილები) მიიტანა მომხდარი ამბავი. შატილიონები რომ მივიდნენ დაჭრილთან, იქ უკვე ქისტები დახვდნენ. ჩხუბი აღარ გაგრძელებულა, რადგან დაჭრილი თავისიანებს ევედრებოდა: „თუ მოგვედი, ბავშვი არ მოჰყვო, კარგი ვაჟკაცი გაიზრდება, ჩემი ბრალი იყო, უხეშად მოვეპყარიო“. დაჭრილი ქისტებმა წაიყვანეს, ხარები – შატილიონებმა.

ქისტი მეორე დღეს გარდაიცვალა. ბენიკუას ოჯახი ნათესავებთან გაიხიზნა პირაქეთ ხევსურეთში, სოფ. ხახმატში. უკვე სამი წელი იყო გასული, რაც ხახონი (ბენიკუას მამა, გეგურა) ჭინჭარაულის ოჯახი ხახმატში ცხოვრობდა. ბენიკუა მართლა კარგი ვაჟკაცი დადგა. ერთხელ ბენიკუამ ხახმატელ სწორებთან არაყი დალია და დათვრა. შინ წასვამი მივიდა გვიან, ღამით. მამამ უსაყვედურა: „სხვა თემ-სოფელში ამანათებად ვართ შემოხიზნულები და ასე არ უნდა დამთვრალიყავიო“. ამჟამად ბენიკუამ იუკადრისა მამის შენიშვნა და ტყვია იკრა შუბლში.

დიდი გლოვა – ზარით მოასვენეს ბენიკუა შატილში და ვაკის გორის სასაფლაოზე დაკრძალეს. ცალკე აუშენეს კოშკი, რაკი ოჯახის გამგრძელებელი კაცი არავინ დარჩა.

მაშინდელმა პატილში მყოფმა მღვდელმა იოსებ (ბაჭა) ოჩიაურმა (1938 წლის რეპრესიებმა შეინირა, ახლა უცოდველ მსხვერპლადაა აღიარებული) საფლავის კოშკზე წარწერა გააკეთა (ახლაც ადგილზეა ეს ქვა და წარწერა):

„1934 წლის ივლისის 15-ს უფალო დაუყენე ნათელი ბენიკუა ხახონისძე ჭინჭარაულს, რომელმაც მოკლა ქისტი ხანჯლით სოფლიდან ხარების მოპარვის დროს. 18-V-37“.

სამაგიეროს მისაზლავად ქურდობა არც პატილივებისთვის იყო უცხო. ზოგჯერ ისეთი ვინმე სჩადიოდა ამას თემ-სოფელში, ვინც უმნიკვლო და პატიოსანი სახელით იყო განთქმული. ასეთებად ერთხანობას ორი ახლაგაზრდა მიიჩნეოდა: მიხათ ბენიკია და ბენიკურთ ბათაკათ ბათაკა. ეს უკანასკნელი ობლად გაიზარდა. სიობლეში გვერდში ახლობლები არავინ დაუდგა, ფარულად თუ აშკარად ქისტები მას და მის ძმას სახლიდან საოჯახო საგნებსაც კი ჰპარავდნენ. რომ წამოიზარდნენ, ისე შეანუხეს მითხოვლები, რომ დედები ატირებულ ბავშვებს აშინებდნენ: „გაჩუმდი, თორემ ბათაკის ბათაკი მოვა და მოგიტაცებსო“. მალევე დაობლდა მიხათ ბენიკიაც.

ეს დავაჟკაცებული ნაობლარები ერთ შემოდგომას ალაქოში თიბავდნენ ერთად. იქვე ცხვარი მორეკა და სათიბესთან ახლოს აძოვებდა ჯარეგიონი, მამაცი გურჯიელგი. დღისით მეზობლებმა ერთიმეორესთან ისაუბრეს. სალამოს ცხვარი (ფარა) ჯარეგოში დაბრუნდა, მთიბავები სათიბში დარჩნენ. გურჯიელგი თავხედობამდე თამამი იყო და ახალგაზრდებს თითქოს ზემოდან უყურებდა. ეს არ მოეწონა ნაობლარ ბიჭებს და ღამე ერთი ყოჩი მოჰპარეს მას. სათიბში დაკლეს და თივაში დამალეს. ღამე თითქმის თეთრად დაათენდათ. დილით ბათაკამ დაიძინა. ბენიკიამ თითქოს ქვეცნობიერად იგრძნო, რომ ვინმე მოაკითხავდა. ხანჯალი და დანები გულიანად განმინდა და სისხლის ყოველგვარი კვალი წაშალა.

ჯარეგა ალაქოდან სამ კილომეტრშია და გურჯიელგი დილით ადრე მოვიდა თავისი ფარით ბიჭებთან. მოსვლისთანავე ხან-

ჯალს დაადგა თვალი, აიღო ხელში, ქარქაშიდან ამოსწვავდა, ფხა გაუსინჯა, თან ქება დაუწყო: „კარგი პირი ჰქონია, არ მომყიდითო“? ბენინიკამ „იყიდა“, გურჯიელგი რისი მყიდველიც იყო და სერიოზულად უპასუხა: „ამ შუა თიბვაში ორ კაცს ერთი ხანჯალი გვაქვს და რა დროს ვაჭრობააო. თუ მახვილი არა გაქვს, ორი ურსა გვაქვს და ერთ-ერთს დაგითმობთ“ (ურც-ქისტურად დიდ, ცალპირა ტარიან დანას ჰქვია).

ახლა დანები დასინჯა ყოჩის პატრონმა. ეს უნდოდა ბენინიკასაც – ეჭვები მთლიანად უნდა გაფანტვოდა გურჯიელგს.

ამასობაში გამოელეოდა ბათაკასაც. მიესალმნენ ერთიმეორეს, ცოტა წაისაუბრეს.

„ბევრი რომ არ გავაგრძელოთ, – თქვა გურჯიელგმა, – ახლო-მახლო თქვენს მეტი არავინ არის, წუხელ ყოჩი დავკარგე და მომპარავდითო“.

ფეხზე წამოხტა ბათაკა: „გურჯიელგ, თქვენ ჯარეგვივნებმა, ბავშვობაში კერიდან საკიდელი ჩამომიხადეთ და მე ცხვრის მოპარვას ვიკადრებდი?! თუ წართმევა იყო, მთელ ფარას წაგართმევდი. აქ რომ ჩვენს სათიბებთან მოგყავს, ცხენს და ხარს მოგპარავდით, თუ მოპარვას მოვისურვებდი“.

გურჯიელგმა იგრძნო, რომ ზედმეტი მოუვიდა და საუბრის მიმართულება შეცვალა. „მამ, ყურანის მადლმა, ბენინიკა მომპარავდა“. გადაიხარხარა ბათაკამ: „ანატორის ჯვარის წყალობამ, ბენინიკამ გამოიყვანა ბაკიდან შენი ყოჩი, ეემ გურჯიელგისა და ეემ ბენინიკაის მზემ“. „ჰო, ბენინიკა კი მოიპარავდა“, ჩაისაუბრა ღიმილით გურჯიელგმა.

სრულ სიმართლეს ფიცულობდა ბათაკა. ეს ზუსტად ასე მოხდა. „ახლა წადი, თიბვას ნუ გვაცდენ, თორემ შენისთანა წყემსი დანარჩენ ვაც-ვერძებსაც დაჰკარგავს“. ასე გაისტუმრეს ყოჩის პატრონი „ალალმა“ ბიჭებმა. ყოჩის ყაურმა კი სხვა შატილიონ მთიბლებსაც ერგო. თანაც თანასოფლელებში ნანადირევ ვაცის ხორცად გასაღდა.



ტყვის მოყვანა პატილში

შემოდგომის ერთ მზიან დღეს შინ მოსულ ლეკოს ასეთი სურათი დახვდა: უფროს ძმას – მიხას აივანზე თოფი დაეშალა და წმენდდა, ვაზნები გაეშალა და მზეს უფიცებდა. ეს უცნაური არ იყო, მაგრამ იშვიათად ხდებოდა. მიხა მონადირე არ იყო. ის რალაციისთვის საგანგებოდ ემზადებოდა. ლეკო გულიანად ჩაეკითხა: „რაად ამზადებ თოფს და ტყვია-ნამალსო?“

„იარალს მავლა უნდ, სრუ მზად უნდა იყვას“, – თქვა თავისთვის მიხამ. აშკარა იყო, უფროსი ძმა რალაცას უმაღლავდა და უმცროსი შეეხვეწა: „მითხარი, სად მიდიხარო“. ბევრი მუდარის შემდეგ მიხამ აუხსნა: „ძოლან ქეიმეხკელებმა პატილიენებს ცხენჯორები და მათი ბარგები რომ წაართვეს და არ გვიბრუნებენ, ის ვალი უნდა დავიბრუნათ, ნებით, მოლაპარაკებით არ გვაძლევენ, ძალით უნდა წავართვათ. ან ვინ უნდა დავიჭირათ, ან ცხვარ-საქონ გაშავლაღათ, უნდა ვაიძულათ, ყველაფერი დააბრუნან. ჩვენ თავისას ვითხოვთ, მართლები ვართ ჩვენებურადაც და იმათებურადაც. ამ საქმეში ბევრი არ არის საჭირო, სამი მამიშვილობიდან სამმა გადავწყვიტეთ წასვლა: მე თაიყათით, ბენიკურთ ხთისომ ბადურიკათით და ვაჟუნათ ხთისომ მანგიათამ. ღამით, ჩუმაღ წავალთ, ან ვალს გავასწორებთ, ან ცოცხლები არ დავბრუნდებით და ქეიმეხკელებს ძვირად დაუსვამთ თავხედობას. აქ ეს არავინ არ უნდა გაიგას“.

„მიაც წამიყვანეთ“, – შეევედრა ლეკო. „შენ წამასვლა არ შეიძლებ, ერთი მამიშვილობიდან, ისიც ერთი ოჯახიდან, ორის თავგანწირვა არ ივარგებს“. „მაშინ წმას გაგიტეხთ, ფეხონჩი ვიტყვი, რომ მიდიხართ, ჩაგიშლით მაგ საქმეს!“ – დაემუქრა უმცროსი ძმა.

ინანა მიხამ საიდუმლოს განდობა, არ ეგონა, თუ უმცროსი ძმა გაუბედავდა და არ დაემორჩილებოდა. მეტი გზა არ იყო, ამჯერად ოთხნი უნდა წასულიყვნენ.

შუალამისას, თოფ-იარაღში ჩამჯდარი სათანადო ჩაცმითა და საგზლით ოთხი, სოფელში სანაქებო კაი ყმა შატილიდან გავიდა. იმავე ღამეს უახლოეს მეზობელ სოფელ ჯარეგოს გასცდნენ და მითხოს ჩდილ, დიდ ტყეში დაბანაკდნენ. დღისით უნდა დაესვენათ, ღამით კი ევლოთ. ძეხორციელს არ უნდა შეჰყროდნენ და დალაპარაკებოდნენ. ყველაფერი წინასწარ განზრახული გეგმის მიხედვით მიდიოდა. მიხა იყო უფროსი და გზამკვლევი. ერთიმეორესთან ხმამაღალი საუბარი აუკრძალა ახალგაზრდებს. მხოლოდ დაბალ ხმაზე, ყურში ჩაჩურჩულებით შეეძლოთ ერთიმეორეს გამოსაუბრებოდნენ. პაპიროსის მონევისას თავი ქუდში უნდა ჩაერგოთ და ისე მოეწიათ. პაპიროსის გაბუუტვასაც კი არ უნდა გამოეჭვრიტა.

მეორე ღამეს მთელი მითხოს ხეობა გაიარეს, ინგუშეთში გადავიდნენ და ქეიმეხკში, შატილივლებისებურად „ქვის ჯორჯში“, დიდ ტყეში ჩასაფრდნენ. მძარცველების სოფელი უკვე ახლოს იყო.

ცნობილი შატილიონი მელექსე ჭინჭარაული სამუკა (ნიათ სამუკა), მხატვრულად და დანვრილებით აღწერს ამ მგზავრობას (ამბავს). დამსახურებულად აქებს თანასოფლელების ჩადენილ ვაჟკაცობას და უბადლოდ თვლის მათ „ნაქნარ-სახელს“:

„ახალ ლექს უნდა ამოვთქვა ვაინისა და ცდისაო,
კამუნისტ-ბოლშეიკები რა რიგს ინყობენ პირსაო,
„არ გვინდა ჯელმნიფობა, – თქვეს, – დაჯდას ნიკალა ძირსაო,
არც გვინდა თავადობაი, ზედმეტ უჭირავ მინაო“.
აღელდა ქისტის შვილები, დრო დადგა სისხლის ღერისაო,
შატილ, გრანიცას ნადგომო, მაგდის მუქარა მტრისაო,
ალარვის ვაქებთ საქებსა, ქება ვისაიცი ღირსაო,
არცვის საგინებს ვაგინებთ, ალარცვის კალთას ვსჭრითაო,
ქება-დიდება რად გინდა, დიჩინო, ქალებისაო,
ქება უნდ აისთაებსა, მტერს ვინც არ არჩენს ჭირსაო.
ვაუებმ ჩაიდვეს საგძალი, შორს გავლა ღვულავ გზისაო,

ეგულა გადალაგვაი ქორილაშოს მთისაო,
უკენ განირეს ადგილი, თოთხმეტ სოფელი მტრისაო,
ჩადიან ისანქაესა, პირ ჩაიარეს ნყლისაო,
დაბლა ჩაგიდგეს საყური, სოფელო ქვისჯორვისაო".

ლექსის ავტორი არა მარტო სასახელო საქმეს აღწერს დაწერილობით, არამედ იმ ეპოქას და მაშინდელ პოლიტიკურ ვითარებასაც შესაშური სიღრმით გვიხატავს. არადა, სამუკა ჭინჭარული წერა-კითხვის ძლივს მცოდნე, ერთი უბრალო მხენელ-მთესველი გლეხი იყო.

„გათუნდა, გაჩნდა სოფელი, ჩახედვენ ღურბინდითაო,
„ძალიან ახლოს მავსულვართ, – თქვეს, – მაგრამ არა გვიშაო".
ერთ რაიმ შამაემართა, მანძილია ტყისაო,
ის არ ეგონა ასანსა, შამავეყრები მზირთაო".

ასანი შეშის მოსაჭრელად იყო ტყეში წამოსული, მდინარესთან ფეხზე გაიხადა, დილის ნამაზი შეასრულა, ტყეში შევიდა და იქ შატილივნებს გადაეყარა. როცა უცხოები, ხევსურულ ტანსაცმლიანები შემოეხვივნენ, ცული ერთხელ კი აღმართა, მაგრამ, როგორც კი ვაჟუნათ ხეთისომ თოფი მიუბრუნა, ძირს დაუშვა. თან ხთისოს მიხამ ჩეჩნურად უყვირა: „რას შვრები, თოფი არ დაჰკრაო". ასანი „დანყნარდა" და დანებდა.

„გადმაგეშაღნეს, ასანო, როგორც ნოტონი მგლისაო,
ძლივს ჩამაგიგდეს ჯელადა, ნაზარდო დაღისტნისაო,
უკან შაგიკრეს ჯელები, ნეს თუ ეგ არის ტყვისაო,
იარ, ნავიდათ, ასანო, შორს გავლა გვინდა გზისაო".

წამოსვლამდე მიხამ გამოჰკითხა სახელი, მამის სახელი, ვინ იყვნენ მისი ბიძაშვილები, მონანილეობდნენ თუ არა შატილელთა ძარცვაში.

ასანი იფიცებოდა: „შატილივნების გამძარცველებთან არავითარი კავშირი არა მაქვსო. ჩემიანი მაგ საქმეში არავინ არის გარეულიო". ასანს მაინც ველარ გაუშვებდნენ, თანასოფლელი იყო მძარცველებისა.

ტყვე ხელთ ჰყავდათ, მაგრამ ის ფეხშიშველი იყო. მისი ფეხსაცმელების მოტანა არ შეიძლებოდა, შიშველ ადგილზე დარჩა და სოფლიდანაც ჩანდა. ასანის ერთი დაყვირება იკმარებდა,

რომ ჳმა გატეხილიყო. მდევარი დაედევნებოდა და სისხლისღვრა გარდუვალი იქნებოდა. ოთხივე შატილიონი შეენირებოდა სახელ-სირცხვილს, უფრო მეტი დაეცემოდა ქეიმეხკელებიც. ასანი ჩუმად იყო, არ საუბრობდა და არც დაყვირებას „კადრობდა“, ისიც გრძნობდა, რა მოჰყვებოდა ამას.

აქედან შატილამდე ტყვეს ფეხშიშველს ვერ ატარებდნენ. ლეკომ ჩაიმუხლა, ჯღნები (ბანდულები) გაიხადა და ასანს მიაწოდა: „ჩაიცვიო“. ასანი გაოცებული შეაცქერდა და უარის ნიშნად თავი გააქნია.

„ჩაიცვი, ასან, შორი გზა გვაქვს გასავლელი, ჩემი ძმა უფრო ახალგაზრდაა, თან მასპინძელია, მაგან იაროს ფეხშიშველმა“, – თქვა ქისტურად მიხამ. ამ მიმართებაში თხოვნა და ბრძანება ერთნაირად ჟღერდა. ასანმა ბანდულების, მათებურად „წულჩების“, ჩაცმა დაიწყო. რალაცნაირად ცივად გაილიმა და თავის სოფელს გახედა.

ასანს ხელები შეუკრეს და თოკის ერთი წვერი ლეკოს მისცეს. „ამის შემდეგ თქვენ მეგობრები იქნებით“, – შენიშნა მიხამ და ტყის ბილიკს გამოჰყვა. მიხას ასანი მოჰყვებოდა, ასანს – ლეკო, შემდეგ ბენიკურთ ხთისო და ბოლოს ვაჟუნათ ხთისო. ეს უკანასკნელი უკან-უკან იყურებოდა და დურბინდით ზვერა-ვდა არემარეს.

რამდენიმე საათში ქორიალამოს (კირიილამ) ქედი გადმოლახეს და მითხოს ხეობაში გადმოვიდნენ. ხეობაში, ყოველ ორ-სამ კილომეტრში, ქისტების სოფლები იყო. ამ ლამაზ, გრძელ ხეობაში 12 მრავალკომლიანი სოფელი იყო, გარდა ამისა, სამი სოფელი ჯარეგოში შედიოდა (შატილიდან 7-8 კილომეტრზე იყო დაშორებული).

მიხამ დასვენება შესთავაზა ტყვე-დამტყვევებლებს და საუზმობა გადაწყვიტა. აქედან სამ-ოთხ კილომეტრში სოფლები – თერეთეგო და მიზუ მოჩანდა.

მოულოდნელად საჯიხვეებიდან შურთხი მოფრინდა და სათოფეზე, კლდის წვერზე ჩამოჯდა. ორჯერ დასტვენა მოასწრო

და ხთისოს თოფიც გავარდა. შურთხი კლდის წვერს მოსწყდა და მათკენ ჩამოგორდა: „რას შჩა, ხთისო, შუა მითხოს ვართ!“ დატუქსა მიხამ ხთისო. ასანის გასაგონად კი ქისტურად ასე თქვა: „შურთხო, შენ გაბრიყვებულხარ, აქ განა მითხოვლებია, – შატილივნებია“. ასანი გაქვავებული ჩაჰყურებდა თერეთეგოს და ხმას არ იღებდა. პურ-ყველი შესთავაზეს და უარი თქვა. ინანა მიხამ: „რად ვიტრაბახე, ტყვეს ვაწყინეო“. არადა ტყვეობა კი არ ამწარებდა ტყვეს, მას სხვა რამ ტანჯავდა, რასაც ქვევით შვეიტყობთ.

მელექსე სამუკა თითოეულ შატილიონს შესაბამისად ახასიათებს. როგორც ხელმძღვანელის, მეგზურის და უფროსის, დახასიათებას ავტორი მიხათი იწყებს:

„მიხასა, ნიასი შვილსა, მსწავლე არ უნდა გზისაო,
გადაეჩვია აჭვათა, მგელი მჭამელი ცხერისაო,
ნინავაც რა დრო აყარეს მაგ ისლამაის შვილსაო“.

ამ ისლამაის შვილმა იასამ წინა წლებში მიხასა და ლეკოს შუათანა ძმას, სტუმრად მყოფ ყანილს, მოტყუებით, ვითომ გასასინჯად, თოფი წაართვა და აღარ დაუბრუნა. იმავე თვეში სამივე ძმამ მოღალატე იასა თავისისავე სოფლის ახლოს შეიპყრეს, თოფიც წაართვეს და ტანსაცმელიც გახადეს (შარვლის გარდა). შიშველი გაუშვეს შინ.

შეპყრობამდე მთელი დღე ელოდნენ ძმები ტყეში მსხვერპლს. წყალი გაუთავდათ. ლეკომ, უმცროსმა ძმამ, მთელი ტყე დაიარა და წყალი ვერ იპოვა! არადა, მათ ახლოს იყო იასას სოფელი. სოფელს გვერდზე ჩამოუდიოდა სასმელი ხევი, რაც ყველა მხრიდან ჩანდა. იწყინა ყანილმა: „წყლის ხმა გვანუხებს და წყურვილს როგორ ვეტანჯვინებითო“. დაავლო ტიკს ხელი, დღისით, მზისით, შიშველ ადგილზე მივიდა, აავსო ტიკი და მოუტანა ძმებს წყალი.

გაიკვირვა მიხამ: „ამდენი წყალი რად გვინდოდა, აქ განა ერთ კვირას ვისხდებითო“. „ვირ-მამაცი“ უწოდა ძმას. გაუგონარი გაბეღვა იყო ქისტების სოფელში ხევსურულად ჩაცმული კაცისაგან შიშველ ადგილზე წყლის აღება.

ეს ყანოლი მამაცი იყო, „ვითარცა უხორცო“. 40-იან წლებში მძიმე ავადმყოფობის შემდეგ, სიკვდილის წინა წამებში, ძმას ლეკოს და ძმის (მიხას) შვილებს – გიგიას და ბენინიკას მიმართა: „როგორ ვკვდები, ხომ კარგად ვკვდებიო“, თან წამოინია და ტანზე აიხედ-დაიხედა. ლეკო ატირდა და თვალებში დაუწყო კოცნა: „კარგად ხკვდებიო“.

ბიძა ყანოლის სიკვდილს ალექსი ესწრებოდა. ძმების სიკვდილის დროს დიალოგს თავადაც ტირილით იგონებს. ალექსიმ რეზო ინანიშვილს უამბო ეს ამბავი და მან დაწერა მოთხრობა „ჩაჩაურის სიკვდილი“.

ძმები ფიქრობდნენ, რომ ეს უღირსი კაცი „წმას გაუტეხდა“ და მათ თავგანწირვით სიკვდილი ელოდათ. მიხა არიგებდა ძმებს: „თუ ქისტებმა შუილი დაგვინყეს, არც ერთი ტყვია უმიზნოდ არ დახარჯოთ. ისეთი სახელი უნდა დავტოვოთ, ხევსურეთში ერთი მეორეს ექადნებოდეს: „ისეთ საქმეს ვიქ, ნიაშვილთ რო უქნავავ“. ჩვენ მართლები ვართ და სიმართლისათვის დავიხოცებით. ჩვენი დახოცვა კი მტერს ძალიან ძვირი უნდა დაუჯდეს“.

ძმებს მიხა თემ-სოფელში შუილს უშლიდა: „არა ხყრავ სოფელში ხანჯრუკაობას, ქალების გამჩვენაობას, ჯლაბარდელაობას. ვაშკაცმ შორეულ მტერს არ უნდა შაარჩინას ვალი“. სხვათაშორის ძმებს თავში ხანჯრით მიყენებული ჭრილობები არ ჰქონდათ, რაც იმ დროისათვის ხევსურეთში, ხევსურებისათვის უიშვიათესი შემთხვევა იყო.

მეორე შატილიონი მელექსე ამ თვისებასაც უფასებს მიხას:

„მიხაი, ნიაისშვილი, კაცი ყოფილა ბერია,
ეგ ბერი აღარ იქნება, თუ გამაჩინდა მტერია,
ბევრჯერ ჩაიდვა მიხამა გუდაჩი ორ-სამ კვერია,
შორით მაილა სახელი, სოფელელთ თვალთ აგვაჩენია,
აბეჩავ, თიაყაებო, შატილის სიმაგრენია“!

(ქურსიკა სისაური)

მიხას სიკვდილის შემდეგაც არ ივინყებდნენ შატილში:

„ბრალია, ნიაისშვილო, მინას ეჭირა გრილსაო,
საბურავ გეხურებოდას მართლის მაუბარს პირსაო“.

ეს ლექსი არხოტელ ბაჟა (იოსებ) ოჩიაურს ეკუთვნის. როგორც ზემოთ აღვნიშნე, მაშინ ის შატილში მღვდელი იყო.

დავუბრუნდეთ ტყვის ამბავს. ნიათ სამუკა განაგრძობს ტყვის დამჭერების დახასიათებას:

„მიხას სტანავის ლეკოი, ძმას იმედი აქვს ძმისაო,
აის ვაჟია ლეკოი, ქვეით რო ცხენთან რბისაო,
დასატიებლად მტრისადა მინინოია მთისაო“.

თურმე ლეკო ცხენებთან ერთად დოღშიც მონაწილეობდა და წარმატებითაც. ის ცნობილი მუხლადი მორბენალი იყო. მას ძაღლის მუხლასაც (დაუღლელს) უწოდებდნენ. ლეკოს მეგობარი, ცნობილი გიორნმდიელი მელექსე გუგო გოგოჭური, ურთიერთ-შაირობისას ასე მიმართავს, „წყევლის“ ლეკოს:

„მინის ლოგინში მიგისხამ ძაღლის მუხლას ძვალეხსა,
მაღაიქივით (მუუხედავი, კბილლოჯა ქისტი) კბილეხსა,
ოთხრქა ცხვარივით თვალეხსა“.

1924 წლის შემოდგომაზე შატილში პირაქეთი ხევსურეთიდან, სოფ. ქობულოდან, განთქმული ვაჟკაცი დათვია ლიქოკელი ყოფილა გადასული, დათვია ქაქუცა ჩოლოყაშვილის რაზმის წევრადაც ითვლებოდა. 30-იან წლებში ბოლშევიკებმა ეს გაუხსენეს და დააპატიმრეს. დათვია ციხეში დაიღუპა. მაშინ ბევრი კარგი ვაჟკაცის ბედი იყო ასეთი.

იმ პერიოდში შატილში სამკალი ყოფილა გაჩაღებული. მეორედღეს ორი ოჯახის „მამკალი“ (მამითადი) დამთხვევია ერთიმეორეს. ერთი ლეკოს ოჯახს ეკუთვნოდა.

დათვია და ლეკო სირბილში შეაჯიბრეს ერთმანეთს. ათმა ახალგაზრდა შატილიონმა ლეკოს პირობა მისცა: თუ შეჯიბრში გაიმარჯვებ, შენ მამკალში წამოვალთ, თუ არა – იმ მეორისაშიო.

სირბილი დაახლოებით სამ კილომეტრზე, აღმართზე უნდა მოწყობილიყო. მთავარი იყო, ვინ უფრო შორს გაიქცეოდა. ორი კილომეტრი ერთად ირბინეს. შემდეგ მკვეთრად ციცაბო აღმართი იწყებოდა. სწორედ აქ უკითხავს ლეკოს დათვიასათვის: „ხომ არ დაიღალეო“. „დავიღალ, მაშ!“ მკვახედ უთქვამს დათვიას და

გაჩერებულა. ლეკოს რბენა გაუგრძელებია და მოუგია შეჯიბრი. მისი მამითადიც ათი კაცით გაზრდილა.

მაშინ ლეკო დანიშნული იყო გიორნმიდელ მექია გოგოჭურზე. ქორწილი ჯერ არ იყო ნაქნარი. ხევსურეთში ასეთ დღეებში სარძლოს მოიწვევდნენ ხოლმე ერთი ღამით. ლეკოს ბიძაშვილი ნანაისძე გაუგზავნიათ სარძლოს ჩამოსაყვანად.

პაპაჩემმა, უთურგამ, შუაკაცი ნანაისძე ყანაში ამუშავა: „ამ სამკალ ყანას სანამ არ მოვრჩებით, ქალს ვერ გაგატანთ“. მუშაობის დროს ნანაისძემ დაიკვეხა: „ლეკო და დათვია შეაჯიბრეს, ლეკომ 10 მამკალი მოიგო“. „აბა მექია რაღად გინდათ“, – თქვა უთურგამ. ინანა ნანაისძემ: „ეს რა წამოვაყრანტალო“. მაგრამ ეს პაპაჩემის მორიგი ხუმრობა იყო. შუამავალი დააპურა, დაათრო და სარძლოც გამოაყოლა.

დავუბრუნდეთ ასანის ამბავს.

ხთისოებსაც არ ტოვებდა შეუქებლად ნიჭიერი მელექსე:

„ვაჟუნათაო ხთისოო, მჭერელ არ გჭირდებ მჭრისაო,
მეთოფეობით განთქმულო, ისპა (სნაიპერი) ხარ ლეკეთისაო.
ბენიკურთასა ხთისოსა დაჭერა სნაის ტყვისაო,
ხთისოს არ დასცილებია გზაჩი დახვედრა მტრისაო, –

ხთისო გაძარცვულებს შორის ყოფილა და მეტი ბოლმა ჰქონია.

არ ეშუების სიკვდილსა, გულ უძეს ხოხის ქვისაო“. –

ხოხის ქვა – რიყის მაგარი, ბასრი ქვაა.

მსუბუქი წასაუზმების შემდეგ გზა გააგრძელეს შატილივნებმა მითხოს ხეობაზე. ჩქარობდნენ და სანადირო ბილიკებით ბრუნდებოდნენ, რომ გზაში არავის გადაჰყროდნენ.

ასანმა ლეკოს ნაკვალევზე სისხლი შენიშნა, მიხას შეჩერება სთხოვა და ფეხსაცმელების გახდა მოინდომა. არ დაანება ლეკომ, ახლა ვაჟუნათ ხთისო შეეცადა გაფეხშიშვლებას. „არა, – თქვა მიხამ, – ორ დაკოჭლებულს ვერ მიგიყვანთ შინ; ლეკომ უნდა გასძლას, ერთი დღის სავალილა დაგვრჩა“.

ლეკო რამდენიმე კვირას მკურნალობდა ფეხისგულებს. ასანი სოფელში მეორე დღესვე კენჭისყრით გაამორიგევეს. ყოველ მეორე დღეს მასპინძელი უნდა გამოეცვალა. ტყვისთვის სადილი

თუ ვახშამი საკადრისი უნდა მიერთმიათ, უბრალო პურ-ყველი არ უნდა ეკადრებინათ.

ლეკოს უნახავად ვერ ძლებდა ასანი. მის დანახვაზე დაიკივლებდა: „ჰაი, მარჯია, ლეკო!“, ეჭიდავებოდა, ეხუმრებოდა, ფეხის გულებს უსინჯავდა და კოცნიდა, თან ხევსურულს სწავლობდა. ლეკოს ქისტურს ასწავლიდა; ორივენი ამახინჯებდნენ უცხო ენებს და გულიანად იცინოდნენ. ლეკომ გაცილებით უკეთ იცოდა ჩეჩნური, ვიდრე ასანმა ქართული. ბავშვობაში შატილში მათ ოჯახში ქისტები ხშირად სტუმრობდნენ.

ასანის დაჭერის მეშვიდე დღეს მოვიდნენ ქეიმეხეკლები შატილში, ნაძარცვი ცხენ-ჯორებითა და ბარგითურთ. სოფელი საფეხვნოში შეიყარა. ყველაფერი დაწვრილებით დათვალეს. ცოტა რამ აკლდა ნაძარცვს. დაიკარგაო, ჩიოდნენ მათი თავკაცები. შატილივინებმა ჩამოთვალეს, ვისი რა აკლდა და უთხრეს: ნაძარცვს ჯორის ერთი მოსართავიც რომ აკლდეს, ტყვეს ვერ ნაიყვანთო. იძულებულებს ნუ გაგვხდით, თქვენიდანაც კიდევ ვინმე მივამატოთ ასანსო. კიდევ ერთი კვირის შემდეგ სრულყოფილად მოიტანეს. უფრო მეტიც: შეურაცხოფისათვის ხანჯლები და ხმლები მოაყოლეს.

ერთ დილით შენიშნეს, რომ ასანი ტიროდა. მიზეზი ჰკითხეს მასპინძლებმა. ასანმა მიხა მოიკითხა, მომიყვანეთო. მოვიდა მიხა. ასანმა ქვითინს მოუმატა, გაღმა სალოცავისკენ ხელი გაიშვირა და მიხას გულამოსკვნით უთხრა: „იქ, სალოცავში, ჩემი მამის მკვლელები მოსულან, ხარი მოუყვანიათ და ჩემი დახსნა უნდათ. მაგათ არ გამატანოთ, თორემ თავს მოვიკლავ, თოფს დავიკრავ, ან ხანჯალზე ავეგები. ეგენი თერეთეგოვლები არიან, რომ დამიხსნან, მამის თავი დამეკარგება“.

„დამშვიდდი, ასან, შენ ჩვენი ხარ და სანამ ჩვენ არ გაგისტუმრებთ, ვერავინ ნაგიყვანს“.

მიხამ უფროსებს გააცნო ასანის გულისტკივილი. უფროსები სალოცავში მივიდნენ: „თერეთეგოვლებო, დღეს ასანი ჩვენი

ტყვეა, თუ რამე ვალი გაქვთ, შინ მიაკითხეთ და იქ გაუსწორდით. ახლა როგორც მოსულხართ, ისევ ისე წადით შინ“.

ქისტებმა მუხლმოყრით სცადეს შეესმინათ მათი ვედრება. შატილივნებმა გამეორებაც აღარ იკადრეს ერთხელ ნათქვამისა.

მთხოვნელები ნახევარ საათში გაშორდნენ სალოცავს და ხარითურთ გაეცალნენ შატილს.

ახლა გაახსენდა მიხას, ასანმა გზაზე პური რომ არ ჭამა და დაბოლმილი ჩაჰყურებდა თერეთეგოს, მამის მკვლელების სახლკარს.

შატილში ცხოვრება ძველებურად გრძელდებოდა. ასანი გაოცებული იყო შატილივნების შრომისმოყვარეობით. შორს ჰქონდა სოფელს სათიბ-სამკალი. ღამიანად სამუშაოდ წასულები შუადღეში ძლივს იწყებდნენ მუშაობას. ხშირად საგზალი ერთი კვირის სამყოფი მიჰქონდათ. ღამეებს პირდაპირ მიწაზე ათენებდნენ. მთვარიან ღამესაც შრომობდნენ. ასეთი ჭირ-მწარით მოპოვებული სარჩო და ჭირნახული მართლა ძნელი დასათმობი იქნებოდა, თანაც თუ ძალადობით წართმევას ვილაცა მოინდომებდა, შატილივნები, რა თქმა უნდა, ძალადობითვე უპასუხებდნენ.

ასანის გამოსახსენლად ყველაფერი მოტანილი იყო. ახლა ჯერი შატილივნებზე მიდგა, როგორ გაისტუმრებდნენ ტყვეს.

კვირა დღეს საფეხვნოში ყველა უფროსი მამაკაცი და ქუდოსანთა უმეტესობა შეიყარა. სიტყვა ჯერ უფროსმა ჭალაურთ ბენიკამ თქვა:

„სოფლელებო! ქეიმეხკელებმა გაასწორეს თავისი საქმე. ყველაფერი მოტანილი და მოყვანილია. ასანი შინ უნდა გავუშვათ. ის კარგი ვაშკაცი გამოდგა. მართალია, ის ცოტა დაჟწაგრეთ, მაგრამ უკაცურ არა გვიქნავ. რას იტყვით, რა ვქნათ, პატივით უნდა გავისტუმრათ. დაწაგრულად არ უნდა იგრძნას თავი, ამაყად უნდა გაიარას მითხოს სოფლებიც და თავის სოფელშიც ამაყი უნდა მივიდას“.

ბენიკიანთ ბესომ ახალი ჯღნები მოიტანა. განთქმული იყო მისი ფეხსაცმელი შატილში. „მე თათებს მივცემ“, – თქვა ლეკომ.

„მე ყოჩს გავატან“, – თქვა ბენიკურთ ხთისომ. „მე ნაბადს მივცემ“, – თქვა ვაჟუნათ ხთისომ.

„შატილივნებო! – მიმართავს სოფელს ნიათ მიხა, – ამოდენ ბარგ რო დაუგროვდას, ასანს ცხენ დასჭირდების, ვერც საკლავებს გაღლაღავს მარტო, გამყოლი მოუნდება. უფროსებო! თქვენ გადანყვიტეთ. მე ეესრ მგონავ სწორი: წარავანჩი რომელიც ყველაზე დიდ წარი, აის ავარჩიათ, პატრონს საფასურ სოფელმ გადაუჭადათ, წინ დაუყენათ ასანს“.

„ჰაი, კაის მამის შვილო, რაჯელ კა სიტყვა სთქვი“, – თქვა ბენიკამ. ყველამ მოინონა ეს აზრი.

„მადლობთ, შატილივნებო, – თქვა ცრემლმორეულმა ასანმა, – ბესოს ჭულჩებს და ლეკოს წინდებს ჩავიცვამ, სხვა არცრა არ მინდა“.

მეორე დღეს ალუდიას დიდი შავი ხარი მოუყვანეს ასანს. სამბურად ის თოკი ჩაუდევს, რითაც თვითონ ტყვე მოიყვანეს. ამ თოკს ასანი საშვილიშვილოდ ინახავდა თურმე და სტუმრებს სიამაყით უჩვენებდა.

ასანის ჯარეგამდე გაცილება დაავალა მიხამ მომყვანებს. სტუმართსამართებამდე გააცილა მთელმა სოფელმა ასანი, დიდმა, პატარამ, ქალმა და კაცმა.

ქუდსაწდელას, საიდანაც შატილი უკანასკნელად ჩანს, ასანმა ქუდი მოიხადა, მუხლზე დაიჩოქა და წარმოთქვა: „ჰაი, დადალცუნ, შეედილ! ჰაი მარჯია შედილიხუა“!

ერთი თვის შემდეგ ამბავი მოვიდა შატილში: ასანმა თავის მამის მამკლავი, თერეთეგოელი მაჰამი, მოკლაო. შატილში ტყვეობამ სისხლის აღება დააჩქარებინა კაი ყმას.

ლეგენდასავით დარჩა შატილში ასანის და შატილივნების ურთიერთდამოკიდებულება. მიხას დაკრძალვის დღეს მოსულა ასანი ცხენით და ჭედილით. მიხას ძმა-ბიძაშვილებს შეეხვეწა: „სუდარი (აბრეშუმის ნაჭერი) მოვიტანე, იმაში გამახვევინეთ მიხას ცხედარი და ისე მიმაბარებინეთ მინასო“. წინააღმდეგობა არ გაუწიეს ძმებმა. იცოდნენ, რა გულით იყო მოძღვნილი უკანასკნელი პა-

ტივისცემა. „როგორც სიცოცხლეში იყავ მართალი, ტკბილი და სამართლიანი, ისემც მოგხმარდება საიქიოშიც“, – თქვა ასანმა. საბოლოოდ ჩაეკონა ცხედარს და საფლავში ჩასვენებაში მიეხმარა ძმებს – ყანილს და ლეკოს.

ასეთი ურთიერთობების მომსწრე-გამგონი იყო დიდი ვაჟა, ამიტომ შეიქმნა გენიალური „სტუმარ-მასპინძელი“ თუ „ალუდა ქეთელაური“.

ჩვენი შეულამაზებლად აქ მოყოლილი ნამდვილი ამბავი დაუდო საფუძვლად მწერალმა, კინორეჟისორმა გოდერძი ჩოხელმა თავის ფილმს „ცოდვის შვილები“.

იქ ამბავი სხვანაირად ვითარდება, დასასრულიც სხვანაირია. შეიძლება ასეთი დასასრული კინოსთვის მომგებიანია, მაგრამ შატილივნებს არ სჯერა, გუდამაყრულად გადაკეთებული კინოსცენარის დასასრული რამით სჯობდეს ხევსურულად საუკუნის წინ განსჯილ ნამდვილ დასასრულს.

შატილიშენები და ახვერდი მაჰმადი

მე-19 საუკუნე რუსეთის მიერ კავკასიის დაპყრობის საუკუნედ ითვლება. 1801 წელს ქართლ-კახეთის სამეფოს გაუქმება და რუსეთის იმპერიასთან შეერთება ამიერკავკასიის სახელმწიფოების (ხალხების) დაპყრობის დასაწყისად უნდა ჩაითვალოს. ტერიტორიების ნაწილი მოტყუებით, მოსყიდვით, მზაკვრობით იქნა მიერთებული რუსეთის მიერ. ნაწილი კი მძაფრი ბრძოლებითა და სისხლისღვრით. იარაღით დაიპყრო რუსეთმა ჩეჩნეთ-ინგუშეთი და დაღესტნის ხალხები.

ჩვენდა საუბედუროდ, როგორც ახლა, მაშინაც, საუკუნენახევრის წინათ, „გათიშე და იბატონე“-ს ხერხს იყენებდა ცარიზმის რუსეთი. კავკასიის ხალხებს ერთიმეორეს აბრძოლებდა და ასუსტებდა. შემდეგ ცალ-ცალკე ამარცხებდა და ეპატრონებოდა „ველურ ტუზემცებს“.

ყველაზე დიდხანს გაგრძელდა დაღესტანთან ბრძოლა. შამილი მცირე ლაშქრით, მამაცი, ფანატიკოსი მიურიდების ხელმძღვანელობით სასწაულებს ახდენდა. რუსეთის კარგად შეიარაღებულ და განვრთნილ არმიას მან არაერთი დამარცხება აგემა. ამ არმიის სარდლობაში თითქმის მუდმივად ერივნენ ქართველებიც.

საუკუნეების მანძილზე დაღესტანი ჩვენი მოსაზღვრე და მეზობელი იყო. მე-17-18 საუკუნეებში „ლეკიანობამ“, დიდ მუსულმანურ სახელმწიფოებთან ერთად, საქართველო მოსპობის პირას მიიყვანა. ეს ახსოვდათ რუსეთის ჯარში მომსახურე ქართველებს და მათი ბრძოლა ანგარიშსწორებასაც წააგავდა. გრ. ორბელიანი ამაზე არაერთხელ მიაწვნიებს თავის წერილებში.

სურდა თუ არა, დაღესტნის იმამიც სანაცვლო ქმედებებს მიმართავდა, – საზღვრისპირა ქართულ დასახლებებში (უმეტესად კახეთში) თავისი ლაშქრის ნაწილს (რაზმებს) გზავნიდა. აოხრებ-

და სოფლებს, მიჰქონდა ნადავლი, მიჰყავდა ტყვეები გამოსასყიდის მიღების მიზნით. ამისი მაგალითია წინანდლის 1854 წლის ტრაგედია.

აღმოსავლეთ კავკასიონის კახეთის მთებზე გადმოსასვლელს გარდა, დაღესტნიდან და ჩეჩნეთ-ინგუშეთიდან საკმაოდ მარჯვე, მოკლე გადმოსასვლელი ბილიკებია მათ მომიჯნავე თუშეთსა და ფშავ-ხევსურეთზეც. ეს გადმოსასვლელები ოდითგანვე საქართველოს ეკუთვნოდა. ადგილობრივი მოსახლეობა მტკიცედ იცავდა ჩრდილო-აღმოსავლეთიდან მოსული მომხდურებისაგან თავს, საქართველოს მიწა-წყალს.

მიუხედავად გმირული თავდაცვისა, თუშები მე-18-19 საუკუნეებში დაღესტნელების გაუთავებელმა თავდასხმებმა ძალიან აზარალა. უჭირდათ პირიქითი ხევსურეთის – არხოტისა და შატილის თემებსაც. არხოტს უშუალოდ ინგუშეთი ესაზღვრებოდა, შატილს – ჩეჩნეთი.

თავდასხმები უმეტესად ადგილობრივი ხასიათისა იყო. თემები თემებს უპირისპირდებოდნენ, ამიტომ არამც თუ თავს იცავდნენ და უმკლავდებოდნენ მომხდურთ, ზოგჯერ იქითაც ავიწროვებდნენ.

„ტილო ჩენო ტერლო, მიჯნაო ღილღვლებისაო, გადმადის არხვატივნები სანადიროო სხვისაო“, – ამბობს არხოტიონი მელექსე გრანჯა წიკლაური.

„თუ ნახვალ, მენადირეო, ნადირ ირჩიე სთვლისაო,
ტყავ-ხორციტ გამოსადეგი მასაკლავადაც ღირსაო,
გადახვალ ჩაინაშია, ადგილი ქისტებისაო“, –

ექომაგება არხოტიონს შატილიონი ნიათ სამუკა.

კონფლიქტები ძირითადად პირუტყვის მოტაცებაზე ხდებოდა. ამ დროს ან თავდამსხმელი ქისტი ილუპებოდა, ან მდევარი ხევსური. ეს კი სისხლის აღებას იწვევდა. სამაგიეროს გადახდას ისიც აიოლებდა, რომ დაპირისპირებულთა მომიჯნავე სოფლები 7-8 კილომეტრით იყო ერთიმეორეს დაშორებული. თავდასხმაც და უკან დაბრუნებაც ერთ დღეს ესწრებოდა.

არხოტის თემი (ამლა, ჭიმლა, ახიელი, კალოთანა, კვირინმინ-და...) მდინარე ასის სათავეში იყო განლაგებული, შატილი და პირიქითი ხევსურეთის სხვა სოფლები – მდინარე არლუნის სა-თავეში.

ჩეჩნეთის მოსახლეობის ნახევარი (სოფლები და ქალაქები) მდინარე არლუნისა და მისი შენაკადების აუზებში ცხოვრობდა. მათ კარგად იცოდნენ (განსაკუთრებით მითხოს ხეობის ქისტე-ბმა) მთის გადმოსასვლელებიც და საქართველოს ცენტრებამდე მისასვლელი გზის მანძილი თუ მგზავრობისთვის საჭირო დრო. გვიანობამდე ზემოთაღნიშნული მითხოს ხეობის მოსახლეობა თიანეთის მაზრაში შედიოდა.

1843 წლის ზაფხულში იმამ შამილთან ნაიბების თათბირი გაიმართა. თათბირზე რუსეთ-დაღესტნის ფრონტის სხვადასხვა უბნებზე მიმდინარე ბრძოლები და შემდგომი ბრძოლების გეგ-მები ირჩეოდა. თათბირს ჩეჩნეთ-ინგუშეთის წარმომადგენლებიც ესწრებოდნენ. მათ საკითხი დასვეს იმის შესახებ, რომ ჩეჩნეთი-დან არლუნ-არაგვის ხეობის გავლით საქართველოზე მოულოდ-ნელი თავდასხმა შეიძლებოდა. ამ ხეობაზე პატარა სოფლები იყო მცირე მოსახლეობით. ამ გზაზე არც რუსის ჯარის დაცვის მძლავრი საგუშაგოები იდგა. მათი აზრით, დიდი წინააღმდეგობა ჟინვალამდე თითქმის არ შეხვდებოდათ.

შამილმა და უმეტესმა ნაიბებმა მოინონეს ეს გეზი საძარცვა-ვად, ტყვეთა და ალაფის მოსაპოვებლად. ლაშქრის მომზადება და სარდლობა სახელგანთქმულ, უმამაცეს, ულამაზეს, უჭკვიანეს, შამილის უერთგულეს ნაიბს – ახვერდი მაჰმადს დაევალა.

ეს ცნობილი ნაიბი ყოფილა შვილი ტყვე პროზელიტ მუსლი-მანისა. მისი მამა ხუნძახელი იყო. „ახვერდი მაჰმადი–შამილის ერთ-ერთი საუკეთესო ნაიბი, იბრძოდა ახულგოსთან 1839 წელს. უმამაცესი მეომარი და შამილის ერთგული თანამებრძოლი, რო-მელმაც 1840 წელს ააჯანყა ჩეჩნეთი რუსეთის წინააღმდეგ. ძა-ლით გადაასახლა სანაპირო აულები შიდა ჩეჩნეთში. იმავე წელს დაეცა ქ. მოზდოკს, საიდანაც გაიტაცა სომეხ ულუხანიანის ასუ-

ლი და მიჰგვარა შამილს. იმამმა შემდეგ ის ცოლად შეირთო და უწოდა შუანეთა" (იხ. გრ. რბელიანი, „წერილები“, ტ. I, გვ. 262). თითქმის ზუსტად ამასვე იმეორებს რასულ გამზათოვი თავის ნიგნში „ჩემი დაღესტანი" (იხ. გვ. 304-306).

შამილი თავის მამაც ნაიბებს დიდ პატივს სცემდა. სანდო გადმოცემებით, შამილმა გააჭედვინა ხმალი ახვერდი მაჰმადისათვის და ზედ წაანერინა: „არავინაა ახვერდი მაჰმადზე უკეთესი ვაჟკაცი და არავისა აქვს მის ხმალზე უკეთესი ხმალი".

აი, ეს სანაქებო ნაიბი 1843 წლის ივნისის შუა რიცხვებში 5 ათასიანი მხედრით მოულოდნელად დაესხა თავს შატილს.

შატილივნები მუდმივ მზადყოფნაში იყვნენ მოულოდნელი თავდასხმებისთვის. ეს ლაშქრობა, რომელსაც აქ ვეხებით, რიგით მერვე იყო, იგონებდნენ ჩვენი წინაპრები. ორი ხბოლა დარჩენილა სოფელში. იმ პერიოდში შექმნილი სიმღერები აშკარად მიანიშნებს, რომ შატილელებს ჰქონდათ ინფორმაცია ამ თავდასხმაზე:

„შატილს ყანკია მაჰქადის: მავალ, ლეკნ მამიდიანა",
ვაუებმა შატილივნებმა ყურთ ფათელად ჩაყარიანა,
„მავიდან ცხენის მჭამლები, მავიდან, რას ელიანა?!"
ახდეს ზეთასთელის ბანზედა, ფერხისა ჩააბიანა,
ბევრა აქვ ტყვია-წამალი, მთას ყარაულად დიანა."

შატილში ტყვია-წამალს თვითონ ამზადებდნენ. კაჟიანი თოფები ჰქონდათ. წამლის დასამზადებელი სანაყი „დენგნი", ბაზალტის ამოღრმავებული მასიური ქვა, შატილის საფეხვნოში ამჟამადაც ადგილზეა.

მელექსე ამ არეულ დროსა და მუქარაზე მიუთითებს:

„აღელდა ქისტის შვილები, დრო დადგა სისხლის ღვრისაო,
შატილ, გრანიცას ნადგომო, მაგდის მუქარა მტრისაო"...

არლუნის ხეობაში შატილივნები, სამი კაცი, დღე და ღამ მორიგეობით იდგნენ შატილისა და ჯარეგოს საზღვარზე, სალუქის ქავს. მტრის გამოჩენისთანავე ერთი სოფლისკენ მორბოდა შესატყობინებლად, ორი კი ადგილზე რჩებოდა და სიკვდილამდე ებრძოდა მტერს დროის მოსაგებად, რათა გარეთ სამუშაოზე

მყოფი სოფლები მალე „შეკრეფილიყვნენ“ ქვითკირებში. პატარა, ანკარა მდინარე შატილურა კი ბუნებრივი მაცნე იყო შატილისათვის. ის წვიმაშიც კი არ იმღვრევა. თან ისე სწრაფად მოსჩქეფს, რომ ცხენოსანს ასწრებს. ის ვინროებში ჩახერგილი იყო. სანამ მომხდური ამ ხერგილს გახსნიდა, ამღვრეული წყალი შატილს ამცნობდა მტრის მოახლოებას. მასპინძელი მომზადებული დახვდებოდა დაუპატიჟებელ სტუმარს.

1843 წლის ივნისის 15-ში მაცნე მოვარდა: ცხენოსანთა დიდი ლაშქარი მოემართება ჯარეგოდან ჩვენსკენო.

ორი გუშაგი, ბათაკა და გიორგი, ალაქოს ვინროებში დახვდა მომხდურებს. რამდენიმე მოკლეს და დაჭრეს. ბოლოს მძიმედ დაჭრილები ტყვედ აიყვანეს მოლაშქრეებმა და შატილისკენ დაიძრნენ. ამ დროს შატილიეზებმა სათანადოდ მომზადება მოასწრეს.

ამ ზემოაღნიშნულ ორ გუშაგს გარდა, შატილის მარცხენაზე, ნისქვილების ზევით, შატილიეზებს კლდეში შეუმჩნეველი პატარა ეხი (გამოქვაბული) ჰქონდათ. მტრის მოახლოებისას ამ ეხშიც შედიოდა 3-4 დამცველი. ისინი მთლიანად აკონტროლებდნენ შატილის კლდოვან მხარეს, ნისქვილებსა და სასმელ წყალს, მდინარე შატილურას.

ამ ავბედით დღეს ბათაკას ულამაზესი ასული მზევინარი თავის ნისქვილში ხორბალს ფქვავდა. საფქვავე თავდებოდა და დაელოდა, ბარემ მთლიანად წავილებ ფქვილსო. მან მაცნეს მოსვლა ვერ გაიგო. მამა ბათაკამ ეხში შესვლა იჩქარა. მზევინარი ვერავენ გააფრთხილა.

„მავიდეს ქუდსახდელასა ლაშართხმულ ცხენნი ტიალნი“.

შატილი ჩუმი, „გამტკნარებული სახით“ დახვდა ლაშქარს. ავისმომასწავებლად ეჩვენათ მომხდურებს ეს სიჩუმე.

ყოველა მხრიდან შემოეწყო მხედრობა შატილს, სადაც მისვლა და შესვლა შეძლეს, ყველაფერი გაჩხრიკეს.

ნისქვილიდან გამოიყვანეს მზევინარი, ცხენზე შეჯდომა შესთავაზეს. იუარა ქალიშვილმა. ერთმა ახმახმა ცხენიდან თმებში ჩაავლო ხელი და ძალით ათრევა დააპირა. მოულოდნელად მზე-

ვინარმა გადმოხრილ მხედარს ხანჯალი ამოსწვდა ქარქაშიდან და მასვე გაუყარა მკერდში. ილრიალა ახმახმა, მზევინარის თმებჩაბლუჯული, ხანჯალგაყრილი გადმოვარდა უნაგირიდან. დანარჩენებმა მახვილები იშიშვლეს და იქვე დახანჯლეს მზევინარი.

ამ ტრაგედიას იქვე, ორას მეტრში, ეხში მსხდომნი ზემოდან დასცქეროდნენ.

„მოგიკედა მამაო!“ – წარმოსთქვა ბათაკამ. ხელები უკანკალებდა, ვერ უმიზნებდა.

– „რას შჩა, ბათაკავ, არ გააცდინ, მე თეთრცხენიან, შენ შავრა, იმედას წითლა“, – თქვა მინდია.

ერთად იჭექა სამმა ხირიმმა, სამივე მხედარი მინას დაენარცხა. სამი დაქვეითებული კი ჯერ შატილის კედლებს მიაშტერდა, შემდეგ უმხედრო ცხენები დაიჭირეს და საკუთარ ტაიჭებზე ამხედრება დააპირეს. ისევ იგრიალეს თოფებმა, ორი, უზანგებში ფეხგაჩრილი, რაშებმა დაითრიეს, ერთმა შეჯდომა მოასწრო და ძირითადი ლაშქრისკენ, შატილისკენ გაქუსლა ცხენი.

– „წედი, იქ ჩაგიყრიან ხინკლებს“, – ჩაიჩიფრიფა მინდია და ბათაკას მიუბრუნდა:

– „რადარ ჩემ სიკვდილ გაიგონ, სანამ მზევინარის სიკვდილს დაესწრობოდ“.

– „შენის მტრისაი, დუშმანისა, ჩემო მინდია, არ მაკვდ უსაკადრეოდ ჩემ ქალ, საიქიოს მემსახურე თავად გაიძლოლ წინ“.

„ლმერთმა გაგინათლას, ბათაკავ, მზევინარ, სანამ შატილის ქვა-ყორენ დგან, ანდრეზად იქნებ მზევინარის ნაქნარ“, – თქვა იმედამ.

ამ ეპიზოდზე მოგვიანებით მელექსე იტყვის:

„ნისქვილთ გორ შამაგენიენესთ, შამაგატანესთ ძალია“.

ნისქვილთან მომხდარი უბედურება ნიშნის მიცემად იქცა. შიგნიდანაც და გარედანაც აყეფდნენ თოფები. სისხლი დაიღვარა და ახლა შერიგება და დაზავება ველარ მოხდებოდა.

„ბათაკა ობოლათაი ვეფხვია სალის კლდისაო, არცრას თოფს მივცემ ძალებსა, არ ვიცი ზავის ქნისაო, მამწონსავ აის მღერაივ, ჭალით რო ამადისაო“.

ჭალას ბევრი დაღესტნელის ცხედარი იდო და მძიმედ დაჭრილების გოდება აღწევდა ქვითკირებში. ამას იგონებს ნიშნის მოგებით ლექსის მთქმელი.

აივსო დაღესტნელთა და ჩეჩენ-ინგუშთა მხედრობით შატილის შემოგარენი: მდინარისპირა ჭალები, სახნავ-სათიბი, ჯვარსალოცავეები. მაშინდელი წყაროები ამტკიცებენ, რომ ამ ლაშქარში 5 ათასი მეომარი ითვლებოდა.

შატილში ამ დროს ზრდასრული მამაკაცი 70-ს არ აღემატებოდა. აქედან ცეცხლსასროლი იარაღი ნახევარსაც არ ჰქონდა. შატილიელებისა და ახვერდი მაჰმადის პირველსავე მშვიდობიან შეხვედრაზე თავდამსხმელებმა 9 ხირიმი მოითხოვეს თავისი ტყვია-ნამლით. თუ ამ პირობას შეასრულებდნენ, მშვიდობიანად გაშორდებოდნენ სოფელს და გზას საქართველოსკენ გააგრძელებდნენ. შატილისათვის 9 თოფი დიდი ძალა იყო და უარი შეუთვალეს.

ინყინა ამაყმა სარდალმა პატარა სოფლის პასუხი და შეტევა ბრძანა. პირველსავე შეტაკებაზე შატილის კედლებთან მტრის ათეულობით გვამი დარჩა. ახვერდი მაჰმადი დაღამებას დაელოდა.

შატილი ორი წყლის, არლუნისა და შატილის ხევის (შატილურას) შუაში, კლდის შვერილზეა აღმართული. ჩრდილოეთით 60 მეტრის სიმაღლის კლდითაა შემოზღუდული, დასავლეთიდან კი განიერი, 5 მეტრის სიმაღლის ქვის კედლით, გალავნით ყოფილა შეკრული. გალავანს მხოლოდ ორი კარით შესასვლელი ჰქონია. კარები მუხისა ყოფილა, შიგნიდან სამ-სამი ურდულით იკეტებოდა.

შატილის ქვითკირები მიჯრითაა ერთმანეთს მიშენებული. ბოლოდან, არლუნის პირიდან თავამდე, ოჯახ-ოჯახ ისე გაივლი, გარედან თვალს ვერავინ მოგკრავს. ხმამაღალი გადაძახება თავიდან ბოლოში ისმის. სოფლის ასეთი განლაგება და პირობები დამცველებს დიდ უპირატესობას აძლევდა. ქვითკირების სარკმლები და სათოფურები ერთიმეორეს იცავს და აკონტროლენ-

ბს. კარებს იცავდა ზედა სართულზე აშენებული, შიგნიდან ღია და გარედან დაფარული ჩარდახები, სადაც მოგროვილი ჰქონდათ ქვები, რომლითაც პირველ სართულზე კარებთან მისული მომხდური შეეძლოთ დაეზიანებინათ.

ლამით განახლდა იერიში. მოლაშქრეები იოლ შესასვლელს, სუსტიად დაცულ უბნებს ეძებდნენ. არსად აღმოჩნდა ასეთი ადგილი შატილის კედლებთან. შატილივნებმა ქვითკირის ჩარდახებიდან და გალავანზე ჯაჭვზე მობმული ცეცხლმოკიდებული ფიჭვის კუნძები გადმოჰკიდეს. დრო და დრო მათ ზედ ადულებულ ერბოს ასხამდნენ გასალღიველად. განათებულ კედლებთან, სადაც მტრის მონოლა მძლავრი იყო, ორ-სამ წუთში ათიოდე მეოთხე შატილიონი იყრიდა თავს და დიდ ზიანს აყენებდა მტერს. გარეთ შთაბეჭდილება იქმნებოდა, თითქოს სოფელს ასეულობით მეომარი იცავდა.

იბრძოდა ყველა: ბავშვი, ქალი, მოხუცი. იარაღად იყენებდნენ ყველაფერს, რაც ხელთ მოხვდებოდათ. ერთმა მოხუცმა შეამჩნია, შელამებისას მათ ქვითკირებთან ვიღაცა მოძვრებოდა. იქვე დაგდებულ ხის კუნძს დაავლო ხელი, ესროლა და კედლიდან გადაავდო მოძალადე. ამაზე ნათქვამს მოხუცები ერთიმეორეს შემღერებდნენ ხოლმე:

„ჩოთათა გოგოთურამა ქავი აავსა მკვდრითაო.

სანამდი სხვან გაიგებდეს, ერთ წინაჲ მაკლა ხითაო“.

მეორე დილით გაირკვა, რომ მომხვედურებს კვლავ ათეულობით მხედარი დაჰკლებოდათ. სამუდამოდ დასძინებოდათ თავზეხელაღებულ ჯიგიტებს შატილის მიწაზე. თავის მიწაზე კი მარტო ბათაკათ მზევინარი განისვენებდა. დახოცილები ერთად მოეგროვებინათ, ზედ ნაბდები და ყარნიკები (ჩეჩნური გარემოსასხამი) წაეფარებინათ. ლაშქრის ხელმძღვანელობა მოკლულთა რაოდენობას ფარავდა.

შატილელებმა ლაშქრის მოთავეებთან მოლაპარაკება მოითხოვეს. პირველი მოთხოვნა მზევინარის ცხედრის შინ გადმოსვენება იყო. ახვერდი მახმადმა გამოსასყიდად ორი ხირიმი მოი-

თხოვა, თან დააყოლა: „თქვენი ლამაზი და მამაცი ასული რომ ჩემს მხედრებს არ შემოჰკედლომოდათ, ხუნძების პატარძალი იქნებოდაო“.

– „ცოდო იქნებოდა მზევინარი, ხვალე, შენი ცოლის ჩათვლით, იმ დაღესტნელ ქვრივებს მიემატებოდა, რომელთა ქმრებიც აქ წევანანო“, – უთხრეს მოხუცებმა.

ძალიან ეწყინათ შატილულებს მომხდურის თავხედობა. ყველა უბანზე დაგზავნეს ახალგაზრდები და დაავალეს: ყველას მოემზადებინა ტყვია-წამალი, კედლებამდე მოეშვა მტერი და ერთდროულად ესროლათ.

სიმყუდროვე გამეფდა შატილშიც და ლაშქარშიც. მოლაშქრეები ჩუმად, ნელ-ნელა იყრიდნენ თავს შატილის ირგვლივ. ისინი გალავანს ეფარებოდნენ და თოკის კიბეებს წნავდნენ. ღამე ხის კიბეებიც მოეტანათ კედლებთან. მომხდურმა არ იცოდა, რომ შიგნიდან ეს ყოველივე კარგად ჩანდა და სათანადო ღონისძიებებს მიმართავდნენ. ჭერები და ჯოხები მოემზადებინათ თავდასხმელთა და კიბეების უკან გადასაყრელად. თოფიანებს ხმალ-ხანჯლიანი შატილივნებიც მომატებოდნენ.

ნაშუადღევს თეთრ ნაბადში, თეთრ ცხენზე ამხედრებული ნაიბი შატილის თვალწინ ლაშქრის სხვადასხვა უბანზე დაჰქროდა და დავალებებს იძლეოდა. ამ დროს ასეულობით მებრძოლი კედლებთან მდგომებს შეუერთდა. ახერდი მაჰმადმა ცხენი ყალყზე შეაყენა, შატილისკენ შემობრუნდა, დამბაჩა იძრო და შატილის ქვითკირებს ესროლა.

„ილაღლა! ილაღლა!“ – აღრიაღდა ლაშქარი და გალავანზე ასვლა დაიწყო.

„დახკარით! დახკარით!“ გრგვინვად გადაედო შატილს ზენა უბნიდან აპარეკას ხმა: „დახკარით! დახკარით!“ შეუერთდა შუა სოფლიდან ბაბოს ხმა; „დახკარით! დახკარით!“ გორგისა და ხირჩლას ყვირილი ხირიმების ქუხილმა გადაფარა. საპასუხოდ ათასობით მომხდურის თოფის ტყვიები წიოდა შატილის ქავ-ციხეთა კედლებზე.

თოფის ნამლის კვამლმა დაფარა შატილი. ბევრს ისროდნენ ქვენა უბნიდან ანატორელნი. ზენა უბნიდან ჩალხია მოვარდა ანატორელთ კარს: „ცოტა ხანს შეწყვიტეთო სროლა, თოფის ნიშანს და მტერს ველარ ვხედავთო!“

„ახლებო, შატილივნებო, დღე გაგითენდათ ცდისაო,
ახდეს ზეთასვლის ბანზედა, ფერჯისას უთხრეს, ლხინსაო,
საღირას თათარისშვილსა აღ უბავ თოფის პირსაო,
ჭალასა ანატორელთა რიყე აავსეს მკვდრითაო“.

კვამლსა და მტერის ბულში ერთი ლეკი კლდეებიდან ამოპარულიყო და პირდაპირ ნიათ ნიას შეეჩეხა თიაყათკარ კალოში. ეცნენ ხელდახელ ერთიმეორეს ლეკი და ნია. ნიას „მომცრო სდგომიყო ტანია“, ლეკი აშკარად სძალავდა. „არიქა, მიშველე, ჩიაო, ეემ ურჯულოს ვერ ვიმორჩილებო!“ – დაუძახა თავის შინაბერა ქალიშვილს ნიამ. არადა, მას იმორჩილებდა ღონიერი ლეკი. ნიათ ჩია ღონიერი და სწრაფი იყო. მამა-ქალმა წააქციეს მომხდური, ხელები შეუკრეს, იარაღი აპყარეს და ბოსელში მიაბეს ჯორის მარგილზე.

ლამე ბათაკა დაბრუნდა სამზირიდან. დიაცს, ლელას უამბო მზევინარის სიკვდილი. ბოლოს ასე დაასრულა საუბარი: „ეემ ურჯულო მტრებსაც არ ვუსურვებ, ჩემსავით უყურონ ეესრ თავის შვილის სიკვდილს“. ჩია ტირილით უსმენდა ბიძას მზევინარის ამბავს. „ნუ სტირ, ჩიაო, ბიძაის ქალო, შენ რო ლეკ დაგიჭერავ, მაგას გავსცვლი მზევინარში, ისრ მაგეჩვენებ, ვითამ ცოცხალ დაგიბრუნდა შინში“. ჩია და მზევინარი ძმათაშვილები იყვნენ.

„ომსაც გახკვირან მაგარსა მაგ ნიათ ნიაისაო,
კაცის ომობა წესია, – ქალისა ჩიაისაო“.

შატილიდან ლაშქარი სათოფე მანძილამდე უკუიქცა. ახვერდი მაჰმადს ყველაზე მეტად ის უკვირდა, რომ შატილურაზე შატილიდან მოფარებულებსაც ხოცავდნენ. ესენი იყვნენ ეხში შემალულები. ისინი მაშინ ისროდნენ, როცა შატილზე იერიშები იწყებოდა. ამ დროს ვერც კვამლს შეამჩნევდნენ, ვერც თოფის ხმის მიმართულებას გამოიცნობდნენ. შატილზე შატილურას მხრიდან მისვლას ველარავინ ბედავდა.

მოთარეშებმა მეორე დღეს ორმოცამდე მკვდარი და ორი ამდენი მძიმედ დაჭრილი დაითვალეს. ახვერდი მაჰმადი დარწმუნდა, რომ სოფელს იცავდა სანოვაგითა და იარაღით კარგად მომარაგებული, განვრთნილი, დიდი რაზმი. ახლა მან იკადრა შერიგებაზე საუბარი. შუაკაცად მითხოველი ქისტები ჰყავდათ. შატილელებმაც იცოდნენ ქისტური. ამჯერად ახვერდი მაჰმადი აღარ ითხოვდა 9 ხირიმს. ის პირობას იძლეოდა, რომ ლაშქრიანად დატოვებდა შატილს და არაგვის ხეობაში გადავიდოდა, ოღონდ ჩაკეტილი ადგილები უნდა გაეხსნათ დამცველებს.

– „ჩვენს მამ-პაპას თავის მოძმისთვის არასოდეს უღალატია და არც ჩვენ ვუღალატებთ“, – შეუთვალეს შატილივლებმა. გზაკი თითოეულ სოფელს ეკუთვნის, რომლის გავლასაც თქვენ ფიქრობთ, და არავინ დაგითმობთო. ხეალ მეზობლები მოგვეშველებიან და მკვდრები გაგიმრავლდებათო. რუს-ქართველთა გაერთიანებული ჯარი ჩვენს დასახმარებლად მოემართება. ვიკმართო შუღლი, დაუბრუნდით თავიანთ აულებსო.

ლაშქარში გულგატეხილობა იგრძნობოდა. დაღესტნელები ზემოდან უყურებდნენ ჩეჩენ-ინგუშებს, წარუმატებლობას მათ აბრალებდნენ, რაც გათიშვას იწვევდა.

შატილელი უხუცესები ჩეჩენ-ინგუშთა ხელმძღვანელ ჰანნეთს უმტკიცებდნენ: „ტყუილად ეხოცავთ ერთმანეთს, ჩვენ მაინც მეზობლებად დავრჩებით, დაღესტნელები შორს არიან, ნუ დავივინყებთ ჩვენი წინაპრების ურთიერთპატივისცემას. თქვენ თავისი ბაირაღით ცალკე დადევით, თქვენ თოფს არ გესვრითო. სადაცაა ბარიდან მოგვეშველებიან, გზას გადაგიკეტავთ და სრულად ამოგწყვეტთო. ამას შუაკაც ალცბექის პირით გადასცემდნენ შატილელები.

ჰანნეთი წყნარად ისმენდა და უპასუხოდ გაბრუნდა თავის ბანაკში. მეორე ღამემ მშვიდად ჩაიარა. დილით შატილივნებს ლაშქარი შეთხელებული მოეჩვენათ. ბანაკში ჩეჩნური დროშა აღარ ფრიალებდა. აშკარა იყო, ჰანნეთი თავის რაზმიანად წასულიყო უკან.

მესამე დილით უზუცესებმა ახვერდი მაჰმადთან მოლაპარაკება გადანწყვიტეს.

„აღცბექ! აღცბექ!“ – ყვიროდა ციხის ჩარდახიდან მოხუცი ლაგაზა და თეთრ ბაირალს იქნევდა.

მომხდურთა ბანაკიდანაც წამოვიდა თეთრი ბაირალით მოხუცი. იგი თეთრცხენიანმა მხედარმა გამოაცილა. ეს ახვერდი მაჰმადი იყო. გამოცილება იმაზე მიაწინებდა, რომ აღცბექს დალესტნის უპირველესი ნაიბი პატივით ეპყრობოდა, ენდობოდა და მისი დანაბარები უცვლელად მივიდოდა შატილელებთან.

– „აბა, რა ამბავ მაგვიტან?“ – გამოსძახა კარების შიგნიდან ლაგაზამ.

– „ჰანნეთი წავიდა, მე ახვერდი მაჰმადმა დამტოვა, დაგეჭირდებიო“.

– „რა მინდავ, რას აპირებს?“

– „დაზაუება მინდაო, ხვალ უკან წავალთო, ნულარ ვიშულლებთო“.

– „დღეს წასვლას ვინ უშლის, ან აქ მასვლას ვინ ეხვეწებოდ? ჩვენ ბრმებ არ ვართ, შატილის მირგვალთ რაად გათხარეს ამოდენა სანგრებ. უთხარი: „თუ ზავ უნდ, ჩვენ ცხედარი დაგვიბრუნას, თავის ომარ მიიბარას. ჩვენებ გუშაგებ ბათაკაი' გიორგი გამაუშვან“.

– „ეგრე ვეტყვი, ყურანის მადლმა“, – თქვა აღცბექმა და გაბრუნდა.

ბანაკში აღცბექის დაბრუნებისთანავე ოთხმა მეომარმა ნაბადში გახვეული, ხეზე თოკით გაკრული ცხედარი მოასვენა გალავანთან. მათ აღცბექიც თან ახლდა. მეომრები გაბრუნდნენ, მზევინარის ცხედარი სახლში მიასვენეს.

– „სარდალი ამბობს, ნულარ გვესვრიანო, მკვდრებს წასალეზად მოვამზადებთ და წავალთო. ბათაკა და გიორგი ჯარეგოში არიან, იმათაც გამოვუშვებთო, ჩვენ აღარ გერჩითო“.

– „გვაიძულეს, უმანკო მანდილოსანი მოგვიკლეს. ჩვენ არ გვინდოდა შულლი, ამის მოწმე შენცა ხარ, აღცბექ! თქვენ მოთარეშენი ხართ, ჩვენ თავის მინა-წყალს ვიცავთ“.

წავიდა აღცბექი, თან ტყვე ომარიც გააყოლეს.

შატილის გარეთ აღწევდა თვალვისა და ტირილის ხმა-გოდება ბათაკათ სახლიდან:

„შენი ჭირიმე, მზევინარო!
მამაცო, მამათ მომაროო!
ურჯულოთ ლაშქრის ზარდამცემოო!
ვაშკაცო, სოფლის გამმაგრეო!
შატილ ანდრეზის გამწირავოო! ...“

დამცველთა უძილო, დაღლილი მეთოფეები სხვებმა შეცვალეს. მეთვალყურეებში ქალებიც იყვნენ. შემცვლელები უფროსებმა მკაცრად გააფრთხილეს: „კარები ურდულებით მაგრა ჩაკეტეთ, ლაშქარს თვალყურ არ მიაშორათ, ურჯულო არ დაინდობის“.

მომხვედურებმა ჩეჩნეთისკენ მიმავალ ბილიკთან, არლუნის ნაპირზე მკვდრების მოგროვება დაიწყეს. უჩვეულოდ ბევრმა მომგროვებელმა მოიყარა თავი ქვითკირებთან, დამცველები გაფაციცებით ადევნებდნენ თვალს.

„ზენაუბან აირბოლე, – ეუბნება თოთია ნიქას, – მეთოფენ გაამთხილენ, უთხარ, რო კარებთან ახლოს იყვნან. არ მამწონს მაგეების ერთად შაქუჩება. მე ანატორელთ კარ ჩავხდებ“.

მიცვალებულების ერთად თავმოყრას თითქმის მორჩნენ მოალყენი. ახვერდი მაჰმადმა გარს შემოუარა შატილს. თითო-ორ-ორ წუთს ებაასა თავის მოადგილეებს და დაბრუნდა არლუნის პირას.

შატილის თვალწინ ალცბექი გამოიყვანეს ბანაკიდან. ხელფეხ-შეკრული მთავარ ანგელოზის სალოცავთან მიაყენეს და დახვრიტეს.

ეს ნიშანი გამოდგა ლაშქრისთვის.

ერთი ნაწილი სანგრებში ჩახტა და მიზანმიმართული სროლა დაუწყო სოფელს. ძირითადად კარებს და სარკმლებს ესროდნენ. მეორე ნაწილი გალავანსა და მის კარებს ეცა. მძიმე ჭერები ორ-ორ კაცს მიჰქონდა და გამეტებით ურტყამდნენ კარებს. შეტევა ერთდროულად განახლდა ყველა მიმართულებით. მტერმა მიუვალ კლდეებზეც დაიწყო ამოცოცება.

ორივე კართან ძლიერი სროლით შეეგებნენ მომხდურებს. მკედრების და დაჭრილების ზედახორა აიმართა. კარებთან ახლოს ველარ მოდიოდნენ დაღესტნელები. თანდათან შიგნიდან თოფების ქუხილი გამრავლდა და გაძლიერდა. გაღავნის რამდენიმე ადგილზე ხელჩართული ბრძოლა იყო გამართული ხმლებით, ხანჯლებით, შუბებით, ზროიანი ჯოხებით, ქვებით ყრიდნენ ზევით ამოსულ მტერს დამცველნი. ყველა ქვითიერი ერთიმეორეს იცავდა. ახვერდი მაჰმადი ცხენით დაჰქროდა და გუნდ-გუნდად ახალ-ახალ ძალებს გზავნიდა შეტევაზე. ყველაზე მეტი მოკლული მდინარეთა ნაპირებზე ჩანდა. ნაპირები, პატარა ქალები, ყველა ქვითიერიდან ჩანდა, ამას ემატებოდა სამზირს, ეხში მსხდომთა მიერ დახოცილები.

შატილის ბოლოში შედარებით ადვილი შესასვლელი ეგონა მტერს და დიდი ძალებით იბრძოდა. ასე ახლოს მოსულებს ანატორელთა ხირიმის ტყვიები ეგებებოდათ.

„ბოლოზე ანატორელთა ჯებირ გაღმართეს მკედრისაო, ბევრ ჰქონდა ტყვია-ნამალი ტრიხას, გიორგის შვილსაო, ცოლი უსხამდა ტყვიათა, იმედ თუ ჰქონდა ქმრისაო“.

ქალები მართლაც გაუგონარ სიმაძაცეს და გამძლეობას ავლენდნენ. თავდამსხმელები ქვითიერებს, მათ კარებს და სარკმლებს მასიურად თოფავდნენ. ერთ სარკმელში შემოვარდნილი ტყვია კედელმა აისხლიტა და აკვანში ნაწოლ მეძუძურ ბიჭს მოხვდა. ბავშვმა ერთი ნაშოინივლა და დადუმდა. დედამ თვალები დაუხუჭა და ჩაკოცნა თავისი პირმშო. ტყვიას გულმკერდი გაველო და იატაკს მოხვედროდა. არტახები მოუშვა. „შენ ცოდოიმც აქვ შენ მამკლავ ურჯულოს!“ – თქვა ხოშაქმა. მამუკა ტრიხასა და ხოშაქის პირველი შვილი იყო, ტრიხა სათოფურს უჯდა და ტყვიას ტყვიაზე აგზავნიდა მტრისკენ. ხოშაქმა ცრემლები მოიხოცა და ჩუმად ტყვიების ჩამოსხმა გააგრძელა.

სწორედ ამ დროს ახვერდი მაჰმადი ერთ დაჭრილთან ჩამოქვეითდა და თავის ნაბადზე გადაანვინა. ტრიხა სწორედ ამას ელოდა. ნიშანში ამოიღო ნაიბი და სასხლეტს თითი გამოჰკრა.

– „ანატორის ჯვარის წყალობამ, ველარც შენ არბოლებ ლურჯას დიდხან“, – თქვა თავისთვის. კვამლი გაიფანტა და სათოფურიდან კარგად გაარჩია: სარდალი ორივე ხელზე დაყრდნობილიყო და შატილს გამოჰყურებდა, ოთხი მხედარი ამოუდგა გვერდზე და ბანაკისკენ წაიყვანეს.

– „მაგხედ, ლმერთისმამ, აღაროოც მაგნადდებ შატილის დალაშქერა“, – ჩაილაპარაკა და ცოლს გასძახა: „ტყვია, ტყვია მამიტან!“

„შულლ იქნა მზე-ჩაის დროსა, დარია, ტყვიას წვიმსაო,
დაადგა ძალი მაგარი ძმათ ნიქიას შვილთაო,
ბატონს ჰკითხავდეს ლეკები: „შენ ხო აღარა გჭირსაო“,
თოფ დამკრეს შატილივნებმა, ოთხით დამკიდეს ჩრდილსაო,
დამამტვრევიეს ბარკალი, ჩემი სიცოცხლე ჭირსაო“.

მონინაალმდეგის ბანაკში ყველაფერი აირია. მოლაშქრეები სანგრებიდან ამოდიოდნენ და გარბოდნენ. შეტევაზე გადმოსულეებმა უკან დაიხიეს, შეწყდა თოფის სროლა. ერთიმეორეს რალაცას ეძახდნენ და ყვიროდნენ. ყვირილში ხშირად ისმოდა „ნაიბ“ და „ახვერდი მაჰმად“.

ამ არეულობის დროს მთების მხრიდან ძლიერი თოფის ხმა მოისმა, თითქოს მიწაც დაიძრა. ვაკეს (შატილის ზევით) მდგომი ლაშქარი ჭალისაკენ მოდიოდა.

„აი, დედა ვაცხონ ვაუებისა, გუროელნ სადამ მაგვეშველნეს, ეს ბუჩასეულის ხმაი, ლეკებს ზარბაზან ღგონავ“, – დაასვენეს შატილივნებმა.

– „აღარ ესრიათ, აღარ ესრიათ, ტყვია-წამალ შაიხვალისეთ“, – გადაუარა უხუცესთა მონოდებამ შატილს. სროლა ორივე მხარეს შეწყდა, მაგრამ ზევიდან უფრო გაძლიერდა. გუროელები ნონკილდის წვერიდან თოფავდნენ არეულ ლაშქარს.

ახვერდი მაჰმადის ბანაკში თეთრი აღმები აღმართეს. ეს ზავს ნიშნავდა. ორი თეთრალმიანი მხედარი მიუახლოვდა გალავნის კარებს და მუდარის კილოთი ითხოვეს ცეცხლის შეწყვეტა. თან დახოცილებზე მიანიშნებდნენ: გაგვატანეთო.

- „მააშორან თავის მზორებ, აყროლდებ აქაურობა. ალცბე-ქის ცხედარს ჩვენ თავად მაუვლით, დალამებამდე გაიკრიფნან აქით, განირან ჩვენ ადგილ, თორემ ხომ მიზდის ზარბაზნის ხმა. ხვალ კიდევ სხვებ მოგვეშველებიანა' უარესს ვუქტ!" - უთხრა აპარეკამ თარჯიმანს.

დალესტნელები დახოცილებს მოათრევდნენ და არლუნში ყრიდნენ. აჭრიდნენ ყურს, თითს და ნიშნებს ადებდნენ, ხდიდნენ ტანსაცმელს. ჩეჩნეთში არლუნს უნდა ჩაეტანა, იქ თავ-თავის ცხედარს დაიტირებდნენ და დამარხავდნენ.

ასოცზე მეტი მკვდარი ჩააგდეს არლუნში. მდინარის ვიწრო ადგილებში გვამების ხერგილი წარმოიშვა და არლუნი დააგუბა.

„ბევრ ხქონდა ტყვია-ნამალი, ოთხ ძმათ, გიორგის შვილთაო, ჭანთეთ წყალმ ჩადგა ბოჯირი (ჯებირი) მაგათ ნახოცის

მკვდრითაო".

ზემოთაღნიშნული დახოცილების გარდა, ორასამდე მძიმედ დაჭრილი შემოესვათ ცხენებზე და თითო დაქვეითებული მხედარი მიჰყვებოდა გვერდზე. ორი მხედარი მიჰყვებოდა ახვერდი მაჰმადის ლურჯას.

სასწრაფოდ დაიცალა შატილის შემოგარენი მომხდურთაგან. გუროელები შემოვიდნენ სოფელში ამბის საკითხავად. სოფელში ორი ცხედარი და რამდენიმე დაჭრილი აღმოჩნდა.

დამარცხებულმა ლაშქარმა ღამემდე მიაღწია სოფელ ჯარეგოს. აქ მათ წინა ღამით თავისი რაზმით გამოქცეული ჰანნეთი დახვდათ.

- „გამომექეცი ხომ, კაბიანო ქალო?!" - უთხრა ახვერდი მაჰმადმა.

- „რომ არ ნამოვსულიყავი, შენსავით მომიტანდნენ", - უპასუხა ჰანნეთმა.

- „ჩემისტანის სიკვდილი ათჯერ სჯობია შენისტანის სიცოცხლეს". ეს ახვერდი მაჰმადის უკანასკნელი სიტყვები იყო. იდგა 1843 წლის 18 ივნისი.

„60 შატილელი სამ დღეს იცავდა თავის სახლ-კარს ახვერდი მაჰმადის წინამძღოლობით 5 ათასი ქისტი თავდამსხმელისაგან.

მოკლეს ის თვითონ და ასი კაცი მისი თანამებრძოლი. თვითონ კი ერთი კაცი დაჰკარგეს, რომელიც ახვერდი მაჰმადის საფლავზე დაკლეს", – წერდა რაფიელ ერისთავი 1854 წელს გაზეთ „კავკაზში“.

– „რამდენ ხანს სძინავ მამუკას, არ მაშივდ მაინცა?“ – ჰკითხა ხოშაქს ტრიხამ.

– „მამუკას ველარც მაშივდება, ველარც მასწყურდება, სამუდამოდ დააძინა მტრის ტყვიამ“, – მიუგო ქვითინით ხოშაქმა.

– „მადლობელ ვარ, მაშინაც რო გეთქვ, იქნება ქვე ავჩქარებუ-ლიყავი, კარგად ვერ დამელიშნ. საიქიოს მამუკას ხუთი-ექვს მე-მსახურე დახვდება“, – თქვა გადაფითრებულმა ტრიხამ. აკვანთან დაიჩოქა და საკამალე გადახადა. პირველად და უკანასკნელად ეამბორა შუბლზე შვილს.

– “შენებ უმცროსებშიც არიან ჩემებ ნათოფრებ, მამაის კაცო, ნათელშიამც იქნებ!”

მეოთხე დღეს ბათაკა დაბრუნდა სახლში. ქისტებმა ღამე გამომაპარესო. გიორგი ახვერდი მაჰმადის საფლავზე დაეხვრიტათ. ბათაკას ალცბექის ბიძაშვილები მოჰყვენენ და ცხედარი წაასვენეს.

ექვსი წლის შემდეგ, 1849 წელს, რუსებმა შატილში ეკლესია ააშენეს, გალავანი გაამაგრეს; შატილივნებს ჯვარ-მედლები დაურიგეს. ეს ჯვარ-მედლები შატილივნებმა სალოცავში ვერცხლის თასებზე დაჰკიდეს. „ამეებს ვინ აჯლარუნებსავე“ (ვინ ჩამოიკიდებსო). ნახევარ საუკუნეზე მეტ ხანს ინახავდნენ შატილივნები ნაიბის ნაქონ თეთრ ნატყვიარ ნაბადს.

მეფის ნაცვალმა მიხეილ ვორონცოვმა შატილივნებს ამ ბრძოლაში მოპოვებული გამარჯვების ჯილდოდ ქვა გამოუგზავნა რუსული და ქართული წარწერით:

„უმადლესისა ბრძანებისამებრ, ჯილდოდ შატილელთად, დამარცხებისათვის ახვერდი მაჰმადისა და მისთა შეყრილთა ჯართასა ჩყმგ (1843) წელსა შინა. აღშენებულ არს ჩყმთ (1849) წელსა განკარგულებითა კნიაზისა ნამესტნიკისათა“.

ეს ქვა ამჟამად სოფლის მუზეუმის ქვითკირის კედელზეა მიმაგრებული. დაინტერესებულ სტუმრებს დაუფარავი სიამაყით ვუჩვენებთ ხოლმე.

ამჟამად შატილის რესტავრაცია მთავრდება. თუმცა მაშინდელი შატილის „სახეა ოდენ ჩრდილისა“.

„ნისლი შავის ზღვით მასულა ადგილსა ნაპირისასა,
ქვითკირნი კირით ნალესნი ქავს მაივლევენ ქვისასა,
შიგა სხავ მეთოფეები, – ფერს დაიდებენ მგლისასა,
ვერ გაუტეხავ შატილი ლამქარსა შამილისასა“.

ხმით მოტირალი კი მოთქვამს:

„შატილიონთამც ვენაცვლებიო,
ლეგათ ჩოხათა, წყემსის ქუდთაო,
ფარავში ჩხირჩამაგდებულთაო,
არა იციან ფარ-დანანიო,
უბავა ალი თოფის წვერთაო!“

ნიჭიერი მოტირალი მანდილოსანი შატილიონთა თავმდაბლობასა და უბრალოებასთან ერთად მათ სიმამაცესა და სიმალესაც აქებს.

ჯალაბაურები და ფშავლები

წინა საუკუნეებში მეზობელი თემების შეტაკებები არც თუ ისე იშვიათად ხდებოდა. განსაკუთრებული შუღლი შეინიშნებოდა ფხოველებსა და მათ მოსაზღვრე ძურძუკ ტომებს შორის. რაღაც საქმეს კაცის კვლა მოჰყვებოდა და თემები და სოფლები დაუპირისპირდებოდნენ ერთიმეორეს. ეს დაპირისპირება მწვავედებოდა და ათეული წლობით გრძელდებოდა.

მე-18 საუკუნის მეორე ნახევარში ფშავლებს ჩეჩნეთიდან პირუტყვი მოუტაციათ და შატილის გავლით მიჰყავდათ ფშავისკენ. ამ ლაშქარს ერთი ქართულად მოლაპარაკე ქალი გამოჰყოლია უკან: „მაგ პირუტყვში ჩემი საქონელიც ურევია და ნუ წაიყვანთო“. გაირკვა, რომ შატილელი ჯალაბაურების (ჭინჭარაულების) გაზრდილი თუში ქალი ყოფილა გათხოვილი ჩეჩნეთში და ის სთხოვდა თავისი პირუტყვის დაბრუნებას ფშავლებს. რომ აღარ მოეშვა, ერთ ფშაველს სამკლავიანი ნიდაყვი უკრავს სახეში – „მოგვეშვიო“. ქალს სისხლი დასდენია და ასეთი მოსულა შატილში.

ჯალაბაურ ვაჟუსძეს უკითხავს ქალისთვის: „რა მოგივიდაო?“ ქალსაც უთქვამს ყველაფერი და ის ფშაველიც უსწავლებია, ვინც ჭრილობა მიაყენა. ვაჟუსძეს თავისი ქვითკირიდან თოფი დაუკრავს და ის ფშაველი მოუკლავს. ფშავლებს ხმისამოუღებლად საკაცზე დაუნვნენიანთ გარდაცვლილი და ნაუღიათ. ასე დაწყებულა შატილივლებისა და ფშავლების დაპირისპირება. ამ დროს ჯალაბაურები (შატილიონ ჭინჭარაულების ერთ-ერთი ქვეგვარი) ბევრნი ყოფილან. მარტო თათარ ჯალაბაურს ჰყოლია ხუთი შვილი, ერთიმეორეზე უკეთესები. აქ ნახსენები ვაჟუსძეც ერთ-ერთი მათგანია.

მელექსე საყვედურობს თათარს (კაცის სახელია): „ფშავლებს და მათ ძლიერ სალოცავს, გიორგის, რად აეკიდე, ეგ ჭკვიანური არ არისო“:

„თათარო, ჯალაბაურო, შვილს ყამარისძე ხქვიანა,
გიორგის რად აეკიდე, ჭკვა მაგას არ მიქვიანა,
წყლის პირში გიდგას ქვითკირი, ზედ ირმის რქანი ხყრიანა,
კუთხზვით ქვანი დაღვლიჯნა, დღესაც სიმურში ხყრიანა“!

ამ პერიოდში გიორნმიდაში ფშავლები ცხოვრობდნენ. ისინი ლეკების ლაშქარს გაუწევდნენ. ერთ ადგილს, სადაც შეტაკება მომხდარა, სისხლი დაღვრილა, ახლაც ნასისხლარი ჰქვია. გიორნმიდაში გუროელები მე-19 საუკუნის ბოლოს მოსულან. იქამდე შატილელებს დაუკავებიათ ოხრად დარჩენილი მამულები, შემდეგ გუროელებისთვის დაუთმიათ, მიუყიდიათ.

ლეკების შემოსევის შემდეგ გიორნმიდის ხეობის შესასვლელთან, არღუნის მარჯვენა მხარეს, ლამაზი, მაღალი კლდის თავზე აშენებულ ქავ-ციხეში ცხოვრობდა შატილიონი ჯალაბაურების სიძე, საგინა გიორნმიდელი. მას ბევრი მამული ჰქონია, სჩანს, ჯალაბაურებს მისი გაძევება უნდოდათ, რის გამოც მას ავიწროებდნენ და ათასგვარ შარს სდებდნენ. ერთხელ საგინას მოკლული ჯიხვ-მოზვერი წაართვეს. სიძე ეხვეწა: „თირკმელები მაინც მომეცით, თქვენს დისშვილებს რომ მივუტანო, ხელცარიელი როგორ მივიდე სახლშიო“. არაფერი მიუციათ. მეორედ კიდევ ორი ძროხა წაუყვანიათ შატილში. საგინა, სიძე ისე გაუმწარებიათ, რომ გადასახლება გადაუწყვეტია, მაგრამ ჯერ ჯალაბაურების ამოწყვეტა განუზრახავს.

ერთ გაზაფხულს საგინას მამულების ხვნა დაუწყია და თესლი კი არ დაუთესია. ლუდი მოუხარშავს, ჯალაბაურები – ქუდზე კაცი მოუწვევია, თან ფშავლები დაუბარებია მათ გასაწყვეტად.

„საგინავ, გიორნმიდელი, კაცი მასტყუვდი ჭკვიანი,
ყანა ხვან, თესლი არ სთესე, ლუდი ადულე სვიანი,
ანიენ ჯალაბაურნი, მამით შვილამდე მტრიანნი,
არ წამაგივა წვეითა, საყურაისძე ჯმლიანი,
მშაველებიც დაგიბარებავ, გიორგი გულდაღრიანი“.

ქართული დიალექტოლოგია, I, თბილისი 1961, გვ. 13.

საგინამ დათქმულ დღეს (ღამით) ფშავლები მიიღო და ქაეციხეში ჩაასაფრა. მოუვიდნენ ცოლეური ჯალაბაურებიც. ფშავლებს დავალება მისცა: „როგორც უხუცეს ჯალაბაურს, ვარდანას ლუდიან კოშს მივანვდი, ნიშანი იქნება მათი ამონყვეტის დანყებისაო“.

ხევსურეთში ოდითგანვე ნესად იყო: სტუმრები მისვლისთანავე იარაღს მასპინძელს აბარებდნენ. მასპინძელი გულდაგულ ინახავდა ყოველგვარ იარაღ-აბჯარს და წასვლისას უბრუნებდა სტუმრებს.

ჯალაბაურები დანდობილად უიარალოები დასხდნენ საგინას მომზადებულ სუფრასთან. მკითხველს ალბათ გაახსენდება თრუსოს მომხდარი ტრაგედია: ზურაბ ერისთავმა 60 რჩეული ხევსური რომ მიიწვია და ღალატით გაუღიბა. თუმცა ამის შემდეგ უფრო გაუჭირდა და ვერც შეძლო ფშავ-ხევსურების დამორჩილება. მოღალატე ზურაბს არაერთი დამარცხება აგემეს მთიელებმა.

მოღალატე სიძემ, საგინამ, ლუდიანი კოში მიანოდა უხუცეს ჯალაბაურს, ვარდანას, თან დასძინა: „ეს იმისი პატივი იყოს, თავის დისშვილებს ძროხები რომ წაართვით და პირიდან ძუძუ ამოსწვადეთო“. ვარდანამ მოულოდნელად კარგი სიტყვა დაუბრუნა: „ვარდანა მაგიკვდას, სიძეო, თუ ხვალავ ორის მაგივრად ოთხი ძროხა არ შამაგივლივ (მოგიყვანო)“.

საგინას ხელიდან გაუვარდა ლუდიანი კოში. ნიშანი მიცემული იყო და ველარაფერს უშველიდა. საფარიდან შეიარაღებული ფშავლები გამოცვივდნენ, უიარალოებს დაერივნენ და ჩეხვა დაუნყეს. ეტყობა, ვილაცას შერჩა შემთხვევით იარაღი, ან მონინააღმდეგეს წაართვეს, რამდენიმე ფშაველიც დაღუპულა ამ უთანასწორო ბრძოლაში.

„გადად-გადმადის მშაველები, ეძახან ვარდანასაო:

„ვარდანავ, კარჩი გამოდი, ნუ მაიმთვრალე თაესაო, თას თუ გიჭერავ ჯელჩია, ძმას მიე, მგელურასაო, ფანდურნ თუ გქონა ჯელჩია, მისცენი ცოლის ძმასაო“;

„გამავალ, მჭედლურის მზემა, გამავიყოლებ ჯმალსაო, ნალმაც დავიქნევ, უკულმაც, რუსულ რო ჭრიდას ძვალსაო,

საკაცით ნაგალებივით გულდიდ ქალუნდის ქმარსაო,
მარჯილით გათრევივითა დრუზაულასა მკვდარსაო;
ვა, თქვენს ვარდანას, მშავლებო, ვერ გადმოვედი ქაესაო,
ქავზე თუ გადმავსულიყავ, რიყედ დაგყრიდით მკვდარსაო!"
ქავშივით აპრიალვბდა ვაშკაც ტიტველას წმალსაო".

ქართული დიალექტოლოგია, I, თბილისი 1961, გვ.14

ამ შულღში ჯალაბაურების უმეტესობა ამონყვეტილა. მათ შორის ძმები: ვარდანა, ყამარისძე და მგელურა რომ ამ ხელჩართულ ბრძოლაში დაილუბნენ, ამის შესახებ გადმოცემებმა ჩვენამდეც მოაღწია. ერთი ახალგაზრდა ჯალაბაური საგინას მეზობლებს ბრძოლის დანყებამდე გაუხიზნავთ იქვე, კლდის ეხში. ისიც გადარჩენილა და შემდეგ ფშავლების წინააღმდეგ იბრძოდა სხვა გადარჩენილ ჯალაბაურებთან ერთად.

საგინას მოწვეული ფშავლები გარა თურმანაულის მოყვანილები ჩანს. საგინა ამ ლაშქარსვე გაჰყოლია უკან, აქ აღარ დაედგომებოდა. გარა თურმანაული ამ შეტაკებამდეც ჩანს შატილში საომრად ნამყოფი. ეტყობა, თურმანაულებს და ჭინჭარაულებს (ჯალაბაურებს) ადრევეც ჰქონდათ ერთმანეთში სისხლ-მოსისხლეობა. ვაჟუსძის მიერ მოკლული ფშაველის სისხლიც ხომ ასაღები იყო.

ჯარით შატილისკენ მიმავალ გარას კისტნელი ბებერი ტირილით მიმართავს:

„კისტან ატირდა ბებერი: „ჯარით სად მიხვალ, გარაო“,
„შატილში მივალ, ბებერო, ვარდანამ დამიბარაო,
მე-დ' ვარდანამ უნდა ვიომათ, უნდა იჭეხნას ცამაო,
გვერდ უნდა გადაიქციას ვარდანის ციხის ქვაშაო,
ცრემლით პირ უნდა იბანას შუქომ, ვარდანის ქალშაო!"

მედგრად უხვდებოდნენ თავდამსხმელებს შატილიონი ჯალაბაურებიც:

„თათარი ჯალაბაური საფეხვნოს იჯდა სკამითა,
აიყრის ჯაჭვ-მუზარადსა, დახკევს, დაიწყობს თავითა,
ლაშქრად მასულთა ფშაველთა ეგებებ სტუმართავითა,
გამააბრუნებს ქაჩუსა, აგორებს დათვებსავითა,
უკენ შვილთ გამაუყენებს ლეგის მგლის ლეკვებსავითა!"

ამ დროს შატილივნები შატილშიც ცხოვრობდნენ და ქაჩუშიც. ქაჩუ სიპერდით დახურული ყოფილა. განთქმული ხოშაქის ტურა ოცნებობდა, შატილი და ქაჩუ დაელია, გაენყვიტა, ან გურო გაეტეხა. ეს სოფლები ძნელად მისადგომი და დასაპყრობი ჩანს. ხოშაქის შვილს, ტურას უკავშირდება დაპყრობის მიზნით ქაჩუელე-ბისთვის წყაროს დანყვეტა. ქაჩუელებმა ღამით თოკზე მობმული მატყლის ნართით არღუნიდან დაიწყეს წყლის ამოზიდვა და უწყლობით არ შენუხდნენ. მტერმა ვერ შეძლო მათი გატეხვა.

აქვე გვინდა აღვნიშნოთ, რომ ქალის სახელი ხოშაქი, ხოშექა (ხვაშაქი) გურო-შატილის თემებში მე-20 საუკუნის ბოლომდე შემორჩა. მკითხველს შევახსენებთ: თამარ მეფემ ისანში კარვით განდგომილ ყუთლუ არსლანს და მის დასს მანდილოსნები კრავაი ჯაყელი და ხვაშაქ ცოქალი მიუგზავნა მოსალაპარაკებლად.

ხოშაქის ტურას ოცნება და სურვილი აუსრულებელი დარჩა, არ დაუთმეს მოძალადეს თავისი მინა-წყალი და საცხოვრისი პირიქითელმა ხვესურებმა.

„ხოშაქის ტურა ღმერთს ეხვეს: „ღმერთო, დღე მამე მზიანი,
დამალევიე შატილი, ქაჩუი სიპერდიანი,
ან გურო გამატეხიე, – ახალგორ სიმაგრეიანი,
ანაც ტყვე დამაჭერიე, – კისტნელი, მანდილიანი!“

ალ. ჭინჭარაული, ხვესურულის თავისებურებანი,
თბილისი, 1961, გვ. 389

საგინას მიერ ჯალაბაურების ამოწყვეტის შემდეგ ისინი თით-ზე ჩამოსათვლელებილა დარჩენილან. მათ შორის ძმებს, ნიქას და მჭედლურას, გაუგრძელებიათ ფშავლებისთვის მიყოლა სისხლის ალების მიზნით. ერთხელაც უკანა ფშავში, ცაბაურთას, განთქმული ვაჟკაცი მოუკლავთ. კვალზე მთელი თემი დასდევნებია. უკან წამოსული ძმები მხრის ასაქცევად ანდაქის გადმოვლით ხიდო-ტანზე გადმოსულან.

დადევნებულ ფშავლებს არდოტზე ჩამოუვლიათ და მუცო-ში უკითხავთ: „ჯალაბაურებმა ხომ არ ჩაიარესო“, მუცოელებს ჯალაბაურების რაღაც ჯავრი ჰქონიათ და ფშავლებისთვის უთქ-

ვამთ: „ჯალაბაურებს არ ჩაუვლიათ, შეგიძლიათ ჯონის ორნყალში გზა შეუკრათო“.

ფშავლების მდევარს გზა მართლაც შეუკრავს. ძმებიც მალე მოსულან, მათ თან ახლდა დისშვილი ქისტო ვაზუაც.

მოსულებს ფშავლებმა ვინაობა ჰკითხეს. „აი, თქვენმა მზემავ, ვერ იცნობთავ ნიქასავ“, – უთქვამს და ხმალზე ხელი გაუკრავს. დაუსწრიათ და თოფი დაუკრავთ ნიქასთვის. მჭედლურა კლდეებში ასულა და იქიდან დაუნყია სროლა. ვაზუა გზადაგზა გაჰყვა ხეობას მუცოსკენ. მას დაედევნა ჯალაბაურთა სიძე, – ბაია. ქისტო მოუბრუნდა და ხმლით თავი გაუჩეხა ბაიას. ეს ბაია ადრეც ყოფილა შატილში. მას ცოლისძმა, ბექა ჯალაბაურის შვილი მოუკლავს:

„ლაშქარს, ბაიავ, ნუ ნახვალ, ქალი გყავ ბექაისაო,
ცოლისძმა შემოგაკვდება, ბრალია ერთაისაო!“ –

ეტყობა დედისერთა იყო.

კლდეში ასულ მჭედლურას ტყვია გასთავებია და მაქცის (მაგარი ბურქოვანი ხეა) ტყვიები უსროლია. ერთ ფშაველს ჩოხის კალთაში გასჩრია. „მაგას ტყვია აღარა აქვს, ავალ, ხმალში გამოვინწევ, თქვენ თოფი დაჰკარითო“, – უთქვამს მას. ასულა და მჭედლურას ერთი შემონახული ტყვიით ერთიც მოუკლავს. შემდეგ ბრძოლა ხმლით გაუგრძელებია და ისიც მოუკლავთ.

„მალლა ნუ დახვალ, ყორანო, დაბლა დაუშვენ მწარნია,
ჩახედენ ჯონის ორნყალთა: სისხლსა ნვიმს, ზედ ხო დარია;
ომობენ ჯალაბაურნი: ნიქა, მჭედლურა ძმანია
მჭედლურამ ძმათუარემა, ლება სიათის ტალია,
ცხრანივ იძებნნა ძმა-შინშნი, მეათე თავის თავია!“

ჯალაბაურ-ფშავლების ამ ნაბრძოლს ჯონის ორნყალთან ამჟამადაც „ნაომარი“ ჰქვია. ბევრმა ეხლა აღარ იცის, ვისი ნაომარია აქ.

ნახევარ საუკუნეს გრძელდებოდა ეს მტრობა. ბოლოს სხვადასხვა თემების უხუცესობა შეიკრიბა და გადანყვიტეს მათი პერიგება. ეს გადანყვეტილება შედგა უკანა ფშავში, ლაშარის ჯვარში. კენჭებით დათვალეს ორივე მხარეს მსხვერპლი. ჯა-



ლაბაურების მოკლულებმა ბევრად გადააჭარბეს ფშაელებისას. სისხლის აღება უნდა დამთავრებულიყო. ფშაველმა ხევისბერმა ნაჭარბი კენჭები პეშვით შეაყარა თურმე ლაშარის ჯვარს და წარმოთქვა: „ლაშარის ჯვარო, შენნიმც ყმან იქნებიან დღეის შემდეგ ჯალაბაურნიო“. ამის შემდეგ ჯალაბაურები საზღვნელად ყოველ წელს მიდიოდნენ ლაშარობას და მოზვერს უკლავდნენ დიდ სალოცავს.

ჩუმელაურთ დაღეჳა

თემებსა და სოფლებს შორის შეტაკებების მაგალითად შეიძლება მოვიყვანოთ ზეზე იჯეს ჩუმელაურების ამონყვეტა.

კისტნის მარცხენა მხარეს ერთი პატარა ხეობაა. აქ ოდესღაც ორი სოფელი ყოფილა – ზეზე (ზემო) იჯე და ქვექვე (ქვემო) იჯე. ამ ხევის შესასვლელში, კისტნის დაცლის შემდეგ, კისტნელები დასახლებულან და ახალი სოფელი – იჯისკარი შექმნილა.

ზეზე იჯეს მცხოვრებ ჩუმელაურებსა და მეზობელ კისტნელებს შორის რაღაც უთანხმოება წარმოქმნილა, ალბათ მამულების თაობაზე. კისტნელებს სხვა სოფლელებიც მიხმარებიან და ერთ დილას თავს დასხმიან ჩუმელაურებს. მელექსე ამ ტრაგიკულ ამბავს დანვრილებით აღწერს:

„კისტანში ობოლაურნი ჯარს ყრიან ჴევსურისასა,
შატილით შატილივნების, გუროელთ ახლებისასა,
ჩქარობენ მამისაურნი, ომ ღგულავ თენებისასა,
მაუელენ ბაბკიაურნი, ბოლოს ჰგვან არწივისასა“.

ეს ბაბკიაურები (ამჟამად ჭინჭარაულები) კისტნის ახლოს, არლუნის მარჯვენა მხარეს ცხოვრობდნენ, სოფ. ჭეჭყეთში.

„ომ იქნა ზეზე იჯესა, დაელნებას ჰგავ ცისასა,
დალივნეს ჩუმელაურნი დილას, ამაეს მზისასა,
კვირობდნენ სისხლში გასვრასა ფერაულთ ფრანგულისასა“.

ფერაულები ხახმატელები არიან, ალუდაურის ერთი მამიშვილობა, ქვეგვარი.

„გაიქცა ჰამაიკაი, გზა გაიტანა მთისასა,
მტრისაკე გაჯავრებული კბილით პირსა ხკენეტს ქეისასა“.

გადმოცემით, ეს ჩუმელაურები ქისტური წარმოშობის ხალხი ყოფილა და აქედან მთადამთა გაქცეული, თავდამსხმელებს გადარჩენილი ჰამაიკა შატილში ჭინჭარაულების ერთ ქვეგვარს, თიაყათ შეეკედლა და შემდეგ ჯარ-ქვაბით სამუდამოდ შეეყარა.

მისი შთამომავლები შემდგომ კისტნელებს და ხახმატელებს ედავებოდნენ: „ჩვენი მამა-პაპა რატომ ამოსწყვიტეთო“.

ჩუმელაურებიდან ერთი დაუძლურებული ბებერი გადარჩენილა, სიბერის გამო არ მოუკლავთ.

„ლოგინჩი დარჩა ბებერი, მამტანს ნატრულობს წყლისასა,
ჯანგოტი ჯალაბაური დროს აძლევს წვლებისასა!“

ჩუმელაურების დაღევამი მონანილე ამ ჯალაბაურს უთქვამს: „ეს მოხუცი დავტოვოთ, ასე შიმშილ-წყურვილით, წვლებით მოკედესო“.

შატილიზნები და ზელიმხანი

მეოცე საუკუნის პირველ მეოთხედში მდინარე თერგისა და ასას ზემო წელზე რუსებს აუშხედრდა და სახელი გაითქვა ცნობილმა ინგუშმა ყაჩალმა ზელიმხანმა. ხეესურეთში ამჟამადაც ბევრმა ზეპირად იცის მის შესახებ ნათქვამი შესანიშნავი ლექსი:

■ ... ვერვინ იცნობთა ყაჩალსა, ძელიმხან ქისტის შვილსაო,
აიკლა თერგის ობლასტი, ხალხი ტყვედ მიუდისაო,
ჩვენც იმას მიგვაყოლებენ, არ გვაძინებენ ძილსაო”.

ეს ის ზელიმხანია, ინგუშეთში, ლილლოს, ნატო ვაჩნაძის მამა – გიორგი ანდრონიკაშვილი რომ მოკლა. ანდრონიკაშვილი პოლიციაში მუშაობდა. მისი ჯგუფი ეძებდა ზელიმხანს, როგორც ბოროტ დამნაშავეს. ზელიმხანმა შეუთვალა: „ნუ დამდევ, ჩამომეხსენიო“ და რაკი არ მოეშვა, დაასწრო და მოკლა პოლიციის ხელმძღვანელი. ზელიმხანს ბევრ სხვა დანაშაულშიც ედებოდა ბრალი, ამიტომ სახელმწიფო გზებზე ველარ დადიოდა, მივარდნილ, ძნელად მისადგომ ადგილებში დათარეშობდა. მან ოციოდე თავზეხელაღებული ჯიგიტი მოაგროვა. ამ რაზმით მეზობელ თემებშიც ძარცვავდა ხალხს.

შემოდგომის ერთ დღეს სათიბიდან შინ მიმავალი შატილიონი სამუკათ ლუხუმა ზელიმხანის კბილებამდე შეიარაღებულ ჯგუფს ანატორის სალოცავთან შეხვდა. ლუხუმა მეფის რუსეთის არმიაში ნამყოფი ყოფილა. იქიდან რუსული თოფი ჩამოჰყოლია, სროლაც კარგი სცოდნია. ზელიმხანის ჯგუფის წევრებმა ლამაზ ვინტოვკას თვალი დაადგეს და წართმევა მოინადინეს. ზელიმხანმა არ მოიწონა ასეთი საქციელი. ეს ვაჟკაცის დაჩაგვრად ჩაითვლებოდა. ზელიმხანმა შეჯიბრი შესთავაზა ასეთი პირობით: თუ ზელიმხანი აჯობებდა ნიშანში სროლაში, თოფი უნდა დაეთმო ლუხუმას, თუ არა – დაუტოვებდნენ. ხუთ-ხუთჯერ უნდა ესრო-

ლათ. პირველმა ზელიმხანმა ესროლა დაწოლილ მდგომარეობაში, ხუთიდან სამი მოხვდა სამიზნეს. ახლა ლუხუმას ჯერი დადგა.

ლუხუმა მუხლებზე დაცუცქდა, აუჩქარებლად დაუმიზნა, ზედიზედ ხუთივე ესროლა და ყველა მოახვედრა სამიზნეს. მეხუთე ტყვიის მოხვედრისას თეთრი ბროლის ქვა ნაფშვენებად იქცა. „ყურანის მადლმა, კარგი მეთოფე ვაჟყაცია“, – ჩაილაპარაკა ზელიმხანმა. შატილი ორ კილომეტრზე იყო დაშორებული. აქედან თოფის ხმასაც გაიგონებდნენ. თოფის წართმევის სურვილი აღარავის ჰქონდა. ზელიმხანს და მისი რაზმის წევრებს კარგად მოეხსენებოდათ, რომ შატილში ლუხუმასავით კარგი მეთოფეები სხვებიც იქნებოდნენ. ლუხუმას მეგზურობით ზელიმხანის რაზმი შატილში მოვიდა. შემზარავად და ჩუმად გამოიყურებოდნენ შატილის ქაეციხენი.

ზელიმხანმა მამასახლისი. მოიკითხა. ლუხუმამ თიაყათ კარ, თოთიასთან მიიყვანა დაუპატიჟებელი სტუმრები. წარმოსადეგი აღნაგობის მოხუცი ჩეჩნურად მიესალმა „სტუმრებს“ და სადაურობა ჰკითხა.

– „ლილღველი ვარ, ზელიმხანი, ესენიც ჩვენებურები არიან“, – თამამად უპასუხა ზელიმხანმა.

– „ზელიმხანი იციან შატილში, გაგვიგონია მისი ვაჟყაცური საქმეებიც, რისთვის მოსულხართ ჩვენს მხარეში?!“

– „ბარისკენ მოვდივართ, თქვენგან ცნობა დაგვჭირდება არაგვის ხეობაზე სამგზავროდ!“

– „სხვა თემის მცხოვრებლებს, თანაც უცნობებს, ცნობას ვერ მოგცემთ!“

– „გითხარით, ვინცა ვართ, ნებით თუ არ მოგვცემთ, ძალით გამოგართმევთ!“

– „ძალადობა რა საკადრისია. თუ სხვაგან გაგივიდათ ასეთი ქცევა, შატილში ამას არ გირჩევთ, ჯიგიტიბო!“

გამკაცრებულ, გახმამაღლებულ საუბარზე გვერდითი სახლიდან თოთიას უმცროსი ძმა, ხოლიგა გამოვიდა.

„აქით მააშორ ე ურჯულო ცხენისმჭამლებ, თორე სისხლით გამავსტყეუ ე თიაყათ კარს!“ – ხანჯალზე ხელდადებულმა ჩაი-

ლაპარაკა ხოლიგამ და ავად მიაჩერდა თოთიას და მიახლოებულ ზელიმხანს.

„რაო, რას ამბობს!“ – შეეკითხა ზელიმხანი.

„მშვიდობით მოსულები, მშვიდობიანად წადით შატილიდანო, ამბობს ჩემ ძმა“, – „გადაუთარგმნა“ თოთიამ.

ამ საუბრისას მოსაზღვრე ქვითკირების სარკმლებიდან და სა-
თოფურებიდან თოფის ნვერები გამოჩნდა. ხმაური და ხმამალალი
საუბარი უახლოვდებოდა თიანეთს. ერთი თოფის გავარდნა,
ან ერთი ხანჯლის გაელვება დიდი უბედურების დატრიალებას
გამოიწვევდა.

– „სახლში შემოდით, პური გატეხეთ!“ – შეიპატიჟა თოთიამ
ურჯულოები.

– „არა, გვეჩქარება“, – თქვა ზელიმხანმა. თანარაზმელებს
ანიშნა ცხენებზე ამხედრება და თვითონაც ლამაზ ლურჯაზე
შეჯდა. თან მამასახლისს მიმართა:

– „მადლობლები ვართ, ბიძაჩემო, დაუვინყარი იქნება თქვენი
მასპინძლობა ჩვენთვის!“

– „ჯელ მაგიმართასთ, ვაჟებო!“

სწრაფად დატოვა რაზმმა შატილი. ღიმილმორეული მზერით
მიაცილებდნენ ცხენ-მხედრებს თოფ-იარაღასხმული სვილისფე-
რი შატილივნები.

სამზეოს ნამყოფი შატილივნები ვალს არავის არჩენდნენ. საი-
ქიოშიც, სულეთში, არ ემორჩილებიან იქაურ წესრიგს და უფალს.
სამზეოში გასასვლელ კარებს ლენავენ, ძალს ბედავენ, რასაც
სხვები ვერასოდეს ჩაიდნენ. მუცოელი მელექსე სუხია დაიაური
ასე ახასიათებს მათ:

ვაჟებმა შატილივნებმა სულეთ გაბედეს ძალია,
სრუ გაამტვრიეს კარები, სამზეოს გასავალია,
იმით შამასწყრა უფალი: „აქით ვერ დიან სხვანია“,
ამაგის მალექსებელი ომათ სუხია ვარია,
ნუმც გაჩენილა ჭალაი, მემრ მანდ ნადენი ნყალია,
ორნივ ჯელჩიით წამართვნა: ჯერ ძმა და მემრე ზალია,
ამაშინ უგონთგასული ჯერაც იქავ მთვრალ ვარია!“

ახალი წელი შატილში

ახალი წელი, „წელნადი“ შატილში, და მთელ ხევსურეთშიც, ახლით იანვრის 13-ში, პარასკევ საღამოს შემოდის, ე.ი. მეორე კვირის შაბათი იყო ძველით პირველი იანვარი. დღეობა თითქმის ერთ კვირას გრძელდებოდა. ამ დროს შატილის მოსახლეობის, ოჯახების უმეტესობა საზამთროებში, საბოსლოებში: აცეხში, ფიჭვში და მუცოსჭალაში იყვნენ გახიზნულნი. ზამთარში იქ კვებავდნენ საქონელს.

დიასახლისები საახალწლო ხინკალ-კეცეულებს, სალოცავეებში გასადიდებელ და მასანთებ ქადა-ქადისკვერებს ამ საზამთროებში ამზადებდნენ და ღამე ჩამოჰქონდათ შატილში.

იქვე ხდებოდა მომზადებული სუფრისთვის სახელის დადება (წარსულთა მოგონება). სახელი ედებოდა არა მარტო უშუალოდ ამ ოჯახიდან საიქიოს წასულებს, არამედ უნანილოთ, ვისაც სამზეოს მომგონე არ დარჩათ, იმ წასულებს, რომლებსაც ადრე ეკუთვნოდათ ეს სახლ-კარი და ადგილ-სამყოფელი.

ყველა მოსახსენებელი სუფრა უნდა გადახალისებულიყო, გაახლებულიყო: ლუდ-არაყით, წყლით, სამი ხმადით და ა. შ. ბოლოს სამი პური, ერთი თასი წყლით და ერთი მწიკვი მარილით იდგმებოდა ახალი ტაბლა. ამით იხსენებდნენ ურჯულოთ, მეზობელ მუსლიმანებს. მათი სული რომ არ შეეწუხებინათ სასმლით, საპოხით (ერბოთი) და ჩვენგან დაკლული ხორცის ნაწარმით, მათ ამ წმინდა პურ-მარილით იგონებდნენ, იშორებდნენ. ეს უნიკალური წესი ადგილზე ჩამოყალიბებული ჩანს. ეტყობა საუკუნეების მანძილზე ახლომეზობლობამ შექმნა. შატილივნი ამით თითქოს სარწმუნოებაზე მაღლა აყენებდნენ იმქვეყნიურ ყოფას და სტუმარ-მასპინძლობის შეურყვნელ წესებს.

უფროსი მამაკაცი, პაპა ან მამა ტაბლიდან კოვზით ერბოს აიღებდა, ახსენებდა ღმერთს, სალოცავებს; დალოცავდა ახალ-ნელს, მოულოცავდა მთელ ოჯახს. უსურვებდა ბედნიერებას, გახარებას, გალალებას, გამრავლებას კაცისას და საქონისას. სამჯერ ჩაანვეთებდა ერბოს ცეცხლში. ახალი წელი, „წელწადი“ შემოყვანილი იყო, მარხვა გასული, საახალწლო სუფრა გახსნილი.

იფქლ-ქერისაგან დამზადებული, წინასწარ ნახადი არაყი ოჯახებს შატილში ჰქონდათ. ლუდი კი იმ წელს წილისყრით (კენჭისყრით) არჩეულ, სალოცავების დასტურ-ხელოსნებს ერთი კვირით ადრე უნდა მოეხარშათ და დაეყენებინათ კოდებში, სალუდე საქვაბეში.

საახალწლოდ ამთხვევდნენ ქორწილებს, საღმერთოებს, წლისთავეებს და ა. შ. ამის გამო სტუმრიანობა, განსაკუთრებით ბედისკვერით მოკითხვა, გახშირდებოდა ხოლმე. შატილში ახალი წლის დღეებში ტონობით იხარჯებდა ლუდ-არაყი. ბევრ ოჯახში ქალები ამზადებდნენ აგრეთვე ალაოსაგან დაყენებულ, გაზიან, გამამხნეველ, პირშუშხა სასმელს – კაპარს, რაც ნაბახუსევეზე მოსწონდა მამროანს.

მთაში, შატილში, განსაკუთრებით ბავშვებისათვის დაუვინყარი იყო ახალი წელი. ერთგვაროვანი, მოსაწყენი ცხოვრება ერთბაშად ხმაურიანი, სახალისო და მხიარული ხდებოდა. თემ-სოფლელები ერთიმეორესთან მოსაკითხით მიდი-მოდოდნენ. ლხინ-გართობები მატულობდა. ბავშვებიც მეტ-ნაკლებად მიჰყავ-მოჰყავდათ სტუმრად. ბავშვებისთვის განკუთვნილ მომცრო ტიკს აგვკიდებდნენ, შუაში ჩაგვიყენებდნენ და დედულებთან თუ მძახლებთან მივემგზავრებოდით. გზაზე ღირსახსოვარ ადგილებში ჩერდებოდნენ და წინაპრებს იგონებდნენ. განსაკუთრებით სახალისო იყო ბედისკვერით რძლების მოკითხვა. დანიშნული რძალი ქორწილამდე ხშირად რამდენიმე წლით იმყოფებოდა მამის სახლში. ყოველ ახალ წელს ქმრეულებს სარძლო უნდა მოეკითხათ და ბედისკვერა მიეტანათ მისთვის.

ბედისკვერა იფქლის ფქვილისგან გამომცხვარი ერბოიანი ხმიადი იყო. ის არა მარტო სარძლოებისთვის მზადდებოდა, არამედ ძვირფას ახლობელ-ნათესაეებისთვისაც.

სამულმაზლოებს გამორჩევით უყვარდათ სარძლო. არც თვითონ რძალი იყო გულგრილი მათდამი. ყოველ წელს რაიმე ჩასაცმელს: ჩოხას, პერანგს, ქათიბს, ქოქლუას მოუქსოვდა ან დაუქერავდა მათ. ეს ნახელავი უნიკალური ნიმუში იყო იმ ახლო-მახლო თემ-სოფლებში. ფაქტიურად ეს ნაწარმი ხელოვნების სახალხო გამოფენაც იყო და სარძლოების შეჯიბრში გამონევეაც. ულამაზეს, ურთულეს ნაქარგებს უმაღლესი შეფასება და აღიარება მოჰყვებოდა ხოლმე. ასეთ სანიმუშო ნაწარმზე (ნაწარმოებზე მხატვრული გაგებით) ყურადღება იქამდე გრძელდებოდა, სანამ უკეთესი, მჯობნი არ შეიქმნებოდა.

ამ საქმიანობაში განსაკუთრებით გამოირჩეოდნენ არხოტელი ქალები. მათი ნახელავი ნაქარგობის უიშვიათესი სილამაზით ხასიათდებოდა და უბადლო იყო არა მარტო ხევსურეთში, არამედ მთელ საქართველოში. ასეთი ნიმუშების შექმნას თვეები სჭირდებოდა და ფასდაუდებელი იყო. ეს ნაწარმი არ იყიდებოდა, მას სამახსოვროდ ღრმად მოხუცებულობამდე ინახავდნენ.

ამჟამად გაქრობის პირზეა მისული ხალხური შემოქმედების ეს, და არა მარტო ეს, დარგი, რაც იმან გამოიწვია, რომ მისთვის განეული შრომა სერიულ წარმოებას დაექვემდებარა. ოღონდ სწრაფად გასაღდეს ნამუშევარი საქონელი და ხარისხზე ვინლა ფიქრობს. არა და რუდუნებით, სიყვარულით შექმნილი ხელოვნების (და არა ხელოსნობის) ნაწარმი ფასდაუდებელ ნივთს წარმოდგენდა ოჯახისთვისაც და ერისთვისაც.

წელნად დილა მზისპირის ჯვარში ანუ ხთისმშობლის სალოცავში იწყებოდა. სამზადისს კი გვიან შემოდგომაზე იჭერდნენ. ყველა ოჯახი ვალდებული იყო, სალოცავის გალავნის შიგნით სამი-ოთხი ხე ან კუნძები მიეტანა. ახალწლისთვის შეშის მოზრდილი გორა გროვდებოდა. გათენებამდე ვინმე გამრჯე ახალგაზრდა მოვიდოდა. აქაც მისელაზე შეჯიბრი იმართებოდა. გა-

თენებამდე 2-3 საათით ადრე უნდა მისულიყვნენ და საჯარეში, სოფლის მამროანის, მეკვლეთ თავშეყრის ადგილზე კოცონი დაენთოთ. კოცონის დანთებისთანავე მიმსვლელთა რაოდენობა მატულობდა. აცეხში (საზამთრო-საბოსლოში) ადრე მაძინებდნენ, მამა გათენებამდე 3 საათით ადრე მალვიძებდა. ამ დროს ცაზე დარეჯანიანი (ასე ჰქვია ხევსურულად დიდი დათვის თანავარსკვლავედს) კაცის თავზე იდგნენ. ჩემს ხსოვნაში ახალწლის ღამეს კამკამა დარი იდგა. ვარსკვლავთა ჟიკჟიკის სინათლეზე წერილი ბილიკი კარგად განათებული იყო. შატილს კი მეკვლეთა მიერ დანთებული კოცონი აბრდღვიალებდა.

გათენებამდე ყველა მეკვლე საჯარეში უნდა მისულიყო, დანარჩენნი კი ოჯახებში მოგროვილიყვნენ. ვინმეს თუ დააგვიანდებოდა, რამდენიმე საათს, მეკვლეთ გამოსვლამდე, სიცივეში, მოფარებულ ადგილზე უნდა მოეცადა. ძეხორციელი ამ დროს შატილში შემოსვლას ვერ გაბედავდა და კვალს ვერ შემოიტანდა.

კოცონის სინათლეს თანდათანობით დღის სინათლე დაჩაგრავდა. შატილის მაღალ მთებს ოქროსფერი მზის შუქი მოეფინებოდა და თანდათანობით ჩამოჰყვებოდა კლდე-ღვიაან, ლამაზ ფერდობებს.

ხთიშობლის საჯარეში ღამით დაწყებული გართობა-ზეიმი გრძელდებოდა. საახალწლოდ ნაგროვები თხილ-ნიგოზით ბავშვები ლუჭყი-კენტაობით ერთობოდნენ. ამ გართობაში ახალგაზრდებიც მონაწილეობდნენ. საგათენებოდ სალოცავის დარბაზიდან დასტურ-ხელოსნები დიდი სანდით (60 ლიტრამდე) საჯარეში ლუდს გამოტანდნენ და მეკვლეთ ახალ წელს მიულოცავდნენ:

„გწყალობდასთ ხთიშობელი! ბევრსამც წელწადთ გამაიცვლით, გებისას, გამარჯვებისას, პურიანს, წულიანს, კაციანს, საქონიანს, ერთს ეემას, ათასს სხვას!“ ამ სიტყვებთან ერთად მთელს თავყრილობას და კოცონს პეშვით ლუდის ქაფს მოაწინწკლებდა: „აესრ გახუვლნასთ, გაფუვლნასთ, გაგამრავლნასთ!“ სანდეს ახალგაზრდებს გადაულოცავდნენ და დარბაზში ბრუნდებოდნენ. ახალგაზრდები დიდი თასებით, უფროს-უმცრო-

სობის დაცვით, ლუდს ჩამოარიგებდნენ და ერთიმეორეს დალოცავდნენ.

საჯარეში არა მარტო ლუდი ისმებოდა, მეკვლეებს არაყიც მოჰქონდათ და ერთიმეორეს უმასპინძლებოდნენ. აქ გართობა-ქეიფის გარდა სერიოზული სჯა-ბაასიც მიმდინარეობდა. თუ იყო შემთხვევა, რომ შვილი დედ-მამას უყურადღებოდ, ცუდად ექცეოდა, შეაჩვენებდნენ, შეარცხვენდნენ, საჯაროდ უსაყვედურებდნენ. ეს დიდი სასჯელი იყო. გარდა ამისა, სხვა მეთოდებიც არსებობდა სოფელში მუდმივი წესრიგის დასამყარებლად. როგორც ცნობილია, ხევსურეთში ადრე ცუდი საქციელის ჩამდენს პერანგის კალთას სჭრიდნენ. ეს ახალწელს ან ზაფხულის დიდ დღეობაში, ათენგენობაში ხდებოდა. მოგვიანებით ეს წესი მოიშალა და წინა საუკუნის ოციან წლებში ამაზე წუხს ცნობილი პატილიონი მელექსე ნიათ სამუკა (ჭინჭარაული):

„ალარვის ვაქებთ საქებსა, ქება ვისაიც ღირსაო,

არცვის საგინებს ვაგინებთ, ალარცვის კალთას ვსჭრითაო“.

პატილში ერთიმეორესთან მუდმივი სიყვარული და პატივისცემა უნდა ყოფილიყო. მანდილოსნებიც კი ერთმანეთთან სიტყვიერადაც რომ წაკინკლავებულებყვნენ, მათ მეუღლეებს სალოცავში თითო საკლავს აკვლევინებდნენ.

ახალი წლის დილას სალოცავში შეზარხოშებული ჯვარიონნი და მეჯარენი (მეკვლენი) ერთიმეორეს შეჯიბრში ინვევდნენ. თუ ერთიმეორეს მარტოებს მოასწრებდნენ, იჭერდნენ, „ტყვედ“ მიჰყავდათ და გამოსასყიდად სასმელს ითხოვდნენ. „ტყვეების“ გამოსასყიდს თუ დააგვიანებდნენ, ცეცხლზე (კვამლზე) ჩამოჰკიდებდნენ, სასმელს ასმევდნენ ძალით და ასე „ანამებდნენ“. ბოლოს „ტყვე“ თავისუფლდებოდა და შერიგება ხდებოდა. იწყებოდა წინაპრებისა და კაი ყმებისადმი ლექს-სიმღერების მიძღვნა.

ერთიმეორეს მუხლზე დაუჩოქებდნენ, კაი მამის შვილს ასე შემღერნებდნენ:

„ნუ სდიდობ, ქურაზის შვილო, შვილო, ვერ სჯობხარ მამასა,
შენ თუ ჭარში ხქენ სახელი, მამაშენმ – ჭარის ბოლოსა,

შენ თუ დახვოცენ ცხვრის მწყემსნი, მამაშენმ – ვეშაგნ
მთისანი”.

კარგ ძმებს კარგობას შეუქებდნენ:

„ძმასა ძმა უნდა ისეთი, ბადრის რო უსუპ ჰყოლია,
ბადრი კლდეთ გადავარდნილა, უსუპ თან გადაჰყოლია,
ნეტავინ მაგათ დედასა, რა კარგი ძმობა ჰქონია!”

დედისერთა კარგ ვაჟეკაცსაც არ დასწყევტდნენ გულს:

„ასრი-ბუსრი ხარ, ამირან, კვლარძი ხარ გაბრუნებული,
ასნი რად უნდა დედასა, ერთიც ეყვ მალურბლებული”.

უნებურად ხელმოცარულ მაშულლარს, ან ბევრათაგან დაჩა-
გრულსაც „დაამშვიდებდნენ”:

„ამირან ჩამავიდოდა, ცხენოჭრის ჩამაგდებული,

ნამაეგება დედაი: „საით მახვ დარუყებული?!”

„განა ლმერთი ვარ, დედაო, სრუ მუდამ გამარჯვებული!”

საჯარეში მზეჩამოსვლის ჟამს იწყებოდა მეკვლეთა კენჭისყრა და მეკვლეთ წინამძღოლის ამორჩევა. შატილში ერთი ძირითადი ჭინჭარაულთა გვარი იყო. ჭინჭარაულები ორ მთავარ ქვეგვარად იყოფოდა: უთურგაულებად და გილაკაურებად. ეს ორი ქვეგვარი კი – 8 ქვეშტოდ. გარდა ჭინჭარაულებისა, შატილში შედარებით გვიან, მე-18 საუკუნეში შემოერთებული ანატორელებიც ცხოვრობდნენ. ჯერ კენჭისყრა სამ ქვეგვარს შორის იმართებოდა. აქ პირველ ადგილზე გასული ქვეგვარი (მამიშვილობა) იყრიდა კენჭს. შემდეგ კი ოჯახები, ოჯახებიდან კი ძმები. ყოფილა შემთხვევა, როცა მეკვლეთ 9-10 წლის „ვაჟეკაცი” ან 80 წლის მოხუციც გამოსძღოლია წინ, კვალის გამოსატანად.

მეკვლეთა ჯვარიდან გამომართებისას ხუცესი ქადებს და ახალ სანდეს გაადიდებდა. სალოცავის მედროშე ფერად-ფერადი ფარჩით მორთულ ზანზალაკებიან დროშას გამოაბრძანებდა დარბაზიდან და ააჟრიებდა. მეზარე დარბაზის კარიბჭეზე ჯაჭვით ჩამოკიდებული ზარის წინ დაიჩოქებდა, პირჯვარს გადაი-სახავდა და ზარს შემოჰკრავდა. ამ დროს სადღაც მალლა, ცაში მიფრინავდი და ანგელოზებს უერთდებოდი. თავდებოდა ზედაშეს გადიდება-დამწყალობება, ზარის რეკვაც. წინ შატილის მოყა-

ვისფერო-მოლევო ქავციხეები ეყუდნენ. იცოდი: აქ ყველაფერი შენი იყო: ჯვარ-ჯვარისკარი, მამა-პაპათა სასაფლაო, დედ-მამა, და-ძმები; გჯეროდა, მომავალშიც შენადეე დარჩებოდა აქაურობა: ლამაზი წყალ-ჭალა, ტყიან-კლდიანი მთები, ლურჯი, უძირო ზეცა და სიცოცხლის წყარო – მზეც.

ჯვარიონნი შატილში მზის ჩამოსვლისას დაგვლოცავდნენ და დაგვემშვიდობებოდნენ. მეკვლეთ წინამძღოლი შატილის გალავნამდე წინ იდგა. გალავანთან შეჩერდებოდა, ერთ სიტყვას „მშვიდობით“-ო გვეტყოდა და ყველა თავის ოჯახს მიაშურებდა სირბილით. შინ მისულს ვინმე მანდილოსანი დაგვხვდებოდა. მეკვლე მიმართავდა დამხვედრს: „შემოვდგი ფეხი, გწყალობდასთ ღმერთი, ჩემიძეც კვალი კაზედამც დაგიდგებათ, ბევრსამც ახალწელს დაესწრობით: პურიანს, წულიანს, ბედიანს, დავლათიანს, კაციანს, საქონიანს, ერთს ეემას, ათასს სხვას“. დამხვედური ხმის ამოუღებლად მიაწვდიდა მეკვლეს სამეკვლეოს, იფქლის ფქვილი-საგან გამოცხვარ ხშიადს. მეკვლე ჩამოართმევდა სამეკვლეოს და სამჯერ შეაგორებდა პირდაპირ ქაზდარზე (იატაკზე) და, თუ სამეკვლეო ფერზე (გულალმა) დაიდებოდა, კარგის მომასწავებელი იყო, თუ პირქვე – ცუდისა.

სამეკვლეოს შეგორების შემდეგ ოჯახიდან რომელიმე მანდილოსანი (უმეტესად გასათხოვარი გოგო) მსუბუქი სანყლე ჭურჭლით და ნიჭით (ნიჭი: ჩალაში გამოხვეული მცირე პურის ნაჭრით, ყველით, ნახშირით) წყალზე მიიბრუნდა. წყალს ეტყოდა სამჯერ: „წყალო, ნიჭი მოგიტანე, ბედი გამომაყოლე“. ნიჭს წყალში ჩადებდა და წყლიანი თუნგით ისევ სახლში ბრუნდებოდა სირბილით. ვინც მალე, პირველი მოვიდოდა შინ – კარგი ბედი ელოდა.

კვალის შეტანის შემდეგ საჯარეში, სალოცავში დარჩენილი მამრობანიც სახლში ბრუნდებოდა საღამომდე. ჯვარში მარტო დასტურ-მსახურები ათევდნენ ღამეებს. ისინი ახალწლამდეც და ახალი წლის დღეებშიც მკაცრად იცავდნენ წინაპართაგან დადგენილ წესებს. ამ პერიოდში ქალებისაგან განცალკევებით ცხო-

ვრობდნენ, ახალწლის წინა დღეს გაყინულ მდინარეში იბანდნენ ტანს და ასე შედიოდნენ სალოცავეებში.

ოჯახებს ამორჩეული ჰყავდათ პიროვნებები, რომელთა ფეხიც კარგად ჰქონდათ დაცდილი და ყოველ ახალ წელს მათ შეატანი-
ნებდნენ კვალს. ეს გამოიხატებოდა ვაჟიანობის, ცხვარ-საქონის
გამრავლების, საერთოდ მშვიდობიანად, ილბლიანად, ლალიან-ბა-
რაქიანად ცხოვრების იმედში.

ახალი წლის დღეებში დიდი არჩევანი იგრძნობოდა. ვის ვისთა-
ნაც ქეიფი და დროსტარება უნდოდა, მასთან მიდიოდა, რა თქმა
უნდა, უპირველესად თავის ტოლებთან, ახლობლებთან უხარო-
და მისვლა თითოეულს. სასმელით (არაყით) მოიკითხავდნენ ერ-
თიმეორეს არამარტო თავის სოფელში, – მეზობელ თემებშიაც.
უპირველესად იმათთან მიდიოდნენ, ვინც ბედისგან რამენაირად
დაჩაგრული იყო. მოიკითხავდნენ ქვრივ-ობლებს, მოხუცებს, რომ
მათ თავი მარტოდ და უყურადღებოდ არ ეგრძნოთ.

ახალგაზრდები პირველ დღესვე კენჭს ყრიდნენ, ქეიფი სო-
ფლის თავიდან დაეწყოთ თუ ბოლოდან. თუმცა რიგითობა უმე-
ტესად ირღვეოდა. შეზარხოშებული სოფლელები გეზს ხშირად
იცვლიდნენ მასპინძლის გამორჩევის მიზეზით. რიგითობა შემდეგ
დღეებშიც გრძელდებოდა. ერთ კვირას მიმდინარეობდა შატილში
ხმაურიანი დღეობა. ყველა დღეს თავისი სახეთო სახელი ერქვა:
კუმეტი, წინა შუადღე, უკანა შუადღე, გამცხადება ... რიტუალები
სათანადო იმართებოდა. ამ დღეებში უმცროსობა და ახალ-
გაზრდობა საფეხვნოში, სალუდე საქვაბეში იკრიბებოდა. იქვე
კალოსკარ, საფეხვნოს გვერდზე, მანდილოსნებს კეცეულები
მოჰქონდათ და პირდაპირ მიწაზე უყრიდნენ ბავშვებს, ვინც მეტ
ნადავლს მოაგროვებდა, გამარჯვებულად აღიარებდნენ.

საფეხვნოდან ხთიშობლამდე ორასიოდე მეტრია. სალოცავში
დიდ ნაჭრებად დაჭრილი საქონლის ხორცი იყო მოხარშული. იქვე
ელაგა ხაჭინისგულიანი დიდრონი ქალები. ბავშვებს (ბიჭებს) ერთ
რიგად დაგვაყენებდნენ, სალოცავიდან დაგვიძახებდნენ: „აბა წი-
ლობაო“. ადგილიდან მოვენყებოდით და მთელი ძალით გავრბო-

დით. ჯვართ მისადგომებთან უფროსი ახალგაზრდები დაგვხვდებოდნენ და ახლა ისინი მიგვარბენინებდნენ დარბაზისკენ. ვინც პირველი მივიდოდა ფინიშთან, წილობის დიდი ნაჭერი, ქადისა თუ ხორცისა, მას ერგებოდა. უფროსები საქებად სიტყვებს გვეტყოდნენ.

სამუადლეოდ საფეხვნოში თანდათანობით მოგროვდებოდნენ თოფიანი ახალგაზრდები. მალე ორ ჯგუფად, ცოლიანებად და უცოლოებად გაიყოფოდნენ. სროლაში ერთიმეორეს ეჯიბრებოდნენ. ხშირად ჯილდად (სამიზნედ) ქვას ამოირჩევდნენ. იმ ახალწელს შატილის პირდაპირ მამულებში აირჩიეს ერთი სამანი (მამულების საზღვრის გამყოფი ქვა, ერთი მეოთხედი ზევით ჩანდა, დანარჩენი მიწაში იყო ჩადგმული). შესამონმებლად გაგზავნეს ცნობილი, გამრჯე ახალგაზრდა მიხეილ სისაური. რამდენიმე გასროლის შემდეგ ვილაცის ნასროლი მოხვდა ჯილდას. მოწინააღმდეგეებს შორის დავა-კამათი დაიწყო: „მოხვდა, თუ არა“. მიხეილმა დაიძახა: „სჭირსო“, ე.ი. მოხვედრილი აქვსო. მაინც არ დაიჯერა მოწინააღმდეგე ჯგუფმა. ამ დროს საფეხვნოში იჯდა დარბაისელი, პირმართალი მოხუცი ბენიკიათ ბესო. სკამიდან ადგა, გვერდზე გავიდა და ხელის აწევით დაუძახა მიხეილს: „წამაილ, აქ წამაილ“. მიხეილი ეჯაჯგურა მიწაში ღრმად ჩასმულ ქვას, ამოიღო მიწიდან და საფეხვნოსკენ გამოემართა. საფეხვნოსთან გაოფლილ მიხეილს პირველი ბესო ჩაეგება. გულმოდგინედ დახედა ნატყვიარ ქვას და ხმამაღლა გამოაცხადა: „სჭირებივ, ღმერთისმამ!“ (მოხვედრია). შატილის ქავ-ციხეთ ლალმა ხარხარმა გადაუარა. მიხეილმა გვერდზე მოისროლა ქვა და დარცხვენილი შეუერთდა ახალგაზრდებს.

უფროსები ყველანაირ პირობებში სცდიდნენ უმცროსებს. მიხეილმა ორი შეცდომა დაუშვა: ჯერ ერთი: მართალია, გარჯას დიდად უფასებდნენ ახალგაზრდას, მაგრამ ბრიყვი არ უნდა ყოფილიყო მოქმედებაში. ჭეშმარიტების დასადგენად 9-10 კილოგრამიანი ქვის რამდენიმე ასეულ მეტრზე გადატანა აუცილებელი არ იყო. მეორეც: სამან-სამძღვრის შეცვლა ხეესურეთში

სანაწყევროდ, აკრძალულად ითვლებოდა და მამულიდან ქვა არ უნდა ამოეთხარა.

სოფელში ყველა ოჯახიდან ლხინი და ცეკვა-სიმღერა ისმოდა. სიმღერებიდან უმეტესად საგმირო და სანადირო ტექსტები სჭარბობდა. იქვე სახელდახელოდ იქმნებოდა კაფიები, მათგან შედევერებს იმახსოვრებდნენ და თაობიდან თაობას გადასცემდნენ.

გამკილავი, სახუმარო ლექს-სიმღერები და სხვადასხვა ამბებიც არ იყო იშვიათი. თუ რძლები დედამთილებს სათანადო პატივს არ სცემდნენ, ერთმანეთთან ჩხუბობდნენ, უფროს-უმცროსობას არ იცავდნენ, არც მაგას აპატიებდნენ და მათ გასაგონად იმღერებდნენ ფშავლისაგან გაგონილ ლექსს:

„ზალმა ზალსა გადარჩინა (ესროლა), ზედადგარის ძველანიო,
ზალმა თავს გადაიციდინა, ბებერს გასდგეს ჯღერანიო,
მაიტაცა ბებერამა მარცხნის ფევის ჩერანიო (წვივი),
„მაგიკვედი, დედამთილო, ვერა გნახე, ბნელანიო“.

შუაგულ შატილში, ქაღვი, სადაც ხისა და ქვის კიბეები ერთიმეორეს ცვლიდა, ერთ ოჯახში ქორწილი ტარდებოდა. ქორწილიდან მოხუცი ბენიკა (ჭალაურთა) გამოვიდა გარეთ. იქ მდგომი ბავშვების გასაგონად წარმოთქვა: „ძალიან დავითვერ, ყმანვილებო“. „ღმერთმა შაგარგას!“ – ერთხმად წარმოსთქვეს ბავშვებმა. მათ იცოდნენ, რომ ასე უნდა ეპასუხათ. ეს წესი ტრაფარეტულად ყველამ იცოდა. კიდევ გაიმეორა მოხუცმა „მთვრალი ვარო“, თუმცა სიმთვრალე სულ არ ეტყობოდა და დაამატა: „წელ მიკიდეთ კიბეებზე, კაკაცობო!“

მიხატ გიგიაშ და საღირათ გიგიაშ მკლავებზე მოჰკიდეს ხელი ბენიკას და კიბეებს ჩამოუყვნენ. ზამთარი იდგა. ბენიკამ შორიდან, ხიდზე მოვლით გადანწყვიტა შინ მისვლა. აქ კი გაყინული, ფართო ხევი იყო გასაველელი. გიგიაშმა იგრძნეს, იქ გავლა გაჭირდებოდა, თუმცა მთვარიანი, ნათელი ღამე იდგა. როგორც კი ყინულამდე მიაღწიეს, ბენიკა ბიჭების ხელმოუკიდებლად, ხტუნვა-ხტუნვით, მსუბუქად გადავიდა მეორე მხარეს. ბავშვები



ერთიმეორეს შეაცქერდნენ და უსიტყვოდ, აჩქარებული ნაბიჯით დაენივნენ დანინაურებულ მოხუცს.

ბენიკამ შინ შეიპატიჟა გამყოლები, ცოლს შეეხმინა: „არიქა, დიაცო, ტაბლაი გადმაგვიდგი, კეებმ ვაჟებმ მამაცილეს, თითო-ოროლ ყანწს შავსომთ“. საკაცო სკამზე ჩამოსვა ახალგაზრდები, თავად თავში დაუჯდა კერასთან, ჯელადიდან ყანწში არაყი წამო-ასხა და მიმართა: „მადლობელ ვარ, გიგანო, რო მშვიდობიანად მამიყვანეთ! ღმერთმა ჯელ-ფეჯ შაგარჩინასთ ჩემდ შველისად! სრუ გულისყურით უნდა იყვნათ სასმლოაჩი, იქნება ქვე ვინ დაითვრას, იქნება შველა დასჭირდას, თორემ ბენიკაი, სხვა ბებერ შატილივნებ ისრ არ დაითვრებიან, ყმანვილების ჯელით სათრე-ვლად დაჯდან. მადლობთ, ვაჟებო!“

სამ-სამი ყანწი დააღვევინა ბიჭებს ბენიკამ. „ქორწილში სწაის ყველასაო“, – წაუმღერა და გაისტუმრა.

ორივე გიგიას სიკვდილამდე ახსოვდა ბენიკას მიერ 70 წლის წინ ჩატარებული უნიკალური გაკვეთილი. თავადაც კარგ ვაჟკაცებად დაიზარდნენ და დაბერდნენ. დიდი სიამაყით გვიყვებოდნენ მომავლებს, რათა ჩვენი მომავლებისთვის გადაგვეცა, მათ კი თავისი მომავლებისთვის მოეთხროთ.

ქორნილი

„კიოთ სად არის ქორნილი,
ტაშიოთ სადა ტყვრებაო“.

ხალხური

ყოველგვარი ლხინი, ზეიმი თუ დღეობა მთაში რომანტიკულია, ქორნილი კი ორჯერ უფრო მეტად. შატილის ქვითკირები როცა ოჯახებით იყო სავსე, ღამით ყველა სარკმლიდან ფიჭვის კვარის ბრდღვიალა სინათლე გამოდიოდა, უნახავად ამ სილამაზის გადმოცემა შეუძლებელია და, მით უმეტეს, დავინყება. 14 წლამდე შატილში ვიზრდებოდი. ეს ის პერიოდია, როცა ყველაფერი მაშინდელი სიკვდილამდე გახსოვს. ბევრი ლხინი და ჭირი დამამახსოვრდა დღემდე. ბევრი ქორნილი გამართულა და ბევრი კარგი ვაჟაკი, უმეტესად მტრის მოკლული, დამარხულა შატილში.

1950-იან წლებში ხევსურეთი დაიცალა, ბარში გადმოგვასახლეს. 1982 წლამდე თბილისში ვცხოვრობდი ცოლ-შვილიანად. ბარში ყოფნის ამ დროის მანძილზე წელიწადში ერთხელ მაინც ავდიოდი სამშობლოში, ვტიროდი დანგრეული სოფლების ნახვისას და გულდათუთქული ვბრუნდებოდი უკან.

1982 წელს რამდენიმე ოჯახი დავბრუნდით შატილში. აღვადგინეთ 30 წლის მიტოვებული სახლ-კარი და დავინყეთ ცხოვრება. ისევ გაიმართა ქორნილები, აღდგა დღეობები... მაგრამ ხალხის, ოჯახების სიმრავლე აღარ იყო. ხანში შესულებს ძველი დრო გვახსენებოდა და გვენატრებოდა.

როგორც ცნობილია, ხევსურეთში ქალიშვილის დანიშვნა შეიძლებოდა აკვანშიც მომხდარიყო, მაგრამ დანიშნულთა და ქორწინება გვიან, სრულწლოვანების დროს ხდებოდა. ოც წლამდე ახალგაზრდების შეუღლება უიშვიათესი შემთხვევა იყო.

ქორნილი უმეტესად 25-30 წლის ასაკის ახალგაზრდებს შორის იმართებოდა. ყოველ შემთხვევაში, სასიძო 25 წლის მაინც უნდა ყოფილიყო. ვაჟი უმეტესად უფროსი იყო. არ იყო გამორიცხული, ნეფე-დედოფალი ტოლებიც ყოფილიყვნენ.

ქორნილისთვის მძახლები რამდენიმე თვით ადრე ემზადებოდნენ. უპირველეს ყოვლისა, ქორნილს 300 ლიტრამდე ლუდი სჭირდებოდა. ღვინო იშვიათად აღწევდა ბარიდან მთის სოფლებში.

ლუდისთვის ერთი-ორი თვით ადრე რამდენიმე ტომარა ქერს ჩადებდნენ წყალში. ხშირად ერთ-ორ ტომარა ჭვავს (სვილსაც) დაამატებდნენ. ერთ კვირაში დამბალ საფორე (საალაოე) მარცვლეულს წყლიდან ამოიღებდნენ, ცხელ წყალს დაასხამდნენ და თბილად შეფუთავდნენ (ფლას-ფარდაგებს დააფარებდნენ). ერთ კვირაში მარცვლეული ღივს გამოუშვებდა, დაფორდებოდა. ამ დროს ტკება ფორი და შემდეგ ეს სიტკბო სპირტად გადაიქცევა. სწორედ ეს სიტკბოა საჭირო ლუდის „სადულებლად“ და არაყის „გამოსანურავად“.

ცნობილი ლუღელი ხევსური, კარგი მელექსე – მოკაფიავე ბაბილთ ნია (ქისტაური), მეგობარ ფშაველთან კაფიობას შეპყოლია და დაღამებია. ხევსურები ფშაველებს კაფიობაში იშვიათად თუ უტოლდებოდნენ. ეს ლუღელი ნია ზოგჯერ ჯობდა კიდეც მათ. ამიტომ ფშაველებს უყვარდათ ძლიერი მეტოქე და მისი სტუმრობა უხაროდათ.

სალამოს ჟიპიტაური სვეს და სტუმარ-მასპინძელი – ორივენი კარგად გამოთვრნენ. გვიან ღამით მასპინძელმა სტუმარი საბძელში თბილად დაანვინა და თან ბლომად დააყარა „სალამოები“. დაძინების წინ მასპინძელმა ვერ მოითმინა და კიდეც შეუმღერა ნიას:

„ალაოსავით ჩაგდევი, ჩემო ბაბილის ნიაო“.

ნიას ლოგინში ჩადება – „მიგულებაში“ მასპინძელ ფშაველს ცოლი ეხმარებოდა. ეს შეამჩნია ნიამ და მიუგო:

„დილას ცოლ „ამამილალე“, რაჭელ ღივ ამამივაო“!

ფშავ-ხევსურეთში ასეთი მოსწრებული პასუხები ასეული წლების განმავლობაში ახსოვთ და გადასცემენ ერთმანეთს.

დავუბრუნდეთ ლუდის საქორნილო სამზადისს.

გამხმარ სალუდე მარცვალს ძალიან პატარა „კიაპი“ (ლივი) ამოეზრდებოდა: „ქმოსტელთ უსწავლავ რუსული ოსემდისიატ-პიატი, ღმერთი გაგინყრასთ, ქმოსტელნო, სრუ დაგილიასთ კიაპი“!

კარგად „დაკიაპებულ“, დალიებულ მარცვალს გაშლიდნენ, გაჰფენდნენ, გაახმობდნენ მზეზე და მსხვილად დაფქევდნენ. მსხვილად დაფქვილს უკეთეს სალუდე მასალად მიიჩნევდნენ. მისგან უფრო „ხშირი“ (სქელი) ლუდი დგებოდა. დაფქვილ საფორეს გრილად ინახავდნენ და ქორნილამდე ერთი კვირით ადრე ხარშავდნენ.

ლუდს ხარშავდა თითქმის მთელი სოფელი, უპირველესად კი ბიძაშვილები და ახლობლები ეხმარებოდნენ ერთმანეთს. ზოგჯერ მეზობელი სოფლებიც წამოეშველებოდნენ (იხ. ახალი წელი შატილში)

ლუდის ხარშვა – „დაყენებას“ ორი დღე სჭირდებოდა. მთელ პროცესს თვალ-ყურს ადევნებდნენ უფროსები. ისინი კარგი „ტექნოლოგები“ იყვნენ. მათი დაყენებული ლუდი ზოგჯერ ტოლს არ უდებდა დღევანდელ განთქმულ ლუდებს.

თიანეთის რ-ნის სოფ. საჯინიბოში 40 წლის წინათ ცხოვრობდა ლუდის დაყენების ცნობილი „ტექნოლოგ – სპეციალისტი“ სუმბატა გიგაური. იგი ხევსურეთიდან, სოფ. ბლოდან იყო ჩამოსახლებული. თავისი შვილის ქორნილში უმაღლესი ხარისხის ლუდი ჰქონდა დაყენებული. მაშინ ვკითხეთ ცხონებულ სუმბატას: რა ტექნოლოგიაზე აზავებ (ჰყრი) ლუდსო (ხევსურულად ლუდის ასაფუებლად საფუარის მიცემას „ლუდის შეყრა“ ჰქვია). ამის ცოდნა ყველაზე მთავარია ლუდის დამზადებისას. სუმბატამ გვიპასუხა: სვეში მოხარშვის შემდეგ სალუდე მასალას (ხევსურულად „სისწვენს“, ალბათ „სვის წვენს“) პირში ვიყენებ და სითბოს რომ ველარ ვიგრძნობ, მაშინ ვყრიო (ვაზავებო). ბატონი სუმბა-

ტა ადამიანის ტემპერატურით ზომავდა სალუდე მასალას. მაშინ-
დელ მექორნილეებს აქამდე გვახსოვს იმ ლუდის საოცარი გემო.
უბედურება კი ის არის, რომ სუმბატამ და მისთანებმა საიქიოში
ნაილეს ცოდნა და არა ერთი უნიკალური ტექნოლოგია შთამომავ-
ლობას სამუდამოდ დაეკარგა.

ქორნილამდე ერთი კვირით ადრე სასიძოს მხარე (მამა) სას-
მელით და მოსაკითხით ახლობლებს გზავნიდა მძახლებთან და
ქორნილისთვის საჭირო დეტალებს ათანხმებდა. მიახლოებით
გარკვეული უნდა ყოფილიყო რძლის მაყრების ვინაობა და რა-
ოდენობა. ქორნილში ერთმანეთს არ უნდა შეხვედროდნენ ადრე
ნაჩხუბარი და ნამდურავი ახალგაზრდები. არ უნდა ყოფილიყო
წინასწარ საშულლარი საბაბი წასასმლარ ხალხში, არც მოსუ-
ლებიდან და არც დამხდურებიდან. მთელს ხევსურეთში, ახლო
და შორეულ თემ-სოფლებში, ნათესავ-ახლობლებთან მძახლები
„კაცებს“ გზავნიდნენ და პატიჟებდნენ. ამით არკვევდნენ მომს-
ვლელთა რაოდენობას.

ქორნილი თითქმის ყოველთვის შაბათ საღამოს ინიშნებოდა.
ნეფის მხრიდან (სოფლიდან) რამდენიმე ახლობელი ახალგაზრ-
და და ერთი-ორი უფროსი ასაკის ადამიანი მიდიოდა რძლისა და
მისი მაყრიონის წამოსაყვანად.

რძალი („ახალზალი“) თავისი სოფლიდან რამდენიმე ათეულ
მაყარს დაპატიჟებდა. სარძლოს მშობლები წინასწარ ირჩევდნენ
მაყართა („მყოლთა“) უფროსს. იგი პასუხისმგებელი იყო მყოლთა
მშვიდობიანი მისვლა-მოსვლისა. თავის მხრივ, მაყრები ვალდე-
ბულნი იყვნენ მყოლთ უფროსის მოთხოვნებს დამორჩილებოდ-
ნენ.

ხევსურეთი პატარა იყო და ერთ ხეობაში ჩატარებულ ქორნი-
ლის ამბავს სხვა ხეობების მოსახლეობაც გებულობდა. ნეფე-დე-
დოფალთა სოფლებიდან კი თითქმის ყველა ოჯახი იღებდა მო-
წანილეობას. მართალია ახალზლის სოფელში ქორნილი შაბათს,
დღისით იწყებოდა, მაგრამ ნეფის სოფელში მისვლა თითქმის
ყოველთვის შედამებულზე ხდებოდა.

შატილში „მყოლ-მარჯუკალს“ სოფლიდან ნახევარი კილო-მეტრის დაშორებით ხვდებოდნენ ახალგაზრდები და ბავშვები. ვინრო ადგილზე, გზის პირზე, ბავშვები ორ-სამ დღეს აგროვებდნენ შეშას საკოცონედ. ძირითადად გამხმარ, უხეშ ნარ-ეკალს და ფიჩხს. ბავშვებს დიდებიც ეხმარებოდნენ და ერთ ადგილზე დიდძალი შეშა გროვდებოდა. დაღამებისთანავე დიდ კოცონს დაანთებდნენ და თუ რძალ-მაყრები დაიგვიანებდნენ, ცეცხლი დილამდეც გასტანდა.

კოცონთან სასმელიც (არაყი) მოჰქონდათ და მრავალგვარი გართობა იმართებოდა.

აღწერილი პერიოდი გასული საუკუნის 40-იან¹ წლებს ეხება. მოგონებებიც ამ დროისაა. მაშინ შატილის ოჯახებში იმაზე მეტი თოფი იყო, რამდენიც მამაკაცი. სროლა 9-10 წლის ყველა შატილიონს შეეძლო. არამცთუ ბიჭებს, პატარა გოგონებსაც ასწავლიდნენ სროლას. იარაღის ხმარება მენაპირე, მოსაზღვრე მოსახლეობას მემკვიდრეობით მოსდევდა და ევალებოდა. მყოლთა დამხვედრი ახალგაზრდობა მთელ ღამეს თოფის სროლაში ატარებდა. ტყვია-წამალი მეორე მსოფლიო ომიდან ჰქონდათ დაგროვილ-შემორჩენილი.

როგორც კი ზალ-მყოლთა მოახლოებას დაიგულებდნენ, გამაყრუებელი ბათქა-ბუთქი ატყდებოდა.

სროლა უმკაცრესად მონესრიგებული იყო. არასოდეს მომხდარა რაიმე ზიანი. პატარაობიდანვე მამა სანადიროდ წამსვლელ შვილს უთვალაფჯურ უმეორებდა ერთსა და იმავეს: თოფი არ გაესროლა ისე, თუ ტყვია რამეს: ხეს, ქვას თუ მიწას არ მოხვდებოდა. პაერში ნასროლი ტყვია შეიძლება პირუტყვს ან ადამიანს მოხვედროდა. გაუფრთხილებლად, დაუდევრად ნასროლი ტყვიის პატრონი კი ისევე აგებდა პასუხს დაზარალებულის წინაშე, როგორც განზრახ მკვლელი. შემთხვევით მოკვლას ხეცსურები არ ცნობდნენ და არც პატიობდნენ. გაუფრთხილებლობა დანაშაული იყო. თუმცა „იშობრად“ (განუზრახველად), შემთხვევით მკვლელს მაინც ჰქონდა ერთგვარი შეღავათი. ამ მექორწილეთა დასახვედრ

საკოცონე ადგილს „კოტორი“ ვეძახდით (კოტორი პურის ნატეხ-საც ჰქვია და მამულის მცირე ნაჭერსაც. ჩანს, აქ სახნავი მინა იყო ოდესღაც).

60-იან წლებში ლექსით ვიხსენებდი ბავშვობის ამ მომენტებს. ეს ლექსი პოემას ნააგავდა. შატილის ახალი ისტორია იყო შიგ ალწერილი.

„კოტორთან რა ამბავია, ცეცხლი რად იქნევს ალსაო,
ყმანვილებ, ახალუხლები რაად შახედვენ გზასაო,
გუროთა, გიორნმდიოთა ვინ ელოდება ზალსაო,
ღამით ცეცხლიან ტყვიასა ვინ ღნახავს თხორუს თავსაო!?“

ზოგჯერ ქორწილში მონაწილე სტუმრების მოლოდინში ღამეს თეთრად ათენებდნენ შატილივები. ქორწილები უმეტესწილად შემოდგომაზე იმართებოდა, სანამ მთებში მისასვლელები თოვლით ჩაიკეტებოდა. ზამთრის დადგომამდე ძირითადი სასოფლო-სამეურნეო სამუშაოებიც მოთავებული იყო. ხევსურეთის თემ-სოფლებში ლხინის დრო დგებოდა.

როგორც კი მახარობელი მექორწილეთა მოახლოებას აცნობებდა, კოცონის ალი ცას სწვდებოდა, თოფები კი ხშირი სროლისგან ხურდებოდა. კოცონთან ვინრო გასასვლელი უფრო განათდებოდა. ქალის მაყრებს, კაცებს ფიჭვის ცეცხლმოკიდებული, წინვიანი ტოტებით, მაშხალებით, ნავით გაჟღენთილი ძონძებით „ბომბავდნენ“. ბოლოს სტუმარ-მასპინძლები ერთმანეთს დააშოშმინებდნენ და ყველა საქორწილო სახლს მიაშურებდა.

მოსულ მაყრებს გარეთ გამოეგებებოდნენ, ლუდში ერბოჩაყრილი კოშებით, სპილენძის დიდი ლარნაკებითა და ბაკნებით დახვდებოდნენ, თან საგმირო-სავაჟკაცო ლექსებს შემღერებდნენ:

„სტუმრებო, სტუმრების მზესა, უსტუმროდ არცრა ლხინია,
უსტუმროდ პური, ღვინოი მწარეა, – განა ტკბილია,
უსტუმროდ მზეიც არ მადის, მავიდას, ისიც გრილია!“

რომელი თემ-სოფლიდან ან გვარიდანაც იყვნენ მოსული ნათესავები, მათი საქებარი ლექს-სიმღერები ითქმოდა ამ შეხვე-

დრებზე. კარგ მტერსაც კი ქებით გაიხსენებდნენ დროდადრო ხე-
ვსურები, მათ მეტოქე ვაჟებსაც სათანადო პატივს მიაგებდნენ:

„სამაისტლოებს ვაჟებსა ბაჟნით ასმიეთ ლუდია,
დიდია მაისტის თავი, ყმა იქ ვერ ავა ცუდია,
იქ აღარ არის ქალები, გვერდზე გავიგდათ ქუდია,
იქ არის ქისტის შვილები, ტყვიით იციან ჩხუბია!“

შატილივნებს ჩეჩნები (მითხოვლები) ემეზობლობოდნენ,
არხოტივნებს, – ინგუშები (ლილვლები). მითხოვლებსაც და
ლილვლებსაც ხევსურები ქისტებს ეძახდნენ. ამ მეზობელ ჩე-
ჩენ მთიელებს ერთხანობას (გვიანობამდე) ქრისტიანობის გავლე-
ნა ჰქონდათ. ქრისტიანი, ქრისტი, ქისტი თურმე აქედან მოდის.
ასე ხსნის ალ. ჭინჭარაული. მერე თანდათან გამუსლიმანდნენ.
მე-19 საუკუნემდე მეზობელი მითხოს ჩეჩნები ანატორიის ჯვარში
ლოცულობდნენ. ანატორიის ჯვარს ახლაც რჯულიან-ურჯულოთ
სალოცავად მოიხსენებენ. ბევრი წეს-ჩვეულება ერთმანეთის მს-
გავსი ჰქონიათ მეზობლებს, მაგალითად, სისხლის აღება. თუ
შეტაკებები ხდებოდა, უმეტესად თოფებით ებრძოდნენ ერთმა-
ნეთს. ამას იხსენებს მელექსე და არ უკარგავს ვაჟკაცურ საქ-
ციელს, „თუნდ ზღვა მართებოდა სისხლისა“. „რას ამბობ, ქალავ,
ვაჟკაცებ იყვნეს“, – ეუბნება ანა კალანდაძეს ბერდედა ლელა
ნიკლაური.

მაყრებს, მყოლთუფროსის წინამძღოლობით, განცალკევებით
სადმე დასვამდნენ უმცროს-უფროსობის წესის დაცვით. მოგვიან-
ებით ადგილობრივი სოფლელები და მოსული სტუმრები თავის-
თავად, ან მასპინძლის ინიციატივით, თანდათანობით შეერეოდ-
ნენ ერთმანეთს.

ამავე დროს, ახალგაზრდობის ერთი ნაწილი, ნეფის ახლობლე-
ბი და მეგობრები, უფრო ნეფის შერჩევით, „ნეფიონთ ტაბლას-
თან“ სხდებოდნენ.

ნეფიონთ ტაბლა და მისი მოწყობა ხევსურეთში იმდენად
განსხვავდებოდა საქართველოს სხვა, განსაკუთრებით ბარის,
კუთხეების წესისაგან, რომ მასზე სათანადოდ უნდა შევაჩეროთ
ყურადღება.

ჩვენ უშუალოდ გურო-შატილის თემებში არსებულ ნეფიონთ ტაბლის მონყობის წესს გადმოვცემთ.

მყოლთა და ზლის მოსვლის დროს ნეფე თავის სახლში არ იმყოფებოდა. ის მეზობელ – მეგობრებთან, ტოლ – სწორებთან იყო „განეული“ და იქ მცირე სუფრასთან ატარებდა დროს. ზლის მოსვლის შემდეგ, როცა წარსულებსაც მოიგონებდნენ და ცოცხლებსაც ადღეგრძელებდნენ, ნეფესაც მოიკითხავდნენ.

ნეფიონთ ტაბლა ენყობოდა (იშლებოდა) ნეფის, მისი დედ-მამის, საკუთარ სახლში. ყვერფ-კერაში ცეცხლი ენთო, საკიდელზე სპილენძის დიდი ქვებით ხორცი ან სხვა კერძი იხარშებოდა. გვერდზე, „სასანთებზე“, ფიჭვის ჩირახის კვარი ენთო. ნეფიონთ ტაბლა კერასთან, საკაცო სკამის წინ იდგმოდა.

ნეფიონთ ტაბლა (მაგიდა) დიდი არ იყო. სიგრძით მეტრ-ნახევარი, სიგანით ნახევარი მეტრი, სიმაღლით 40 სმ იქნებოდა. ეს ოჯახის ჩვეულებრივი სამფეხა ტაბლა იყო. ტაბლაზე ორი-სამი ახალგაქეთებული ჯვარი (ხატი) იდგა. თითოეული ჯვარი ჯვრების (5-7 ცალი) ერთიმეორეში ჩადგმულ ლამაზ, ორნამენტებიან კომპლექსს წარმოადგენდა. ჯვრები წითლად ან ცისფრად იყო შეღებილი. მახსოვს, საქორწილო ჯვარს ხშირად აბათ საყურა ამზადებდა. ცერა თითს გაიჭრიდა და თავისი სისხლით შეღებავდა. ჯვრები ვერცხლის სამკაულებითა და ლამაზი ნაქარგებით იყო მორთული.

ტაბლა თანდათან ივსებოდა წინწანაქრის (პირველნახადი) არაყიანი, ლიტრიანი და ნახევარლიტრიანი ბოთლებით. ეს ბოთლები ძირითადად ახალგაზრდა მანდილოსნებს (უმეტესად ქალიშვილებს) მოჰქონდათ. ნეფიონნი ყველა ბოთლს გასინჯავდნენ, უკეთესზე უკეთესს აირჩევდნენ და საჯაროდ გამოაცხადებდნენ გამარჯვებულს. პირველ ადგილზე გასული ბოთლის პატრონი დიდად დაფასებული იყო და დიდხანსაც ახსოვდათ მექორწილებს.

ნეფიონთ ტაბლის ირგვლივ კი ახალგაზრდების რაოდენობა მატულობდა. ვისაც ტაბლასთან ოფიციალურად არ მიიწვევდნენ

და იქ დაჯდომა არ მოუწევდა, თავს დაჩაგრულად გრძნობდა, ცდილობდა ნებისმიერი ხერხით ერთი არაყიანი ბოთლი მაინც შეხვედროდა. ნეფიონთ ტაბლაზე სტუმრებიც ერივნენ და მას-პინძლებიც. ნეფიონთ ძირითად ჯგუფს (გუნდს) უკეთესი ბოთლები ხელში ეჭირა და მკაცრად აფრთხილებდნენ მომხდურებს: „ნუ იძალებთ და ნებაყოფლობით შეგახვედრებთ ყველასო“. ყველას კი ვერ შეხვდებოდა, ბოთლები განსაზღვრული, დათვლილი იყო, მსურველი – ბევრი. თანაც მოპარული თუ წართმეული პირველხარისხოვანი არაყი უფრო მოსაწონად და საამაყოდ ითვლებოდა თავის ტოლებში. ნეფიონთაც და არანეფიონთაც მარცხენა ხელში რომ ბოთლი ეჭირა, მარჯვენა ხელის ცერა თითზე გალესილი „ლაჯია“ ეკეთა. როგორც კი წესრიგი დაირღვეოდა, ჩხუბიც დაიწყებოდა.

ქეიფის დაწყებამდე ბავშვები რამდენიმე ტონიანი, მარცვლეულით სავსე, კიდობნის თავზე (სახურავზე) ავდიოდით. ის უსაფრთხო ადგილად ითვლებოდა. იქ შედარებით თბილოდა კიდეც, მაგრამ წლობით ნაგროვები ჭვარტლი და ღია ცეცხლის კვამლი ისე გაგვმურავდა, ერთმანეთს ველარ ვცნობდით.

როდესაც ქორნილი ხალხმრავალი იყო და მეშველ-მაშულლარი ბევრი გროვდებოდა, ტონიან კიდობნებს გვერდზე ააყუდებდნენ და ძირს ვცვიოდით. მაშულლარების ლანძღვა-გინებას, „წირვა-ჯორვას“ ჩვენი ტირილი ერთვოდა და ზოგჯერ ერთგვარად აშოშმინებდა კიდეც. უფროსები, ქალებიც და კაცებიც, მოითხოვდნენ: „გონთ იყვენით, ყმანვილები არ დასჭყლიტოთ“.

მეორე დღეს, როცა ნალაჯივარი თუ ნახანჯლარი საარაო, გასარკვევი ხდებოდა, უფროსი მერჯულები ბავშვებსაც ეკითხებოდნენ, ვინ ვის რა დაჰკრა. თუ რამდენიმე ბავშვი ერთსადამივებს იტყოდა, დამნაშავეს ჯვარში ფიცით გაამართლებინებდნენ თავს. თუ ვერ დაიფიცავდა, პასუხი უნდა ეგო დაზარალებულის წინაშე. როგორც რჯული გადანყვეტდა, ისე უნდა აენაზლაურებინა ჭრილობის სიმძიმის გათვალისწინებით.

შულში ვილაცა სანთებს (კვარს) დაეჯახებოდა და სინათლე ჩაქრებოდა. მონინალმდეგეები ერთმანეთს ხმის მიხედვით არჩევდნენ. ცდომილება ბევრი ხდებოდა და თუ ქრილობა მძიმე იყო მოუზომავად მოქნეული იარაღის გამო, გარჩევა დიდხანს გრძელდებოდა. უმეტეს შემთხვევაში კი ნაშულარებს მეორე დღესვე შეარიგებდნენ, ერთმანეთთან ამოიბილებდნენ და მტრებს ძმებად აქცევდნენ.

უფროსები არაყიან ყანში ვერცხლს ჩაფხეკდნენ, სალოცავებს ახსენებდნენ. დალოცავდნენ, ერთმანეთსაც დაალოცვინებდნენ იმ ერთი ყანით. ყველა იქ მყოფი მოულოცავდა ძმობილობას ვაჟკაცებს და „ფიც-ვერცხლის ჭამის“ შემდეგ ძმობილები საკუთარი დედმამის შვილებისაგან აღარ განირჩეოდნენ.

კარგი, ცნობილი, მამაცი ვაჟკაცები, რომელთაც ქორწილში შულლი ერთგვარ ვარჯიშად, გამოცდად და გართობად მიაჩნდათ, მეორე დღეს შუაკაცების ჩაურევლად თავისი ნებით მოიკითხავდნენ ერთმანეთს. ერთ ბოთლს ან ხელადა არაყს მიიტანდნენ დაზიანებულთან, თავის თავს დააბრალებდნენ შულლის დანყებას და თავადვე მოიბოდიშებდნენ. ასეთი თავმდაბლური ქცევა უხდებოდათ ახალგაზრდებს და უფროსების ქებასაც იმსახურებდნენ. ასეთი კაი ყმები აღიარებდნენ: „მასთან ძმობილობა მენადა, შულლის მიზეზს ვეძებდიო!“.

ნეფიონთ ტაბლა ქორწილის ისეთი რიტუალი იყო, რომ კარგა ხანს მჯეროდა, თითქოს მას შულლის ასატეხად მართავდნენ.

მეორე დღეს გადაპატიჟებები იწყებოდა, რაშიც თითქმის ყველა შატილიონის ოჯახი მონაწილეობდა.

ორიოდე სიტყვა პატარძალზე (ახალზალზე):

მამის სახლიდან ახალზალს, ბუნებრივია, და-ძმები და ახლობლები მოჰყვებოდნენ. თან ახლდნენ, აგრეთვე, მულები და მაზლები, ახალზალს ქმრის სახლში შეიყვანდნენ და ისეთ ადგილზე დააყენებდნენ, სადაც თვალში საცემი არ იქნებოდა. უმეტესად შესასვლელ კარებთან, მყუდრო ადგილს შეარჩევდნენ. ხელში ანთებულ კვარს მისცემდნენ, რითაც შემსვლელ-გამომსვლელს

უნათებდა გზას. ახალზალს დიდ ყურადღებას აქცევდნენ. მის უნახავად და მოუკითხავად არც ერთი მექორწილე არ დარჩებოდა. ახალზალს განსაკუთრებით ახალუხალი (ახალგაზრდობა) სცემდა პატივს. მას ირგვლივ მუდამ ედგა ქალწულების მოზრდილი გუნდი და მართლაც ცივ ნიავეს არ აკარებდნენ. შუალამე რომ გადავიდოდა, ახალზალს წაიყვანდნენ და ნეფის რომელიმე ძმა-შინშის სახლში დააძინებდნენ. მაგრამ არამც და არამც საქმროსთან. ასე გრძელდებოდა მანამ, სანამ მექორწილე სტუმარ-სოფლელები თავიანთ ოჯახებში არ დაბრუნდებოდნენ.

რძალი ქმართან ქორწილიდან რამდენიმე დღის შემდეგ იჩენდა სიახლოვეს, მაგრამ ფიზიკურად, ახლო ინტიმური კავშირი მათ შორის თვეობითაც არ იყო. ჰქონდათ საუბარი, აზრთა გაცვლა-გამოცვლა და მრავალ თემაზე მსჯელობა. „ყორნის უჭმელ არაია და ცოლ-ქმართ უთქმელ არაია“ – არის ხევსურული ანდაზა. თუმცა საჯაროდ, სხვების გასაგონად, ცოლ-ქმარნი ერთმანეთს მოხუცობამიც იშვიათად ელაპარაკებოდნენ.

„შენ, არ მაგდისა, გამახენე!“ – ასე მიმართავდა ქმარი მეუღლეს.

რაც უფრო დიდ ხანს გრძელდებოდა მოკრძალება და თავშეკავება, მით უფრო დადებითად ფასდებოდა ახალშეუღლებულთა საქციელი. რძალი მორიდებული უნდა ყოფილიყო ყველა უფროსის, მათ შორის ხნიერი ქალების მიმართაც. განსაკუთრებით ხატრობდნენ დედამთილ-მამამთილს, ქმრის ბიძებს და ა. შ. ზოგჯერ მამამთილს წლობით არ დაელაპარაკებოდა პირადად რძალი და უფროსი საიქიოს ისე წავიდოდა. ასეთი რძალი დიდად დაფასებული იყო ხევსურეთში. მამამთილის სახელს არასოდეს წარმოთქვამდნენ:

„არ ვზძრახავ, ვშჩამობ (ველაპარაკები) ერეკლეს, ხთისოს (ბავშვების) მამასო“, – სხვათა სიტყვით იტყოდნენ რძლები.

შატილში მცირე რაოდენობით ცერცვსაც თესავდნენ და მარცვლეულთან, სიმინდ-ლობიოსთან ერთად ხარშავდნენ. ამას „დოხანი“ ერქვა. უმი ცერცვი გემრიელი იყო და მას ხილივითაც

მიერთმევდნენ. ასეთი ცერცვის ყანა ჰქონია დათესილი მანგიათ უფროსს ვაჟუნას (კაცის სახელია). მის რძალს ამ ყანიდან წაუღია მოსამწნიფებელი ცერცვი და იქვე, ტყეში უჭამია. ვაჟუნა მიხვდა, მაგრამ არაფერი თქვა. ერთ საუბარში ამ რძალმა ჩვეულებრივად ვაჟუნას მიმართ განაცხადა: „ლეგუას მამას არ ვზძრახაო“. ე.ი. ვხატრობო, არ ველაპარაკებო. ვაჟუნამ ვერ მოითმინა ამ „ხატორიანი“ რძლის ნათქვამი და თავისთვის ჩაილაპარაკა: „ნეტაი შენ ჩემდ ცვერც არ გეპარ, მირგვალა ტყეში არ გეზიდნ და იქ არ გეჩოჩხ, მე კაცობასამც არ ამძრახდომიყავ“. ხატორი ყველა-ფერში უნდა იყოს და არამარტო დალაპარაკებაშიო, აგრძნობინა უფროსმა. არ აპატია მალულად ნამოქმედარი საკუთარ რძალს. რძლები უფროსის მოტანილ ან გაგზავნილ სასმისს არ მიეკარე-ბოდნენ, სანამ იგივე უფროსი მათგან უკანვე დაბრუნებულ სას-მისით არ დაილოცებოდა და არ დაცლიდა. საჯარო თავშეყრის ადგილებში, სადაც არ უნდა ყოფილიყო რძალი, ყველგან ფეხზე უნდა მდგარიყო. ის ყველას ემსახურებოდა, ბავშვებსაც კი.

უფროსებისადმი პატივისცემა მთის რეგიონებში ახლაც შე-მორჩენილია და ბარის ზოგიერთ კუთხეშიც გვხვდება. მაგ. სა-მეგრელოში რძალი ძალიან მოკრძალებულია დედამთილ-მამა-მთილთან.

წინა საუკუნის პირველ ნახევარში დუშეთიდან ოჩამჩირეში არონიაზე გათხოვდა ჭინჭარაული მზეო. მზეო ტან-ფეხითაც და სახითაც შესანიშნავი გოგო იყო. ის შატილიდან იყო წამოსული და ხევსურული წეს-ჩვეულებები თუ ქცევები კარგად ახსოვდა. მეგრული ერთ წელიწადში ისწავლა, უფროსებისადმი მორიდებუ-ლი იყო და მეგრელების სათაყვანებელ რძლად იქცა.

„ხევსურულად ვიქცეოდი ოჯახშიც და საზოგადოებაშიც, სხვა არაფერი გამჭირვებია და არც დამჭირვებიაო“, – გვეუბნებოდა, როცა მის სასიკეთო ცხოვრებაზე ვემადლიერებოდით. მისი ძმა ბაძია (მამულათ ბაძია) დუშეთში ცნობილი პიროვნება და კარ-გი თამადა იყო. ერთხელ სამეგრელოშიც აურჩევიათ თამადად.

მეგრელებს მისი სახელი ეუცხოვათ და ბაძიას უთქვამს: „რა გიკვირთ, თქვენ რომ გვარები გაქეთ, მე სახელი მაქვს იმხელაო!“

იყო კიდევ ერთი წესი ხევსურეთში, რითაც ფასდებოდა მანდილოსანი. ეს იყო მანდილი. ქალის საერთო აღმნიშვნელადაც მანდილოსანს იყენებდნენ ისევე, როგორც დედროანს. მანდილი, ხევსურულად „მანდელი“, შალისგან მტკიცედ ნაქსოვი, ძვირფასად დაკერულ-მოქარგული ქალის თავსაბურავია. მას რამდენიმე კეცად იხვევდნენ თავზე (თმაზე). ქალიშვილებს გათხოვებამდე ასწავლიდნენ მანდელის „დახურვას“ (მოხვევას). თმით „დარალიად“, თავშივლად გამოჩენას კაცებთან ქალები მოხუცობაშიც ერიდებოდნენ. რაიმე მოსახვევი მაინც უნდა ჰფარებოდათ თმაზე. თუ როგორ მტკიცედ იცავდნენ ამ წესს, მოვიტანთ რამდენიმე მაგალითს.

ჭინჭარაულს, სადარათ ხახონს (ხახუას), ერთი წლის შერთული ცოლი, არდოტელი ქალი, შემდეგში შესანიშნავი ზალი და დედა, ბუბა ნაჰყვა სამკალში. ქალები საკაცო საქმეში ჩვეულებრივ გვერდში ედგნენ შატილში კაცებს. ყანა განცალკევებით ტყეში ჰქონდათ. ბუბას მანდილი ეხურა და პაპანაქება სიცხეში ძალიან ანუხებდა.

– ახლა ხომ არავინ გვხედავს, ტყეში ვართ, მოვიხდი მანდელს, – ეუბნება ბუბა ქმარს.

– ვერ მაიწდი, ღმერთისმამ, შატილივნები თუ არავინ გვხედავს, შატილის ადგილ-ხოყანა გვხედავს, – პასუხობს ხახუა და აგრძელებენ მკას.

ხახუა კარგ შატილივნად იყო ცნობილი. იყო შემთხვევები, როცა მთებიდან ჭალაში ჩამოტანილ ნებისმიერი შატილივნის თივას (ერთ მოკიდება ბარგს), შატილიდან ერთი-ორის კილომეტრის დაშორებით, მოიკიდებდა და მოიტანდა. იქ, საფეხვნოში, ეტყოდა: აქედან და აქედან წამოვიღე და მიიბარეთო. ასეთი უანგარო საქმიანობით ზრდიდნენ და წვრთნიდნენ უფროსი შატილივნები მომავალ თაობას.

მანდილთან დაკავშირებული სხვა შემთხვევები:

არხოტში ახლობელს შულღში კარგი ვაჟეცაი შემოაკვდა. ქვრივად დარჩენილმა ახალმოყვანილმა რძალმა ქმრის დაკრძალვამდე თავი მოიკლა. დიდი სიყვარულით ყოფილან შეუღლებულნი. თოფის ხმაზე მამამთილის უფროსი ძმა პირველი შევარდა სახლში ნატყვიარ რძალთან. მკერდში მოხვედრილ ტყვიას რძალი წაექცია და მანდილი გადავარდნოდა თავიდან. მომაკვდავმა, სულთმობრძავმა რძალმა, იცნო მამამთილის ძმა და მანდილი თმებზე თვითონვე გადმოიფარა. რომ იტყვიან, კომენტარი ზედმეტია. თითქმის ასეთივე შემთხვევა იყო გიორნმინდაშიც. შატილიონზე დანიშნული ქალიშვილი შემთხვევით სასიკვდილოდ დაიჭრა. შატილში სამამამთილეს გააგებინეს: იქნება ცოცხალსვე მოუსწროო. ცხენით მალე მოვარდა შემფოთებული სამუკა. სახელის ხსენებაზე სარძლომ სიკვდილის წინ უკანასკნელი სიტყვა წარმოსთქვა: „მანდელი“.

მთაში ამ ერთი საუკუნის წინ ქალიშვილები მომნიფებისას, გარდამავალ ასაკში სულ უბრალო წყენაზე იკლავდნენ თავს.

გიორნმინდაში, სოფ. ჭორუში, ხალხმრავლობაში ერთი ულამაზესი გოგო, კირკილათ მზექალი, ყინულზე უხერხულად ნაიქცა, შიშველი ბარძაყები გამოუჩნდა. ადგა, ტანსაცმელი გაისწორა, შევიდა სახლში და თავი მოიკლა სტუმრის თოფით.

საოცრად მალე იცვლება ცხოვრება. მას შემდეგ სამი თაობა შეიცვალა. ახლა ქალები, თვით გუროელ-შატილივნების ჩამომავლები ბარში, გულდაგულ ცდილობენ, როგორმე საზოგადოებაში თავისი სხეულის სხვადასხვა შიშველი ადგილები აშკარად გამოაჩინონ.

„ეს სცოდნია დროთა სელას და
ჯარასავით წელთა ბრუნვას“.

ნისლაურ ჯალაბაური

წინათ შატილში (და საერთოდ ხევსურეთში), უშუალოდ ქორწილის მიმდინარეობის დროს საჩუქრები არ იცოდნენ. მეზობელ ფშავში კი არამც თუ საჩუქარი ეძლეოდა ნეფ-დედოფალს, ქორწილში „მყეფარიც“ ჰყავდათ. მყეფარი საჩუქარს და მის მომტანს გაზვიადებულად (ხან გამკილავადაც) დაახასიათებ-

ბდა, ენამახვილური იუმორით შეაქებდა. ნიჭიერი მყეფარის საუბრის მოსმენას არაფერი სჯობდა. მიუხედავად იმისა, რომ მას საორჭოფო სახელი ერქვა, ლხინს ძალიან უხდებოდა მყეფრის „ყეფა“.

შატილში საჩუქრის მიცემის სხვა წესი ჰქონდათ. ქორწილის შემდეგ (შეიძლება ერთი წლის გასვლიდანაც) ოჯახი, ბიძა-შინშეები, ახლობლები მსხვილფეხ და წვრილფეხ პირუტყვს აძლევდნენ გათხოვილ ქალს. ამას „სათავნო“ ერქვა. სათავნო რამდენიმე ძროხა და ათეულობით სული ცხვარი შეიძლება ყოფილიყო. ეს რძლის პირადი საკუთრება იყო და რამდენიმე წლის შემდეგ უკვე მოზრდილ ჯოგს შეადგენდა.

ვაჟს (ქმარს) მამა სათანადო წილს აძლევდა ოჯახიდან ძმათა რაოდენობის გათვალისწინებით. ახალ ოჯახს (ცოლ-ქმარს) მომავალში, თავისი უნარ-ჩვევების მიხედვით, მძიმე, უშუალო შრომით უნდა შეექმნა ყველაფერი. ქალს და რძალს, ვაჟსაც, ხევსურეთში შრომით აფასებდნენ, ვიდრე სილამაზითა და გარეგნობით. ორივე ეს თვისება თუ შეხამებული იყო ბევრ სხვა კარგ თვისებებთან ერთად, ყოვლად სრულყოფილი ოჯახები იქმნებოდა.

შატილში განსაკუთრებით ფასობდა მაღალი სტუმართმოყვარეობა. უცხოდ, პირველად მოსული სტუმრის შინ ნაყვანა ბევრჯერ გამხდარა სერიოზულ სადაოდ. ამიტომ ოჯახში უნდა ყოფილიყო თავისა და სტუმრისათვის საკმარისი პროდუქტული როგორც მარცვლეულის, ისე რძის ნაწარმის. იყო შემთხვევები, როცა შატილიონ მამაკაცს, ახალგაზრდას, საველო საქმეზედაც კი ყველ-ერბო არ მიჰქონდა. მხოლოდ მარილს ხმარობდა, რათა ოჯახში, სტუმართან მისატანი საკმარისი მარაგი შეექმნა.

„ახალზღის“ სამსჯავრო

დავაუკაცებამდე შატილში ახალგაზრდებს მრავალ შეჯიბრში უნდა მიეღოთ მონაწილეობა. ყველა პირველობისთვის იბრძოდა, მაგრამ ბევრმა არ იცის, რომ შატილში „ახალზღებს“ (პატარძლებს) წინასწარ სცდიდნენ, აჯიბრებდნენ ერთმანეთს, და ზოგჯერ ცნობილ ვაუკაცებსაც.

საყოველთაოდ ცნობილია, რომ მთებში შრომა და ყოფა-ცხოვრება ძალიან ძნელია ბარის რეგიონებთან შედარებით. მთების სოფლებს შორისაც განსხვავება თვალსაჩინო იყო. მაგალითად, შატილსა და არდოტში რთული იყო ყოფა-ცხოვრება, ვიდრე პირიქითი ხევსურეთის სხვა სოფლებში. აქ ხარის თუ ცხენ-ჯორის გამოყენება ძნელდებოდა. ვიწრო ბილიკებზე ძირითადად ზურგით ეზიდებოდნენ ძნას თუ თივა-ჩალას. ამიტომ ასეთ ადგილებს „გასაგალ“, ძნელად საცხოვრებლად მიიჩნევდნენ. ზამთარში საბოსლოებს ხშირად იცვლიდნენ. ციცაბო და ვიწრო ხევ-ბილიკები ვაუკაცებისთვისაც ძნელად დასაძლევია ხდებოდა. თავისაზე ორჯერ მძიმე ტვირთი კილომეტრობით გადაჰქონდათ. ამ საქმეში კაცებს ქალებიც გვერდში ედგნენ. აქ მარტო ფიზიკური ჯან-ღონე არ კმაროდა, სულიერი სიმამაცე და გაუტეხლობა იყო აუცილებელი.

თუ ადგილობრივი ქალ-ვაჟები ასეთ შრომას ბავშვობიდანვე იყვნენ შეგუებული, სხვა თემ-სოფლიდან მოსულებს ძალიან უძნელდებოდათ.

დიდი იუმორის მქონე, ცნობილი მელექსე ომათ ხთისო (გოგოჭური), გიორნმიდელი, შატილში ერთ კლდიან, ვიწრო ბილიკზე მოხვედრილა. მას თურმე სიმაღლის შიში ჰქონდა და გაუჭირდა კლდეებზე გადავლა (ეს ბილიკი შატილს საზამთრო სადგომებთან, სოფ. აცეხთან მოკლედ აკავშირებდა, მას „მაღალ სახვეეთ“

ვედახდით და ხშირად მივდ-მოვდიოდით). მიჩვეულ შატილივნებს ამ ბილიკით მძიმე ბარგიც გადაჰქონდათ. მასზე მანდილოსნებიც მოძრაობდნენ.

ხთისოს გაუჭირდა ბილიკის დაძლევა და თურმე შემდეგ ჰყვებოდა თავის სოფელში:

„მე კანრით (ფრჩხილებით) ვიყვიდ (ვიყავი) გაბმულ კლდეებს, თითოთო (თითოეული) შატილიონთ დიაცი საქსოვის ქსოვით, რბოლით (რბენით) გადმამცილდისა და გადაეფარის. ჩვენებს კაცებს მაგათ (შატილიონთ) დიაცებ გვჯობიან“.

წინა საუკუნეებში შატილივნებს სხვა ადგილებიდან მოყვანილი სარძლოებისთვის წინასწარი საცდელი შემოულიათ.

არლუნის ხეობაში, შატილიდან ჩრდილო-აღმოსავლეთით, ერთი ნახევარკილომეტრიანი, მოძრავქვიშიანი ციცაბო ფერდი ადის. აქაც მოკლე ბილიკი მიიკლანება აცეხისაკენ. ამ ქვიშაზე ყოველი ნაბიჯი ჩაღმა მოქანავს ქვიშიანად. სწრაფად უნდა იმოდროა ზევით, რათა ქვიშამ ფეხქვეშ გამოცლა ვერ მოგასწროს. ამ ქვიშიან ადგილს „ჭეტალ ქვიშანი“ ჰქვია.

ქორწილამდე ამ „ჭეტალ ქვიშათაზე“ ხდებოდა სარძლოების გამოცდა. არლუნის პირას, ქვიშების ბოლოში, საპატარძლოს 6-7კგ. სიმძიმის ტვირთს („სასაგძლეს“) აჰკიდებდნენ ზურგზე, წინ ცნობილ მუხლად ვაჟკაცს დაუყენებდნენ და ორივეს ზევით ქვიშაზე გაუშვებდნენ. ჩქარი ნაბიჯით მოსიარულე წინამძღოლს აღმართზე დაუსვენებლად უნდა აჰყოლოდა ქვიშის თავამდე საახალზლე.

ამ შეჯიბრს ხალხი ესწრებოდა. თუ საპატარძლო ვერ ადიოდა შესაჯიბრ მანძილზე, მას ბოდიშის მოხდით მამისახლში დააბრუნებდნენ. ფიზიკურად და სულიერად სუსტი რძალი შატილში „ვერ იქმოდა ზღობას“. თუ საპატარძლო საქებრად დაასრულებდა მანძილს, ის შატილში შესძლებდა ცხოვრებას და მალე საქორწილო სამზადისი დაიწყებოდა.

ეს სპარტანული, უცნაური წესი დიდხანს ვერ გაგრძელებულა. იჩაგრებოდნენ არაფერში დამნაშავე, ლამაზი, ნაზი, სუსტი აღნაგობის სარძლოები.

მეოცე საუკუნის ოციან წლებში ერთ-ერთ კარგ ვაჟკაცს, შატილიონ ჩალხიას, პირაქეთი ხევესურეთიდან მოუყვანია უნაზესი, ულამაზესი ქალიშვილი მზევინარი. შატილიონებს მსჯელობა დაუწყიათ: ძალიან სუსტია, ჯეტალ ქვიშათაზე უნდა გამოიცადოსო.

საქმრო ჩალხიას ძალიან უყვარდა თურმე მზევინარი და უფროსებს გაუბედა და უთხრა:

„ - თქვენი მსჯელობა ძალიან მაოცებს, ცოლი შატილში დოღში, შეჯიბრში სარბოლად კი არ მოვიყვანე, არამედ საცოლედო. როგორც შესძლებს, ისე იცხოვრებსო!“

მზევინარს შატილში ცხოვრება არ გაუმართლდა. დაქორწინებიდან ერთი წლის შემდეგ ჩალხია მტრებმა მოკლეს და მზევინარი უდროოდ დაქვრივდა.

ჩალხიას ძმა-ბიძაშვილებმა ნამაშვრალში მზევინარს ერთი ძროხა დაუყენეს წინ და მამისახლში გაისტუმრეს. მთელმა შატილმა ტირილით გააცილა აგრეთვე ცრემლიანი მზევინარი. მშობლებთან ბოდიშის მოსახდელად ორი სახელიანი მოხუცი შატილიონი გააყოლეს თან.

ამ ამბის შემდეგ მოშლილა ეს საქებარი თუ დასაწუნებელი, შატილიონების მოგონილი წეს-ჩვეულება. ამბავი ჯეტალ-ქვიშაზე კი დღემდე შემორჩა შატილურ ხალხურ პოეზიას:

„შატილ ჯეტალ-ქვიშანი,
საცდელნ ახალზლისანი!“

აღსანიშნავია, რომ შატილში რძლები გამორჩეულად უყვარდათ. დღეობებში სინდის-ნამუსით ცნობილ რძლებს (განსაკუთრებით დაქვრივებულებს) სანდებს და ლუდიან კოშებს მიართმევდნენ, ამალღებულად დალოცავდნენ მათ კაი დიაცობას. შატილში ადრე განათხოვარი და მერე სხვაგან გათხოვილი ქალები შატილიონთაგან დიდ ყურადღებას სიამაყითა და დაუფარავად

აღნიშნავდნენ. ჩანს, დედას (რძალს) კარგი შატილივნის გაზრდაში დიდი ღვაწლი ედო. ამიტომაც საუბარში ასე მიმართავდნენ სანაქებო ქალ-ვაჟებს: „კაის დედ-მამის შვილო, კაის დედ-მამის გაზრდილო!“

ერთ პატარა ლექსში შატილში დაბადებულ-გაზრდილი ქალიშვილი ნატრობს: „ნეტავი სხვა სოფელში გავჩენილიყავი, შატილიონთ ზალი გავმზდარიყავიო!“

როგორც აღვნიშნეთ, შატილში ერთმანეთთან მხოლოდ ანატორლებს და დანარჩენ ჭინჭარაულებს შეეძლოთ დაქორწინება. ასეთი რძალი იყო შესანიშნავი პიროვნება, სანაქებო შვილების გამზრდელი საღირაის დიაცი ძილო. ძილო ამბობდა: „შატილიონთა კაცი კი არა, საქონიც არ დამიწყევიაო“. ის ანატორელი იყო. დედას ვკითხე ძილოს ასეთი გამორჩეული სიყვარული შატილიონთადმი. დედამ მითხრა: „ჯერ მე მირჩევიან ჩემ სოფელ გუროელთ შატილიონნი' ძილო კი ქალიც შატილიონთაიაო, ზალიცო, რა გასაკვირიაჲ, უყვარდანაჲ“.



ტუჩათ ნიკო და ნიათ ლეკო

მე-20 საუკუნის დასაწყისში ხევსურეთში სოფლები ჯერ კიდევ მჭიდროდ დასახლებული იყო, ერთ ასეთ სოფელს გიორნმდიდამი ტბათანა ერქვა. ზღვის დონიდან ერთ-ერთი მაღალი დასახლება. როგორც აღვნიშნეთ, აქ გუროდან გადმოსახლებული გოგოჭურები სახლობდნენ, მათ შორის იყო ნიკო ტუჩას ძე გოგოჭური. რალაცაზე ნიკოს მამ-ბიძებს ქისტებმა უჩივლეს. ისინი დაიჭირეს და დაიკარგნენ. დაობლებული ნიკო მალე წამოიზარდა და ძალიან თავმომწონე და თამამი ვაჟკაცი დადგა.

XX საუკუნის ოციან წლებში საბჭოთა წყობილება მთებში ჯერ კიდევ განმტკიცებული ვერ იყო. მოსაზღვრე თემები ერთმანეთზე თავდასხმებს აგრძელებდნენ. მოსახლეობაში საკმაოდ იყო შემორჩენილი ცეცხლსასროლი იარაღი. გრძელდებოდა პირუტყვის მოტაცება ჩეჩენ-ინგუშების მხრიდან. ერთ-ერთი ასეთი თავდასხმისას სოფელ გიორნმდიდის მოიტაცეს პირუტყვი და ჩვენი მდევრიდან ქისტებმა მოკლეს ოდინა გოგოჭური. გარდა ამისა, ქისტებმა უჩივლეს და ციხეში დაიკარგნენ ნიკოს მამ-ბიძანი.

ნიკოს ახსოვდა მამ-ბიძები და რომ წამოიზარდა, დაიწყო „ჭირის საძებნად“ მიყოლა. ხან მარტოკა, ხან ერთი გამყოლით ხშირად დადიოდა ქისტეთში და ყველა ბრალეულს თოფავდა. ქისტებმა ერთიმეორის გადაბრალევა დაიწყეს ოდინას მკვლელისა. ძალიან შეაწუხა ნიკომ მითხოვლები: ხან მათ სახლებს ცეცხლს უკიდებდა, ხან წისქვილებს უმტვრევდა. ბოლოს ერთმა თავისი დეიდაშვილი ათოფვინა ნიკოს. ნიკომ ვერ მოკლა, მაგრამ ფეხში დაჭრა სოფ. სახანოში მცხოვრები მურთაზ მაჰამის ძე. დღისით, მზისით თავს ესხმოდა სოფლებს ნიკო, აწიოკებდა მითხოს ხეობის მოსახლეობას. შორს გაეგარდა მისი სახელი. ეს მომცრო ტა-

ნის, ქერა, პატარა ბიჭი შიშის ზარს სცემდა არამართო ქისტებს, არამედ მაშინდელ სახელმწიფო მოხელეებსაც. ნიკო ფაქტიურად გაყარა, მდიდარ ჩარჩ-ვაჭრებს და ზოგჯერ ჩვეულებრივ მგზავრებსაც ძარცვავდა.

ცნობილმა გიორნმდელმა მელექსემ, ომათ ხთისომ, კარგად, სამართლიანად დაახასიათა ტურათ ნიკო და აღწერა მისი „საქ-მენი საგმირონი“:

„ნიკო მაშინ გაყარა, რო გადაშრა მთაო,
ნაგანი და მაუზერი ორივ აილაო,
ანატორზე გადავიდა, გადაბოინდაო,
ხიტაღეში რომ ჩავიდა, იქ შეისვენაო,
ჩაჩაურის გიგასა ელაპარაკაო:
„ვალი გმართებს შარმანდელი, უნდა გადახდაო“,
ახსნა ხარი გიშერაი, წამაიყვანაო.
საძელეზე დააგროვა კაცი ოცდაცხრაო,
გახადა აზიაცკები, თვითონ ჩაიცვაო,
ბუხრის ქუდები მოხადა: „თქვენ იყიდეთ სხვაო“.
მაშინ დავარდა შპიონი, ნეხვათ რაში ჰყაო,
გადმაჯდა ნეხვაიშვილი, ნიკო გადაჯდაო,
სასწრაფოდ გადმაიარა ხევსურეთის მთაო,
იწრო გუროს ქალაზედა გამაუშალაო,
„ეს მამაძაღლის ტიალი მაშინასა ღგაო“.
გზაზე ხვდება გეპეოი, არ ედარდებაო,
გადაბრუნებულ ზატორი გადმაბრუნაო.
ეხველება ცხვედაძეი: „დამანებე გზაო,
მონმოზა თუ დაგჭირდება, პეჩატს დაგიკრაო“.
ერთის მინუტის ხანზედა ჯარეგოში ჩაო (ჩავა),
ქისტის ქალებ იძახიან: „ნიკა მავიდაო,
რჯულიანში ნუ გავუშვებთ, გახდეს ჩვენი ძმაო“.
სახანოში დაუბარა: „ძეცათ მაჰამაო,
დამაცალე ცოტა ხანსა, მურთაზს მოგიკლაო,
ერთი ფეხი ხო მოესტეხე, ერთით კიდევ დაო (დადისო)“.

ამ პერიოდში მთის რეგიონებში ნაკლებმოსავლიანი წლები იდგა. ისედაც ნაკლებმოსავლიან, მცირე მამულებს ვერ შეეძლო ოჯახების გამოკვება. განსაკუთრებით უჭირდათ თერგის სათავე-

ებში მცხოვრებ მოხვევებს. ისინი მოსაზღვრე კუთხეებში, უფრო კი ხევსურეთში, დადიოდნენ და ნებისმიერ სამუშაოს ასრულებდნენ მარცვლეულისა და პირუტყვის საფასურად. მათ განსაკუთრებით ეხერხებოდათ ქვის მშრალი კედლების მშენებლობა, წისქვილების გამართვა და ა. შ. შატილის თემის სოფლებში მათ ზაფხულის თვეებში იმუშავეს და ათეულობით პირუტყვი მოაგროვეს, ყველაზე სასურველ მასპინძლად მათ ნიათ ლეკო მიაჩნდათ და მათი უმრავლესობა ამ ოჯახში ათენებდა ღამეს.

ერთ დილით მოხვევ სტუმრების ერთი ჯგუფი 15 სული ცხვრითა და ვაც-ვერძებით ლეკომ სახლიდან გაისტუმრა.

იმავე დღეს უკან მობრუნებულებმა ისევ ლეკოს მიაკითხეს. შრომის საზღაურად ნაშოვნი საკუთარი წვრილფეხი შატილისავე საზღვარზე ტუჩათ ნიკოს იარაღის ძალით წაერთვა მოხვევებისათვის.

ლეკომ დააწყნარა ნაცნობი მოხვევები, ფარეხში შეუშვა და დაარიგა: იმავე რაოდენობით უკეთესზე უკეთესები აერჩიათ და წაეყვანათ სახლში. ჩემ მოცემულებს ხელს ვერავინ ახლებსო.

ნიკოს მტრობა უბარა თავისი სტუმრების დაძარცვისათვის.

მესამე დღეს ნიკოს დედამ, ბარისაჭოელ უჭკუათ ქალმა ნათიამ, იმავე რაოდენობის ნარჩევი წვრილფეხი მოლალა და არაყიანი ქინთი (ტიკი) მოაყოლა. ნიკო იბოდიშებოდა არასწორი მოქმედებისათვის.

ლეკო და ნიკო შერიგდნენ. ნიკომ სამუდამოდ დაანება თავი ძარცვას. თვითონ ნიკო იხსენებდა შემდეგ თურმე, ლეკომ პირველივე შეხვედრაზე მითხრაო: „ძალიან კა ვაშკაც ხარო, ნიკოო, ცოტაადავ წვრილმალ საქმეებ გამცრევებსავ, დაანებევ თავივ შენდ არასაკადრის საქმიანობასავ“.

შერიგებიდან მოკლე ხანში ლეკო მეუღლესთან, მექიასთან ერთად გიორნმიდაზე ავლით, მოსაკითხით, არხოტში მიდიოდა ქვისლებთან, ბენინათ თორელთან და ჯღუნათ მიხიელთან. ნიკო ტბათანას დახვდა ლეკოს არაყითა და ტაბლით. ქეიფი ისე გაუ-

გრძელდათ, რომ გვიან ღამეს ძლივს ჩავიდა ლეკო არხოტში, სოფ. ამლაში.

ჩემ ძმას ალექსის კარგად ახსოვს ნიკოსა და მისი ბიძაშვილის – აპარეკათ ხთისოს ქეიფი ჩვენს ოჯახში, შატილში.

ეს აპარეკათ ხეთისო ობოლი დარჩა, ქისტებმა რომ მისი მამ-ბიძები ციხეში დააპატიმრებინეს. მათივე ნეს-ჩვეულებით პატარა ხთისო ქისტებმა (მტრებმა) წაიყვანეს და გაზარდეს. ჩვენს ოჯახში ქეიფის ჩვენი აღწერის დროს ხეთისო გროზნოდან იყო ამოსული, უკვე სამხედრო კაპიტანი. ამბობენ, რომ მეორე მსოფლიო ომში მან გენერლობამდე მიაღწია და შემდეგ დაიკარგა. ხმები დადიოდა, თითქოს მერე ამერიკაში მოღვაწეობდა.

ტუჩათ ნიკო ლალი, თამამი პიროვნება იყო. იმ ზემოაღწერილ ქეიფში ნიკო საცეკვაოდ გადმოსულა, ცეკვა არ სცოდნია, სიმღერით კარგად მღეროდა. მაშინ ასეთი ლექსი უთქვამს:

„დაგძინებიყვა, მოყმეო,
ვერხოვან გრილსა ქვაზედა,
ყელს გველი გადმოგხვევიყვა,
თავი დაედვა თავზედა.
იქავ კი გეშველებოდი,
თუ მოვსულიყავ ხანზედა!“

თან რევოლვერი აღმართა ჭერში სასროლად. ბიძაშვილი ხეთისო ელვის სისწრაფით ეცა ხელში, არ ასროლინა. გვერდით სახლში უხუცეს თიყაყათ თოთიას სძინავს და გაეღვიძებაო. უფროსებისადმი კრძალვა ქისტებს უფრო გაეძლიერებინათ ხეთისოსთვის.

„ოო, თოთიასად ძილის გამთხოვა ჩემი უკაცობოობით აღარ მამგონებო“, – თქვა ნიკომ და თავის ადგილზე დაჯდა.

ნიკო არხოტიონ ქალზე დაქორწინდა, იქ, ზამთარში, მისი სიმამრი გარდაიცვალა. მის დასატირებლად წასული ნიკო და მისი მეუღლე ზვავმა დაიტანა. ბუნების სტიქიამ დაჩაგრა ამაყი გიორნმიდელი.

შატილივები არა მარტო ჩრდილოეთიდან მოსული თავდა-მსხმელებისგან იცავდნენ საქართველოს, სამშობლოს სხვა კუ-

თხეებიდან წამოყვანილ თანამოძმეებსაც არ ატანდნენ მტრებს. ეს ნათლად ჩანს ზეპირსიტყვიერებაში, განსაკუთრებით კი ხევსურულ პოეზიაში:

„ბარაქალ, ჭირჩლაის ქალო! ღმერთმა გიცოცხლოს ძმანო!
თავზე დაადეგ ქალებსა: „ჩქარა გავიხვნეთ გზანიო!
გაიგებს შატილივნები, სისხლის გაივლის წყალიო“.

ხალხ. პოეზია, I, ხევსურული, გვ. 14

ეს ქალი ხევსურეთში განთქმული იმ ჭირჩლა ბაბურაულის ქალიშვილია, რომელიც მითხომი ლაშქრობისას ქისტმა სუიკამ მოკლა თოფით. ჭირჩლა ხმალში მთელ ხევსურეთში უძლიერესი იყო. „ხმალდახმალ წინწინ ვინ ჩაუა, ჩააცვეთს ბაბურაული“, – ასე ახასიათებს ერთი მელექსე მას. ლაშქრობის დროსაც ხმალდახმალ მისვლა გაბედა სუიკასთან ჭირჩლამ. სუიკას გაუფრთხილებია: „არ მოხვიდე, მოგკლავო“, მაგრამ ჭირჩლა უკან როგორ დადგებოდა?! სუიკა იძულებული იყო, არ მიეშვა ახლოს სახელგანთქმული ხევსური და თოფით მოკლა. სიკვდილის შემდეგაც ჭირჩლა ლომს არის შედარებული:

მოკლულ „ჭირჩლას არწივებ ეთელებოდა,
წერსა უშინჯვენ, ულვაშსა,
ლომისას ეფერებოდა“.

ამ ცნობილი ვაჟკაცის ქალიშვილმა იცის, რომ შატილივნები პირაქეთი ხევსურეთიდან წამოყვანილ ტყვეებს (ქალებს) უსიკვდილოდ არ გაატანდნენ ურჯულოებს, „მართ ცეცხლად მოედებიან“. არც მტერს გაახარებენ და თავადაც შეეხოცებიან, „სისხლის გაივლის წყალია“, თუ შატილის ტერიტორია სწრაფად არ დატოვებს. ამისი მაგალითები ყოფილა სხვა დროს, თორემ მელექსე ჭირჩლაის ქალს ამას ასე ყასითად არ ათქმევინებდა.

ლექსის ვარიანტების გარჩევისას მითითებულია, რომ ზემოაღნიშნული ტყვე ქალები თავიანთებმა მალე გამოიხსნეს.

ჭირჩლას საკარგყმოს ხევსურები გუდანის ჯვარში გვიანობამდე დგამდნენ.

შატილივნები მუდამ მზად იყვნენ თავისიანის დასაცავად. მნიშვნელობა არ ჰქონდა, ის უახლოესი თანასოფლელი იქნებო-

და თუ „კახ-ბარისა“. ყველა ქრისტიანი ქართველი მათ მოძმედ მიაჩნდათ.

„მაგნატრით, შატილივნებო, მზიდავნო სახელისაო,
ურჯულოს გრანიცაზედა მტეხნო მალ-მალე წმისაო,
ტყვიაში გამაცხოზილნო, რა გესწავლებათ ცდისაო“.

შატილიონთ მენაპირედ ყოფნა და „სახელის ქნა“ ტრადიციულად მოსდგამდათ და აგრძელებდნენ საუკუნეების მანძილზე.

„თქვენ არ დაჰყარგეთ ჯილაგი წინიდგეს მამ-პაპისაო,
კაი ყმა, მგელი, არწივი თავისას არ იშლისაო,
ციხე-სიმაგრევე შატილო, აკვანო გმირებისაო,
მთიელთა რკინის კარი ხარ, თავზარისმცემი მტრისაო!“

ივანე ნიკლაური გულწრფელად სთხოვს ლექსის მსმენელს და მელექსეს, რომ შატილი და შატილივნები, მათი ნამოქმედარი არ დაივინყონ და გადასცენ მომავლებსაც.

„შატილ სმა იყვას ლუდისა, სტუმრისა მასპინძლისაო,
ამაშინ მაიგონნიდით დამცველნი საზღვრებისაო,
მიუტანიდით პატივი, თას გაუუსიდიოთ ხისაო.

დრო მოვა, სხვა დრო ქვე წავა, წყალიც ბევრ ჩაივლისაო,
თქვენ ნაქნარ მათგონდება თქვენს შვილსა, შვილიშვილსაო!“

ამასვე ვთხოვ და ვნატრობ მეც. ამ სურვილით და მიზნით შეიქმნა ეს პატარა წიგნი. და თუ იგი მკითხველს მოეწონება, ჩემი სანუკვარი ოცნება შესრულებულად ჩაითვლება.

ჯერ კიდევ 1964 წელს თბილისში, ეკონომიკის ინსტიტუტში მუშაობისას, მენატრებოდა ჩემი შატილი და მივუძღვენი ერთი პოემასავით გრძელი ლექსი, სადაც მეტ-ნაკლებად ავსახე შატილში, და არა მარტო შატილში, ბავშობაში მომხდარი და განცდილი ამბები, ქრონიკები. ეს ლექსი მოსწონთ შატილივნებს და ამ წიგნის დაწერის ერთგვარი სტიმულიც გახლდათ, ამიტომ ვაქციე წიგნის ნაწილად.

ოწერო ნუთისოფელო, რა მწარეს მასმევ შხამსაო,
თვალით სანახევად მანატრებ მამ-პაპის ნააკვნარსაო.
შენავ რაადამ მგონდები დარდიანობის ჟამსაო,
შენ გეხვენები, შატილო, შამაგაბარებ თავსაო;
ცოცხალი ვერ დაგიცილებ, ნუ დამიცილებ მკედარსაო,
გაგნირე უნადინოდა, მალე მივლბარდი ბარსაო,
გულს ანაბრ იმით შატკიებ, ანაბრი იყრი ჟაერსაო.
დავლნატრი ნისლის კოტრებსა, მანდისკე მამავალსაო,
მთვარესა ხუთმეტისასა ანატორ ამამჟდარსაო.
ურემოდ ღნახვენ ტივლები შატილ ქავ-ქავის კარსაო,
წვიმებით დაიტირებენ ჩემს დარდის ნაგუბარსაო.
ფეხონში გაიგონებენ მამ-პაპათ ნაუბარსაო,
ჩაქცეულს ღნახვენ ფეხონსა, გოგოთურათა ქავსაო,
ამამბებულებს ჳოლებსა ფეხვნისძირს, კალოსკარსაო.
ქავ-ციხენ მოუხვდებიან აქით ჩემს დანაბარსაო,
ვერ ვხედავ ჳმაურიანსა შატილ ჟვარ-ჟვარის კარსაო.
ვერც ბენიკიათ ბესოსა, – გორგალათ საყურასაო,
გიგიათ ხთისოს მაგიერ ვინალ დაუკრავს ზარსაო.
მზის პირით ვერ გავიგონებ ბებრების ნამღერალსაო:
„ტერელოს ჳალას ყვარანო, უღრანს რას ავლებ თვალსაო,
სამზირს სხენ შატილივნები, მასდევენ თავის ვალსაო“.
კოტორთან რა ამბავია, ცეცხლი რად იქნევს აღსაო,
ყმანვილებ, ახალუხლები რაად შახედვენ გზასაო;
გუროთა, გიორნმიდითა ვინ ელოდება ზალსაო,
ლამით ცეცხლიანს ტყვიასა ვინ ღნახავს თხორუს თავსაო,
წინწინ ვინ გაეგებება შორით მასულსა მგზავრსაო,
ამბავ-მშვიდობას ვინ ჳკითხავს ფეხვნის გვერდ შამამჟდარსაო,
გულფიცებს ახალუხლებსა ვინალ ასნავლებს ჳკვასაო,
მტრისკე სისხლადულებულთა ვინალ რა ურჩევს კასაო.
ვინ გადაივლის ფეწითა დათვისჯვარს, ნუბროვანსაო,
ვინალ გახენებს იქითა მაღალს ბატეხის თავსაო.
ვინ დაესწრობა აცეხა მადლიანს თიბა-შკასაო,
გარუგას ვინალ შააჟდენს თოფ-საბელ ორხალათაო,
ზულაით ვინალ იყურებს შურთხების ნაკენესარსაო,
ჳომათეს ვინ გაიგონებს ჳარათით თოფის ჳმასაო,

ვინ შასომს ვეშანყაროსა სიმღერით მიმდინარსაო,
 ვინ ავლებს სანადიროთა წყნარად დურბინის თვალსაო,
 დეკიან-შალშავიანსა მითხულ ვინ შაჰფენს ცხვარსაო,
 ჭაუხა, შატილის-ჭევა ვინ უდგა ჯარავანსაო,
 ნაბაკურაჩი ვინ ღლესავს ფოლადის ცელის ფხასაო,
 სახვევთას გადავლაჩია ვინ ხატავს საზმანათაო,
 შაშხანის პატრონაითა კლდეებს ვინ აწერს გვარსაო.
 რად სწირვენ დაიაურნი ჩაღხიას ნახანჯრალსაო.
 ცოდო სძეს ეკალდამათა, მაღალ ჭიდს, ნაშულლარსაო.
 ბევრს დაუმწუხა თვალეზი სწორების მჯობსა ყმასაო;
 ერთურთს რად ჯოცდით, გმირებო, რად არ ეცადეთ ზავსაო,
 დალაღებულებს ქისტებსა ვინალ შაუქცევს ძალსაო,
 ჯარეგას აღარ ელიან ბათაკის ბათაკასაო,
 ალაქოს თავის სოფლელთას ვინალრა იცნობს ჯარსაო,
 „სევეტე“ რად ემტერება იმედათ უშიშასაო,
 რაზე ჰკვლენ მაჭევეები ლიქოკელ გიგისაო,
 ბებრიშვილს ვინ ეშუშპრება გუროელთ ერთკიმჯარსაო,
 რაზე ჰკლავს გაჭეითია ძმაი საკუთარ ძმასაო,
 ფეჟს ვინ იკურნავს დუჟეთა ქისტების ნატყვიარსაო,
 ცხვარს ვინ მალლალავს მიზუთა ქისტების წანაყვანსაო,
 ქვისჯორჯით წამოყვანილსა ტყვეს ვინ ჩააცვამს ჯღანსაო,
 ლეკო რად მალნატრებია ლადოსა ნათოფარსაო.
 თვალცრემლიანი ვინ ღნახავს ცოდვიანს კელისწყალსაო,
 ხახონას ჯელეზდაჭრილსა, ჩუაის ნაფრენალსაო,
 ბაჭყიას ბრძოლით მაგლილსა ვინალ მაიძვეს კვალსაო.
 გასაოჯრებსა სიკვდილსა ბევრსაც ვერა ვსდებ ბრალსაო,
 ნიაღე არ დაინდობდა ჯელი-ჯელ მამბრძოლარსაო,
 ჩუმად, უსიტყვოდ მავალი ღგავის ლემადის ქარსაო,
 მთაზეით ჩამამდინარსა მუდმივად მაქროლარსაო,
 კარგებს რომ არჩევს, ვემდური სიკვდილის სამართალსაო.
 სისუსტით ნუ დამინუნებ, მსმენელო, ნალექსარსაო,
 ორ-სამ წელს დასვენებულსა ფანდურს ძლივ ვუბამ ლარსაო,
 უთქმელად ველარ ვიტევდი ცხრა-ათ წელს ნაფიქრალსაო...
 ყველას ერთფერად მივლნატრი – თავისასა და სხვასო,
 მტერსთანა, მაკეთესთანა ვინაც არ იყვა ყამსაო.
 მივსტირი ქავ-ციხეებსა უდროოდ ნაოწარსაო,
 ამით ვიქარვებ ტკივილსა, დარდებსა საკუთარსაო...

სანამდე ჳევსურობა გნამთ, სანამდიაც სხამთ ჯარსაო:

ნუ დაიცილებთ სწორების მჯობნების ატეხასაო,

წინაპრებს სასახელოთა ხატივით სალოცავთაო.

სიგირგლის ჩამამავალი სალექსოდ არ გთხოვსთ ქრთამსაო,

ერთ არაყიან ეყოფა ფხიზელსა, გადამთერალსაო,

აიმით მამიგონებდეთ ცოცხალსა, გადამზრჩვალსაო!..

დღევანდელი შატილი წარსულის აჩრდილია. ტრადიციულ სიმაგრეში გავიზარდეთ მე, ჩემი ძმა ალექსი და ისინი, ვისაც ვიხსენიებ წინამდებარე წიგნის შესავალში და ვუძღვნი ჩემს ნაშრომს. ახალგაზრდობა უმეტესად ბარში გაიზარდა. მოიშალა ტრადიციული ყოფა, ადათები, მეურნეობა. თითქმის აღარ არიან ზეპირსიტყვიერების მცოდნენი. შატილის ძლიერი და წმიდანანმიდა სალოცავი ხუცესის გარეშე დარჩა. ეს ყველაფერი მძიმე ტკივილად აწევს ჩვენს ყოფას, მაგრამ იმედია, რომ მომავალი თაობები გულისყურით მოეკიდებიან საშვილიშვილო საქმეს, კარგად შეისწავლიან შატილის ისტორიას, ხევსურთა ზნე-ჩვეულებებს და ცხოვრებაში გამოიყენებენ გონივრულად, როგორც ჩვენს სახელოვან წინაპრებს სურდათ. ეს წიგნიც ხომ ძირითადად ახალგაზრდობისთვის დაინერა.

შატილში ამჟამად თხუთმეტიოდე ოჯახი ცხოვრობს. სოფელში არის საჯარო სკოლა, რომელშიც მხოლოდ შვიდი ბავშვი სწავლობს. მუშაობს ამბულატორია, მას სათავეში უდგას გამოცდილი ექიმი მიხეილ ჭინჭარაული (მეტსახელად „დოხტური“). იგი შთამომავლობით მკურნალია; მისი მამა-პაპანი ცნობილი დასტაქრები იყვნენ პირიქით ხევსურეთში. ფუნქციონირებს ისტორიულ-ეთნოგრაფიული მუზეუმი. თვითონ შატილი, თავის კოშკებიან-ჯვარ-ხატებიანად, მუზეუმ-ნაკრძალად არის გამოცხადებული.

ანატორში გახსნილია სასაზღვრო პუნქტი.

შატილი ელოდება ნამდვილ გულშემატკივრებს და მზესავით სასურველ სტუმრებს.

სიტყვა-თქმათა განმარტება

ამამჟღადარი - ამოსული (მთვარე)

ამანათი - სხვა თემიდან მოსული უცხო, თემს შეეკედლებული

ანაბრი(ვ) - ალბათ, ამიტომაც

ანდაქი - სოფელი პირიქით ხევსურეთში, მილმახევში

ანატორი - ხევსურეთში ორი ანატორია: ერთი ანატორის ლელე არაგვის სათავეში, ს. ხადუდან ს. გუროში გადასასვლელია. მეორე - შატილის ახლოს, რჯულიან-ურჯულოთ სალოცავია, ანატორის ჯვარი.

ანდრეზი - ძველი თქმულება, ადრინდელი ნეს-ადათის გადმოცემა

ანატორლები - ანატორიდან მოსული შატილიელები

არ ვშჩქამობ, არ ვზძრახავ - არ ველაპარაკები, არ ვეპასუხები

ალაქო - სათიბ-საძოვარი ადგილი შატილსა და ჯარეგოს შორის

ანატორის კუჭი - ციხესავით კლდიანი მთა ანატორში

არიშკა - ხეობა და მთა ზემო ჩეჩნეთში

ალუდა - მოცხარის ნაირსახეობა, ნითლად მწიფდება, ტკბილი გემო აქვს.

არლუნი - მდინარე, იწყება პირიქით ხევსურეთში, მიედინება ჩეჩნეთის ტერიტორიაზე.

ატეხა - ხსენება, მოგონება

ალაროოც - ალბათ აღარ

აშამბებული - ბალახმორეული, აჭინჭრებული

ახალზალი - პატარძალი

ახალუხალი - ერთად შეყრილი ახალგაზრდობა

აწე - ადი ზევით

აწვა - თემი იყო ინგუშეთში.

აჩხატა - ადგილი შატილში

აჯლარუნებს - აქლრიალებს, ჩამოიკიდებს და აჩხრიალებს.

ბაგრატაულნი - ჭინჭარაულების მამიშვილობა შატილში, ქვეგვარი

ბადურიკანი - ჭინჭარაულების მამიშვილობა, ქვეგვარი შატილში

ბაჩაყაურნი - გოგოჭურების მამიშვილობა გუროში, ქვეგვარი

ბატეხი – ადგილია შატილში

ბედისკვერა – იფელის ფქელისგან გამომცხვარი ერბოიანი ხმიადი

ბოსოხი – სოფელი ჩერნეთში

ბულოურნი – ჭინჭარაულების მამიშვილობა შატილში, ქვეგვარი

ბუსურბანი – მუსლიმანი, მაჰმადიანი

ბოჯირი – ჯებირი

ბაკანი – ჯამისებური ხის ან სპილენძის დიდი ჭურჭელი, ტაშტი

გადიზინკლე – გადაჰყრინდი, გაიქეცი ხტომა-ხტომით

გადალაქვა – 1. გადავლა, დაძლევა. 2. გაგიჟება

გადაღრივნა – ესროლა

გადმაწე – გადმოდი

გავიხვნეთ – გავიაროთ, გავიტანოთ გზანი (ფშაურია)

გაიკრიფნან – დატოვონ, დაცალონ აქაურობა

გამოუხვენებოდნენ – გამოჰრიდებოდნენ, გამოასწრებდნენ

გამოვსტყებ – გამოვსერი, გამოვლესავ

გამცვრევენ – გამცირებს, გაჩაღავენ

გაგნირე – დაგტოვე

გარუგა – სახნავ-სათიბი ადგილი შატილის მთაში

გასაოწრები – ოხრად დასარჩენი, გასატიალელები (წყევლა)

გასჯა – გარჯა

გელარძი – დახვეული რკინა

გილაკაურნი – შატილელ ჭინჭარაულთა ერთი განშტოება, განაყოფი

გონთ – გონზე, ჭკვიანად

გუდანი – სოფელი, ჯვარი, ძველი ცენტრი ხევსურეთისა

გუდელა – ბარისახოს ძველი სახელია

გულდაღრიანი გიორგი – ფშაელების სალოცავის, ჯვარის ეპითეტია

გურო – სოფელი პირიქით ხევსურეთში

დადალცუნ შეედილ! – ტიალო შატილო! აფერუმ შატილო!

(ქისტურია)

დათვის-ჯვარი – გადასასვლელი პირაქეთიდან პირიქით ხევსურეთში

დავაოროლენ – გადაბმული თივები ორ-ორად დავყავი

დაითრების – დაეხეტება, აქეთ-იქით დაეთრევა

დამკლევება – დათრგუნვა, დაჩაგვრა, ხეიბრად გახდომა

დაელნატრი – მივნატრი

დალივნეს – ამონყვიტეს, გაათავეს

დანიუხე – სასაფლაოა არდოტში.

დარალია – თავშიშველი თმისანი ქალი; ეშმაკი

დარანა - ძვირფასეულობის, იარაღის შესანახი სარდაფი შატილში
 დარეჯანიანი - დიდი დათვის თანავარსკვლავედი ხევსურულად
 დარუყებული - დაჩაგრული, დაძლეული, შერცხვენილი
 დასატიებლად - დასატიეებლად, შესატიეად
 დასტურ-წელოსნები - მსახური სალოცაეებში
 დაღგლიჯნა - მოაგლიჯა (ბევრი)
 დაუმნუხა - დაუხუჭა
 დედუა - ბებია პირაქეთულ ხევსურულად
 დეკა - ალბური მარადმწვანე, მომცრო ბუჩქმცენარე (*Rhododendron caucasicum*)
 დენგნი - ბაზალტის ამოღრმავებული ქვასანაყი შატილის საფეხვნოში, თოფის წამლის სანაყად იყენებდნენ.
 დიაცო! - ქალო! ხევსურული მიმართვა
 დუნია - ქვეყანა
 დურბინი - ჭოგრიტი
 დლეობა - დლესასნული, ძირითადად ჯვარში „დლეობენ“.
 ეფერებოდა - ჰგავდა, ემსგავსებოდა
 ვაკის გორი - სასაფლაოა შატილში.
 ველკეთილი - ადგილის სახელია პირაქეთში.
 ვეშაგნი - გუშაგნი
 ვიმქავრი - ვიქარვი
 ვილაწები - ვსულელდები, ვგიჟდები
 ვუქთ - ვუზამთ
 ზულაე - სახნავ-სათიბი ადგილი (ფერდი) შატილის მთაში
 თავში გათვლა - სისხლის აღებად ჩათვლა
 თერეთეგო - სოფელი მითხოს ხეობაში
 თიყანა - ჭინჭარაულთა მამიშვილობა, ქვეგვარი შატილში
 თულუხი - სპილენძის წყლის ჭურჭელი, 10-15 ლიტრიანი
 თუნგი - სპილენძის წყლის ჭურჭელი, 2-3 ლიტრიანი
 თხორუ - ადგილია შატილთან
 ინგური - შატილის შუაზე ჩამავალი ქუჩა, პირუტყვის სავალი, სანიაღვრე შარა
 იძებნა - სისხლი აიღო, შური იძია.
 იჯისკარი - ნასოფლარია კისტანთან.
 კალოთანა - სოფელი იყო არხოტში.
 კალოსკარი - პატარა მოედანი, შატილში ერთ-ერთი შესასვლელი
 კაპარი - გაზიანი სასმელი, ალაოთი დაყენებული, ბურახს ჰგავს.

კანარი - ფრჩხილები, ბრჭყალი
 კელისწყალი - ადგილი (ნასოფლარი) შატილთან
 კიბირჭიანი - კლდიანი ბილიკი
 კიდობანი - დასაფქავ-დასათესი ხორბლეულის (პურეულის) შესანახი
 კინჭლე - ორძირა ხის საწყლე ჭურჭელი; პატარა კასრი
 კიაპი - მარცვლის პატარა ნამონაზარდი, იგივე ლივი
 კისტანი - სოფელი პირიქით ხევსურეთში
 კოკონი - ჭინჭარაულთა მამიშვილობა, ქვეგვარი შატილში
 კოტორი - ნაგლეჯი, ნანილი (ნისლის, პურის)
 კოტორნი - ადგილი შატილში
 ლაწოჩა - ცაცია (მარცხენა ხელს ვინც ხმარობს) სახელად იქცა.
 ლებაისკარი - სოფელი იყო პირიქით ხევსურეთში.
 ლემადე - მთის ნისლის ქარი, ნიავე
 ლუჭყი-კენტაობა - ლუნის თუ კენტის გამოცნობა მუჭში ნაჭერი თხილ-
 კაკლისა
 მაგდის - გესმის
 მაგლამსო - მოგელისო
 მანგიანი - ჭინჭარაულთა მამიშვილობა შატილში, ქვეგვარი
 მაკეთე - მოყვარე, ნათესავი
 მაიძევს - მოძებნის
 მაისტი - მთიან-კლდიანი ხეობა ჩერნეთში
 მამანივნისავე - დამატოვებინესო
 მაგნადდებ - მოგესურვება, მოგინდება
 მამისაურნი - მამიშვილობა კისტანში
 მამიშვილობა - ერთი გვარიდან განშტოებული ახლობლობა, ქვეგვარი
 მარჯე - 1. ძნელი; 2. ჩხუბის მოყვარული
 მარჯია შედილხუა! - ყოჩაღ, აფერუმ შატილივნებო! (ქისტურია)
 მაქაცი - მაგარი ბუჩქოვანი მცენარეა, გრაკლი
 მენაკუდე - მამიშვილობაში, ოჯახში ბოლო ნევრი, ნაბოლარა
 მზისპირი - ჯვართა ადგილია შატილში
 მზორებ - მძორები, გვამები
 მეწელე - ვისი ჯელითაც ვინმე მოკვდება, მკვლელი
 მეჩქროებავე - თითქოს რაღაცა მესმის
 მიგისხამ - მიგინყოზ
 მივლბარდი - მივებარე, ჩავედი
 მიზუ - სოფელია მითხოს ხეობაში.
 მითხო - „მელხი“ ქისტურად, ქისტეთის ერთი დიდი ხეობა

მითხოს ჩდილი - დიდი ტყიანი ფერდი მითხოში

მითხული - სასაძოვრე ხეობა, იალალი შატილში

მინინო - მიმინო

მირგვალთ - ირგვლივ

მოკვეთა - პიროვნების ან ოჯახის თემიდან, სოფლიდან გაძევება,

განკვეთა, უარყოფა. ყველაზე მძიმე სასჯელი ხევსურეთში

მყოლნი - მაყარი

მყეფარი - საჩუქრების გამომცხადებელი ფშაურ ქორნილში

ნაბაკურა - სათიბია შატილის მალლა, თხორუს მთაში.

ნაგუბარი - ზეავისგან დაგუბებული მდინარე, როცა ზეავს გახეთქავს, კალაპოტს გალენვით გაივლის.

ნაიბი - შამილის საიმამოში ადმინისტრაციულ-ტერიტორიული მმართველი, ზოგჯერ ჯარის სარდალიც

ნათოსი - ნამსხვრევი, ნაფლეთი

ნამხველი - ძროხა, რომელმაც მოიგო

ნაოჯარი - ნანგრევი, გაოხრებული

ნაშულლარი - გუროელ-შატილიონთა შეტაკების (შულლის) ადგილი

ნიადე - ნიადაგ, რალა თქმა უნდა

ნინიაშვილისეული - ნინიაშვილის მოძღვნილი, მისეული ფანდური

ნეფიონთ ტაბლა - ქორნილში უპირველესი სუფრა ნეფისტვის, ახალგაზრდობისთვის მონყობილი

ნუ დაიცილებთ - ნუ დაივინყებთ

ობოლაურნი - მამიშვილობა კისტანში

ორყუნა - ხურტკმელი, ორი ყუნნი აქვს (Кружовник)

პატივი - პატივსაცემი, საპატიო, პატივისცემის ნიშნად მისართმევი რამ

პოხილიანი - პირუტყვის ხორციტ დამზადებული ცხიმიანი კერძი

პროზელიტი - სხვა სარწმუნოებაახლადმიღებული ადამიანი

რაადამ - რატომღაც

რას სჩა - რას შერები, რას სჩადიხარ?

რაქე - როგორ

რაქლადამ - როგორღაც

როტო - ნოტო

საბელ-ორხალა - ძნა-თივის შესაკრავი საშუალება (თოკ-ფიჩხები)

საზმანა - მისაზომები სიმალლეში

სათაგვე - მკლავის შუა კუნთი, ბიცეფსი

სალუქის ქავი - ადგილი შატილისა და ჯარეგოს საზღვართან

სამზირი - დასამალი ადგილი, მოსაფარი, სამზერი
 სამკლავე - მკლავის დამცავი ჯავშანი, ლარისებრი ფოლადის ფირფიტა
 სანანყევროდ - დანყევად, აკრძალულად
 სანთები - კვარი, ძირითადად გამხმარი ფიჭვისგან მზადდება.
 საქონი - საქონელი, პირუტყვი, ძირითადად მსხვილფეხი
 სახანო - ნასოფლარია მითხოში.
 სახვევი - ბილიკი კლდეებზე შატილიდან აცეხამდე
 სახნა - სეხნია
 საუკლოოდ - საუბედუროდ
 „სევეტე“ - თერთმეტსასროლიანი რუსული შაშხანა - ავტომატი
 საყური - სანგალი, მოსაფარებელი ადგილი
 სერი - შეხედულება, გარეგნობა, პაბიტუსი
 სერნანი - გარეგნული შეხედულება, იგივე სერი
 სვე - სვია, ლუდისთვის სიმაგრისა და გემოს მიმცემი მცენარეული
 მასალა, ლუდის მასალასთან ერთად იხარშება.
 სიმური - ნყალი, მდინარე (ჯვართ ენაზე)
 სიპი - ფიქალი, ბრტყელი ქვა
 სულ მამიქცივ - სული დამიამა, გამირთო
 სულნუხად - სულსნრაფად, ფიცხად, ხშირ-ხშირად
 სძეს - ადევს
 სჭირს - მოხვდა, მოხვედრილია
 სნირვენ - სტოვებენ
 ტალავარი - ტანსაცმელი
 ტერელო - ადგილია ჩეჩნეთში
 უბავ - მობმული აქვს
 უგონთ გასული - გონებანართმეული, მთვრალი
 უთურგაულნი - ჭინჭარაულთა მეორე განაყარი შტო შატილში
 უკაცური - არაკაცური, დამჩაგრავი
 უსაკადრეოდ - არასაკადრისად, ცუდად
 ურც (ურსა) - ცალპირი დიდი დანა (ქისტური)
 უნადინოდ - მოუნადინებლად, ნაძალადეუად
 ფერაულნი - მამიშვილობა ხახმატში
 ფეხვნის ძირი - საფეხვნოს მიმდებარე, ქვედა ტერიტორია
 ფიჭვნი - საზამთრო სოფელია შატილთან.
 ფრანგული - ერთგვარი ხმალია, ალბათ, საფრანგეთიდან (ევროპიდან)
 შემოპქონდათ

ფორი - ალაო

ქავი - გამაგრებული, ძნელად მისასვლელი ადგილი, ციტადელი

ქაჩუ - ნასოფლარი, შათილივნების ძველი სოფელი

ქვე - კი, დიახ, მტკიცებითი ნაწილაკი

ქინთი - ტიკი

ქვისჯორჯი - ასე ეძახდნენ შათილივნები ქეიმეხკის ხეობას.

ქორიალამო - ქისტურად „ქირიალამა“. გადასასვლელი მითხოვან ლილ-

ლოს

ქუდსაქდელა - ქუდის მოსახდელი, ადგილი, საიდანაც პირველად გა-
მოჩნდება შათილი ქისტეთის მხრიდან.

ქუში - ქუჩი

ლაჯია - ცერზე წამოსაცმელი საჩხუბარი იარაღი

ლივი - მარცვლის მცირე წამონაზარდი გაღვივებისას

ლირთნავს - მორიდებით, ხმადაბლა ამბობს.

ლილლო - ზემო ინგუშეთის მიდამო

ყამს - შიშს, რიდს

ყარნიკა - ჩერნური შინაქსოვი შალის გარემოსასხამი

შააქდენს - აიტანს, მოიტანს ქვევიდან ზევით

შაგარჩინათ - შეგარჩეთ

შავით გასავალი - სასიკვდილე, წყევლაა

შაიხვალისეთ - შეინახეთ, დაზოგეთ

შამამჯდარი - ამოსული ქვევიდან ზევით

შალშავი - მოცვი

შინში - ბიძაშვილი ან დეიდაშვილი

ჩამააქდინ - ჩამოიყვანე ზევიდან ქვევით

ჩარდახი - ციხე-ქვითკირებზე მიშენებული საბრძოლო ნაგებობა, გარე-
დან დაფარული, შიგნიდან ღია

ჩერანი - ნეივი

ჩოჩხავს - ჩურჩავს, არჩევს

წამამლალ - გამომავზავნა

წინგარდა - წინა მხარეს გასასვლელი ბანიანი აივანი

წინწინ - წინდანი, პირველად

წონკილდა - აწონილი კლდე შათილთან

წუბროვანი - დათვის ჯვრის პირიქითა ფერდი

წულიანი - ძეობიანი, ეაჟიანი

ჭანთეთი - ადგილი ჩერნეთში

ჭაუხი - მწვერვალები ხევსურეთში

ჭინიჭალა – ადგილი გიორგინმინდასთან
 ჭკვანია – მჭახე მტვრევის ხმა
 ჭეჭყეთი – სოფელი იყო კისტანთან.
 ხამხი – ადგილია ზემო ინგუშეთში.
 ხახმატი (წაწმატი) – სოფლის სახელია პირაქეთში.
 ხიდოტანი – ლამაზი ქედია არდოტთან.
 ხონე – ქისტების სოფელი იყო მილმახევში.
 ხიტალე – სოფელი იყო პირაქეთში.
 ხოხის ქვა – რიყის მაგარი, ბასრი ქვა
 ხოყანა – ქვეყანა
 წარავანი – ხარების ჯოგი
 წარათე – დიდი სახნავ-სათიბი ფერდი შატილთან
 წეტალი – ფერდი, გორი შატილთან
 წომათე – მთა შატილის პირდაპირ (სათიბი)
 წმის გატეხა – ხმის გავარდნა, გახმაურება
 წოლი – ჩაქცეული სახლი
 ჯალაბაურნი – ჭინჭარაულთა ქვეგვარი, მამიშვილობა
 ჯარა – ძაფის საგრეხი დაზგა
 ჯღერანია – მტვრევის ხმას რომ გამოსცემს
 ჯღნები – ტყავის ფეხსაცმელი, ბანდულები
 ჯღაბარდელაობა – კინკლაობა, უსახური ჩხუბი

საკიეპელი

ა

ათენგენობა 117
ალაო 114, 125
ალაქოს ხევი 67, 150
ალერდა 45
ალექსანდრე ბატონიშვილი 38, 39, 40
ალუდა 63, 64
ალცბეჟი 93, 94, 95, 98
ამლა 85
ანაბრი 52, 56
ანატორი 23, 29, 30, 144
ანატორელნი 41, 42, 47, 92, 118, 142
ანატორელთ კარი 34, 92, 95
ანატორის ჯვარი 29, 130
ანდაქი 16, 17, 19, 20, 105
ანდრეზი 53, 88, 95
არდამ ერისთავი 27
არდოტი 16, 136, 139
არმაზი 27
არიშკა 54
არლუნი 15, 26, 27, 28, 29, 85, 86, 89, 95, 98, 108, 140
არხოტი 15, 84, 85, 137, 145, 146
არხოტიონი 12
აჩხატის გორი 28
აცეხი 48, 113, 116, 139, 140
ახალზალი 133, 139, 141
ახალუხალი 134

ახალხევი 16

ახვერდი მაჰმადი 83, 85, 86, 89, 90, 91, 92, 93, 94, 96, 97, 98, 99

ახიელი 85

ახმეტა 16

ახულგო 85

ბ

ბაბკიაურები 108

ბაგრატაულნი 41, 65

ბადურიკანი 41, 57, 71

ბანდულეები 34, 57, 74

ბარისახო 25

ბატეხი 26, 149

ბედისკვერა 114

ბენინათ თორელი 145

ბოსოხი 52, 53

ბულოურნი 41, 65

ბუსურბანი 63

ბუჩასეული 97

გ

გაბრიელ ჯაბუშანური 24

გამცხადება 120

გარა თურმანაული 34

გარუგა 149

გასაგალი 139

გეგეო 144

გილაკაურები 40, 41, 56, 118

გიორნშიდა 21, 42, 43, 44, 45, 129,
137, 143

გოგოთურანი 41

გომბორი 23

გროზნო 15

გუდანი 26

გუდელა 16

გუდელასძირი 65

გურო 42, 44, 45, 129, 142, 144

გურჯიელი 69, 70

დ

დათვია ლიქოკელი 77, 78

დათვისჯვარი 26, 149

დათუნას ეკლესია 31

დანიუხე 52

დარანი 33

დარეჯანიანნი 116

დარუბანდი 27

დასტურ-ხელოსნები 37, 116

დენგნი 86

დიდუბე 19

დოხანი 134

ე

ერეკლე II 38

ერწო-თიანეთი 23

ვ

ვაკისგორი 47, 68

ველკეთილი 26

ვერხოვანი 146

ვეშაგნი 118

ვეშანყარო 150

ზ

ზედაშე 118

ზეზე იჯე 108

ზეთასთვალე 51, 86, 92

ზელიმხანი 110

ზულაე 57, 58, 149

თ

თათები 80

თერგი 110, 144

თერეთეგო 74, 75, 79, 80, 81

თვალედატყვეცილი 50

თიანეთი 85

თიყანი 41, 54, 56, 59, 71, 76,
108

თიყათ კარი 34, 49, 56, 61, 92,
111, 112

თულუხი 37

თხოზაერდი 31

თხოზრუ 129, 149

ი

იბი ალხასტოვი 17, 18, 19, 21

იოთნჯალე 16

ინგური 34

ისანქაე 73

ისპა 78

იფელი 28, 29, 50, 115

იჯისკარი 65, 108

კ

კალდიმები 39

კალოთანა 12, 85

კალტ-ერბო 67

კაპარი 114

კეზი 41

კელისწყალი 19, 20, 21

კვირინშინდა 85

კვიშტანი 18

კიაპი 126

კინჭლე 35

კისტნის ჭალა 26
კოკონი 41, 56, 57, 65
კოტორი 23, 129
კოში 103, 129, 141
კუმეტი 120

ლ

ლაშარის ჯვარი 106, 107
ლებაისკარი 26
ლეკო 145
ლეკოთ ნიქა 17
ლეონტი მროველი 27

მ

მალაიქი 77
მამითადი 77, 78
მანგანი 41, 65, 71
მაქაცი 106
მალალხიდი 44, 150
მენაკუდე 56
მეწელე 63, 66
მერჯულეები 43, 51, 132
მესახელე 52
მზირი 65, 73
მთავარანგელოზი 29
მთიბლური 59
მიზუ 74, 150
მითხო 72, 74, 75, 78, 85, 93, 130, 143
მილახვრიანთკარი 29
მიურიდები 83
მიხეილ ვორონცოვი 99
მოზდოკი 85
მოსაკითხი 60
მუსა ხუნარიკოვი 19, 20
მუცოსჭალა 48, 49, 113
მქისე 57

მეფეფარი 137, 138
მყოლთუფროსი 130
მყოლ-მარჯუეალი 128
მცხეთა 27

ნ

ნაბაკურა 12
ნაიბი 85, 86, 91, 94, 96, 97, 99
ნამაზი 73
ნამზველი 52
ნამულლარი 44, 46, 60, 150
ნიჭი 119

ო

ომათ ხთისო 144
ორყუნწა 63, 64
ორწყალი 25
ორჯონიკიძე 15

პ

პოხილიანი 49
პურ-სატანი 48

ჟ

ჟოლო 63, 64

რ

რაფიელ ერისთავი 25
რეზო ინანიშვილი 76
რტიშჩევი 38
რუსთავი 23

ს

საგინა გიორნშიდელი 102, 103, 104
საველო 57
სათავნო 138
საკიდელი 131

სალუქის ქავი 86
სამანი 121
სამან-სამძღვარი 121
სამგორი 23
სამზირი 149
სამეკელეო 119
სამიღმავეო 17
სანანყევრო 121
სასანთებე 131
საფეხენო 34, 58, 79, 80, 86, 120,
121, 136, 149

სალამოები 125
სალმერთო 61
საყუჩი 17, 53, 73
საძელე 144
სანდე 118, 141
სახანო 143, 144
სახნა 62
სვე 37
სევეტე 150
სერგო ხორგვანი 17, 18, 20
სერნანრი 64
სიგირგალი 19, 45, 151
სიმონოვიჩი 38
სიმური 102
სისწვენი 126
სტალი 38
სულხანაური 62, 63, 65, 66

ტ

ტალაფარი 63
ტბათანა 143
ტერელო 149
ტერლა 84

უ

უთურგაულები 40, 41, 118

უკანა შუადლე 120

ფ

ფარაგი 100
ფერაულები 108
ფერხისა 86
ფიჭენი 48, 68, 113
ფლას-ფარდაგები 125
ფორი 37

ქ

ქავი 32, 90, 122
ქაზდარი 119
ქათიბი 115
ქაქუცა ჩოლოყაშვილი 77
ქაჩუ 30, 31, 32, 105
ქვე-ქვე იჯე 108
ქეიმეხკი 71, 72, 74, 79, 80
ქერი 28
ქინთი 145
ქორილამო 73, 74
ქოქლუა 115
ქუდსაჭდელა 81, 87

ღ

ღაჯია 43, 132
ღივი 125, 126
ღილლო 15
ღუბისთავი 58

ყ

ყაზახეთი 23
ყანკია 86
ყარიმანი 16, 18
ყარნიკები 90
ყანილი 75, 76, 82
ყვერფ-კერა 131

შ

შაბურანი 41
 შამილი 14, 39, 85, 83, 56, 100
 შინში 49, 92, 106, 138
 შურთხი 74, 75
 შუშპარი 53

ჩ

ჩერანი 122
 ჩია 92
 ჩუმელაურნი 108

ც

ცაბაურთა 105
 ცერცვი 134
 ციცინაოვი 38
 ციხეთგორი 29

ნ

ნითელწყარო 23
 ნილობა 120, 121
 ნინა შუადლე 120
 ნინანაქარი 131
 ნონკილდის წვერი 97
 ნუბროვანი 149

ჭ

ჭანთეთი 54, 98
 ჭარი 117
 ჭეჭყეთი 108
 ჭვავი 28
 ჭიმლა 85
 ჭინიჭალა 58

ხ

ხავინი 48
 ხამხა 15, 16
 ხარჯი 50
 ხახმატი 26
 ხიდოტანი 105
 ხიტალე 144
 ხმიადი 115
 ხოხის ქვა 78
 ხოშაქის ტურა 105
 ხურტკმელი 63

ჯ

ჯარავანი 81, 150
 ჯარათე 149
 ჯეტალ ქვიშანი 140, 141
 ჯირჩლა ბაბურაული 147
 ჯომათე 149
 ჯონის ორწყალი 106
 ჯორუ 137
 ჯულჩები 74, 81

ჟ

ჯალაბაურნი 41, 56, 101
 ჯარეგო 16, 31, 47, 67, 69, 72, 74,
 81, 86, 87, 94, 144, 150
 ჯარიახი 31
 ჯიგიტები 90, 110, 111
 ჯილდა 121
 ჯიშმადგმულობიანი 52
 ჯლანი 17, 57, 74, 80
 ჯლუნათ მიხიელი 145

კ

კამაიკა 108
 კანწეთი 93, 94, 98

გამოყენებული ლიტერატურა

1. არაბული ავთანდილ, არაბული კობა, მყივანა წისქვილები, თბ., 1984.
2. ბალიაური ნათელა, სწორფრობა ხევსურეთში, თბ., 1991.
3. ბალიაური ნათელა, ხევსურული ქრონიკები, თბ., 1995.
4. გამზათოვი რასულ, ჩემი დაღესტანი, თბ., 1982.
5. თედორაძე გიორგი, ხუთი წელი ფშავ-ხევსურეთში, I გამოც., ტფ., 1930; II გამოც., თბ., 1939.
6. მაკალათია სერგი, ხევსურეთი, თბ., 1935.
7. ორბელიანი გრიგოლ, წერილები, ტ. I, თბ., 1936, ტ. II, თბ., 1937.
8. ოჩიაური ალექსი, სტუმარ-მასპინძლობა ხევსურეთში, თბ., 1980.
9. ოჩიაური ალექსი, ქართული ხალხური დღეობების კალენდარი, თბ., 1988.
10. ოჩიაური ალექსი, ფშავ-ხევსურული პოეზია, თბ., 1970.
11. რუსთაველი შოთა, ვეფხისტყაოსანი, თბ., 1986.
12. ქართული დიალექტოლოგია, I თბ., 1961.
13. შანიძე აკაკი, ქართული ხალხური პოეზია, I, ხევსურული, ტფ., 1931.
14. ცოცხანიძე გიორგი, თუშური ქრონიკები, თბ., 2004.
15. ძიძიგური შოთა, ქართული დიალექტების ქრესტომათია ლექსიკონითურთ, თბ., 1956.
16. ჭინჭარაული ალექსი, მთას ვიყავ, თბ., 1980.
17. ჭინჭარაული ალექსი, ხევსურულის თავისებურებანი, თბ., 1960.
18. ჭინჭარაული ალექსი, ხევსურული ლექსიკონი, თბ., 2005.
19. Гурко-Кряжин В. А., Хевсурь, М., 1928.
20. Зиссерман А. Л., Поездка в Шатиль, «Кавказ», 1847, № 18.
21. Зиссерман А. Л., Очерки Хевсурии, «Кавказ», 1851, № 22.
22. Зиссерман А. Л., Двадцать пять лет на Кавказе (1842-1867), ч. I, СПб., 1879; ч. II (1851-1856), СПб., 1879.

MIKHIA TCHINTCHARAULI

SHATILI

ARTANUJI Publishers

Tbilisi 2008

საგამომცემლო ჯგუფი

ეთერ ბაიდუშვილი

თამარ გეგია

ვიოლა ტულუში

მართა წიკლაური

ალექსანდრე ჯიჟურიძე

ილია ხელაია

ფოტო: პაატა ვარდანაშვილი, მისა ჭინჭარაული

გამომცემლობა არტანუჯი

თბილისი, ილია ჭავჭავაძის გამზ. 17ბ.

25-05-22, 91-22-83, 8(93) 25-05-22.

www.artanuji.ge artanuji@artanuji.ge